



3. 22

Et DOCTRINÆ *Lithis*

D. THOMÆ

P. P. SECUNDI *partie*

PRINCIPII

Collegij SECUNDA PARS. *Romani*

Auctore R. P. ANTONINO REGINALDO
Ord. Prædicatorum in Academia Tolosa-
na olim Professore, ac Doctore,

in



Montrealis.

TOLOSÆ,


Apud RAYMVNDVM BOSC,

Typographum Regium.

M. DC. LXX.

Errata in Tertio Principio.

| Pagina. | Linca. | Erratum. | Corrige. |
|---------|--------|-------------------|-------------------------------|
| 480. | 10. | pare- | patet |
| 517. | 26. | delectabile | delectabili |
| 522. | 134 | sine | five |
| 524. | 18. | aiquo | aliquo |
| 527. | 17. | illa | <i>dele</i> |
| 533. | 26. | inferri | infern |
| 568. | 29 | Quando | Quando |
| 569. | 29. | constant | constans |
| 600. | 24 | ordinem | ordine |
| 619. | 13. | in delem | infidelem |
| 622. | 22. | materiale; mea. | materiale; eg |
| | & 27. | materiali | materialis. |
| 640. | 19 | fi | fi |
| 659. | 8. | cognitio- | cognitionem |
| 675. | 3. | primò | primam |
| 676. | 29. | habeat | habebat |
| 678. | 20. | cau. | <i>dele</i> |
| 694. | 6. | ordine | ordinem |
| 724. | 4 | est | <i>dele</i> |
| 730. | 31. | assumatur ad hoc. | assumatur à Ver- bo ad hoc |
| 749. | 28. | sint | sicut |
| 783. | 1. | vnionem | vnionum |
| 787. | 1. | id | est id |
| 833. | 31. | intrinsecam | extrinsecam |
| 850. | 2. | fit | fit |
| 899. | vlt. | quir | quia |
| 903. | 16. | Dei, dictis | Dei, ex dictis |
| 953. | 6. | concilia | conciliandam |
| 954. | 18. | minus | minimus. |



SECUNDA PARS

SECUNDI

PRINCIPII.

Deus est actus purus.

DIXIMVS supra ex eo, quòd Deus sit actus purus, sequi, eum esse infinitum & omnipotentem, atque adeo posse omnia facere, quæ non implicant. Vnde.

Sequitur 802. Deum posse plura facere, & in Deo plura siue maiora esse, quàm intellectus vllus creatus vel creabilis possit comprehendere. 1. *Contrā*
Gent. c. 35
& 5.

Probatur sequela: Infinitus & infinitè potens plura continet & facere potest, quàm quilibet intellectus finitus possit comprehendere: Sed Deus est infinitus & infinitè potens; quilibet autem intellectus creatus vel creabilis est finitus: Ergo Deus plura potest conti-

478 *Secundum Doctrinā*

nere & facere, quā quilibet intellectus creatus vel creabilis possit capere.

Ibid. ca. 6.
7.8.

Sequitur 803. Omnem intellectum creatum teneri ad subiiciendum se Deo, ut primæ veritati.

Probatur sequela : Omnis intellectus sciens & cognoscens, quod Deus plura contineat & possit, quā ipse valeat capere, tenetur se subiicere Deo; cum aliunde sciat, ipsum utpote primam veritatem non posse falli, vel fallere : Atqui omnis intellectus creatus hoc ipso, quod se agnoscit finitum, & Deum infinitum, scit, aut saltem scire tenetur, quod Deus plura contineat & possit, quā ipse possit capere : Ergo tenetur se subiicere Deo, ut primæ veritati.

Ibidem.

Sequitur 804. Omnem intellectum creatum teneri ad credendum Deo reuelanti obscure.

Probatur sequela : Intellectum subiicere se Deo ut primæ veritati, est credere, quamuis non capiat : Sed intellectus omnis tenetur se subiicere Deo ut primæ veritati : Ergo tenetur illi credere, quamuis non capiat, supposito quod Deus ipsi reuelet aliquid.

22. q. 2.
ar. 3.

Sequitur 805. Fidem esse necessariam creaturæ intellectuali, supposito quod Deus reuelet illi aliquid etiam

obscurè , quod naturaliter non potest capere.

Probatur sequela : Credere Deo ut primæ veritati obscurè reuelanti , est fides ; nihil enim aliud intelligitur nomine fidei, iuxta illud , fides est credere, quod non vides : Sed omnis intellectus creatus tenetur necessariò credere Deo ut primæ veritati etiam obscurè reuelanti , ex dictis : Ergo omnis intellectus creatus necessariò tenetur habere fidem de reuelatis obscurè.

Sequitur 806. Fidem necessariam esse cuilibet creaturæ intellectuali , ut perueniat ad finem supernaturalem , ad quem à Deo ordinata est. *Ibidem.*

Probatur sequela : Finis supernaturalis non potest viribus naturæ cognosci à creatura intellectuali , sed ad hoc necessarium est, ut credat Diuinæ reuelationi, ut constat ex dictis : Sed quælibet creatura intellectualis tenetur appetere , atque adeo cognoscere finem supernaturalem : Ergo quælibet creatura intellectualis tenetur credere Diuinæ reuelationi. Minor est evidens ex dictis : quia creatura intellectualis tenetur tendere in finem sibi à Deo præstitum ; non potest autem tendere nisi appetendo & volendo , nec potest velle nisi cognoscat, nec cognoscere, nisi credat Diuinæ reuelationi, & hoc credere

480 *Secundum Doctrinā*

est fides : Ergo tenetur credere, &c.

2.2.9.17.
p.1.6.2. Sequitur 807. Necessariam etiam esse
spem in creatura intellectuali.

Probaturs sequela : Quando necessarium est appetendo tendere in bonum arduum, necessaria est spes : Sed cuilibet creaturæ intellectuali necessarium est appetendo tendere in bonum arduum : Ergo cuilibet creaturæ intellectuali necessaria est spes. Maior patet ex dictis in primo principio : quia omnis appetitus boni ardui est spes. Minor etiam est evidens : quia finis supernaturalis est bonum arduum ; cum superet vires naturales, & à solo Deo haberi possit : Sed necessarium est cuilibet creaturæ intellectuali tendere in bonum arduum, illud appetendo : Ergo, &c.

1.2.9.62.
p.1. Sequitur 808. Quatuor ista, videlicet gratiam, fidem, spem, charitatem, necessaria esse cuilibet creaturæ intellectuali, ut connaturaliter tendat in suum finem.

Probaturs sequela : Quia iam ostensum est, necessariam esse gratiam ; quæ secum trahit charitatem ; ostensum est etiam necessariam esse fidem & spem : Ergo, &c.

Ibid. ar.3. Sequitur 809. Hæc quatuor esse qualitates omnino supernaturales.

Probaturs sequela : Et quidem de gratia & charitate iam probatum est. De

D. Thomæ Principium. 481

fide & spe est etiam evidens, & sic ostenditur: Omnis cognitio & volitio obiecti supernaturalis & sub ratione formali supernaturali, est supernaturalis, ut ostendemus in tertio principio: Atqui cognitio fidei, & volitio spei est de obiecto supernaturali, & sub ratione supernaturali: Ergo cognitio fidei & volitio spei sunt supernaturales. Minor de cognitione fidei patet ex dictis: quia per fidem cognoscitur Deus ut auctor & finis supernaturalis, & sub ratione supernaturali, nimirum sub Diuina reuelatione, quæ sine dubio supernaturalis est. De volitione, quæ habetur per spem patet, quia per illam appetitur Deus ut finis supernaturalis sub Deo ipso supernaturaliter auxiliante, ut infra etiam ostendemus: Ergo, &c.

Sequitur 810. Has quatuor qualitates haberi non posse nisi à Deo infundantur. 1.2.9.63.
ar.3.

Probatur sequela: Qualitates omnino supernaturales haberi non possunt virtute cuiuscumque creaturæ, ut patet ex dictis: Sed hæ quatuor qualitates sunt omnino supernaturales: Ergo haberi non possunt virtute cuiuscumque creaturæ, sed solius Dei: atque adeo haberi non possunt, nisi à Deo infundantur. 1. p. qm. 62.
a. 2. 2. 2. q.
5 ar. 1.

Sequitur 811. Supposito, quòd Deus

482 *Secundum Doctrinam*

vellet Angelum & hominem creare, vt tendentes in finem supernaturalem, debuissent illis infundere gratiam, fidem, Spem & charitatem.

Probatur sequela: Supposito quòd quis velit aliquid, debet dare, quæ ab ipso solo pendent necessaria ad illud, si aliunde nihil obstat; qui enim vult finem, debet velle media necessaria ad finem, maximè quæ ab illo pendent: Sed gratia, fides, spes, charitas sunt necessariae vt Angelus & homo tendant in finem supernaturalem, ex dictis: Ergo supposito quòd Deus velit creare Angelum & hominem, vt tendentes in finem, debuit illis infundere gratiam, fidem, spem, charitatem.

1. p. 94 82.
a. 1. & 97.
95 a. 1.

Sequitur 812. Deum de facto non creasse Angelum & hominem beatos beatitudine perfecta & supernaturali.

Probatur sequela: Quod quis debet assequi per meritum tamquam præmium, non potest haberi in ipsa creatione: Sed Angelus & homo debuerunt habere beatitudinem tamquam præmium, atque adeo per meritum: Ergo non debuerunt illam habere in ipsa creatione. Maior patet ex dictis supra; quia inter meritum & præmium debet esse prioritas durationis. Minor etiam iam probata est.

Ibidem.

Sequitur 813. Deum de facto creasse

Angelum & hominem ut tendentes in finem supernaturalem.

Probatur sequela : Qui producit effectum perfectum ordinando illum in finem , ad quem liberè tendat , producit illum ut tendentem in eum finem ; aliàs enim non esset perfectus in ordine ad illum finem : Sed Deus creavit Angelum & hominem perfectos , ordinando illos in finem supernaturalem , ad quem liberè tenderent , etiam in illo ipso instanti creationis : Ergo creavit eos ut tendentes in finem supernaturalem. Minor probatur : tum quia Dei perfecta sunt opera : tum quia illa ordinatio Angeli & hominis in finem supernaturalem fuit etiam in instanti creationis , eò vel maximè quòd cum intellectio & volitio Angelica , imò & humana , sint actiones instantaneæ , simul potuerunt esse cum ipsa creatione ; unde oportuit eos in illo eodem instanti incipere viam & tendentiam in finem illum sibi præstitutum.

Sequitur 814. Angelum & hominem fuisse creatos in gratia.

1. p. q. 62.

4. 3. q. 9.

85. a. 1.

Probatur sequela : Supposito quòd Angelus & homo sint creati ut tendentes in gloriam , debuerunt creati in gratia , ex dictis : Sed fuerunt creati ut tendentes in gloriam , ut ostensum est. Ergo fuerunt creati in gratia.

I. p. q. 62.
44 & q.
95 a. 1. &
4

Sequitur 815. Angelum & hominem in primo instanti creationis meruisse gloriam.

Probatur sequela: Quia habuerunt omnia requisita ad meritum. Adde quòd gratia sanctificans, ut est in infundi, habet rationem auxiliij mouentis ad actus, ut aliàs ostendemus. Denique perfectius est habere gratiam ex propria dispositione & cum consensu, quàm sine dispositione propria & sine consensu: illa autem dispositio, licet non esset meritoria gratiæ, quæ est principium meriti; potest, imo de facto est meritoria gloriæ.

I. p. q. 62.
o. 5.

Sequitur 816. Angelum post vnum actum meriti beatitudinem consecutum esse.

Probatur sequela: Gratia perficit naturam secundum modum naturæ: Sed modus naturæ Angelicæ est, ut non per discursum assequatur propriam perfectionem, sed per vnum actum illam habeat: Ergo congruum est, ut gratia ita perfecit naturam, ut non per plures actus veluti discurrendo, sed per vnicum Angelus adeptus sit gloriam.

I. p. q. 62.
a. 3.

Sequitur 817. Supposito quòd Deus Angelum & hominem nolisset ordinare ad finem supernaturalem, debuisset tamen illos creare saltem in statu perfecto, & conuersos ad finem vltimum naturæ.

turalem, siue ordinis naturalis.

Probatur sequela ex eadem ratione: Quia in huiusmodi casu debuisset illos creare vel vt habentes beatitudinem, vel vt tendentes in ipsam: Atqui non possent esse tendentes sine conuersione: Ergo, &c. Ratio autem horum omnium est, quia Deus quamuis absolutè non teneatur facere aliquid ad extra; nihilominus supposito, quòd velit producere aliquid ad extra, debet illud velle ordinatum, v.g. debet velle partes in ordine ad totum, & accidentia in ordine ad subiectum, & quamlibet rem in ordine ad suum finem; hæc autem tertia ordinatio non potest esse in creatura intellectuali nisi sit conuersa ad suum finem.

Sequitur 818. Angelum & homines esse peccabiles. 1. p. 9. 63.
ar. 1.

Probatur sequela: Sola voluntas, quæ vel est suus finis, vel semper actu coniuncta cum suo fine, est impeccabilis: Atqui sola voluntas Diuina est suus finis; & nulla voluntas creata est infallibiliter coniuncta cum suo fine, vt patet ex dictis: Ergo sola voluntas Diuina, non autem vlla voluntas creata est impeccabilis. Maior est euident: quia peccare est aliquo modo deficere à fine, agendo vel contra vel præter ordinem ad finem: Atqui sola voluntas quæ vel est suus finis, vel est semper actu coniuncta cum

fine, hoc habet, quòd numquam possit agere vel contra vel præter finem : Ergo sola illa voluntas non potest peccare. Minor constat : quia intellectus , ad quem consequitur voluntas , quæ est suus finis, vel quæ est semper coniuncta cum suo fine , non potest dictare voluntati, quod agat contra vel præter finem; aliàs dictaret illi, ut ageret, & non ageret circa suum obiectum, quod est finis.

Explicatur. Peccatum potest contingere dupliciter , videlicet vel ex eo quòd accipitur ut finis , quod non est finis ; vel ex eo quòd aliquid eligitur, præter ordinem ad finem , id est, non ordinabile vel non ordinatum in finem verum. Quando autem voluntas est suus finis vel est semper coniuncta cum illo , fieri non potest, ut intellectus dicat voluntati , quòd feratur in aliquid contra seipsam , quia non potest illi dictare nisi ut feratur in bonum , hoc est conueniens ; quod autem est contra ipsam , non est ipsi conueniens. Ex hoc ergo capite non potest peccare : Voluntas verò quæ non est semper actu coniuncta cum suo fine, non habet hunc obicem, ne peccet : Similiter si voluntas sit actu semper coniuncta cum suo fine, semper actu conuersa in suum finem, non potest intellectus illi dictare , ut agat contra illum ; quia cum finis sit

obiectum adæquatum voluntatis hoc sensu , quòd quicquid vult , vel est finis vel propter finem , si intellectus dictaret voluntati , quòd ageret contra finem , etiam dictaret quòd ageret ultra & contra suum obiectum adæquatum , quod implicat; vnde etiam constat, quòd voluntas actu intendens finem non potest eligere media nisi in ordine ad illum. Voluntas verò quæ non est semper coniuncta cum suo fine , potest vel ex inconsideratione , vel ex errore intellectus deficere ab ipso ordine ad finem , vel eligere media non in ordine ad finem , & sic peccare.

Sequitur 819. Angelum & hominem non potuisse peccare in instanti suæ creationis. 1. p. 9. 62.
ar. 5.

Probatur sequela: Primò quia cum peccatum sit semper cum auersione aliqua à fine , si Angelus & homo debuerunt creari cum ordine & conuersione ad finem , non potuerunt auerti vllomodo à fine vnde sic arguitur: Qui est actu conuersus in finem pro illo instanti , quo est conuersus , non potest esse auersus: Sed Angelus & homo debuerunt in instanti creationis esse actu conuersi in suum finem: Ergo Angelus & homo in instanti creationis non potuerunt esse auersi à suo fine: Secundò quia motus , qui incipit cum esse rei ,

est ab agente, quod det esse tamquam à causa illius motus, eo quòd consequitur ipsam formam: Sed peccatum non potest esse à Deo tamquam à causa: Ergo peccatum non potuit incipere cum esse ipsius Angeli vel hominis per creationem dato. Tertiò probatur & explicatur vtraque prior ratio: Primus actus voluntatis non potest esse nisi circa finem; quia voluntas non potest velle media nisi propter finem, nec potest habere actum neutrum, qui neque sit circa finem, neque circa media, ut ostendimus in primo principio: Atqui primus actus voluntatis circa finem non est liber quoad specificationem, ut etiam ibidem probauimus: Ergo fieri non potest, quod ille actus sit malus; ut enim esset peccaminosus, cum certum sit potuisse etiam esse bonum, iam esset liber quoad specificationem. Adde quod cum voluntas seipsam non moueat ad finem ex præcedenti aliqua deliberatione, ut probatum est in primo principio, oportet quòd ad finem moueatur ab aliquo agente extrinseco: Atqui in primo instanti creationis non mouetur nisi ab ipso Deo creante: Ergo necessarium est, ut in prima volitione finis moueatur à Deo, & consequenter prima illa volitio finis non potest esse peccaminosa.

Sequitur 820. Deum potuisse creare

D. Thoma Principium. 489

Angelum & hominem sine gratia.

1.2 q. 111

Probatur sequela : Gratia non est debita Angelo vel homini , aliàs non esset gratia, vt patet ex dictis : Sed Deus potuit creare Angelum & hominem sine eo, quod non est eis debitum : Ergo Deus potuit creare hominem & Angelum sine gratia. Minor est etiam certa.

a 1. & 4.

& q. 112.

a 1. & q. 113.

114. ar 2.

& 5.

3. p. q. 113.

ar. 12.

Aduerte autem quòd ea , quæ dicuntur debita creaturæ secundum ordinem sapientiæ & voluntatis Diuinæ , non sunt ita debita , vt nequeat Deus oppositum facere ; quia si oppositum faceret, etiam tunc ageret secundum ordinem sapientiæ & voluntatis suæ ; eo quòd ipse est sibi regula , & quod ipse vult, semper est iuxta ordinem sapientiæ ipsius : vnde si voluisset Angelum & hominem non ordinare in finem supernaturalem , hoc etiam fuisset conforme sapientiæ illius ; quia voluntas Diuina est altissima causa & prima , ex cuius nutu pendet omnis regula sapientiæ respectu rerum creaturarum. Vnde colliges allucinatam esse recentiore[m] quemdam , quando dixit , non potuisse Deum creare hominem sine gratia iuxta regulas sapientiæ suæ.

Sequitur 821. Deum potuisse creare Angelum in puris naturalibus.

Loci 113
114.

Prob. sequela : Creare sine gratia & sine peccato , est creare in puris natura-

libus: Sed Deus potuit creare Angelum sine gratia, ex dictis, & non potuit creare cum peccato, ut etiam ostendimus: Ergo potuit Deus creare Angelum in puris naturalibus, non ordinando ipsum ad finem supernaturalem.

*7.2.4.109
ar.3.*

Sequitur 822. Potuisse Deum creare etiam hominem in natura pura, hoc est sine gratia & peccato.

Pater sequela: Quia eadem est ratio quoad hoc de homine ac de Angelo, ut constat: Atqui potuit Angelum creare sine gratia, & sine peccato: Ergo & hominem.

*1.2.9.94.
ar.1.*

Sequitur 823. In eo casu, quo Deus creasset Angelum & hominem in natura pura, non propterea creaturum eos, nisi conuersos ad suum vltimum finem naturalem etiam moraliter.

Probat sequela: In eo casu Deus creasset hominem & Angelum, ut agentia moralia suo modo in eo genere perfecta: & hæc est ratio, quare debuit creare hominem in ætate virili, ut esset agens perfectum, tum quoad corpus, ut posset alios homines generare, quorum caput & principium constitutus erat; tum quoad animam; unde debuit habere scientiam omnium conuenientium illi statui, ut posset alios instruere: Ergo etiam debuit creari homo per-

D. Thomæ Principium. 491

fectus, in ratione agentis moralis : At-
qui non fuisset perfectus , vt agens
morale , nisi habuisset conuersionem ad
suum vltimum finem etiam moraliter :
Ergo debuit Deus illum creare sic con-
uersum. Subsumptum patet : quia tota
moralitas incipit ab ipsa intentione fi-
nis.

Sequitur 824. Debuisset Deum, con-
gruo modo ad suam prouidentiam ope-
rando , creare hominem in statu naturæ
integræ , hoc est in statu , in quo anima
perfectè dominaretur corpori , & ratio
appetitui.

4 contra
Gent. cap.
52.

Probatur sequela : Deus vniens per-
fectiū perfectibili , debet congruo
modo ad suam prouidentiam operando,
efficere, ne perfectibile impediatur suū
perfectiū, quin ipsi communicet suam
perfectionem : Atqui Deus creando ho-
minem vniebat animam corpori tam-
quam perfectiū perfectibili : Ergo
debuit efficere ne corpus impediret,
quin anima suam ipsi cōmunicaret per-
fectionem ; impedisset autem , nisi ani-
ma perfectè dominata fuisset corpori , &
ratio appetitui : Ergo debuit Deus id
efficere. Maior patet ex dictis : quia
Deus debuit creare hominem suo mo-
do perfectum.

Sequitur 825. Deum debuisset creare
hominem in statu iustitiæ originalis ,

1. p. qu. 5.
ar. 1.

supposito quòd illum ordinasset ad finem supernaturalem.

Probatur sequela: Status iustitiæ originalis nihil aliud est, quàm status, in quo anima perfectè subiecta Deo ut finì supernaturali, etiam perfectè dominatur corpori, & ratio appetitui: Atqui supposito quòd Deus ordinasset hominem in finem supernaturalem, congruum omnino erat, ut Deus efficeret, quòd ex dono gratiæ & charitatis, quā perfectè subdebatur anima Deo ut finì supernaturali, oriretur dominium animæ supra corpus, & rationis supra appetitum; hoc enim exigebat ratio subordinationis: Ergo supposito quòd Deus ordinasset hominem in finem supernaturalem, congruum erat, quòd eum crearet in statu iustitiæ originalis. Minor patet ex dictis: sicut enim congruum erat, quòd Deus crearet hominem in statu naturæ integræ supposito quòd illum non ordinasset in finem supernaturalem, ut diximus; ita supposito quòd illum ordinasset in eum finem, omnino congruum erat, & aliquo modo necessarium, huiusmodi ordinationem ita esse perfectam, ut ex vi subiectionis perfectæ, quam homo haberet ad Deum ut finem ultimum, oriretur etiam perfectum dominium animæ in corpus, & rationis in appetitum.

D. Thomæ Principium. 493

Sequitur 826. Donum istud iustitię 1. p. 9100
4. 1.
originalis fuisse datum primo homini,
non quatenus fuit singularis quædam
persona; sed quatenus fuit primus ho-
mo, & veluti principium naturæ hu-
manæ, siue fuisse donum toti naturæ
collatum in persona primi hominis.

Probatur sequela: Donum collatum
homini ad congruam unionem animæ
cum corpore, est donum collatum non
personæ, sed naturæ: Atqui hoc donum
iustitiæ originalis fuit collatum homi-
ni ad congruam unionem animæ cum
corpore, ex dictis: Ergo donum istud
fuit donum collatum naturæ non per-
sonæ. Maior patet: quia sicut unio ani-
mæ cum corpore quodammodo antece-
dit subsistentiam, quæ constituit perso-
nam, ut infra dicturi sumus, ita quæ
requiruntur ad congruam unionem ani-
mæ cum corpore aliquatenus conci-
piuntur antecedere personam, & con-
sequenter intelliguntur esse donata po-
tius naturæ, quam personæ.

Sequitur 827. Donum istud iustitiæ Ibid. ad 1.
originalis fuisse aliquid supernaturale.

Probatur sequela: Id quod oritur
ex ordine ad Deum ut finem superna-
turalem est supernaturale, ut est eui-
dens: Sed donum iustitiæ originalis
oriebatur ex ordine siue subiectione
hominis ad Deum ut finem supernatu-

ralem, ex dictis: Ergo donum istud fuit supernaturale.

Ibidem.

Sequitur 828. Donum istud iustitiæ originalis prout de facto fuit in primo homine inclusisse donum integritatis naturæ formaliter eminenter, & aliquid amplius superadidisse.

Probatur sequela: Quod facit perfectam subiectionem partis inferioris ad superiorem, & superioris ad Deum ut finem tum naturalem, tum supernaturalem, addit aliquid supra illud, quod facit eandem subiectionem ad Deum ut finem dumtaxat naturalem; ut est evidens: Atqui donum iustitiæ originalis faciebat perfectam subiectionem partis inferioris ad superiorem, & superioris ad Deum ut finem tum naturalem, tum supernaturalem; donum autem integritatis naturæ fecisset dumtaxat hanc subiectionem in ordine ad Deum ut finem naturalem: Ergo donum iustitiæ originalis addidit aliquid supra donum integritatis naturæ. Minor est evidens ex dictis, præsertim si addideris, quòd sicut gratia non destruit sed supponit & perficit naturam iuxta modum naturæ, ita ordo ad Deum ut finem supernaturalem, qui fit per gratiam, non destruit, sed supponit & perficit ordinem ipsius naturæ ad Deum ut finem naturalem, hoc sensu, quòd Deus

eleuando hominem ad finem supernaturalem, efficit ut inclinatio ipsius ad Deum ut finem naturalem sit perfecte satiata, & præterea sit eleuata ad aliquid, quod eminenter formaliter continet rationem finis naturalis, quod tamen sit supernaturale.

Sequitur 829. Perfectam illam subiectionem tam partis inferioris ad superiorem, quàm superioris ad Deum ut finem supernaturalem, quam tribuebat iustitia originalis, non fuisse, nec dici perfectam vel totalem, sicut est perfecta & totalis illa, quam habet homo, dum possidet Deum ut finem vltimum supernaturalem.

*1. p. q. 97.
a. 2.*

Probatur sequela: Perfectio viæ & meriti non potest esse æqualis perfectioni, quæ est in patria, & quæ est præmium; hæc enim est vltima perfectio, illa verò non vltima: Atqui perfecta subiectio, quam præstabat iustitia originalis, erat perfectio viæ & meriti; perfecta verò subiectio patriæ, quæ est præmium, est perfectio vltima: Ergo non sunt æquales perfectiones.

Sequitur 830. Differentiam, quæ est inter vtramque hanc perfectionem, debere peti ex diuersa ratione status.

bidem.

Patet sequela: quia perfectio status viæ, & perfectio status patriæ debet peti ex ipsa ratione status.

Explicatur ergo breuiter ex dictis supra vtraque hæc perfectio. Diximus in beatitudine ita satiari totum appetitum creaturæ intellectualis, vt ex vi illius visionis, quā possidet Deum, non possit vlllo modo iudicare, quòd in Deo, vel in illa possessione Dei, sit aliqua ratio mali, vel boni indifferentis; sed necessariò debeat iudicare ex euidencia ipsa obiecti, esse ibi omnimodam rationem boni, ex quo consequenter fit, vt nequeat creatura intellectualis velle cessare ab hac Dei visione & possessione, in qua suum summum bonum esse situm ipsâ experienciâ conuincitur: Et sic creatura intellectualis in beatitudine ita adhæret & subiicitur Deo clarè viso, tamquam vltimo fini, vt nullo modo possit non adhærere & non subiici illi. Quia verò in statu viæ creatura intellectualis, quantumcumque perfectam habeat Dei cognitionem, & eleuatissimam contemplationem, numquam tamen pertingit ad claram ipsius visionem, nec habet perfectissimam illam adhæSIONem & subiectionem respectu Dei tamquam finis, vt videat clarè in illo, & in cognitione atque amore ipsius esse omnimodam rationem boni, inde fit, quòd potest velle cessare ab huiusmodi cognitione & amore; atque adeo manet semper pecca-

bilis & defectibilis. Ex hac vero differentia, quoad primam illam perfectionem ac subiectionem ad Deum ut ultimum finem, inter statum viæ & patriæ, oritur alia in homine: sicut enim homo in statu viæ non perfectè omnimoda illa perfectione adhæret Deo, vel subijcitur illi ut fini ultimo; ita nec anima perfectissimè dominatur corpori aut appetitui. Ut enim supra diximus, in beatitudine anima ita dominatur corpori, ut reddat illud impassibile, subtile, agile, clarum aut luminosum: In statu autem viæ non sic, sed dominatur ei dominio tantum inferiori & minus perfectio, ut statim patebit.

Sequitur 831. Perfectam illam subiectionem animæ ad Deum ut finem ultimum in statu innocentie fuisse sitam in hoc, quod semper, quamdiu volebat, Deum ut finem ultimum contemplabatur, nec ab eius contemplatione & actuali consideratione poterat auerti, nisi volens.

Probatur sequela: Illa perfecta subiectio animæ ad Deum erat minor eâ, quæ habetur per beatitudinem, & maior illa, ad quam possit homo in statu, in quo nunc est, de via ordinaria peruenire: Atqui ad hoc necessarium est, ut non sit omnino necessaria cognitio & consideratio Dei; quia non est clara ipsius visio;

1. p. q. 100.
a. 2.

& nihilominus oportet, quòd sit cognitio aliqua, per quam fiat, ut perfectè adhæreat & subiiciatur Deo, ut patet ex dictis: Ergo oportet, quòd sit cognitio non omnino necessaria, sed libera; atque adeo oportet, ut, si nolit, non aueratur & distrahatur ab huiusmodi cognitione ultimi finis, sed ut semper, quamdiu volet, in ea persistat.

i. p. q. 6 5.
a. 1. ad 5. Sequitur 832. Illam perfectam subiectionem animæ ad Deum ut finem ultimum, quæ fuit in statu innocentia, importasse præterea actualem voluntatis tendentiam in ordine ad Deum.

Probatur sequela, ex dictis in primo principio: Voluntas eo modo fertur in bonum, quomodo ei proponitur ab intellectu: Sed in statu innocentia intellectus continuò, quamdiu vellet homo, proponebat voluntati Deum ut ultimum finem, non quidem ut clarè visum, sed ut actu consideratum: Ergo etiam voluntas continuò debebat in eum tendere, nisi ex aliquo motivo liberè vellet à consideratione, & consequenter ab illa actuali tendentia & relatione in Deum ut finem ultimum cessare.

i. p. q. 97.
a. 1. Sequitur 833. Illam perfectam subiectionem corporis ad animam in statu illo innocentia sitam fuisse in eo, quòd corpus nullis animæ functionibus repugnabat.

Probatur

D. Thomæ Principiam. 499

Probatur sequela: Quia ad statum viatoris moraliter perfectum requiritur, quod corpus non repugnet animæ, & præsertim quando status est huiusmodi, ut illi statui datum sit donum aliquod, quo fiat, ut corpus tamquam perfectibile non repugnet animæ ut perfectiuo: Atqui, ex dictis, in statu innocentiae corpus non debebat repugnare animæ ut perfectiuo ipsius: Ergo corpus nullis animæ functionibus congruentibus illi statui repugnabat, & in eo sita erat corporis ad animam subiectio.

Ibid. a. 23

Sequitur 834. Etiam appetitum inferiorē non debuisse repugnare rationi.

Probatur sequela: quia si appetitus inferior repugnasset, corpus etiam repugnasset; cum, ut diximus in primo principio, appetitus inferior sit potentia affixa organo corporeo.

Sequitur 835. Donum iustitiæ originalis includere gratiam, charitatem, spem, fidem, & ceteras omnes virtutes infusas. *1. p. q. 95. a. 2*

Probatur sequela: Perfecta subiectio animæ ad Deum, ut finem supernaturalem & partis inferioris ad superiorem, includit necessariò has omnes virtutes, ut patet ex dictis: Sed donum iustitiæ originalis illam perfectam subiectionem importabat: Ergo &c.

Tom. II.

X

Sequitur 836. Donum iustitiæ originalis includere præterea aliquid aliud.

Probatur sequela : Grátia, charitas & aliæ virtutes infusæ, vt sic præcisè & secundum suam essentiam, non præstant perfectam subiectionem animæ ad Deum, & partis inferioris ad superiorem, vt constat in homine post peccatum iustificato : Sed donum iustitiæ originalis præstabat illam vtramque perfectam subiectionem, vt ostensum est : Ergo donum iustitiæ originalis aliquid aliud includebat.

Ibidem.

Sequitur 837. Illud, quod donum iustitiæ originalis includebat, non fuisse maiorem illorum habituum intensiorem.

Probatur sequela: Habitus illi quantumcumque intensi non præstant vtrâque illam perfectam subiectionem; certum est enim aliquos sanctos habuisse habitus illos intensiores Adamo in statu innocentiae, nec tamen habuisse iustitiam originalem : Ergo donum iustitiæ originalis non importabat maiorem illam horum habituum intensiorem.

Exeodloco

Sequitur 838. Donum iustitiæ originalis importare vel habitum quemdam distinctum, vel modos quosdam in habitu gratiæ, charitatis, fidei.

Probatur sequela Quod non importat solos habitus gratiæ, charitatis, neque

que intensionem eorumdem, sed aliquid aliud, vel debet importare alium quempiam habitum, vel modos quosdam eorumdem habituum: Atqui donum innocentiae & iustitiae originalis non importabat solos habitus gratiae, charitatis &c. vel intensionem eorumdem habituum, ex dictis: Ergo debuit importare vel distinctum quemdam habitum, vel modos quosdam eorumdem habituum.

Sequitur 839. Multò probabilius *Ibidem,* esse, quòd donum iustitiae originalis importabat modos quosdam illorum habituum gratiae, charitatis, fidei &c. quàm quòd importaret distinctum habitum.

Probatur sequela: Quod intrinsecè importat plures habitus, nec potest concipi fieri per vnum solum, sed per diuersos, non quomodocumque, sed cum aliqua perfectione consideratos, non potest importare distinctum ab illis habitum, sed solùm nouum modum in quolibet habitu concurrente ad præstandum effectum, qui per illos præstat: Atqui sic est, quòd iustitia originalis intrinsecè importat plures habitus cum aliqua perfectione: Ergo iustitia originalis debet importare huiusmodi habitus cum quodam modo in quolibet. Minor probatur: Iustitia ori-

ginalis importat illam utramque perfectam subiectionem, ut diximus: Sed prima subiectio non potest præstari sine habitu gratiæ & charitatis, &c. nec secunda præstari potest sine virtutibus moralibus infusis: Ergo iustitia originalis debet importare hos habitus, non utrumque, quia, ut vidimus, hi habitus hoc non præstant utrumque: Ergo cum aliqua alia perfectione siue modo perfectionis. Minor probatur. Subiectio animæ ad Deum ut ultimum finem est prima subiectio, quam importat iustitia originalis: sed hæc haberi non potest sine habitu charitatis; impossibile siquidem est, quòd anima subiiciatur & adhæreat Deo ut fini supernaturali sine charitate, nec charitas connaturaliter esse potest sine gratia, ut aliàs ostendimus: Ergo prima illa subiectio non potuit esse sine charitate & gratia. Secunda verò subiectio est subiectio partis inferioris ad superiorem: hæc autem intelligi non potest sine virtutibus moralibus infusis: Ergo non potuit iustitia originalis præstare hanc subiectionem sine illis virtutibus. Quare vel dicendum foret iustitiam originalem fuisse unum habitum in pluribus potentijs existentem, & alios habitus charitatis & virtutum tamquam superfluos excludentem, quod dici ne-

consistit iustitia originalis : addit tamen quatenus dicitur originalis connotationem causæ, quia videlicet huiusmodi virtutes sic modificatæ debebant infundi homini statim vbi anima rationalis informabat corpus. Ex his manet explicata & probata sequela : quia non potest alio modo explicari iustitia originalis, vt patet ex dictis.

*5. p. 9. 94.
A. 3.*

Sequitur. 841. Primum hominem fuisse creatum cum scientia omnium, quæ illum scire erat necessarium vt posset alios sufficienter instruere.

Probatur sequela : Qui constituitur caput ad gubernandos & instruendos alios, debet habere scientiam omnium ad gubernationem & instructionem necessariorum, & si illam non potest habere ex se, debet illi dari huiusmodi scientia ab illo, qui eum ita constituit gubernatorem & instructorem, si eam dare possit : Atqui primus homo constitutus est à Deo in sua creatione caput humani generis ad gubernandos & instruendos alios homines ; sicut enim ipse debebat corporaliter esse pater omnium per generationem, ita debebat esse caput omnium per gubernationem & instructionem : Ergo sicut in ipso instanti creationis habuit potentiam generatiuam perfectam, vt filios procrearet ; ita debuit habere scientiam om-

nium necessariorum, ut illos & gubernaret & instrueret.

Sequitur 842. Adamum habuisse scientiam omnium, quæ virtualiter in primis principijs per se notis continentur, & quæ naturaliter homines cognoscere possunt. *Ibidem;*

Probatur sequela: Scientia omnium, quæ naturaliter sciri possunt, & quæ virtualiter in primis principijs continentur, est necessaria ad gubernationem & instructionem aliorum: Sed Adam habuit scientiam omnem necessariam ad gubernationem & instructionem: Ergo habuit scientiam omnium naturaliter scibilium & in primis principijs contentorum.

Sequitur 843. Adamum habuisse cognitionem omnium supernaturalium, quæ ad gubernationem sui & aliorum debebant necessariò sciri. *Ibidem;*

Probatur sequela: Quia habuit, ut diximus, cognitionem omnium necessariorum ad gubernationem & instructionem aliorum. Vnde per fidem cognovit mysterium Trinitatis, beatitudinem supernaturalem. &c.

Sequitur 844. Has naturales cognitiones Adamum habuisse per infusionem. *Ibid. ad 1;*

Probatur sequela: Quia non potuit alio modo habere, ut constat.

Sequitur 845. Has scientias fuisse Adamo infusas per accidens, sed per se fuisse scientias acquisibiles, & eiusdem rationis cum acquisitis.

Probatur sequela: Quia quæ sunt naturaliter acquisibilia, si dentur per infusionem, aut modo quodam extraordinario, non propterea sunt diuersæ rationis, ab ijs, quæ naturaliter habentur, ut patet in visu restituto per miraculum alicui cæco; illa siquidem potentia visiva est eiusdem rationis cum illa, quæ naturaliter habetur.

Ibidem.

Sequitur 846. Adamum non cognouisse cogitationes cordium, futura contingentia, & quædam alia similia.

Probatur sequela: tum quia hæc non sunt cognoscibilia nisi à solo Deo, ut alias ostendimus; tum quia horum cognitio non est necessaria ad gubernationem & instructionem aliorum.

I. p. 9. 94.

Sequitur 847. Hominem in statu innocentiae non potuisse decipi, iudicando tamquam verum, quod falsum erat.

Probatur sequela: Omne iudicium falsum prouenit vel ex phantasia, vel ex aliquo alio impediante iudicium verum, & faciente, ut homo non rectè iudicet discussis rationibus: Atqui nullum horum potuit esse manente statu innocentiae; quia & phantasia, & omnia alia perfectè subiecta erant rationi,

nec homo temerè iudicabat manente statu ; licet deficiente statu potuerit ex inconsideratione deficere , ut postea dicemus : Ergo &c.

Sequitur 848. Virtutes omnes , quæ ^{1. p. 9. 28.}
non important aliquam imperfectio- ^{4. 3.}
nem repugnantem statui innocentiae ,
fuisse in primo homine tam secundum
habitum , quam secundum actum ; quæ
verò repugnant illi statui fuisse in eo
tantum secundum habitum , & non se-
cundum actum.

Probat sequela : Quæ repugnant
statui , non possunt esse in illo secun-
dum actum , quamvis possint esse se-
cundum habitum , quatenus potest esse
electio actus sub conditione : nam V. G.
verecundia non potest esse in homine
studioso secundum actum ; potest tamen
esse secundum habitum , quatenus ho-
mo sic est affectus , quod si turpe aliquid
committeret , verecundaretur : Sed sta-
tui innocentiae repugnant aliquæ virtu-
tes secundum actum , puta pænitentia ;
non tamen secundum habitum ; quia
status innocentiae non potest esse cum
peccato actuali , circa quod est pæniten-
tia ; potest tamen homo innocens esse
sic affectus , quod veller pænitentiam
agere , si peccaret ; & similiter miseri-
cordia &c. Ergo &c.

Sequitur 849. Hominem in statu in- ^{1. p. 9. 28.}

X 5

^{4. 1. 2.}

nocentiæ habuisse dominium supra omnia animalia, imò & aliquo modo supra omnem creaturam, id est, supra plantas, & alia inanimata.

Probatur sequela: Animalia, plantæ, & alia inanimata sunt naturaliter subiecta homini, siue quoad imperium, quando sunt capacia; siue saltem quoad vsum; quia in rebus imperfectiora sunt propter perfecta: Sed ante peccatum homo dominebatur supra omnia naturaliter subiecta; inobedientia enim eorum subsequuta est ad inobedientiam eius erga Deum: Ergo in statu innocentie, in quo nullum erat peccatum, homo dominabatur animalibus per imperium, plantis & alijs inanimatis quoad vsum.

1. p. q. 97.
a. 4.

Sequitur 850. Hominem in statu innocentie non habuisse dominium supra alterum ut servum.

Probatur sequela: In statu innocentie nulla fuisset poena: Sed omnis servitus est poena: Ergo nulla servitus fuisset in statu innocentie, nec consequenter dominium: quod correspondet servituti. Maior est evidens ex dictis. Minor patet, quia servus non est causa sui, sed quod est, est alterius, scilicet, dominantis: hoc autem non potest non esse poena, ut qui liber est, atque adeo causa sui, sit alterius.

2. 2. a. 3.
q. 4.

Sequitur 851. Dominium hominis in

hominem per modum gubernationis & directionis potuisse esse in statu innocentiae.

Probatur sequela ex dictis : Quia Adam debebat gubernare & instruere alios, & quia homo est naturaliter animal sociale: in omni autem societate necesse est, ut sit aliquis supereminens in scientia & iustitia, qui alijs praesideat. Potuisse autem tunc esse inaequalitatem in scientia & iustitia in statu innocentiae patet; quia fuisset diuersitas sexuum, & ætatum, & alij alijs pro libertate magis profecissent in scientia & iustitia.

Sequitur 852. Hominem in statu innocentiae ex dono gratiae fuisse immortalem. 1. p. 976
4. 1.

Probatur sequela : Anima habens perfectum dominium supra corpus, potest illud conseruare; in hoc enim saltem ex parte consistit illud dominium, quod contineat corpus & conseruet: Sed anima in statu innocentiae ex dono gratiae habebat perfectum dominium supra corpus, ex dictis : Ergo poterat illud conseruare, atque adeo reddere immortale.

Sequitur 853. Hominem in statu innocentiae fuisse impassibilem passione, quæ ipsum à sua naturali dispositione remoueret. Ibid. em
4. 2.

310 *Secundum Doctrinam*

Probatur sequela : Quando corpus perfectè subditur animæ est impassibile passioni, quæ ipsum à naturali dispositione remoueat ; potest enim anima omnem huiusmodi passionem impedire ; & Diuina prouidentia conformiter ad illum statum sic debebat hominem regere ac tueri , vt nihil ex improviso superueniret, quod ipsum læderet : Atqui in statu innocentie corpus erat perfectè subditum animæ ; vt ostendimus : Ergo corpus erat hoc sensu impassibile.

Ibidem.
cap. 3.

Sequitur 855. Hominem in statu innocentie indiguisse alimentis.

Probatur sequela : Vbi est vita vegetatiua & animalis , nondum eleuata ad aliquod esse omnino supernaturale vel spirituale , est vera nutritio , sicut & augmentatio , & generatio : Sed in statu innocentie fuisset vita vegetatiua & animalis in homine , nondum eleuata ad aliquod esse omnino supernaturale , vel spirituale , quale futurum est per resurrectionem , vt patet ex dictis supra : Ergo in statu innocentie fuisset vera nutritio , augmentatio , generatio , & alie huiusmodi actiones , quæ ad istas sunt necessariae , vel ad illas necessario consequuntur, vt superfluitatum secretio sine indecentia. Nec tamen per nutritionem fuisset alteratio nutriti , sed cibi ; quem homo tenebatur sus-

D. Thome Principium. 511

mere, aliàs peccasset non sumendo.

Sequitur 855. In statu innocentiae fu- *Ibidem.*
turam humidi radicalis ex actione calo- & a. 4,
ris naturalis deperditionem.

Probatur sequela: Indigentia alimen-
ti prouenit à deperditione humidi radi-
calis ob actionem caloris naturalis: Sed
in statu innocentiae fuisset indigentia
alimenti, ex dictis: Ergo fuisset deper-
ditio humidi radicalis ob actionem ca-
loris naturalis.

Sequitur 856. In statu innocentiae *Ibid. a. 45*
reparationem humidi radicalis deperdi-
ti ex actione caloris naturalis non fuisse
perfectam per cibum, ita ut semper id
quod assumpto cibo reparabatur pertin-
geret ad perfectam illam virtutem, quae
inerat humido radicali primitiuo.

Probatur sequela: Quia licet anima
dominaretur proprio corpori, & etiam
alijs rebus, ut diximus, non tamen ita
perfectè dominabatur, ut tantam vir-
tutem posset vel corpori tribuere, vel
etiam cibis, quos sumeret, ut quod in
substantiam corporis de cibo conuerte-
retur, adaequaret perfectionem humidi
radicalis primitiui; aliàs immortalitas
fuisset ex huiusmodi virtute existente
ab anima in corpore, quod falsum esse
ostendimus: Ergo illud humidum repa-
ratum per cibum non poterat pertin-
gere ad perfectionem humidi radicalis.

512 *Secundum Doctrinā*

primitiui, sed paulatim ac pedetentim illa perfectio decreuisset : Atque adeo senectus & dissolutio corporis tandem consecuta esset, nisi aliunde subuentum fuisset.

Ibid.

Sequitur 857. Conuenienter Deum homini prouidisse de ligno vitæ, cuius fructus id proprium habebat, vt repararet, atque ita perficeret humidum radicale ex cibis aduentitium, vt adæquaret primitium.

Probatur sequela : Quia, vt diximus, homo in statu innocentiae ex dono gratiae erat immortalis : Atqui non posset esse immortalis, nisi succurreretur ei contra defectum humidi radicalis per cibum reparati, quod paulatim decrescens tandem & senectutem & mortem induxisset : Ergo conuenienter Deus homini prouiderat de ligno vitæ, cuius fructus id haberet proprium, vt reparando & perficiendo humidum radicale aduentitium & restituendo illud in perfectionem primitiui, impediret senium & mortem. Quia tamen cuiuslibet agentis finiti actio & virtus finita est, virtus illius fructus semel sumpti non impediebat senium & mortem nisi ad determinatum tempus, quo transacto vel iterum sumendum erat de illo fructu, vel homo absque morte translatus fuisset in statum gloriae: quod contigisset, quan-

D. Thomæ Principium: 513

do homo habuisset illum cumulum meritorum, qui corresponderet gradui gloriæ, ad quem Deus hominem elegisset.

*1. p. qu. 95.
a. 2.*

Sequitur 858. In statu innocentiae futuram generationem ad multiplicationem humani generis.

Probatur sequela: Quia multiplicatio individuorum intra eandem speciem competit omnibus animalibus perfectis, maximè verò ipsi homini, in cuius specie multiplicatio individuorum est per se intentata à Deo propter immortalitatem animæ: Sed generatio fuit necessaria ad multiplicationem individuorum etiam in statu innocentiae, ut patet ex dictis: Ergo, &c.

Sequitur 859. In statu innocentiae futuram generationem per coitum absque pruritu immoderatae concupiscentiae.

Ibid. ar. 2.

Probatur sequela: Vbi est distinctio maris & foeminae, & distinctio membrorum ad generationem deseruientium, est etiam generatio per coitum; aliàs frustra esset huiusmodi distinctio, quæ nulli omnino vsui foret: Sed, ut constat ex Scriptura, in statu innocentiae fuit distinctio sexuum & membrorum ad generationem deseruientium: Ergo, &c. Non fuisset tamen generatio sine vlla delectatione; imò cum maiori; sed talis delectatio fuisset per rationem modera-

ra, & cum tranquillitate animæ & corporis : quia, vt diximus, in statu innocentie anima perfectè dominabatur corpori, & ratio appetitui.

2. p. 499. 6. 3. Sequitur 860. In statu innocentie futuras esse foeminas, imò probabile est tot futuras foeminas, quot mares.

Probaturs sequela : Quia distinctio sexuum est ad perfectionem & propagationem humanæ naturæ, vt diximus. Nec generatio foeminarum prouenit ex sola debilitate virtutis, sed ex alijs etiam causis, & maximè ex impressione animæ in phantasiam, quæ impressio in statu innocentie tantò poterat esse efficacior, quantò anima tunc corpori perfectiùs dominabatur, vt dictum est. Quare etiam probabile est in statu innocentie omnes homines genituros, atque adeo quòd tot futurae essent foeminae, quot mares.

Ibid ar. 1. 6. 9. 100. 6. 4. Sequitur 861. Omnes homines in statu innocentie nascituros in originali iustitia.

Probaturs sequela : Quodlibet animal generat sibi simile in natura specifica, & in accidentibus naturæ specificæ, licet non in accidentibus personæ vel suppositi : Atqui in statu innocentie iustitia originalis erat accidens naturæ specificæ, & non personæ, vt diximus supra. Ergo in statu innocentie homo gene-

D. Thoma Principium. 515

rasset sibi similem in iustitia originali;
non quasi transfusâ ex vi seminis, sicut
nec ipsa anima rationalis transfunditur
ex vi seminis, sed collatâ & infusâ à Deo
in anima, dum ipsa anima creata fuisset
& vnita corpori.

Sequ. 862. Quod licet Adamus per- *Ibid. & q.*
mansisset in iustitia originali, quando *100. ar. 29*
tentatus est, non propterea statim fuisset confirmatus in gratia.

Probatur sequela: Quia confirmatio in gratia de via ordinaria non fit nisi per claram Dei visionem: Sed, ex dictis, Adam non statim post victam illam priorem tentationem fuisset translatus in gloriâ. Vtrum verò ex speciali priuilegio Adam & posterius eius fuissent saltem aliqui confirmati in gratia, res est, quæ ex sola Dei voluntate dependet; atque adeo, cum nihil circa hoc ex scripturis habeatur, vix potest aliquid definiri.

Sequitur 863. Non omnes homines nascituros in statu innocentie impeccabiles & confirmatos in gratia. *Ibidem;*

Probatur sequela: Homines, qui nascerentur in statu innocentie, non habuissent maius priuilegium, quàm ipse Adamus: Sed, ex iam dictis, Adam non fuit confirmatus in gratia ex eo quod creatus est in iustitia originali: Ergo nec eius posterius confirmati fuisset

316 *Secundum Doctrinā*

sent in gratia ex eo quòd geniti fuissent in iustitia originali.

I. p. 9. 101.

R. I.

Sequitur 864. Posteror Adæ , si perseverasset in iustitia originali , non nascituros perfectos in scientia.

Probaturs sequela: Sola accidentia toti naturæ specificæ propria , eique concessa , fuissent per generationem transfusa in posteror , non autem accidentia personalia , ut dictum est: Sed perfectio scientiæ non fuit accidens toti naturæ proprium , sed personale Adami ; quia debebat esse gubernator & instructor aliorum , ut ostendimus: Ergo perfectio scientiæ non fuisset per generationem transfusa in posteror , sed illam de facili & sine ullo labore brevi tempore acquisivissent.

I. p. 9. 99.

R. I.

Sequitur 865. Posteror Adæ , etiamsi perseverasset , non habituros à principio natiuitatis perfectum usum membrorum corporis , sed solum illum , qui potest competere illi ætati , multò tamen perfectiorem , quàm nunc habeant.

Probaturs sequela: Quia non fuissent geniti in ea quantitate & statura , quæ necessaria est ad perfectum usum membrorum ; & propter abundantiam humiditatis cerebri , nervi , qui sunt instrumenta ad motum localem , non potuissent ita expeditè mouere membra

518 *Secundum Doctrinam*

mam: Ergo locus temperatus & delectabilis debebatur homini existenti in iustitia originali.

Ibidem.

Sequitur 868. Hunc locum rectè vocari paradisum.

Probatur sequela: Locus temperatus & delectabilis rectè vocatur paradisus: Sed locus hominis innocentis debuit esse temperatus & delectabilis: Ergo rectè vocatus est paradisus.

Ibid.

Sequitur 869. Hunc locum fuisse verè locum corporeum, & non tantum spiritualiter intelligendum.

Probatur sequela: Locus rei corporeæ debet esse corporeus: Sed paradisus fuit locus hominis, qui est corporeus: Ergo fuit corporeus.

Ibidem.

Sequitur 870. Hunc locum fuisse in oriente.

Probatur sequela: Nobilissimus locus corporis perfectissimi inter sublunaria debuit esse in nobilissima parte terræ: Sed paradisus fuit locus nobilissimus corporis perfectissimi inter sublunaria, scilicet, hominis in statu innocentiae: Ergo debuit esse in nobilissima parte totius terræ, quæ est orientalis, & veluti dextera mundi.

Utr ad 1.

Sequitur 871. Paradisum non pertinere usque ad lunarem circulum.

Probatur sequela: Quia neque lunaris globus, neque suprema vel media

D. Thome Principium. 513

pars aëris possunt esse congrua humani corporis habitatio.

Vtrum verò Paradisus adhuc extet nedom quantum ad locum materiale, sed etiam in ea pulchritudine & amœnitate, in qua primò fuit conditus, dubitant nonnulli: Sed sine dubio dicendum est extrare, neque aquis diluvij dirutum esse, coërcente eas Deo: sic enim docent fere omnes Patres, & communiter dicitur, Enoch & Eliam ibi etiamnum habitare.

Sequitur 872. Primum peccatum An- 1. 2. q. 89.
geli vel hominis in statu innocentiae 4. 3. q. 4.
existentis non potuisse esse peccatum veniale.

Probatur sequela: Omne peccatum veniale, ut postea dicemus, vel est ex subreptione propter imperfectam deliberationem, aut propter motum appetitus sensitivi prævenientem usum rationis, vel est quia ex perfecta deliberatione eligitur aliquod medium præter ordinem finis: Sed nullum horum potuit esse in Angelo aut in homine existente in statu innocentiae, ex dictis supra: Ergo non potuit etiam in eis esse peccatum veniale. Minor patet: quia in Angelis non est appetitus sensitivus, ut diximus; in Angelis etiam non potest esse imperfecta deliberatio, cum sint purè intellectuales substantiae, quæ non

§ 86 *Secundum Doctrinā*

discurrunt, sed in ipsis principiis vident conclusiones, & in fine cognoscunt & volunt media; vnde nec possunt velle media præter ordinem finis: Similiter in homine innocente nullus poterat esse motus appetitus sensitivi præueniens rationem; cum pars inferior perfectè subderetur superiori, ut diximus; non potuit etiam esse imperfecta deliberatio, quia ipsa executio actus rationis perfectè subdebatur tum ipsi rationi semper vigilantī, tum ipsi fini, quem semper actu considerabat, nisi sponte desisteret ab actuali eius consideratione: vnde etiam sequebatur, ut nihil posset velle nisi sub ordine finis, atque adeo non præter ordinem, nisi liberè desisteret ab actuali finis consideratione: Ergo, &c.

Ibid a.4.

6. p.4.

63. a.2.

Sequitur 873. In Angelis non potuisse esse peccatum aliquod immediatè circa obiecta sensibilia ut sic.

Probatur sequela: Vbi non est sensus & appetitus sensitivus, non potest esse aliquis motus immediatè circa sensibilia ut sic: Sed, ex dictis in primo principio, in Angelis non est sensus vel appetitus sensitivus: Ergo nec motus immediatè circa sensibile ut sic. Maior patet: quia vbi non est potentia, non est etiam actus: Sed motus immediatè terminatus ad sensibilia ut sic, est

522 *Secundum Doctrinam*

Ergo in Angelis non potuit esse nisi peccatum superbiæ & inuidiæ.

Ibidem

Sequitur 876. Primum peccatum Angelorum non potuisse esse peccatum inuidiæ, sed debuisse esse peccatum superbiæ.

Probatur sequela: Peccatum inuidiæ præsupponit aliud peccatum: Sed in angelis non potuit esse aliud peccatum, nisi superbiæ, ex dictis: Ergo in angelis primum peccatum non potuit esse, nisi peccatum superbiæ. Maior patet: quia dolor sine tristitia de bono alterius, quatenus est impeditiuum proprii, præsupponit amorem proprii boni, & dolor inordinatus de bono alterius præsupponit amorem inordinatum proprii boni; hoc enim ipso, quod amor proprii boni talis est, quod causat tristitiam boni alterius, ipse amor est inordinatus, ut patet.

ibid. 3.

Sequitur 877. Primum peccatum Angeli fuisse, quia appetijt finalem beatitudinem per suam virtutem.

Probatur sequela: Peccatum superbiæ circa ultimum finem non potest esse nisi appetitus beatitudinis finalis per propriam virtutem: Sed, ex dictis, primum peccatum Angeli fuit peccatum superbiæ, non circa media, sed circa finem ultimum; quia, ut supra ostensum est, non potuit Angelus appetere media

dia nisi sub ordine ad finem, in quo appetitu nullum potest esse peccatum; atque adeo primum peccatum debebat esse circa ipsum ultimum finem: Ergo primum peccatum Angeli non potuit esse nisi appetitus finalis beatitudinis per propriam virtutem. Maior est evidens: Nulla enim potest esse deordinatio in appetitu ultimi finis, nisi per hoc quod indebitè appetitur: Non potest autem indebitè appeti quando simpliciter appetitur, vel quando appetitur ex auxilio Dei, ut est evidens: Ergo solum indebitè appetitur, quando appetitur ex propria virtute. Et hoc modo peccavit primò Angelus, vel quia appetijt ut finem ultimum, illud, ad quod virtute suæ naturæ poterat peruenire, vel quia appetijt beatitudinem supernaturalem ut viribus naturæ sibi possibilem & acquirendam.

Sequitur 878. Hunc appetitum finalis beatitudinis, tamquam propriæ excellentiæ viribus naturæ acquirendæ, non fuisse in Angelis ex aliquo iudicio erroneo, vel ex ignorantia. *Ibidem*

Probatur sequela: Omne peccatum ex errore vel ignorantia procedens, est vel ex passione, vel ex habitu malo inclinante & causante errorem aut ignorantiam in particulari eligibili: Sed in Angelis nulla potuit esse passio, ex di-

524 *Secundum Doctrinā*

Etis ; nullus etiam malus habitus ante primum peccatum . aliās ille malus habitus fuisset infusus à Deo , non acquisitus proprijs actibus , quod est impossibile : Ergo in Angelis nullum potuit esse peccatum ex ignorantia vel errore.

Explicatur : Omne peccatum procedens ex errore vel ignorantia, est ex errore & ignorantia circa aliquod obiectum vel in communi , vel in particulari : Sed in proposito non potuit esse peccatum ex ignorantia vel errore circa aliquod obiectum in communi ; vt enim diximus , Angeli verè per proprium intellectum , vel per fidem nouerant omnia necessaria ad suam beatitudinem consequendam : Ergo debuit esse error vel ignorantia solum in aliquo particulari eligibili , ita vt scirent quidem in communi appetendam esse beatitudinem ex auxilio Dei , & non propria virtute ; sed hic & nunc hoc ipsum ignorarent , vel circa hoc errarent. Hoc verò etiam esse non potuit ; quia quando quis scit in communi aliquid faciendum , vel vitandum , non potest in particulari hoc ignorare , vel circa hoc errare , nisi ob vehementem passionem aut habitum , inclinantes & obscurantes intellectum , ne illud ipsum , quod scit in communi , sciat actu in particulari , sed potius ignoret aut erret circa il-

Ibid. particulare : sicut , qui committit adulterium , scit in communi , non esse adulterandum , sed in particulari dicit , hic & nunc esse adulterandum ; quia passio vel habitus corrumpunt iudicium , & existimationem , & causant ignorantiam vel errorem circa illud particulare eligibile. Hinc ergo pater maior : nam qui scit in communi aliquid faciendum vel vitandum , non peccat ex errore vel ignorantia in communi ; sed si peccat ex errore vel ignorantia , ille error & ignorantia debet esse circa particulare eligibile hic & nunc : Sed error ille & ignorantia circa particulare eligibile non potest esse , nisi ex passione vel habitu impediēte , ne quod scit in communi , sciat in particulari , imò faciente ut ignoret vel erret circa particulare , ut patet ex explicatione : Ergo qui scit in communi , non ignorat nec errat in particulari , nisi ex passione vel habitu.

Sequitur 789. Peccatum primum Angelorum fuisse ex inconsideratione, *Ibid.*
Probatur sequela : Omne peccatum in voluntate existens supponit aliquem defectum in intellectu ; quia omnis peccans est ignorans , & nihil volitum quin præcognitum : Sed primum peccatum Angelorum non supponebat ignorantiam aut errorem , ex dictis : Ergo sup-

§26 *Secundum Doctrinā*

ponebat inconsiderationem. Consequentia est euidens : quia omnis defectus , qui potest esse in intellectu , vel est error , quo positivè iudicatur aliquid esse , quod reuera non est , vel est ignorantia , quia videlicet intellectus omnino nescit etiam habitualiter , vel est inconsideratio , quia , cum sciat , non tamen actu considerat.

Ibidem.

Sequitur 879. Hanc inconsiderationem fuisse virtualiter volitam

Probatur sequela : Qui scit in communi , & ex vehementia actus liberi voluntatis non considerat , quod considerare deberet , vult virtualiter inconsiderationem , ut patet : Sed Angeli sciebant in communi non esse appetendam beatitudinem quasi virtute propria acquirendam ; & hoc non considerarunt in particulari , ut constat ex dictis : Ergo virtualiter voluerunt hanc inconsiderationem.

Ibid.

Sequitur 890. Hanc inconsiderationem fuisse priorem & posteriorem in diverso genere.

Probatur sequela : Cognitio mouens voluntatem quoad specificationem , & quæ est à voluntate quoad exercitium , est prior & posterior in diverso genere , ut patet : Sed inconsideratio illa , ex qua peccarunt primò angeli , fuit cognitio quædam cum defectu considera-

tionis, mouens voluntatem quoad specificationem, & quæ erat à voluntate quoad exercitium: Ergo inconsideratio illa fuit prior & posterior in diuerso genere.

Explicatur: Cognitio, quæ aliquo modo præcessit primum peccatum Angelis, fuit dictamen intellectus proponenti diligendam esse beatitudinem finalem, tamquam propriam perfectionem & excellentiam; sed in hac cognitione fuit defectus actualis considerationis, quòd nimicum diligenda esset cum subordinatione ad Deum tamquàm ad causam finalem & efficientem, cuius virtute acquiri debebat beatitudo Porro illa illa cognitio mouit voluntatem Angelorum quoad specificationem; & ipsa eadem cum defectu illo considerationis illius circumstantiæ, fuit à voluntate quoad exercitium; fuit enim cognitio libera, quàm nimicum ex affectu voluntatis ad suam illam excellentiam Angelus voluit ipsam cognoscere & considerare non considerando subordinationem ad Deum: non quasi illa non consideratio fuerit directè ac formaliter volita; directè enim ac formaliter Angelus voluit tantum considerare suam illam excellentiam, & ex modo considerandi indirectè ac virtualiter voluit non considerare circumstantiam

subordinationis ad Deum, quam tenebatur considerare, sicut & velle. Ut autem hoc intelligas, recale quæ diximus in primo principio, quod nimicum actus intellectus & voluntatis sunt virtualiter reflexiui supra seipfos, ita ut intellectus intelligens obiectum, ad quod directè terminatur intellectio, etiam virtualiter reflectatur & intelligat se intelligere, & voluntas volens obiectum aliquod, virtualiter reflectatur & velit se velle; atque adeo intellectus intelligendo obiectum etiam virtualiter intelligit modum, quo cognoscit, & voluntas vult virtualiter actum suum & modum actus. Et sic Angelus virtualiter volebat ipsam volitionem beatitudinis, & modum eiusdem volitionis, qui modus erat, quod volitio illa esset sine relatione & subordinatione ad Deum: & sic volendo virtualiter illum modum, etiam virtualiter volebat modum cognitionis, qui erat defectus considerationis. Volebat autem suam illam cognitionem beatitudinis virtualiter quoad exercitium, quatenus ipsa voluntas volebat ut intellectus cognosceret suam illam excellentiam. Ut enim aliàs diximus, actus intellectus & voluntatis se mutuò determinant, & quod est formaliter in actu intellectus, virtualiter reperitur in voluntate, ut patet quan-

do voluntas eligit medium ordinatum ad finem per ipsum intellectum ; & intellectus intelligit & considerat medium ex intentione finis : Et in ipsa volitione finis inuoluitur eiusdem cognitio , & in cognitione siue consideratione finis , quatenus est libera quoad exercitium , inuoluitur ipsa volitio. Neque hoc est peculiare in Angelis , vel in primo peccato Angelorum ; hoc enim accidit in omni volitione & cognitione libera finis , vt nimirum cognitio moueat voluntatem quoad specificationem , & voluntas moueat intellectum quoad exercitium , non solum formaliter & per actus distinctos , sed etiam virtualiter : non enim solum intellectus primo cognoscit finem cognitione omnino necessaria , deinde voluntas vult finem & applicat intellectum , vt melius percipiat finem per actum distinctum à priori cognitione ; sed etiam per eundem actum , ita vt per actum necessarium quoad specificationem intellectus necessarium eadem necessitate moueat voluntatem , & voluntas moueat intellectum ad eundem actum vt liberum quoad exercitium.

Sequitur 891. Angelum appetijſſe *Ibid.* esse vt Deum.

Probatur sequela : Qui appetit suam finalem beatitudinem vt propriis viri-

80 *Secundum Doctrinā*

bus habendam, appetit esse ut Deus; hoc enim est proprium Dei habere finalem suam beatitudinem proprijs viribus: Atqui Angelus appetijt suam finalem beatitudinem ut proprijs viribus habendam, ex modo saltem, quo appetijt, ut dictum est: Ergo Angelus appetijt esse ut Deus.

Sequitur 892. Angelum consequenter appetijſſe aliquem principatum siue aliquam excellentiam habere.

Probatursiquela: Quia qui appetit, quod est per se causa alterius appetit etiam illud, cuius illud est per se causa: Sed Angelus appetijt esse ut Deus, ex dictis; & hoc est per se causa cuiusdam principatus & excellentiæ supra alia; Ex hoc enim quod quis ex proprijs habeat finalem beatitudinem, & in hac sit ut Deus, fit per se, quod habeat principatum super alia, ut est evidens: Ergo Angelus consequenter appetijt huiusmodi principatum.

Ibid. Sequitur 893. Ex hoc peccato superbiæ, consecutum esse peccatum invidiæ, quo dæmon homini excellentiam singularem invidit.

Prob. seq. Quia peccatum invidiæ consequitur ad peccatum superbiæ.

Seq. 894. Ex eo peccato consecutam esse poenam debitam.

Probatursiquela: Quia omni peccato

debetur poena ex Diuina iustitia , vt
superiùs diximus.

Sequitur 895. Dæmones in poenam
peccati priuatos esse omni cognitione
supernaturali.

1. p. 9. 63.
a. 1.

Probatur sequela : Qui priuatur om-
ni omnino gratia , priuatur etiam co-
gnitione omni supernaturali : Sed An-
geli per peccatum meruerunt priuari
omni omnino gratia ; aliunde verò iam
sunt in termino , vt statim dicemus :
Ergo de facto priuati sunt omni cog-
nitione supernaturali.

Seq. 896. In dæmonibus non mansisse
fidem , quæ sit habitus supernaturalis.

2. 2. qu. 5.
ar. 2.

Probatur sequela : Cognitio fidei
Theologicæ etiam informis est superna-
turalis : Sed dæmones priuati sunt omni
cognitione supernaturali : Ergo & fide.

Ibid. ar. 2.

Sequitur 897. In dæmonibus man-
sisse cognitionem naturalem etiam sine
diminutione.

Probatur sequela : Quia manente
natura purè intellectuali , manet cog-
nitio naturalis ; non enim potest tolli hæc
cognitio vel minui in natura purè in-
tellectuali , quia hæc cognitio est velu-
ti proprietas naturæ : Atqui Angeli
omnes sunt naturæ purè spirituales vt
aliàs diximus : Ergo , &c.

Ibid. ar. 3.

Sequitur 898. In dæmonibus obstina-
tam esse voluntatem in malo.

532 *Secundum Doctrinam*

Probatur sequela: Angeli, cui adhærent post plenam deliberationem, immobiliter adhærent: Sed dæmones per peccatum adhæserunt malo post plenam deliberationem, ex dictis: Ergo illi immobiliter adhærent, quod est eos esse obstinatos in malo. Maior probatur ex dictis in primo principio: Qui enim non per discursum sed per simplicem apprehensionem cognoscit, etiam immobiliter adhæret obiecto post plenam deliberationem, eò quòd voluntas & appetitus proportionantur cognitioni: sicut ergo cognitio Angelorum est omnino immobilis, ita & voluntas.

Ibid. ar. 3. Sequitur 899. In dæmonibus esse dolorem, non prout est passio, sed ut est renisus voluntatis.

Probatur sequela: Vbi est pœna est dolor siue renisus voluntatis: Sed in dæmonibus est pœna peccati, ex dictis: Ergo & renisus voluntatis. Maior patet quia de ratione pœnæ est, quòd voluntati repugnet.

Ibid. ar. 4. Seq. 900 Dæmones torqueri igne inferni. Suppono dæmones iam esse damnatos, ut fides Catholica docet, in pœnam peccati.

Probatur ergo sequela: Omnes damnati torquentur igne inferni: Sed dæmones sunt damnati in pœnam peccati: Ergo torquentur igne inferni.

Sequitur 901. Hanc poenam non posse
esse per veram & physicam ignis com-
bustionem, hoc sensu, quod ignis ille
torqueat dæmones comburendo illos.

*ib. ad 13.
in 4.d.
44. q. 3. a. 3.
3. q. 3.*

Probatur sequela: Nulla substantia
purè spiritualis potest comburi: Sed
dæmones sunt substantiæ purè spiritua-
les, ex dictis: Ergo non possunt combu-
ri. Maior est evidens: quia nulla sub-
stantia purè spiritualis potest recipere
permanentem qualitatem purè materia-
lem, propter disproportionem subiecti.
Nec dici potest, quòd Deus reddat sub-
iectum spirituale capax recipiendi qua-
litatem corpoream permanentem per
aliquam priorem qualitatem: de hac
enim qualitate rursus inquireretur, an
esset spiritualis vel corporea: Neu-
trum esse posset; non quidem spiritua-
lis, quia qualitas spiritualis non potest
esse dispositio ad recipiendam qualita-
tem corpoream; non etiam corporea &
materialis, quia repugnat subiectū purè
spirituale recipere qualitatem corpoream.

Sequitur 902. Dæmones non tor-
queri per ignem inferri, per hoc quòd
ignis immittat in illos speciem sui.

Ibidem.

Probatur sequela: Nulla qualitas
materialis potest recipi in subiecto pu-
rè spirituali: Sed species illa immissa
ab igne est qualitas materialis, ut osten-
sum est in primo principio, ubi etiam

ostendimus Angelos non recipere species à rebus , sed habere illas infusas & innatas ferè vt proprietates , quatenus sunt partes huius vniuersi : Ergo , &c. Præterea nulla species intelligibilis potest esse cruciatiua , imò potius est perfectiua : Sed id, quod immittit ignis in dæmones debet esse cruciatium & non perfectium ; vt enim diximus , hoc immittitur in pœnam : Ergo non potest esse species intelligibilis. Nec dicas illam speciem diuinitus in illis productam per ignem tamquam per instrumentum , repræsentare illis ignem vt nocium : si enim ignis non alio modo torquet,quàm immittendo speciem intelligibilem , quæ repræsentet illum ignem vt nocium , cum reuerâ non sit , iam illa species falsum repræsentaret ; imò cum sit à Deo vt causa principali , non posset illum vt nocium repræsentare.

Ibidem.

Sequitur 903. Ignem inferni non torquere dæmones per hoc ,quòd illum apprehendant vt nocium.

Probatur sequela : Pœna , quam infert ignis inferni dæmonibus , est vera & realis , & non phantastica & imaginaria, aliàs non esset vera pœna : Sed hoc, quod est apprehendere ignem vt nocium , non est pœna vera & realis , sed solum phantastica & imaginaria ; quia

cum ignis reipsa non sit nociuus, illum apprehendunt vt nociuum: Ergo hoc quod est dæmones apprehendere ignem vt nociuum, non potest esse pœna, quam ignis inferni infert dæmonibus. Præterea dæmones, vt diximus, non amiserunt cognitionem naturalem: Sed omnes Angeli habent cognitionem naturalem comprehensiuam omnium rerum corporalium, atque adeo cognoscunt ignem non posse esse ipsis nociuum: Ergo non possunt illum apprehendere vt nociuum, nisi reuera sit nociuus: Oportet ergo explicare, quomodo sit nociuus.

Sequitur 904. Ignem inferni non *ibidem* cruciare dæmones per hoc, quod ignis producat in illis, ipsis inuitis & renitentibus, actum aliquem intellectus, aut voluntatis ipsorum.

Probatur sequela ex dictis in primo principio: Quia nullum vitale & voluntarium potest esse à principio extrinseco, agente voluntario renitente & non conferente vim; quia vt ostendimus, hoc est contra intrinsecam rationem voluntarij, quod sit coactum & violentum: Sed omnis actus intellectus & voluntatis est actus voluntarius; est enim à principio intrinseco cum cognitione, vt patet ex dictis ibidem: Ergo nullus actus intellectus aut voluntatis



Aug. 21. de ciuitate Dei cap. 10. & **D. Gregorius** 4. dialogorum cap. 19. & alij : ita etiam colligitur ex Scriptura , quæ pœnam dæmonum explicat per modum carceris , alligationis , &c.

Probatur ergo sequela: Quia alligatio illa sic explicata est possibilis, & est maxima pœna: cum ergo pœna dæmonum sit maxima, debet in illa alligatione consistere ; præsertim quia alij modi explicandi sunt impossibiles , vt patet ex dictis.

Sequitur 907. Angelos omnes post vnum actum meriti vel demeriti perfecte liberum statim fuisse in termino viæ r. p. 4. 82,
a. 5.

Probatur sequela : Qui talis naturæ est , vt post vnum actum perfecte liberum immobiliter adhæreat obiecto , quod semel elegit , debet etiam post vnum actum perfecte liberum esse in termino viæ ; quia cessat omnis morus , quando subiectum redditur immobile , & tunc etiam terminatur via & motus : Sed , ex dictis , Angelus post vnum actum perfecte liberum immobiliter adhæret obiecto semel electo: Ergo Angelus post vnum actum meriti vel demeriti perfecte liberum debet esse in termino viæ.

Sequitur 898. Non esse idem de homine , quod scilicet post vnum actum meriti vel demeriti sit in termino viæ. Ibidem.

Probatur sequela tum experientia; tum etiam quia idcirco Angelus post vnum actum meriti vel demeriti est in termino viæ, quia post perfectam deliberationem immobiliter adhæret, & hoc prouenit, quia non cognoscit discurrendo, sed per simplicem apprehensionē: Atqui opposita ratio valet in homine, qui cum cognoscat per discursum, non adhæret immobiliter etiam post perfectam deliberationem: Ergo homo post vnum actum meriti vel demeriti etiam perfectè liberum non est in termino viæ.

2.2.9.163

R. 1.

Sequitur 909. Primum peccatum hominis non potuisse esse aliquem actum inordinatum circa bona sensibilia.

Probatur sequela: Vbi non potest esse primò deordinatio in appetitu sensitivo, quin prius sit deordinatio in appetitu rationali, non potest primum peccatum esse actus circa bona sensibilia: Sed in homine, qui erat in statu innocentiae, non potuit esse deordinatio in appetitu sensitivo, nisi prius esset deordinatio in appetitu rationali: Ergo in homine, qui erat in statu innocentiae, non potuit, primum peccatum esse actus circa bona sensibilia. Minor patet ex dictis, quia in hoc consistebat status innocentiae, vt quandiu homo maneret perfectè subditus Deo vt vltimo fini, appetitus inferior maneret perfectè sub-

rectus parti superiori. Maior verò probatur: quia peccatum circa bona sensibilia est actus appetitus sensitivi, ex quo deinde oritur deordinatio in appetitu rationali, sequente deordinationem appetitus sensitivi circa bona sensibilia: Arqui ubi non potest esse primò deordinatio appetitus sensitivi, non potest esse primò peccatū, ex quo sequatur deordinatio in appetitu sensitivo: Ergo non potest esse primò peccatū circa bona sensibilia

Sequitur 910. Primum hominis peccatum fuisse circa bonum spirituale. *Ibid.*

Probatur sequela: Omne peccatum est circa bonum vel sensibile, vel spirituale: Sed primum hominis peccatum non potuit esse circa bonum sensibile: Ergo fuit circa bonum spirituale.

Sequitur 911. Peccatum primi hominis primò fuisse circa bonum spirituale, appetendo illud non secundum modum & mensuram debitam. *Ibid.*

Probatur sequela: Volitio boni spiritualis, si sit secundum modum & mensuram debitam, non est deordinata, ut ex terminis constat: Sed primum peccatum hominis fuit volitio boni spiritualis: Ergo non fuit peccatum, si fuit secundum modum & mensuram debitam, atque adeo fuit volitio boni spiritualis non secundum modum & mensuram debitam.

Ibid.

Sequitur 912. Primum peccatum hominis fuisse superbiam.

Probatur sequela: Volitio boni spiritualis non secundum modum & mensuram debitam est superbia: Sed primum peccatum hominis fuit volitio boni spiritualis non secundum modum & mensuram debitam: Ergo fuit superbia. Maior probabitur aliās.

Ibid. 2. 2.

Sequitur 913. Primum peccatum hominis non potuisse esse circa bonum aliquod spirituale, quod iam haberet.

Probatur sequela: Appetitus siue desiderium est rei non habitæ: Sed primum peccatum hominis fuit appetitus siue desiderium; unde dixit primis parentibus serpens, *Eritis sicut dii scientes bonum & malum*: Ergo primum peccatum non fuit appetitus boni spiritualis, quod homo haberet.

Gen. 2.

Ibid.

Sequitur 914. Primum peccatum hominis fuisse appetitum scientiæ, quæ talis esset, ut per seipsum sciret, quid esset sibi bonum & malum.

Probatur sequela: Tum quia hoc apertè colligitur ex illo loco Genesis 2. iam citato; Tum etiam quia, licet homo haberet perfectam scientiam, quantum poterat comperere illi statui, nondum tamen habebat absolutè perfectam ut determinaret sibi per virtutem propriæ naturæ, quid esset bonum & ma-

lum ad agendum, vel quid sibi boni vel mali esset fururum, atque adeo potuit hoc appetere: Sed ille appetitus est peccatum, quia est inordinatus, ut constat: Potuit ergo primò peccare per hoc. Sed ex consequenti appetijt etiam potestatem operandi, ut scilicet virtute propriæ naturæ operaretur ad beatitudinem consequendam. Hoc autem sic explicandum est conformiter ad scripturam: Tentabit Diabolus mulierem de comedendo fructu scientiæ boni & mali prohibito; proposuit, quòd comedendo de illo fructu forent sicut dij scientes bonum & malum. Ex hac promissione mulier primò interiùs elata est considerando perfectionem suam attentiùs, & appetendo scientiam illam boni & mali, consequenter potestatem operandi circa beatitudinem, quasi propriis, viribus ad vtramque posset pertingere, atque ubi consensit accepit pomum, obtulitque viro, qui simul tentatus est ex illa promissa excellentia, & ex complacentia & benevolentia amicabili erga suam uxorem, consensitque appetendo tum scientiam illam, tum potestatem, acceptumque fructum contra Dei præceptum comedit. Vnde apparet in hoc primo peccato hominis multa virtualiter saltem peccata fuisse, ac primò quidem superbiam siue appeti-

§44 *Secundum Doctrinā*

tum propriæ excellentiæ , complacentiam nimiam erga propriam uxorem, & gulam.

Ibid.

Sequitur 915. Primum peccatum hominis fuisse, quòd appetierit similitudinem Dei.

Probatur sequela: Habere propriam virtute scientiam boni & mali, & potestatem operandi ad suam beatitudinem est proprium Dei, atque adeo qui hæc appetit appetit similitudinem cum Deo: Sed primus homo hæc appetendo primò peccavit ex dictis: Ergo primò peccavit appetendo similitudinem Dei.

Ibid. a. 3.

Sequitur 916. Hoc primum peccatum in homine non ex errore vel ignorantia, sed ex inconsideratione provenisse.

Probatur sequela: Quia ante primum peccatum in statu innocentie nullus potuit esse error, nulla ignorantia de agendis; aliàs status ille fuisset omnino imperfectus, & in eo fuisset defectus ipsi statui contrarius. Vide dicta supra de peccato Angelorum, quomodo fuerit ex inconsideratione.

Ibid.

Sequitur 917. Hoc primum peccatum fuisse omnium humanorum gravissimum, non simpliciter sed secundum quid.

Probatur sequela: Quia, ut aliàs di-

temus, grauitas peccatorum simpliciter desumitur ex obiecto & ratione formali, grauitas verò secundum quid ex circumstantiis præsertim personæ peccantis: Sed hoc primum peccatum non fuit grauissimum ex obiecto siue ratione formali; bene autem ex circumstantia personæ: Ergo &c. Minor patet ex dictis: quia obiectum huius peccati fuit similitudo Dei in scientia & potestate; quod obiectum etiam inordinate volitum non facit tantam grauitatem in peccato, sicut facit odium vel negatio Dei, vel blasphemia. Quod verò ex circumstantia fuerit grauissimum patet: quia quò persona est in statu perfectiori, & facilius potest vitare peccatum, eò peccatum est grauius: Sed primus homo fuit in statu perfectissimo, & facillimè poterat vitare peccatum. Ergo &c.

Sequitur 918. Peccatum Adami & *Ibid. a. 41*
Eux fuisse æquè graue quoad speciem; Adami fuisse grauius ex conditione personæ; simpliciter ex omnibus circumstantiis peccatum Eux fuisse grauius.

Probatur sequela: quia vtriusque peccatum fuit superbix: ergo quoad speciem fuit æquale. Persona Adæ ob sexum virilem erat perfectior: Ergo ex parte personæ peccatum Adami fuit grauius, Eux ex elatione credidit se

§46 *Secundum Doctrinā*

posse consequi scientiam & potestatem contra Dei voluntatem: Adam non credidit: Eua persuasit Adamo; ac demum Adam ex quadam amicabili bencuolentia peccauit: Ergo peccatum Eux grauius fuit. Hinc videas mulieres & elatiores, & curiosiores, & ad dominandum magis proclines: è contra verò videas homines ex amore erga mulieres frequentius peccantes.

2.2.9.164
a. 1.

Sequitur 919. Hoc peccatum primi hominis meruisse pœnas iuxta grauitatem.

Probatur sequela: Omne peccatum meretur pœnas iuxta ipsius grauitatem; quia cum Deus iustus sit, vt diximus, debet punire peccata.

hic.

Sequitur 920. Pœnam debitam huic peccato fuisse priuationem gratiæ, charitatis, & aliarum virtutum moralium, infusarum ac donorum, sicut & iustitiæ originalis.

Probatur sequela: Priuatio omnium, quæ opponuntur peccato, inquantum est auersio à Deo vt fine ultimò, iusta est ac debita pœna peccati: Sed gratia, charitas & aliæ virtutes infusæ, maxime vero iustitia originalis opponuntur huic peccato, vt est euidentis ex dictis: Ergo priuatio horum omnium fuit iusta pœna debita huic peccato. Minor probatur: quia vt diximus iustitia originalis

lis

is includebat gratiam, charitatem &c. & præterea modum, ratione cuius pars superior perfectè subiiciebatur Deo ut finis ultimo, & pars inferior superiori: Sed huic peccato opponebatur gratia, charitas & modus ille; cum per hoc peccatum homo noluerit submitti Deo ut finis ultimo, imò ab illo auersus est, & appetijt modo indebito scientiam & beatitudinem, ut dictum est: Ergo huic peccato opponebatur iustitia atque adeo gratia, &c. Addendum, iustè Adamum fuisse priuatum conuersione in Deum etiam ut finem naturalem, quia peccauit etiam contra Deum ut auctorem & finem ultimum naturalem.

Sequitur 921. Mortem corporis fuisse etiam pœnam illius peccati. *Ibidem.*

Probatur sequela: Sublata causa tollitur effectus: Sed in pœnam peccati sublata est causa, quæ efficiebat, ut corpus non subderetur morti; causa enim huius erat, ut diximus, perfecta subiectio corporis ad animam, hoc est, iustitia originalis: Ergo sublata iustitia originali priuilegium siue beneficium non moriendi debuit auferri & subsequi mors.

Sequitur 922. Ipsas etiam ægrotudines & corporales defectus fuisse pœnas peccati. *Ibidem.*

Probatur sequela: Quæ consequuntur.

tur ex rebellionē siue non perfectā subiectione corporis ad animam, sunt pœna peccati: Sed ægritudines & alij huiusmodi corporales defectus consequuntur ex non perfectā subiectione corporis ad animam, sicut ex perfectā subiectione conseq̄ebatur exemptio ab illis omnibus defectibus, vt diximus: Ergo ægritudines & alij defectus corporales sunt iusta pœna peccati.

Ibid. ar. 2.

Sequitur 923. Exclusionem à Paradiso, impedimentum arcens à ligno vitæ, fuisse etiam pœnas debitas huic peccato.

Probatur sequela: Quia ista pertinebant ad beneficium status amissi per peccatum.

Ibidem.

Sequitur 924. Etiam speciales pœnas decretas fuisse mulieri in ijs, quæ propria illi sunt, tædia in portando foetu, & dolores in partu, & subiectionem ad virum non solū regiminis, sed etiam cuiusdam veluti seruitutis contra propriam voluntatem; viro autem, ad quem spectat procurare vitæ necessaria, decreta est pœna, sterilitas terræ, labor in ea colenda, impedimentum cultus & fructus per spinas & tribulos.

Patent hæc omnia ex textu Genesis 2. Iustitia verò harum pœnarum etiam euidentis est, quia mulier suaserat viro peccatum, & vir etiam & ipse peccarat.

D. Thomæ Principium. 549

Sequitur 916. Iustè etiam punitos esse ambos per erubescenciam nuditatis or-
tam ex rebellione carnis, per increpa-
tionem culpæ, & per commemoratio-
nem mortis, tum verbis facta, *Paluis*
es & in puluerem reuerteris, tum signis,
ex eo quòd datæ sunt eis tunicæ pellicæ
ex animantibus mortuis.

Patet sequela ex textu scripturæ, &
ex ijs quæ dicta sunt. Vide in D.Th.2.2.
q.164. a.2.

Sequitur 925. Hoc peccatum Adami 1.2. q. 83
non fuisse dumtaxat peccatum persona- 4.1.
le, sed peccatum totius naturæ.

Probaturs sequela: Peccatum capitis,
vt caput est, non solùm est peccatum
speciale ipsius, sed & totius corporis,
cuius est caput: Sed peccatum Adami
fuit peccatum capitis totius naturæ hu-
manæ, quatenus erat caput illius: Ergo
nedum fuit peccatum speciale personæ
Adami, sed fuit peccatum totius natu-
ræ. Maior constat ipsa experientia tam
in capite physico, quàm in capite mo-
rali & politico, quod si peccet, tota
communitas, cuius est caput, dicitur
peccare. Minor probatur: Voluntaria
amissio doni toti naturæ collati est pec-
catum totius naturæ: Sed peccatum
Adami fuit voluntaria amissio iustitiæ
originalis, quam supra ostendimus
fuisse donum toti naturæ humanæ col-

latum : Ergo voluntaria amissio iustitiæ originalis fuit peccatum totius naturæ.

Ibidem.

Sequitur 926. Dari peccatum originale, id est, priuationem iustitiæ originalis voluntariam voluntate primi parentis.

Probatur sequela : Peccatum totius naturæ est peccatum originale, id est, quod per originem transfunditur in posteros vnâ cum transfusione naturæ : Sed voluntaria priuatio iustitiæ originalis, est peccatum totius naturæ : Ergo est peccatum originale.

Ibid. a. 2.

Sequit. 927. Alia peccata post primum commissa siue ab Adamo, siue ab alijs parentibus non transfundi in posteros.

Probatur sequela : Peccata, quæ non sunt naturæ sed personæ, non transfunduntur in posteros : Sed alia peccata sunt tantum personæ, & non naturæ ; quia non sunt voluntaria priuatio doni alicuius collati naturæ ; cum omnia alia peccata excepto primo supponant hanc priuationem, vt patet : Ergo alia peccata non transfunduntur in posteros.

Ib. a. 3.

Sequitur 928. Peccatum originale transfundi in omnes homines ex Adamo carnaliter propagatos eo sensu, quo D. Paulus dicit : *Omnes in Adam peccauerunt.*

Ad Rom. 5.

Probatur sequela : Omnes, qui reci-

D. Thoma Principium. 551

piunt naturam priuatam voluntariè (voluntate in Adamo) iustitiâ originali, contrahunt peccatum originale, quod in illos à parentibus transfunditur: Sed omnes homines ex Adamo carnaliter propagati recipiunt naturam priuatam voluntariè (voluntate in Adamo) iustitiâ originali: Ergo omnes homines ex Adamo carnaliter propagati contrahunt peccatum originale. De Beatissima Virgine nihil dicimus, seruantes prohibitiones à sancta sede emanatas

Sequitur 929. Quod, si homo aliquis ^{1.2. q 81.} ex humana carne formaretur non viâ ^{4.4.} ordinariâ, sed per miraculum, putà si ex costa hominis formaretur homo, ille non contraheret peccatum originale.

Probatur sequela: Peccatum originale non transfunditur, nisi ratione carnalis propagationis, quatenus per illam accipit ab alio naturam priuatam iustitiâ originali: Sed in hoc casu non esset vlla carnalis propagatio, vt constat: Ergo in hoc casu non transfunderetur.

Sequitur 930. Adamo non peccante, etiamsi Eua peccasset, posteros non contracturos peccatum originale. *Ibidem.* ^{ar. 5.}

Probatur sequela: Peccatum originale non contrahitur, nisi quatenus priuatio iustitiæ originalis est voluntaria voluntate capitis totius naturæ, vt

932 *Secundum Doctrinā*

diximus: Sed Eva non erat constituta caput totius naturæ, sed solus Adam, qui aliquo modo erat caput vxoris suæ: Ergo Euâ peccante, & non Adamo, non contraherent posteri voluntariam illam priuationem, nec consequenter peccatum originale.

5.2.9. 82.
ar.1.

Sequitur 931. Peccatum originale de formali esse priuationem gratiæ & caritatis, quatenus habebant adiunctum modum illum, ratione cuius constituebant iustitiam originalem, vt dictum est.

Probatur sequela: Iustitia originalis & peccatum originale opponuntur, vt ex terminis constat: Sed non opponuntur contrariè vel relatiuè: Ergo opponuntur vt forma & priuatio formæ. Minor patet ex dictis, quia peccatum originale & iustitia originalis non opponuntur per modum duplicis formæ positivæ, neque per modum relationis & termini.

Ibidem.

Sequitur 932. Ex hac priuatione iustitiæ originalis consequi in homine deordinationem omnium potentiarum, tam superiorum, quàm inferiorum.

Probatur sequela: Ex priuatione subordinationis perfectæ rationis & voluntatis ad vltimum finem, sequitur necessariò deordinatio eiusdem rationis & voluntatis circa media, & deordinatio

D. Thomæ Principium. 553

sive rebellio corporis & appetitus aduersus animam & rationem, ut patet ex dictis: Sed hæc priuatio, in quo consistit peccatum originale, est priuatio gratiæ & charitatis, quatenus præstabant subordinationem perfectam rationis & voluntatis ad vltimum finem, ut diximus: Ergo ex hac priuatione consequitur deordinatio rationis & voluntatis circa media, & appetitus rebellio contra rationem.

Sequitur 933. Hanc deordinationem, *Ibidem.* quæ consequitur, esse dispositionem permanentem.

Probatur sequela: Deordinatio ex causa permanente, est dispositio permanens: Sed hæc deordinatio est ex causa permanente, nimirum ex illa priuatione gratiæ & charitatis ut perfectè subijcientis partem superiorem Deo tamquam vltimo fini, quæ quodammodo versa est in naturam: Ergo hæc deordinatio est dispositio permanens. Et aduerte quòd dispositio aliquando sumitur pro qualitate facilè mobili, aliquando verò sumitur pro multarum partium inter se ordinatione; quæ si recta fuerit, simpliciter dicitur dispositio; si praua, potius dicitur indispositio.

Sequitur 934. Hanc deordinationem *Ibidem.* esse habitualement.

Probatur sequela: Dispositio perma-

§4 *Secundum Doctrinam*

neus, siue ex causa permanente, est habitualis: Sed hæc deordinatio est dispositio permanens: Ergo est habitualis.

Ibid.

Sequitur 935. Hanc deordinationem dici posse habitum, non quòd sit qualitas permanens determinata ad certum actum, sed quòd sit indispositio partium malè ordinarum permanens, eo modo, quo ægritudo ex causa permanente dicitur morbus per modum habitus.

Probatur sequela: Dispositio ex causa permanente & veluti in naturam conuersa dici potest habitus: Sed hæc deordinatio est ex causa permanente & veluti in naturam conuersa: Ergo dici potest habitus.

Ibid.

Sequitur 936. Hanc deordinationem includere pronitatem quamdam voluntatis ad conuertendum se ad bonum commutabile.

Probatur sequela: Ex non perfecta subiectione ad Deum vt finem vltimum oritur quædam pronitas voluntatis ad conuertendum se ad bonum commutabile: Sed hæc deordinatio est ex non perfecta subiectione ad Deum vt vltimum finem, ex dictis: Ergo hæc deordinatio includit pronitatem quamdam voluntatis ad conuertendum se ad bonum commutabile.

Explicatur : Naturaliter homo amat seipsum : sed , cum natura bene ordinata est, homo amat se & bonum suum, sicuti est ; est autem bonum dependens & subordinatum Deo. ut ultimo fini: Ergo cum natura hominis bene ordinata fuerit, amat se ut bonum dependens ac subordinatum Deo. E contra verò, cum natura fuerit deordinata, homo amat se, & amor ille ut sic naturalis est, sed amat se sine ordine & relatione ad Deum, & hic amor sui non est malus, ut amor est, sed est prauus, quatenus est sine ordine : amare autem se sine ordine ad aliud, est virtualiter & interpretatiuè amare se ut finem, atque adeo est se conuertere ad bonum commutabile. Non dicimus ergo, quòd amor suipsius includatur in deordinatione peccati originalis præcisè quatenus est amor suipsius, sed quatenus est sine ordine, & sine relatione ad Deum: pronitas ergo ad conuertendum se ad bonum commutabile, si sumatur præcisè pro amore suipsius, non est illud, quod includitur in peccato originali ; sed si sumatur pro amore suipsius sine relatione ad Deum, formaliter ut est sine tali relatione oritur ex peccato originali.

Seq. 937. Peccatum originale, siue *Ibid. a. 3.*
deordinationem illam potentiarum in-

cludere de materiali concupiscentiam.

Probatur sequela: Amor sui ipsius, qui est conuersio ad bonum commutabile, quatenus est sine ordine & relatione ad Deum ut vltimum finem, & quatenus etiam trahit affectum appetitus sensitui ad bonum sensibile, recte dici potest concupiscentia: Sed peccatum originale de materiali includit amorem sui ipsius, quatenus est sine ordine ad Deum, ex dictis: Ergo peccatum originale de materiali includit concupiscentiam, praesertim quia trahit etiam affectum appetitus sensitui ad bonum sensibile, qui affectus proprie concupiscentia dicitur, ut ostendimus in primo principio.

Leid. n. 4.

Sequitur 938. Peccatum originale esse æquale in omnibus.

Probatur sequela: Priuatio originalis iustitiæ cum ordine ad Adamum ut primum generationis humanæ principium, est æqualis in omnibus; quia nec priuatio nec relatio suscipiunt magis aut minus: Sed peccatum originale est priuatio iustitiæ originalis cum relatione ad Adamum ut primum generationis humanæ principium: Ergo peccatum originale est æquale in omnibus. Quod verò in aliquibus videatur maior pronitas ad peccandum in certo genere peccati, provenit ex complexione.

tur per libidinem sine freno rationis, siue sine perfecta subiectione ad rationem, ideo anima contrahit peccatum originale.

Ibid. a. 2. Sequitur 941. Subiectum primum peccati originalis esse ipsam essentiam animæ.

Probatur sequela: Priuatio iustitiæ originalis ex vi generationis ab Adamo viâ ordinariâ factæ est primariò in anima tamquam in subiecto: Sed peccatum originale est priuatio iustitiæ originalis ex vi generationis ab Adamo viâ ordinariâ factæ: Ergo peccatum originale est primariò in anima tamquam in subiecto: Minor patet ex dictis. Maior etiam probatur: Priuatio gratiæ est primò in essentia animæ tamquam in subiecto: Sed priuatio iustitiæ originalis est priuatio gratiæ & modi illius, quo anima perfectè sibi subiciebat corpus, vt dictum est: Ergo priuatio iustitiæ originalis est primò in essentia animæ tamquam in subiecto. Maior est euidentis, quia in eo subiecto debet esse primò priuatio, in quo & forma, cuius est priuatio: Sed, vt diximus supra, gratia est primò in ipsa essentia animæ: Ergo & priuatio gratiæ. Atque ex hoc sumitur alia ratio: Primarius terminus, quem attingit generatio est anima vt forma corporis & vnita illi: Sed peccatum originale

D. Thoma Principium. 559

est in termino primario, quem attingit generatio: Ergo est primariò in anima: ut forma corporis, & ut est illi unita. Maior explicatur & declaratur: Non enim sensus est, quòd anima sit terminus per generationem productus; hoc namque ostendimus in primo principio falsum esse, cum anima rationalis sit spiritalis: sed sensus est, quòd anima immediatè à Deo creata uniatur dispositiuè per generationem cum corpore, ex quo fit, quòd quæcumque competunt ex vi huius unionis, quatenus est dispositiuè per generationem, competant vel corpori vel animæ, atque adeo si sint aliqua ex vi huius unionis convenientia homini, quæ non possint esse in corpore, necessariò debent esse in anima: Sed peccatum originale competit ex vi unionis animæ & corporis, quatenus fit dispositiuè per generationem ab Adamo procedentem, nec potest competere corpori, ut dictum est. Ergo debet competere animæ tamquam subiecto. Minor principalis patet etiam ex dictis: Sicut enim ostendimus supra, iustitia originalis competebat animæ ut unitæ ipsi corpori; debebatur enim iustitia originalis, ut anima tamquam proprium perfectivum uniretur corpori ut perfectibili, ne corpus impediret communicationem perfectionis, quam ipsi debebat prestare:

anima: cum ergo priuatio debeat esse in eo subiecto, in quo & forma, cuius est priuatio, peccatum originale primario debet esse in anima, in qua primario erat iustitia originalis.

Ibid. 3.

Sequitur 942. Post essentiam animæ peccatum originale primò inficere voluntatem.

Probatur sequela: Voluntas est potentia, quâ primò anima subijcitur Deo tamquam ultimo fini, & quâ primò inclinatur siue ad conuertendum se ad ipsum vt finem vltimum, siue ad auertendum se ab illo vt fine vltimo; voluntati enim primò conuenit respicere finem: Sed peccatum originale post essentiam animæ primò inficit illam potentiam, quâ anima primò subijcitur Deo vt ultimo fini & inclinatur ad conuertendum se ad Deum vt vltimum finem vel auertendum se ab illo: Ergo peccatum originale primò inficit voluntatem, post essentiam animæ: Minor est euidentis ex dictis, quia priuatio iustitiæ originalis modo dicto est peccatum originale: priuatio autem iustitiæ originalis primò deordinat partem superiorem circa finem, auertendo voluntatem à Deo vt fine vltimo tum supernaturali, tum naturali, vt supra probatum est; & ex hac deordinatione consequitur deordinatio in appetitu sensi-

tiuo & in omnibus alijs potentijs.

Sequitur 943. Potentiam generati- *Ibid. 4. 1. 2.*
uam, vim concupiscibilem, & poten-
tiam sensitivam tactus maximè infectas
fuisse per peccatum originale.

Probatur sequela: Ille potentia, quæ
proximè deseruiunt ad traductionem
peccati originalis, maximè dicuntur in-
fectæ per illud: Sed potentia generati-
ua, vis concupiscibilis, & potentia sen-
sitiva tactus sunt illæ, quæ proximè de-
seruiunt ad traductionem peccati; tra-
ducitur enim per generationem, quæ est
actus potentia generatiuæ ex concupis-
centia delectationum tactus proue-
niens: Ergo illæ potentia maximè di-
cuntur infectæ per peccatum originale.
Maior patet: quia infici vel infectio di-
citur illa corruptio, quæ nata est in aliud
transferri.

Sequitur 944. Per peccatum origina- *1. 2. 9. 83.*
le totaliter ablatum esse bonum origi- *4. 1. 6. 72.*
nalis iustitiæ, quæ dicitur bonum na-
turæ, quatenus erat à Deo toti natu-
ræ concessum, quamvis esset superna-
turale.

Probatur sequela: Per priuationem
totaliter aufertur forma, cuius est pri-
uatio: Sed peccatum originale est pri-
uatio iustitiæ originalis, ex dictis: Er-
go per peccatum originale totaliter
ablatum est bonum originalis iustitiæ.

Ibidem.

Sequitur 945. Per peccatum originale non esse ablatum vel diminutum bonum naturæ, quod est ipsa essentia hominis, & eius proprietates.

Probatur sequela: Quia quod non destruit subiectum, non tollit nec minuit eius essentiam & proprietates: Sed peccatum originale non destruit hominem, aliàs destrueret seipsum: Ergo peccatum originale non destruit vel minuit naturam hominis, & eius proprietates. Maior patet: quia essentia siue substantia & proprietates non recipiunt magis aut minus.

Ibidem.

Sequitur 946. Peccatum originale diminuere bonum naturæ, quod est inclinatio ad virtutem.

Probatur sequela: Quod auertit ab ultimo fine etiam naturali, diminuit inclinationem ad virtutem: Sed peccatum originale auertit ab ultimo fine etiam naturali: Ergo diminuit inclinationem ad virtutem. Maior patet: quia ut aliàs dicemus, ex eo, quod homo sit rationalis habet quidem veluti radicalem inclinationem ad virtutem, sed hæc inclinatio non est perfecta, nisi ex intentione ultimi finis veri, ex qua intentione voluntas eligit honestè vivere in omnibus, & in hac electione efficaci perficitur inclinatio ad virtutem, quæ consequenter fit maior vel minor.

iuxta perfectiorem vel minus perfectam
& intensam intentionem finis : Ergo
quod auertit voluntatem ab ultimo fine
vero etiam naturali, minuit inclinatio-
nem ad virtutem.

Sequitur 947. Liberum arbitrium *Ibidem*
non fuisse sublatum per peccatum ori-
ginale.

Probaturs sequela : Nulla proprietas
animæ rationalis est ablata per peccatum
originale, ex dictis : Sed liberum arbi-
trium est proprietas animæ rationalis, ut
iam diximus : Ergo &c.

Sequitur 948. Liberum arbitrium ef- *Ibidem*
se viribus attenuatum & inclinatum per
peccatum originale.

Probaturs sequela : Inclinatio ad vir-
tutem modo explicato est diminuta siue
attenuata, & eius perfectio ablata per
peccatum originale : Sed vires liberi ar-
bitrii nihil aliud sunt quam inclinatio
ad virtutem, orra ex intentione ultimi
finis veri, dante vires ipsi libero arbi-
trio ad prosequendam virtutem, ut di-
ctum est : Ergo vires liberi arbitrii sunt
imminutæ & inclinatæ per peccatum
originale.

Sequitur 949. Inclinationem homi- *Ibidem*
nis ad bonum rationi conforme, licet
sit diminuta, non esse totaliter ablatam
per peccatum.

Probaturs sequela : Voluntas etiam ut

384 *Secundum Doctrinā*

libera non est ablata per peccatum, ut probatum est: Sed inclinatio in bonum rationi conforme est ipsa voluntas, quæ, ut diximus in primo principio, est appetitus rationalis: Ergo inclinatio in bonum rationi conforme non est totaliter ablata per peccatum originale.

Ibid., ar. 3. Sequitur 950. Etiam ipsum intellectum fuisse aliquo modo obscuratum saltem in agendis per peccatum originale.

Probatur sequela: Inclinatio ad virtutem prudentiæ est etiam in intellectu diminuta per peccatum originale; aliàs enim nec in voluntate foret diminuta inclinatio ad alias virtutes; cum sint connexæ, ut aliàs dicemus: Sed hæc diminutio non est aliquid aliud, quàm obscuritas intellectus in agendis, ut est evidens: Ergo per peccatum originale, consecuta est obscuritas saltem in agendis.

Ibid.

Sequitur 951. In appetitu sensitivo concupiscibili ortam esse concupiscenciam effrenem, & in irascibili infirmitatem.

Probatur sequela: Deordinatio appetitus concupiscibilis consistit in concupiscendis bonis sensibilibus non conformiter ad rectam rationem; & deordinatio irascibilis in non prosequendis obiectis virtutum propter laborem cor-

poralem, ut patet: Sed ad peccatum originale consecuta est deordinatio appetitus concupiscibilis & irascibilis, ut constat ex dictis: Ergo ad peccatum originale consecuta est concupiscentia & infirmitas.

Sequitur 952. Rectè assignari quatuor vulnera ex peccato originali inflicta, scilicet, malitiam, ignorantiam, concupiscentiam & infirmitatem.

Ibidem.

Probatur sequela: Ex dictis hæc quatuor consecuta sunt ex peccato originali: Sed rectè hæc vocantur vulnera; quia per hæc quatuor dissolvitur continuitas & subordinatio animæ ad Deum, & potentiarum animæ inter se, sicut per vulnera dissolvitur continuitas partium corporis: Ergo &c.

Sequitur 953. Hominem in statu naturæ lapsæ non habere easdem vires, quas habiturus esset in statu naturæ puræ, si in ea fuisset conditus à Deo.

*Ibid. a. 1
& 1. 2. q.
109. a. 23*

Explicatur: Quando quæritur utrum homo habeat easdem vires in statu naturæ lapsæ ac in alio statu, non inquiretur de viribus physicis; ut enim constat ex dictis vires physicae, quæ sunt potentia ac proprietates animæ, sunt eadem in omni statu; vires verò physicae supernaturales, nullæ remanent in statu naturæ lapsæ quoad gratiam & virtutes, quæ per peccatum omnino amissæ sunt.

Solùm ergo quæstio est de viribus moralibus, atque adeo sermo est de homine, ut est agens morale: Constituitur autem homo in ordine agentis moralis per intentionem finis ultimi: Ex quo.

Probatur sequela: Non conuersus ad finem ultimum verum non habet easdem vires in ordine ad eligenda media ac conuersus in illum, ut patet ex dictis de diminutione inclinationis ad virtutem: Sed homo in statu naturæ lapsæ est non conuersus ad suum ultimum finem verum, Deum videlicet; & homo in puris naturalibus est conuersus ad suum ultimum finem verum: Ergo homo in statu naturæ lapsæ non habet easdem vires, ac habuisset in puris naturalibus. Minor quoad utramque partem patet ex dictis: ut enim supra diximus, homo in statu naturæ lapsæ est auersus à Deo etiam ut fine naturali; homo verò in puris naturalibus non potuit creari nisi conuersus in suum finem naturalem, qui est Deus.

Ibidem.

Sequitur 954. Multò minùs hominem in statu naturæ lapsæ posse habere easdem vires, quas homo habuisset in statu naturæ integræ.

Probatur sequela: Homo in statu naturæ integræ habuisset nedùm conuersionem ad Deum ut finem ultimum naturalem, sed etiam vigorem quemdam

ordinis naturalis, quo cohibuisset appetitum inferiorem, ne rebellaret adversus rationem: Atqui homo in statu naturæ lapsæ neutrum habet ex dictis: Ergo non habet easdem vires in statu naturæ lapsæ, ac in statu naturæ integræ. Quare in statu naturæ puræ potuisset acquirere omnes virtutes cum concursu Dei, sed cum maxima difficultate; in statu naturæ integræ multò facilius id potuisset; in statu verò naturæ lapsæ, licet possit aliquando aliquod bonum leve, non potest tamen vera opera virtutum, ut postea dicemus.

Sequitur 955. Hominem in statu naturæ lapsæ non posse ex suis viribus acquirere veras virtutes etiam morales.

*Ibid. &
1. 2. q. 65.
a. 2.*

Probatur sequela: Ut possint acquiri veræ virtutes etiam morales requiritur efficax intentio finis ultimi veri, saltem naturalis, ut postea probabimus: Sed homo in statu naturæ lapsæ non potest suis viribus habere efficacem intentionem ultimi finis veri, ex dictis: Ergo homo in statu naturæ lapsæ non potest acquirere veras virtutes etiam morales.

Sequitur 956. Hominem in statu naturæ lapsæ non posse suis viribus elicere opera veræ virtutis etiam moralis.

Ibidem.

Probatur sequela: Qui potest elicere opera veræ virtutis moralis, potest ac-

quirere veras virtutes: Sed homo in statu naturæ lapsæ non potest proprijs viribus acquirere veras virtutes morales: Ergo homo in statu naturæ lapsæ non potest proprijs viribus elicere opera verę virtutis etiam moralis.

Id.

Sequitur 957. Rationem à priori horum omnium esse, quia ad virtutes acquirendas & ad opera verę virtutis requiritur intentio efficax finis simpliciter.

Patet sequela ex dictis, & ampliùs probatur: quia, ut in primo principio diximus, electio efficax mediorum supponit efficacem intentionem finis: Sed vera virtus & verę virtutis opus est electio efficax mediorum ad vitam beatam: Ergo supponit intentionem efficacem vitæ beatæ. Minor probatur: quia bene vivere ordinatur essentialiter ad hoc quod est beatè vivere, ut etiam Aug. ait: unde qui non habet intentionem beatè viuendi, non potest bene vivere, hoc est, virtutis opera exercere, quæ sint verę virtutis opera.

*Aug.
tract. 43.
in Ioan.*

Sequitur 958. Hominem in natura lapsa posse opera aliqua leuia bona elicere.

*I. 2. qu.
102. a 2.*

Probatur sequela: Quando inclinatio ad bonum non est totaliter extincta, potest homo aliqua bona opera leuia ex huiusmodi inclinatione elicere: Atqui,

ex dictis, in natura lapsa inclinatio ad bonum non est totaliter extincta, Ergo potest aliqua bona opera elicere saltem leuia. Maior patet: quia ad opera leuia bona non requiritur efficax intentio finis veri, sed sufficit aliqua intentio inefficax finis siue boni honesti in communi, quæ intentio non sufficit ad opera virtutis. Ratio verò disparitatis est, quia opera virtutis veræ cum sint difficilia, tum ex motu, tum quia omnes sunt connexe, vt dicemus, requirunt intentionem efficacem finis; quæ intentio non habetur circa bonum vt sic in communi, eò quòd rationes istæ abstractæ, qualis est ratio boni in communi, non mouent efficaciter voluntatem quoad exercitium, nisi determinentur, ita vt ratio boni vt sic constitutur in aliquo obiecto, quod habeat totam rationem boni; & tunc voluntas mouetur ad efficaciter intendendum illud bonum, ex qua intentione potest vincere difficultates in medijs prosequendis occurrentes. At verò vt homo eliciat aliqua leuia opera non indiget tanta deliberatione, nec tam constanti & firma voluntate, qualis requiritur ad virtutem, quæ, vt dicemus, est constans voluntas.

Sequitur 959. Non omnia opera infidelium fuisse peccata.

2. 4. 102
32

Probatur sequela : Infideles sunt quidam in natura lapsa , nec consequenter possunt opera veræ virtutis etiam moralis elicere , vt frequenter docet Augustinus , cui hic vnus scopus est maximè contra Iulianum : Sed homo in natura lapsa potest aliqua bona leuia elicere , vt diximus : Ergo id poterunt etiam infideles : quamuis sæpius & vt plurimum sua illa opera , præsertim , quæ videbantur paulò difficiliora , malo motiuo vitiarent.

12. q. 109

a. 1.

Sequitur 960. Hominem in natura lapsa non proprijs viribus cognoscere omnia , quæ ad vitam prudenter transigendam necessaria sunt.

Probatur sequela : Qui non potest veras virtutes acquirere , non potest etiam omnia cognoscere , quæ ad vitam prudenter transigendam necessaria sunt ; si enim posset ista cognoscere , posset & prudentiam acquirere , in qua omnes virtutes connectuntur vt aliàs ostendimus : Atqui homo in natura lapsa nequit veras virtutes acquirere : Ergo nec quæ ad vitam prudenter transigendam necessaria sunt , cognoscere. Et in hoc maximè consistit vulnus ignorantia ; quamuis & aliquo modo se extendat ad cognitionem etiam veritatum speculatiuarum , quas homo lapsus non potest cognoscere nisi cum plurium errorum admi-

admixtione, tum ob phantasmatum confusionem, tum ob passionum perturbationem, & alia huius vitæ impedimenta.

Sequitur 961. Hominem in statu naturæ lapsæ non posse suis viribus diligere Deum super omnia, etiam ut finem ultimum naturalem. *Ibid. arg.*

Probatur sequela: Aversus à fine ultimo non potest suis viribus se ad illum convertere, siue diligere illum finem ultimum verum, à quo est aversus: Sed homo in statu naturæ lapsæ est aversus à fine ultimo vero, scilicet, Deo, ut dictum est: Ergo non potest solis suis viribus convertere se in Deum ut finem ultimum, diligendo illum super omnia. Maior probatur: quia, ut diximus in primo principio, prima intentio finis ut sic non subditur libertati saltem quoad specificationem; & quoad exercitium, ut homo aversus à fine ultimo sese ad illum converteret, necessarium foret, ut deliberaret: At qui non potest deliberare; quia non habet principium totius deliberationis, quod est intentio finis: Ergo homo aversus à fine ultimo non potest liberè sese ad illum convertere. Adde quod, cum, ut diximus, in hoc consistat peccatum originale, quod homo sit deordinatus circa Deum ut finem ultimum simpliciter, ita ut seip-

sum iam diligat sine ordine ac relatione ad Deum, consequenter homo à peccato originali proprijs viribus resurgeret, si Deum vt finem vltimum supra omnia propriā virtutē diligeret. Denique, Qui non potest opera virtutum elicere, non potest Deum vt finem vltimum diligere supra omnia; cum hoc opus sit vel maximè opus virtutis & difficillimū: Sed, ex dictis, homo non potest in natura lapsa opera veræ virtutis elicere: Ergo nec potest Deū etiam vt finem vltimum naturalem diligere super omnia proprijs viribus. Et sanè hoc posito iam & omnes virtutes acquireret, ijsque acquisitis omnes eius potentia ad debitum naturalem ordinem essent reductæ, ac, vt sic loquar, perfectè rectificatæ, atque adeo homo ille iustus esset iustitiā naturali: esset ergo iustificatus & liberatus à peccato originali, & nihilominus esset auersus à Deo vt fine vltimo supernaturali, & sic simul & semel esset conuersus ad Deum vt finem vltimum naturalem, & auersus ab illo vt fine vltimo supernaturali; & moriens in hoc statu, esset beatus beatitudine naturali, & esset miser ac priuatus beatitudine supernaturali, ita vt hæc priuatio haberet veram rationem poenæ, sicut & peccatum originale habet veram & propriam rationem pec-

cari: Quæ omnia implicare satis constat.

Sequitur 962. Hominem in natura lapsa non posse proprijs & naturalibus viribus omnia legis præcepta seruare etiam naturalia. *Ibid. a. 4.*

Probatur sequela: Seruare omnia legis præcepta etiam naturalia, est actus virtutum exercere: Sed homo in natura lapsa non potest actus virtutum exercere, ex dictis: Ergo nec potest omnia legis etiam naturalis præcepta seruare.

Sequitur 963. Hominem in natura lapsa posse aliqua legis naturalis præcepta leuia seruare. *Ibid.*

Probatur sequela: Qui potest leuia quædam opera bona elicere, potest etiam leuia quædam legis naturalis præcepta seruare, vt est euident: Sed, ex dictis, homo in natura lapsa potest leuia quædam opera bona elicere: Ergo potest etiam leuia quædam legis naturalis præcepta seruare.

Sequitur 964. Hominem in natura lapsa non posse proprijs viribus sese disponere ad gratiam habitualement. *Ibid. a. 6.*

Probatur sequela: Qui nihil potest supernaturale, non potest sese disponere ad gratiam habitualement: Sed homo in natura lapsa non potest proprijs viribus aliquid supernaturale; quia, vt ostendimus, est priuatus omni dono su-

pernaturali, atque adeo omni principi, quo possit opus supernaturale vel minimum elicere: Ergo non potest sese disponere ad gratiam habituales. Maior est evidens: Omnis enim dispositio ad aliquam formam est eiusdem ordinis cum forma: Sed gratia habitualis, ut diximus, est ordinis supernaturalis: Ergo & dispositio ad gratia habituales. Maior probatur, quia esse eiusdem ordinis nihil aliud est, quam dicere aliquem ordinem siue aliquem respectum ad illud, cum quo dicitur esse eiusdem ordinis: Atqui omnis dispositio ad aliquam formam, eo ipso quod est dispositio, dicit ordinem ad formam, ad quam est dispositio; implicat enim etiam intelligere dispositionem ad aliquam formam siue ordine & respectu ad illam: Ergo omnis dispositio ad aliquam formam est eiusdem ordinis cum illa. Nec dicas quod dispositio ad formam substantialem est accidens, atque adeo non est eiusdem ordinis: Nam ista instantia ostendit quidem, quod dispositio non debeat esse eiusdem generis siue eiusdem prædicamenti cum forma; non tamen ostendit, quin debeat esse eiusdem ordinis; quia ad hoc ut aliquid sit eiusdem ordinis sufficit, quod dicat aliquem respectum ad aliud; ut autem sit eiusdem generis requiritur, ut participet

aliquod prædicatum essentiale idem cum alio.

Sequitur 965. Hominem in statu naturæ lapsæ non posse sese disponere ad gratiam habitualementem etiam dispositione remota. *Ibidem*

Probatur sequela: Quia omnis omnino dispositio debet esse eiusdem ordinis, etiam quantumcumque remota, si habeat veram rationem dispositionis, ut probatum est.

Sequitur 966. Hominem in statu naturæ lapsæ non posse propriè loquendo sese disponere dispositione negativa ad gratiam habitualementem proprijs viribus. *Ibidem*

Probatur sequela: Sese disponere dispositione negativa (si propriè loquamur) est non ponere obicem, non absolute, sed eo intuitu, & ea intentione, ut habeatur forma: Sed homo in natura lapsa non potest proprijs viribus non ponere obicem eo intuitu & ea intentione, ut habeat gratiam habitualementem: Ergo homo in natura lapsa non potest proprijs viribus sese disponere etiam negativè ad gratiam habitualementem. Maior probatur: quia hoc, quod est non ponere obicem præcisè & ut sic, non est sese disponere negativè; aliàs dormiens & nihil de forma cogitans, si nullum impedimentum respectu formæ apponeret, sese negativè disponderet, quod

est absurdum: Oportet ergo ad hoc, ut non ponere obicem dicatur dispositio negatiua, quod is, qui non ponit obicem, ideo illum non ponat, ut formam consequatur, ita ut absteineat liberè ab illo obice ponendo ea intentione ut saltem sit minùs indispositus ad formam illam. Hinc iam patet minor: quia illa intentio, quâ quis vult liberè non ponere obicem ad gratiam habitualement, est actus supernaturalis: Ergo non potest homo in natura lapsa proprijs viribus illam intentionem elicere. Hoc verò amplius constabit ex sequenti conclusionem.

Ibid. ar. 8. Sequitur 967. Hominem in natura lapsa non posse proprijs viribus diu stare, quin incidat in aliquod peccatum mortale.

Probaturs sequela: Qui non intendit efficaciter finem vltimum verum, sed est auersus ab illo, non potest proprijs viribus diu stare, quin agat iuxta illam auersionem, præcipuè si sit conuersus ad alium finem vltimum non verum: Atqui homo in natura lapsa non solum est auersus à Deo vero fine vltimo, verum etiam est conuersus ad creaturam tamquam finem vltimum, quem ipse sibi præstituit: Ergo non potest proprijs viribus diu stare, quin incidat in aliquod peccatum mortale. Maior est cui-

dens: quia homo agit præsertim in repentinis conformiter ad finem, quem sibi præstituit, & quando non habet intentionem alicuius finis, in casibus occurrentibus sæpiùs agit contra illum finem, quem non intendit. Minor quoad primam partem patet ex dictis: peccatum enim originale, ut diximus, importat auersionem à Deo ut fine ultimo etiam ordinis naturalis. Secunda verò pars minoris probatur: quia, ut aliàs dicemus, homo adultus non potest esse in solo peccato originali, eò quòd tenetur in primo instanti morali usus rationis conuertere se in Deum; quod si faciat, iustificabitur; sin minùs, peccabit mortaliter, atque adeo homo adultus non potest esse solùm auersus à Deo ut fine ultimo per peccatum originale, quin sit conuersus ad creaturam ut finem ultimum per peccatum mortale actuale.

Sequitur 968. Hominem in natura lapsa non posse resurgere à peccato proprijs viribus. *Ibid ar 7.*

Probatur sequela: Resurgere à peccato tria includit, videlicet recuperare gratiam habitualement, conuertere se ad Deum ut finem ultimum, & satisfacere pro peccato, ut est offensa Dei: Atqui homo in natura lapsa nihil ex his tribus potest proprijs viribus: Ergo ho-

mo in natura lapsa non potest proprijs viribus resurgere à peccato. Maior patet, quia resurgere à peccato est reparare damnum illatum per peccatum: Sed damnum illud est triplex, scilicet privatio gratiæ, quæ non reparatur nisi per adeptionem gratiæ; auersio à Deo vò sine ultimo naturali, quæ non reparatur nisi per conuersionem; & demum offensa Dei, quæ non reparatur nisi per satisfactionem: Ergo resurgere à peccato includit illa tria. Minor verò etiam probatur ex dictis: nam homo in natura lapsa non potest sese disponere ad gratiam, nec se conuertere in Deum vt finem ultimum etiam naturalem. Quod autem non possit satisfacere pro offensa Deo illata mox probabitur.

Ibid. c. 1. Sequitur 969. Hominem in natura lapsa non posse satisfacere pro peccato, vt est offensa Dei.

Probatur sequela: Omnis satisfactio vel fundatur in iustitia, vel in amicitia: Sed neutra potest esse in homine in natura lapsa erga Deum: Ergo non potest dari in homine naturæ lapsæ aliqua satisfactio. Maior probabitur aliàs. Minor etiam quoad primam partem paulò post ostendetur; quoad secundam verò partem patet ex dictis, quia homo in natura lapsa non habet gratiam, nec consequenter amicitiam cum Deo.

Sequitur 970. Homini in natura lapsa gratiam esse omnino indebitam.

Probatur sequela : Omne donum supernaturale est indebitum naturæ præsertim existenti in peccato : Sed homo in natura lapsa est in peccato saltem originali : Ergo omne donum supernaturale est indebitum homini in natura lapsa , & consequenter gratia est illi indebita.

Sequitur 971. Hominem in natura lapsa nihil posse illorum , quæ diximus , nisi ex dono gratuito & indebito. *Loci citati.*

Probatur sequela : Quod homo non potest suis viribus , & aliunde potest , debet illud posse ex dono gratuito & indebito : Sed homo potest ea , quæ diximus , videlicet acquirere virtutes , præparare se ad gratiam , &c. Ergo cum hoc non possit suis viribus , ut probatum est , debet illud posse ex dono gratuito & indebito.

Sequitur 972. Illud sine quo homo in natura lapsa non potest prædicta , esse gratiam vel habitualementem , vel actualem. *Ibidem.*

Probatur sequela : Omne donum gratuitum propriè , est gratia ; & omnis gratia est vel habitualis vel actualis : Sed , ex dictis , homo in natura lapsa indiget dono gratuito , & indebito propriè siue omnino : Ergo homo in natura lapsa indiget gratiâ vel habituali vel

actuali, ut possit prædicta omnia.

Idem. locis.

Sequitur 973. Omne illud, quod homo in natura lapsa non potest, quia exigit, vel inuoluit, vel præsupponit conuersionem ad Deum ut ultimum finem, connaturaliter & ordinariè, esse non posse sine gratia habituali & charitate.

Probat sequela: Nullus actus charitatis connaturaliter esse potest sine gratia & charitate: Sed conuersio ad Deum ut finem ultimum est actus charitatis; est enim dilectio Dei ut finis ultimi, atque adeo super omnia, ut patet ex dictis: Ergo conuersio ad Deum ut finem ultimum, & ea, quæ illam exigunt, inuoluunt, vel præsupponunt, esse non possunt connaturaliter sine gratia & charitate. Maior constat: quia actus proprietatis non potest esse sine natura & eius proprietate connaturaliter; præsertim quando actus ille est vitalis, qui exigit principium radicale coniunctum, ut diximus in primo principio: Sed actus charitatis est amor, atque adeo actus vitalis procedens à volūtare ut eleuata per ipsam charitatem, quæ, ut supra diximus, est proprietas gratiæ: Ergo nullus actus charitatis potest esse connaturaliter sine habitu charitatis ~~vel~~ sine gratia.

1.2.9.109.

9.3.

Sequitur 974. Conuersionem ipsam in Deum ut finem ultimum esse non

posse in natura lapsa sine charitate & gratia habituali.

Probatur sequela : Nullum illorum , quæ exigunt conuersionem in Deum vt finem vltimum , potest connaturaliter esse in natura lapsa sine charitate & gratia habituali, ex dictis : Sed ipsa conuersio in Deum vt finem vltimum maximè exigit eandem conuersionem , vt ex terminis identicis est euidens : Ergo conuersio in Deum vt finem vltimum esse non potest sine gratia & charitate habituali.

Sequitur 975. Hominem non posse in *ibidem* natura lapsa diligere Deum super omnia , conteri de peccatis propter Deum summè dilectum , acquirere virtutes , satisfacere Deo pro offensis , sine gratia & charitate habituali.

Probatur sequela : Quæ exigunt vel inuoluunt conuersionem in Deum vt finem vltimum , non possunt esse sine gratia & charitate habituali , ex dictis : Sed ista omnia exigunt vel inuoluunt conuersionem in Deum vt finem vltimum , vt ostendimus : Ergo ista omnia esse non possunt sine gratia & charitate habituali.

Sequitur 976. Dispositiones proximas & concomitantes ad gratiam habitua-
lem exigere ipsam gratiam habitua-
tamquam principium effectiuum & ali-

1. 2. q. 112
ar 7.

quo modo formale illarum dispositionū.

Probatur sequela: Actus charitatis & contritionis non possunt esse sine gratia habituali, ex dictis: Sed dispositiones proximæ & concomitantes ad gratiam habitualem sunt actus charitatis & contritionis: Ergo dispositiones proximæ & concomitantes ad gratiam habitualem exigunt ipsam gratiam habitualem tamquam principium effectuum & aliquomodo formale; quia nimirum ipsa gratia & charitas & poenitentia ut est in infundi est causa illorum actuum, & nihilominus hi actus præparant subiectum ad recipiendam eandem gratiam, charitatem & poenitentiam, ut sunt habitus. Vide dicta in primo principio, ubi ostendimus, quomodo hi actus sint priores & posteriores in diuerso genere causæ. Quod verò gratia sit principium quodammodo formale eorumdem actuum, patebit infra, quando dicemus gratiam esse quodammodo principium formale omnis actus meritorij, in quantum gratia debet informare & reddere subiectum gratum ad hoc ut mereatur.

2.2.9.109.
67.3.

Sequitur 977. Hominem in natura pura (si in ea fuisset conditus) non indiguisse gratiâ propriè dictâ, ut se converteret in Deum, quamdiu in eo statu mansisset.

Probatur sequela: Homo in natura

pura non habuisset gratiam vel peccatum, ut constat ex his, quæ diximus, imò in tali statu non potuisset habere: Ergo illa non indigebat. Indiguisset tamen in eo statu auxilio quodam ordinis naturalis, maiori vel minori iuxta maiorem vel minorem difficultatem actus, quem debuisset elicere. Quòd si semel homo ab eo statu decidisset per peccatum mortale, non potuisset ab illo resurgere sine dono quodam gratuito, quod probabilius est, futurum esse donum gratiæ. Sed de hoc vix quicquam deuinare possumus, quia vel talis status non potuisset diu permanere, vel Deus aliquod donum naturale illi tribuisset, quo expelleretur peccatum. Modò verò, quia ut supra diximus, homo per extrinsecam Dei ordinationem est ordinatus ad finem supernaturalem, fieri non potest, ut se conuertat in Deum ut finem vltimum naturalem, quin simul se conuertat in Deum ut finem vltimum supernaturalem.

Sequitur 978. Hominem in statu naturæ integræ omnia potuisse, quæ sunt ordinis naturalis, sine vlllo dono gratiæ supernaturalis. *Ibid. ar. 2. 34 & 8.*

Probatur sequela: Qui non est ordinatus nisi in finem naturalem, & est perfectè conuersus ad illum, & habet appetitum inferiorem perfectè subie-

584 *Secundum Doctrinam.*

ctum, non indiget dono aliquo supernaturali; cum non debeat operari supernaturaliter, vt patet ex dictis: Sed homo in statu naturæ integræ non fuisset ordinatus in finem nisi naturalem, & fuisset perfectè conuersus ad illum, habuissetque appetitum perfectè subiectum, vt diximus: Ergo in tali statu non indiguisset dono aliquo supernaturali.

Pr. 9. 109
Pr. 1.

Sequitur 979. Hominem in statu naturæ integræ potuisse cognoscere omnes veritates speculatiuas & practicas ordinis naturalis, cognoscibiles per sensibilia.

Probatur sequela: Qui habet intellectum nullo modo obscuratum, sed potius habentem vim naturalem & acumen expeditum, potest cognoscere omnes veritates speculatiuas & practicas ex principijs primis & sensibilibus cognoscibiles, quæ non superant caput ipsius intellectus: Atqui homo in statu naturæ integræ habuisset intellectum nullo modo obscuratum, sed optimè dispositum & expeditum, vt constat satis ex dictis: Ergo, &c.

Ibid. 2.

Sequitur 980. Hominem in statu naturæ integræ potuisse seruare omnia legis naturalis mandata, diligere Deum super omnia vt finem vltimum naturalem, & omne aliud bonum opus

ordinis naturalis facere & operari.

Probatur sequela: Quia sufficientes habuisset vires, & nihil obstitisset, ut patet ex dictis.

Sequitur 981. Hominem in statu innocentiae potuisse omnia illa, quæ supra diximus de Adamo, & posteris, si Adam permanisset in eo statu. *Vide dicta supra seq. 829 & sequent.*

Patet sequela ex dictis supra.

Sequitur 982. Hominem in quolibet statu indiguisset concursu Dei ad quemlibet actum, qui concursus esset ipsi actui proportionatus. *1.2 q.109 per totam*

Probatur sequela: Omnis causa secunda indiget concursu Diuino illius ordinis, cuius est actio elicienda: Sed homo in quocumque statu ponatur, est causa secunda: Ergo indiget in quolibet statu concursu Diuino actibus eliciendis proportionato. Hunc verò concursum debere esse præuium, imò & prædeterminantem, iam superius probatum est in primo principio.

Sequitur 983. Hominem in natura lapsa indigere auxilio supernaturali ad plures actus, ad quos illo non indiguisset, si fuisset in statu naturæ puræ vel integræ. *Ibidem*

• Probatur sequela: Omnis causa indiget concursu & auxilio proportionato actibus eliciendis: Sed plures actus eliciendi ab homine in natura lapsa de-

bent esse supernaturales, quos viribus naturæ homo in natura pura vel integra poterat elicere: Ergo homo in natura lapsa indiget auxilio proportionato, id est, supernaturali ad actus, ad quos in natura pura vel integra illo non indiguisset. Maior iam probata est. Minor etiam constat ex dictis: nam homo in natura pura vel integra poterat diligere Deum super omnia solis naturæ viribus, non autem in natura lapsa, ut ostendimus; & idem dicendum de alijs actibus, quos supra diximus hominem non posse elicere in natura lapsa ex viribus naturæ; quos tamen ostendimus potuisse in natura pura & integra, si in ijs statibus conditus esset.

Art. 9. 109.
4. 9.

Sequitur 984. Hominem in natura lapsa indigere gratia per seipsam efficaci, aliter tamen seu efficaciori, quam indiguisset in statu iustitiæ originalis.

Probatur sequela: Liberum arbitrium attenuatum & inclinatum perfectiori gratia indiget, quam liberum arbitrium sanum & validum, ut patet: Atqui homo in statu naturæ lapsæ habet liberum arbitrium viribus attenuatum & inclinatum, ut superius probatum est; & in statu iustitiæ originalis habebat sanum & validum, ut vidimus: Ergo homo in statu naturæ lapsæ indiget perfectiori auxilio gratiæ, quam in sta-

tu iustitiæ originalis indiguisset.

Sequitur 985. Hanc maiorem perfectionem auxilij gratiæ non consistere in hoc, quòd in statu iustitiæ originalis illud auxilium subderetur nutui liberi arbitrij, ita ut illud redderet efficax vel inefficax; in statu verò naturæ lapsæ illud auxilium sit ex natura sua efficax. *Ibidem.*

Probatur sequela: In omni statu gratiæ auxilium debet esse ex seipso efficax, ut homo per illud de facto operetur; neque potest in aliquo statu dari auxilium, quod subdatur nutui liberi arbitrij, ita ut illud reddat efficax vel inefficax. Atqui hoc posito, non potest discrimen inter auxilium gratiæ status innocentiae & status naturæ lapsæ distingui ex eo capite, ut est evidens: Ergo maior efficacia auxilij gratiæ in statu naturæ lapsæ non potest consistere in hoc, quòd in statu innocentiae redderetur efficax vel inefficax ex nutu liberi arbitrij; in statu verò naturæ lapsæ sit ex natura sua efficax: Maior constat ex dictis supra, cum de prædestinatione ageretur, & potest sic probari: Omne auxilium habens infallibilem causalitatem respectu actus est per seipsum efficax: Atqui in omni statu auxilium Divinæ gratiæ, quod Deus dat, ut homo de facto operetur, habet in-

fallibilem causalitatem respectu actus: Ergo in omni statu auxilium datum à Deo eā intentione, vt homo de facto operetur, est per seipsum efficax. Maior patet ex terminis: nihil enim aliud intelligimus nomine auxiliij per seipsum efficacis, nisi auxilium, quod habet infallibilem causalitatem respectu actus, ad quem datur. Minor verò probatur: Virtus executiua intentionis & voluntatis Diuinæ debet habere infallibilem causalitatem iuxta intentionem Dei: Sed auxilium gratiæ, quod Deus dat eā intentione, vt homo operetur, est virtus executiua intentionis & voluntatis Diuinæ: Ergo auxilium gratiæ, quod Deus dat eā intentione, vt homo operetur, habet infallibilem causalitatem respectu actus. Maior huius vltimi argumenti negari non potest: quando enim Deus mediante aliqua virtute vult infallibiliter causare & efficere aliquid, illa virtus debet eo modo in executione præstare, quod voluntas Diuina intendit: Sed infallibilis causalitas competit voluntati Diuinæ respectu omnium, quæ Deus vult, vt superius demonstratum est, & ipsa fides docet; *Omnia, enim, quacumque voluit, fecit, & facit in celo & in terra; & nihil est nisi per voluntatem Dei tamquam per causam: Quomodo, namque, posset ali-*

Psal. 115.

Sap. 15.

quid permanere, nisi tu voluisses, ait Sapiens: Ergo virtus executiua intentionis & voluntatis Diuinæ, debet habere infallibilem causalitatem: Minor verò illius postremi argumenti est etiam certa ex terminis: Quando enim Deus dat aliquod auxilium, quo vult hominem operari, illud auxilium est virtus executiua voluntatis Diuinæ.

Nec valet, si quis dicat, Diuinam voluntatem habere causalitatem infallibilem infallibilitate præscientiæ. Non valet, inquam, quia Voluntati Diuinæ in ratione causæ debet conuenire omnis perfectio simpliciter simplex non veluti extrinseca, sed propria & ad propriam rationem pertinens, sicut sapientiæ Diuinæ debet competere omnis perfectio simpliciter simplex pertinens ad rationem sapientiæ, & cuilibet alteri attributo debet competere omnis perfectio simpliciter simplex pertinens ad rationem illius attributi: Atqui infallibilitas in causando est perfectio simpliciter simplex causæ ut causa est; Hæc enim infallibilitas nihil aliud est, quam perfectissima virtus causæ, potens omnia impedimenta remouere, omnes dispositiones ponere, atque attingere ipsum suum effectum: Ergo infallibilitas in causando debet competere voluntati Diuinæ, non veluti extrinseca, quæ

scilicet petatur ex præscientia, sed intrinseca, quæ conueniat ipsi in ratione causæ. Cum ergo auxilium, quo Deus intendit hominem mouere ad operandum, habeat eandem infallibilem causalitatem, quatenus est virtus executiua decreti Diuini, dicendum est, quod auxilium illud est ex natura sua efficax in quocumque tandem statu: atque adeo differentia inter maiorem efficaciam auxilij, quæ debet esse in natura lapsa, non petitur ex eo, quod in natura lapsa sit auxilium de se efficax, & in statu innocentia sit à voluntate determinabile; sed aliunde peti debet.

Item.

Sequitur 986. Hanc maiorem efficaciam auxilij consistere in hoc, quod auxilium in natura lapsa debet sanare, & dare vires, & applicare; auxilium verò in statu innocentia debebat tantum applicare.

Probatur sequela: Auxilium efficax non supponens vires, vt faciat agere, debet illas dare, & præterea applicare; auxilium verò efficax supponens vires debet solum applicare ad hoc vt faciat agere: Atqui auxilium efficax, quod datur homini in natura lapsa, non supponit vires; Et auxilium efficax datum homini in statu innocentia supposebat vires: Ergo auxilium efficax in natura lapsa dat vires, & applicat; auxilium.

Verò efficax in statu innocentiae solum applicabat.

Sequitur 987. Auxilium efficax in natura lapsa in eo tribuere vires, quòd per modum transeuntis, & quoad vnum actum perfectè subijcit partem superiorem Deo, & inferiorem superiori. ibid.

Probatur sequela: Defectus virium in natura lapsa consistit in hoc, quòd pars superior non est perfectè subiecta Deo ut fini ultimo, nec pars inferior superiori, ex dictis supra: Sed auxilium efficax in natura lapsa supplet defectum virium in vno actu, cum det vires, ut iam ostendimus: Ergo auxilium efficax in natura lapsa subdit perfectè partem superiorem Deo, & partem inferiorem superiori.

Sequitur 988. Auxilium efficax in natura lapsa præstare per modum transeuntis, quod præstabat iustitia originalis per modum permanentis. Ex eod. loco,

Probatur sequela: Iustitia originalis præstabat per modum permanentis, quòd pars superior esset perfectè subiecta Deo, & pars inferior esset perfectè subiecta superiori, ut diximus: Sed auxilium efficax in natura lapsa idem præstat per modum transeuntis & ad vnum actum, ut diximus: Ergo auxilium efficax idem præstat per modum transeuntis, quod præstabat iustitia origi-

nalis per modum permanentis. Sed addenda est alia differentia, quia iustitia originalis id omnino præstans per modum permanentis, subijciebat partem superiorem Deo, & inferiorem superiori absque vlla difficultate, quia erat permanens & veluti connaturalis: At verò auxilium efficax in natura lapsa idem præstat non permanentiter, nec connaturaliter, sed cum aliqua difficultate, quam tamen vincit; & ideo congruè vocatur *Vidrix delectatio*, non quia solùm vincit motus appetitus inferioris, sed etiam quia vincit difficultatem, quam habet etiam pars superior ratione peccati ad subdendum se perfectè Deo.

Ibid.

Seq. 989. Auxiliū efficax necessarium esse hominī in natura lapsa, etiam reparata per gratiam habitualem, charitatem, & virtutes infusas.

Probatur sequela: Idcirco auxilium efficax in natura lapsa necessarium est, ut det vires, quas non habet homo in hoc statu, hoc est, ut diximus, perfectè subijciat partem superiorem Deo ut finī ultimo, & partem inferiorem superiori: Atqui hæc necessitas est etiam in natura reparata per gratiam & virtutes infusas; quia gratia & virtutes infusæ sanāt quidem hominem quantum ad mentem, non tamen quantum ad carnem, nec

tollunt omnem ignorantiae obscuritatem ex parte intellectus: Ergo in natura lapsa sed reparata per gratiam & virtutes infusas necessarium est auxilium efficax. Minor probabitur infra, sed interim explicatur: Gratia & charitas faciunt quidem mentem, quatenus faciunt ut homo respiciat Deum ut finem ultimum, & ad ipsum se suaque omnia salutem habitualiter referat: Sed hæc habitualis relatio non reddit rationem hominis semper actu vigilantem, & attentam, ut in omnibus se suaque omnia referat in Deum, quod tamen necessarium esset ad perfectam sanitatem, & ad perfectam subiectionem partis superioris ad Deum ut finem ultimum. Sic etiam virtutes infusæ, in appetitu sensitivo existentes, non præstant, ut appetitus ille perfectè subiiciatur rationi; unde requiritur, quod gratia efficax utrumque præstet.

Nec dicas, Si iustitia originalis præstabat homini ut actu omnia referret in Deum, & actu semper consideraret finem ultimum, sequitur non fuisse necessarium in illo statu ullum auxilium efficax. Nam contra est, quia cum hoc ipsum, quod est actu referre, & actu considerare, esset homini innocenti liberum, ad hoc debebat dari auxilium efficax, ut homo vellet liberè semper actu

considerare , & actu referre , nec tollebat hoc ab homine rationem causæ secundæ in quolibet actu dependentis à prima , cum nec beatitudo id illi conferat ; Erat ergo solùm iustitia originalis vis & vigor quidam , quo posset homo semper actu considerare finem , & referre se suaque omnia in illum ; ad quod tamen indigebat auxilio efficaci & applicante. In statu autem naturæ lapsæ etiam reparatæ per gratiam & virtutes , non est hæc vis & vigor : vnde requiritur , quòd illi detur transeunter per auxilium gratiæ per seipsam efficacis.

Ibid. Sequitur 989. Hominem in statu naturæ lapsæ reparatæ per gratiam & virtutes indigere auxilio gratiæ ad bonum operandum , & malum vitandum.

Probatur sequela: Homo in statu naturæ lapsæ reparatæ non potest operari bonum , & vitare malum , nisi habeat vires ad hoc , ut est evidens : Atqui per gratiam habitualement & virtutes sine auxilio gratiæ non habet vires , ut patet ex dictis : Ergo indiget auxilio gratiæ , quod tribuit vires , ut dictum est. Quare homo in natura lapsa reparata non solùm indiget auxilio gratiæ propter rationem generalem , quia nimirum omnis causa secunda indiget concursu prævio & applicante , ut in primo principio ostensum est , sed etiam speciali ratione ob defectum

defectum virium, ut iam supra diximus.

Sequitur 990. Hominem in statu naturæ lapsæ reparatæ indigere auxilio gratiæ ad singulos actus, quibus bonum operatur, vel liberè vitat malum. *Ibidem?*

Probatur sequela: Qui indiget viribus ad omne bonum, & non habet illas permanentes, sed tantum pro quolibet actu transeuntes, indiget auxilio, quod dat huiusmodi vires ad singulos actus, ut ex terminis constat: Sed, ex dictis, homo in statu naturæ lapsæ reparatæ indiget viribus, nec illas habet permanentes per gratiam habitualementem, & per auxilium gratiæ non habet illas, nisi transeuntes pro quolibet actu: Ergo indiget auxilio dante has vires ad singulos actus. Intellige hoc iuxta dicenda inferius.

Sequitur 991. Iuxta maiorem vel minorem difficultatem operis, hominem in natura lapsæ reparatæ indigere maiori vel minori auxilio. *Ex eodem loco.*

Probatur sequela: Qui indiget viribus, indiget illis maioribus vel minoribus iuxta maiorem vel minorem difficultatem operis, ut est evidens: Atqui homo indiget viribus in statu naturæ lapsæ reparatæ, & hæ vires tribuuntur per auxilium gratiæ: Ergo sicut indiget maioribus vel minoribus viribus iuxta difficultatē operis, ita indiget maiori vel

minori auxilio iuxta difficultatē operis.

*In 3. dist.
81. q. 1. ar.
3.*

Sequitur 992. Hominem in natura lapsa reparata indigere auxilio gratiæ ad tentationes vincendas.

Probatur sequela: Qui indiget auxilio gratiæ ad omne bonum agendum, & malum vitandum, indiget eodem ad tentationes vincendas: Sed, ex dictis, homo in natura lapsa etiam reparata indiget auxilio gratiæ ad bonum operandum, & malum vitandum: Ergo indiget auxilio gratiæ ad vincendas tentationes: Victoria enim tentationum est aliquod bonum, & succumbere tentationi est aliquod malum. Hoc tamen intelligitur de victoria tentationum, quæ non sunt leues omnino: si enim homo in natura lapsa etiam non reparata potest aliquod bonum leue, ut probauimus, à fortiori hoc poterit homo in natura lapsa reparata, cum maiores habeat vires: Sed hinc colliges hominem in natura lapsa non reparata indigere multò magis auxilio Dei ad vincendas tentationes.

*1. 2. q. 109.
a. 9.*

Sequitur 993. Hominem in natura lapsa reparata indigere auxilio gratiæ ad omnia opera virtutum etiam moralium acquisitarum.

Probatur sequela: Qui indiget auxilio gratiæ ad omne bonum non leue, indiget illo ad omnem actum virtutis etiam moralis acquisitæ; quia bonum

istud est non leue, sed difficile saltem ex motiuo, vt aliàs dicemus: Sed homo in natura lapsa reparata indiget auxilio ad omne bonum non leue, vt iam ostensum est: Ergo indiget auxilio gratiæ ad actus virtutum etiam moralium acquisitionem.

Sequitur 994. Hominem in natura lapsa reparata indigere speciali auxilio gratiæ ad perseuerandum. *ib. ar. 101*

Probatur sequela: Iuxta maiorem vel minorem difficultatem operis homo in natura lapsa etiam reparata indiget maiori & specialiori, vel minori & minùs speciali auxilio Diuinæ gratiæ, ex dictis: Sed actu perseuerare vsque ad finem vitæ, ac vincere tentationes, quæ in fine vitæ præsertim occurrunt, & elicere actus necessarios ad continuationem illam, est opus maximè difficile, vt patet ipsâ experientiâ; multi enim vincunt vnâ vel alterâ tentationem bis aut ter insurgentem, sed tadio & importunitate tentationis sæpiùs pulsantis tandem succumbunt; item multi vnum aut alterum actum virtutis eliciunt, sed si sæpius occurrat eliciendus, ipsâ continuationis difficultate vincuntur, maximè sub finem vitæ: Ergo ad actu perseuerandum requiritur auxiliũ gratiæ speciale. Neque verò hoc donum speciale consistit in sola protectione &

prouidentia extrinseca , nisi forte in pueris ante adultam ætatem morientibus ; sed in auxilio intrinseco , quod datur ad actum vltimum charitatis, quem eliciunt, qui saltem vt plurimū habet maiorem difficultatem.

Hinc verò habes fuisse necessarium aliquod auxilium naturale etiam speciale in statu naturæ puræ, in quo fuisset difficultas in perseuerando. Sed aduerte, quòd quamuis ex difficultate vincendi tentationes colligamus necessitatem doni perseuerantiæ , non intelligimus tamen de difficultate orta ob rebellionem carnis, sed ex ipsa difficultate continuationis ; vnde, cum hæc difficultas esset in statu innocentia , etiam in illo homo indigebat auxilio speciali , non tamen ita speciali sicut in statu naturæ lapsæ.

Ibidem.
ad 3.

Sequitur ergo 995. Hominem in statu innocentia indiguissē auxilio gratia ad perseuerandum.

Probat sequela : Vbi est difficultas perseuerantiæ , ibi est indigentia auxiliij gratia ad perseuerandum : Sed etiam in statu innocentia fuisset difficultas perseuerantiæ ; quia ista non oritur, vt ostensum est, ex rebellionē appetitus, sed ex ipsa continuatione, & ex victoria externarum tentationum, quas Deus vult permittere ad exercitium virtutis:

Ergo homo indiguit speciali auxilio.

Sequitur 996. Deum contulisse Adamo auxilium gratiæ , quo posset perseverare. *Ibidem.*
ad 3.

Probatur sequela : Non potuit Deus homini imputare ad culpam , si homini sine culpa præcedente deesset aliquid necessarium, quo posset elicere actum , cuius omissio est peccatum : Sed Adamo imputatus est ad culpam actus , quo non perseveravit : Ergo non defuit illi auxilium necessarium, quo posset perseverare , & sine quo non poterat.

Sequitur 997. Illud auxilium collatum Adamo ad perseverandum , non fuisse ex natura sua efficax. *Ibidem.*

Probatur sequela : Auxilium efficax semper infert infallibiliter actum , ad quem datur , ut dictum est : Sed auxilium datum Adamo non intulit infallibiliter actum perseverantiæ , cum peccarit , ut ostendimus : Ergo auxilium datum Adamo non fuit auxilium efficax.

Sequitur 998. Illud auxilium collatum Adamo fuisse auxilium non *quo* , sed *sine quo* siue sufficiens. *Ibid.*

Probatur sequela : Omne auxilium Divinæ gratiæ vel est auxilium *quo* fit, & efficax , vel auxilium *sine quo* , vel sufficiens ; est enim hac distinctio data per membra quodammodo contradicto-

600 *Secundum Doctrinam*

ria; quia auxilium *quo* est illud, quo infallibiliter fit actus, ad quem datur; auxilium verò *sine quo*, est illud, quo non fit infallibiliter actus ad quem datur: Sed auxilium collatum Adamo non fuit auxilium *quo*, ut patet ex dictis: Ergo fuit auxilium *sine quo*, siue sufficiens.

Ibidem.

Sequitur 999. Ultra auxilium *quo* siue efficax, dari auxilium *sine quo* siue sufficiens.

Probatur sequela: Auxilium collatum Adamo fuit auxilium sufficiens: Ergo datur, aut saltem aliquando datum fuit auxilium *sine quo* distinctum ab efficaci.

Ibid.

Sequitur 1000. Eâdem ratione dicendum esse, dari de facto in natura lapsa auxilium *sine quo*.

Probatur sequela: Auxilium, quod non infert infallibiliter actum in ordine ad quem datur, est auxilium sufficiens: Sed in natura lapsa datur auxilium, quod non infert infallibiliter actum, in ordinem ad quem datur, ut constat experientiâ; dantur enim plures inspirationes, illustrationes, boni motus voluntatis indeliberati, quibus tamen homo non assentitur: Ergo datur in natura lapsa auxilium sufficiens. Quare mihi semper mirum visum fuit, quod aliqui Theologi asseruerint, non dari auxilium sufficiens in natura lapsa, & quod

D. Thoma Principium. 601

nihilominus constituerint auxilium efficax , in inspiratione & bono motu indeliberato voluntatis consistens : cum enim experienciâ ipsâ constet , non omnes illas inspirationes, nec omnes bonos motus indeliberatos voluntatis esse huiusmodi , vt infallibiliter inferant actus deliberatos, ad quos ordinantur, mirum planè est, quòd negent auxilia sufficientia in natura lapsa, eaque tamquam ridicula reiiciant.

Sequitur 1001. Rectè diuidi auxilium in auxilium efficax , & auxilium sufficiens. *Ibidem*

Probatur sequela: Quando duo membra dantur distincta per oppositionem contradictoriam recta est diuisio : Sed, ex dictis, datur auxilium efficax & sufficiens, quæ distinguuntur per habere vel non habere effectum infallibiliter , vt ostendimus : Ergo recta est hæc diuisio. Verùm quia iam sufficienter exposuimus, quid sit auxilium efficax , superest explicandum , quid sit auxilium sufficiens. .

Sequitur 1002. Hanc diuisionem auxilij in sufficiens & efficax non esse diuisionem primam gratiæ in communi. *1. 2. q. 115.*

Probatur sequela : Prima diuisio gratiæ in communi est diuisio in gratiam gratum facientem , & gratiam gratis datam; subdivisio gratiæ gratum facien-

802 *Secundum Doctrina*

tis est in gratiā habitualement & actualement, ut satis patet ex dictis : Sed diuisio auxilij in auxilium sufficiens & efficax, non est diuisio gratiæ in habitualement & actualement, ut est euidens : Ergo diuisio auxilij in auxilium efficax & sufficiens non est prima.

Idem.

Sequitur 1003. Diuisum in ea diuisione auxilij in auxilium efficax & sufficiens, esse ipsam gratiam actualement.

Probaturs sequela : Quia auxilium propriè non est nisi gratia actualis, & quia prima diuisio est gratiæ in habitualement & actualement : nec diuisio ista auxilij est eadem, ex dictis : Est ergo diuersa,

1.2.9.11

2.2. ad 2.

Sequitur 1004. Nullum auxilium actuale esse actum indeliberatum.

Probaturs sequela : Auxilium ordinatum ad actum producendum non est actus etiam indeliberatus : Sed omnis gratia actualis est ordinata ad actum : Ergo nulla gratia actualis est actus etiam indeliberatus. Quare cum dicimus inspirationes, vocationes, illustrationes, excitationes & similia esse gratias actuales, nihil aliud dicimus, nisi quòd principium, quo Deus producit in nobis huiusmodi actus indeliberatos intellectus & voluntatis, est gratia : Sed quia non habemus nomina, quibus exprimamus huiusmodi principia, nisi quæ sint æquiuoca respectu huiusmodi

principiorum, & respectu aliorum, vocamus hæc principia nominibus suorum effectuum utpote notiorum; neque hoc nouum, cum sæpe causa denominetur nomine sui effectus. Sic ergo, cum Deus infundit intellectui lumen, quo intellectus mouetur ad aliquam sanctam cogitationem subitam, vocamus illud lumen, sanctam cogitationem, inspirationem, illuminationem &c. Et cum infundit voluntati impulsus quemdam, quo eam mouet ad volitionem quamdam indeliberatam, vocamus illum impulsus excitationem, pium affectum &c. Et ratione illius principij, hoc est, luminis mouentis intellectum, & motionis excitantis affectum, ipsi actus cogitationis & affectus vocantur gratia. In qua tamen duo distinguenda sunt; primum est, quod Deus moueat intellectum per lumen, & voluntatem per motionem; & hæc motio realis est, per illam enim realiter Deus causat & efficit illos actus indeliberatos, atque adeo lumen illud & motio causæ sunt reales & physicæ horum actuum; & consequenter habent eam prioritatem naturæ, respectu actus indeliberati, quam omnis causa debet habere respectu sui effectus: Secundum est, quod ipsa cogitatio, quæ est effectus luminis, repræsentet & obijciat ipsi voluntati obie-

ctum, de quo est cogitatio; & quòd ipsa excitatio voluntatis indeliberata prouocet ipsam voluntatem ad applicandum intellectum, vt deliberatè cogitet de illo eodem obiecto. Et hoc secundum, siue hic modus mouendi est tantum moralis, quia per representationem boni & obiecti voluntas non mouetur nisi moraliter, & voluntas pio affectu excitata non prouocatur nisi moraliter ad applicandum intellectum ad deliberandum. Ratio autem à priori horum omnium est, quia nullus actus vitalis vt sic potest produci immediatè nisi à principio vitali intrinseco, & ab eo, quod inhæret realiter ipsi principio vitali, & quod est ei ratio agendi: Sed actus indeliberatus est actus vitalis. Ergo non potest produci immediatè nisi à potentia vitali, vel ab habitu aut qualitate aliqua inhærente ipsi potentia vitali; subindeque non potest produci à Deo immediatè, sed debet produci à Deo mediante aliqua qualitate vel motione recepta & inhærente in ipsa potentia vitali. Hinc sequitur euidenter nullum auxilium actualis gratiæ esse actum indeliberatum. Probatur quia omne auxilium supernaturale est immediatè à solo Deo, & non à causa quacumque naturali: Sed nullus actus indeliberatus est immediatè à solo Deo.

Sed omnes sunt à potentia vitali naturali: Ergo nullus actus indeliberatus est auxilium supernaturale. Minor constat ex primo principio. Maior est etiam evidens: quia auxilium supernaturale non potest produci nisi ab agente supernaturali; & cum tota entitas auxilij sit supernaturalis, impossibile est, quòd agens vllum merè naturale vel totaliter vel partialiter influat in entitatem auxilij; atque adeo cum omnis potentia vitalis, antequam sit eleuata ad ordinem supernaturalem, sit agens merè naturale, antequam sit eleuata non potest quicquam influere in entitatem auxilij supernaturalis.

Sequitur 1005. Auxilium sufficiens esse motionem, quâ Deus mouet intellectum vel voluntatem ad aliquos actus. *Ex eod. loco*

Probatur sequela: Omnis gratia actualis, vt distinguitur ab habituali, est motio vel qualitas per modum transeuntis, quod idem est quoad præsens: Sed omne auxilium sufficiens est gratia actualis, vt distinguitur ab habituali: Ergo omne auxilium sufficiens est motio. Maior patet: quia gratia actualis per hoc distinguitur ab habituali, quòd habitualis est per modum permanentis; actualis verò est per modum transeuntis. Minor est etiam certa ex dictis.

quia membrum diuidens debet participare naturam diuisi; atque adeo, cum auxilium sufficiens sit membrum diuidens gratiam actuale, vt diximus, debet esse gratia actualis.

Ex 12 q.
109. per
totam.

Sequitur 1006. Omne auxilium sufficiens receptum in potentia aliqua, illam mouere ad actum.

Probaturs sequela: Omnis motio à mouente recepta in mobili illud mouet ad terminum, vt ex terminis ipsis est manifestum: Sed omne auxilium sufficiens est motio à Deo solo vt mouente recepta in potentia intellectuali: Ergo omne auxilium sufficiens mouet illam potentiam ad actum.

Ex hysd.
facis.

Sequitur 1007. Omne auxilium sufficiens habere semper adiunctum aliquem actum ipsius potentiae motæ per tale auxilium.

Probaturs sequela: Omne motum motu instantaneo, quando mouetur semper habet aliquem terminum coniunctum cum ipso motu: Sed potentia mota per auxilium sufficiens est mota motu instantaneo ad actum tamquam ad terminum: Ergo potentia mota per auxilium sufficiens semper habet coniunctum aliquem actum. Maior est certa: per hoc enim differt motus instantaneus à successiuo, quòd in motu successiuo terminus non est si-

mul cum motu ; in motu autem instantaneo terminus est simul cum motu : quin etiam in motu successiuo, quamuis non sit vltimus terminus simul cum motu, cum succedat ; aliquis tamen terminus est in quolibet instanti motus. Minor probatur ex dictis : Actus omnis intellectus & voluntatis est motus instantaneus, sicut & mutatio illa, quâ intellectus aut voluntas mutatur, dum recipit auxilium, quo mouetur ad actum : Sed potentia mota per auxilium sufficiens nō mouetur nisi per receptionem auxilij & per ipsum actum, quem elicit: Ergo potentia mota per auxilium sufficiens non mouetur nisi motu instantaneo.

Nec valet si dicas, quod potentia mota per auxilium sufficiens habet quidem semper adiunctum motum illum siue mutationem, quâ mutatur, recipiendo ipsum auxilium sufficiens ; sed non mouetur illo motu, quo eliciat de facto aliquem actum.

Non valet, inquam ; quia quando aliquid mouetur motu instantaneo, non solum debet mutari mutatione, quam motus ipse receptus in mobili importat, sed debet mutari & moueri ipsa receptione termini motus vel mutationis : Sed quando potentia mouetur per auxilium sufficiens mouetur motu instantaneo.

neo ad actum tamquam ad terminum: Ergo quando potentia mouetur per auxilium sufficiens non solum debet moueri ac mutari per receptionem motionis, in qua consistit auxilium sufficiens, sed debet moueri vel mutari per receptionem termini; Hic autem terminus est actus ipsius potentiae, qui non potest in ea recipi, nisi etiam ab ipsa eliciatur; cum sit actus immanens: Ergo potentia mota per auxilium sufficiens debet recipere & elicere aliquem actum.

Ex 3. cont
gent. cap.
119.

Sequitur 1008. Auxilium efficax & sufficiens non posse distingui per hoc, quod est habere vel non habere aliquem actum (utcumque) infallibiliter coniunctum.

Explicatur: Non negamus, quin auxilium efficax & sufficiens distinguantur per hoc, quod efficax habeat actum, ad quem datur, semper & infallibiliter coniunctum; sufficiens verò non habeat actum, ad quem ordinatur, semper & infallibiliter coniunctum; sed solum dicimus, quod non distinguuntur per hoc, quod est habere vel non habere actum aliquem infallibiliter coniunctum.

Probatur sequela: Quando duo aliqua conueniunt in aliqua ratione communi, conueniunt etiam in eo, quod est

D. Thomæ Principium. 609

essentialiter annexum illi rationi communi, nec per hoc distinguuntur: Sed auxilium efficax & sufficiens conveniunt in ratione communi gratiæ & motionis actualis: Ergo convenient etiam in hoc, quod est habere aliquem actum coniunctum, cum, ut iam probatum est, hoc sit de intrinseca & essentiali ratione gratiæ & motionis actualis, atque adeo per hoc non distinguuntur.

Sequitur 1009. Auxilium efficax & *ibid* sufficiens distinguui per hoc, quod auxilium efficax habet coniunctum actum perfectum, ad quem ex intentione Dei datur; auxilium verò sufficiens, licet habeat coniunctum actum imperfectum, ad quem proximè & immediatè ex intentione absoluta Dei datur, non habet tamen coniunctum actum perfectum, ad quem & ex natura sua & ex intentione Dei non absoluta ordinatur.

Explicatur: Duplex est actus voluntatis; alter, qui est perfectus, & dicitur velle siue volitio absoluta; alter, qui est imperfectus, & dicitur potius velleitas, quàm velle vel volitio: V. G. dilectio Dei potest esse volitio quædam constans & firma, quâ Deum ut finem ultimum amamus; & potest esse velleitas quædam, quâ inefficaciter Deum ut finem intendimus: Prior illa dile-

ctio dicitur actus perfectus, non quòd habeat omnem perfectionem dilectionis, sed quòd in genere actus voluntatis non sit velleitas, sed constans & firma voluntas. Auxilium ergo efficax est semper infallibiliter coniunctum cum firma & constanti voluntate; Auxilium verò sufficiens habet quidem coniunctam aliquam velleitatem perfectiorem vel minùs perfectam, prout magis vel minus appropinquat ad firmam & constantem voluntatem, sed numquam habet coniunctam voluntatem illam perfectam, quamvis & ex natura rei ordinetur ad illam, quia omne imperfectum in aliquo genere ex natura sua ordinatur ad perfectum, & ex voluntate Dei antecedente ordinetur ad volitionem perfectam, non tamen ex voluntate Dei consequente, ex qua datur tantum ad imperfectam.

Probaturs ergo sequela: Quod habet coniunctum aliquem actum, non potest per hoc distingui ab alio, quod similiter habet coniunctum actum aliquem, nisi sit differentia ex parte ipsius actus, ut patet: Atqui auxilium sufficiens habet coniunctum aliquem actum, ut diximus; auxilium efficax similiter: Ergo non possunt distingui, nisi penes diuersum actum perfectum & imperfectum. Cum autem hæc diuersitas actus

D. Thomæ Principium. 611

non possit non esse volita à Deo , eò quòd voluntas Dei est causa omnium entium etiam vt diuersa sunt, vt supra ostendimus; consequens est, vt auxilium, quod est vis executiua voluntatis Diuinæ, illam etiam diuersitatem causet ; atque adeo auxilium efficax causabit actum perfectum, auxilium autem sufficiens causabit imperfectum.

Sequitur 1010. Auxilium sufficiens non esse inutile. 1. 2. q. 112. a. 3. ad 2.

Probatur sequela : Quod dat actum aliquem licet imperfectum non est inutile ; inutile enim est , quod ad nihil omnino deseruit : Sed auxilium sufficiens dat actum imperfectum : Ergo non est inutile.

Sequitur 1011. Auxilium sufficiens in voluntate receptum inuoluere etiam auxilium aliquod in intellectu ad cognoscendum obiectum. 3. contra gent. cap. 159. & 160.

Probatur sequela : Quod dat actum aliquem voluntatis , dat & inuoluit cognitionem ex parte intellectus : quia nihil volitum quin præcognitum, vt aliàs diximus : Sed auxilium sufficiens dat actum aliquem voluntatis : Ergo dat vel inuoluit auxilium dans cognitionē ex parte intellectus ; ita vt ex duobus illis auxilijs vnum auxilium integretur, nec vnum sine altero dici posset auxilium.

312 *Secundum Doctrinam*

Ibid. Sequitur 1012. Auxilium sufficiens dare vires aliquas voluntati ad actum etiam perfectum.

Probatur sequela: Quod dat cognitionem obiecti, dat vires aliquas voluntati in ordine ad illud obiectum: Sed auxilium sufficiens dat cognitionem obiecti, circa quod est actus perfectus: Ergo auxilium sufficiens dat vires aliquas voluntati. Maior probatur, tum quia quamvis cognitio sit tantum conditio, nihilominus cognitio applicans per modum conditionis ipsam virtutem suae bonitatem obiecti, dat voluntati aliquas vires saltem morales: tum etiam quia auxilium sufficiens eleuat verè potentiam, ut actu agat circa illud obiectum, quod est dare voluntati vires aliquas physicas & reales ad agendum actu in ordine supernaturali: Quod si vires illae, quas dat, non attingant obiectum modo perfecto, hoc oritur ex ipso renisu voluntatis tamquam ex causa dispositiva & materiali: unde licet det vires physicas & reales ad actum perfectum, non tamen applicat infallibiliter voluntatem ad illum actum; & hinc est, quod est tantum sufficiens.

Ibidem. Sequitur 1013. Auxilium sufficiens dare potentiam proximam ad actum perfectum, licet non actu applicet ad illum.

D. Thoma Principium. 613

Probatur sequela: Quod dat cognitionem obiecti & vires ad actum perfectum circa illud, dat potentiam proximam, licet actu non applicet ad illum actum: Atqui auxilium sufficiens dat cognitionem obiecti, & vires ad actum perfectum circa illud: Ergo dat potentiam proximam ad illum, licet non applicet ad illum.

Sequitur 1014. Auxilium sufficiens *Ibidem*
non dare potentiam completissimam ad actum perfectum.

Probatur sequela: Potentia completissima est illa, quæ est coniuncta cum actu, & redacta ad actum secundum: Sed auxilium sufficiens non dat potentiam coniunctam cum actu secundo perfecto, siue potentiam redactam ad actum secundum perfectum: Ergo auxilium sufficiens non dat potentiam completissimam.

Sequitur 1015. Auxilium sufficiens *Ex 3. p. q.*
non incongruè vocari sufficiens. *79. art 7.*

Probatur sequela: Potentia completa, quamvis non redacta ad actum secundum, rectè potest vocari sufficiens: Atqui auxilium dat potentiam completam, quamvis non redactam ad actum secundum perfectum: Ergo rectè potest vocari sufficiens. Maior constat, quia plura etiam in communi usu loquendi vocamus sufficientia, quamvis non sint

ad 2.

314 *Secundam Doctrinā*

redacta ad actum secundum : Sic dicimus ignem aliquem esse sufficientem ad comburendam syluam, quamuis de facto illam non comburat : Sic dicimus diuitem esse sufficientem, siue habere pecunias sufficientes ad emendum aliquod prædium, quamuis de facto illud non emat : Sic dicimus doctum aliquem virum esse sufficientem ad docendum, quamuis de facto non doceat : Imò verò ut plurimum in communi usu loquendi, quando dicimus aliquem habere virtutem sufficientem ad aliquid, intelligimus eum de facto illud non præstare, quamuis ad illud completam potentiam habeat. Vnde mirum omnino, quòd aliqui hoc nomine irrideant auxilium sufficiens, vocando illud sufficiens insufficiens.

3. contra
Gent cap.
160.

Sequitur 1016. Auxilium sufficiens dari omnibus, saltem fidelibus non obstinatis, vel excecatis.

Probatur sequela : Deus non deficit in necessarijs nisi ob peccatum aliquod præcedens, quod meretur, ut etiam necessaria subtrahantur in pœnam ; hoc enim exigit eius infinita bonitas : Sed auxilium sufficiens, cum det posse, est necessarium : Ergo illud Deus non denegat, nisi propter peccatum, quod illam denegationem demereatur.

Sequitur 1017. Valde probabile esse,

quod Deus denegat auxilium sufficiens obstinatis & induratis.

*In cap. 9.
ad Rom.
lect. 3.*

Probatur sequela : Quia Deus dicitur indurare & excœcare in Scriptura, non impertiendo malitiam, sed subtrahendo gratiam : Atqui hoc non intelligitur de gratia habituali, vel de actuali efficaci : Ergo intelligitur de sufficiente. Consequentia patet ex dictis, quia non datur nisi triplex hæc gratia, habitualis, actualis efficax, & actualis sufficiens. Minor verò probatur : quia subtractio gratiæ habitualis & efficaci inuenitur in pluribus, in quibus non est obduratio vel excœcatio ; aliàs omnes iusti, qui peccarent mortaliter, hoc ipso essent obcœcati & indurati ; quod patet esse falsum : Ergo subtractio gratiæ habitualis vel efficaci non est illa, quæ reddit hominem induratum.

Sequitur 1018. Non ita intelligendum hoc, ut omnes indurati careant semper auxilio sufficiente.

*Ibidem.
1. 2. q. 2. ad
5. ad 1. &
q. 10. ar. 1.*

Probatur sequela : Quia bonitas Dei est infinita, ut diximus supra ; & eius iustitia semper punit citra condignum : Ergo quamvis iustitia exigeret, ut peccatoribus præsertim inueteratis Deus denegaret omnem omnino gratiam ; eius tamen bonitas facit, ut aliquando det illis nedum gratiam sufficientem, sed

etiam efficacem ; ut patet in pluribus.

Ibidem.

Sequitur 1019. Auxilium sufficiens, quod sit vera gratia immediatè ad credendum, sperandum, & diligendum Deum necessaria, non dari infidelibus negatiuè.

Probaturs sequela : Omnis gratia data immediatè ad volendum credere, ad sperandum, & diligendum Deum super omnia, supponit vel inuoluit cognitionem supernaturalem ex parte intellectus, sicut vniuersaliter omne volitum debet esse præcognitum : Sed infideles negatiuè nullam habent vel habuerunt cognitionem supernaturalem, aliàs non essent infideles negatiuè, sed vel fideles, si illi cognitioni supernaturali assensum præbuisent, vel infideles priuatiuè, si illam cognitionem repulissent : Ergo infideles negatiuè nullam habent gratiam immediatè ad volendum credere, ad sperandum, &c.

Sequitur 1020. Auxilium sufficiens intrinsecum non dari pueris.

Probaturs sequela : Quia nullam habent cognitionem de rebus supernaturalibus.

Ibidem.

Sequitur 1021. In infidelibus etiam negatiuè posse dari aliqua auxilia gratuita, quæ ex modo sint supernaturalia.

Explicatur : Motio aliqua dupliciter potest dici supernaturalis ; primò qui-

dem ex obiecto formali, ad quem datur; v.g. motio, quam Deus dat sacramentis ad producendam gratiam, debet esse supernaturalis, quia datur ad actum, qui habet obiectum seu effectum omninò supernaturalem, nimirum ad ipsam gratiam; secundò potest motio esse supernaturalis ex modo, quo actus attingit obiectum naturale, v. g. motio, quam Deus daret alicui sancto ad restituendum visum cæco nato; visus enim est quid naturale, imò dare visum est actio naturalis, sed dare illum tali modo, scilicet ex priuatione, est actio supernaturalis ex modo, quæ proinde exigit etiam principium aliquod supernaturale ex modo; & cum principium illud non possit esse permanens, ut aliàs dicemus, debet esse motio. Addendum insuper, quòd quamvis in natura lapsa homo possit multas veritates de Deo speculatiuè cognoscere, putà, quòd est summum bonum, atque adeo supra omnia diligendum; nihilominus non potest viribus naturæ habere iudicium ultimò practicè practicum, quo iudicet, hic & nunc Deum esse supra omnia diligendum: Si enim haberet hoc iudicium viribus naturæ, ijsdem posset diligere Deum super omnia; cum hoc iudicium ultimò practicè practicum sit semper coniunctum cum actuali Dei dilectione;

§18 *Secundum Doctrinā*

Si ergo posset homo habere huiusmodi iudicium, posset & diligere Deum super omnia, & se conuertere in illum ut finem vltimum naturalem, imò & resurgere à peccato viribus naturæ; quod esse falsum supra ostendimus, & sine dubio hoc postremum est hæreticum ex Trid. sess.6. cap.1. Ratio verò à priori est, quia homo in natura lapsa est magis vulneratus in voluntate & in intellectu practico, quàm in speculatiuo, & magis in iudicio prudentiali, quàm in alijs, ut supra ostendimus. Ad hoc ergo quòd homo habeat hoc iudicium prudentiale, indiget gratuito aliquo auxilio, quod sit supernaturale; non quidem ex obiecto (supponimus enim quòd non cognoscit Deum ut finem & auctorem supernaturalē, quia est infidelis negatiuè) sed ex modo; quia homo infirmus & vulneratus in naturalibus non potest proprijs viribus elicere hic & nunc hoc iudiciū prudentiale, Deus est diligendus super omnia, nec consequenter potest viribus naturalibus Deum diligere super omnia. Ut ergo possit Deū diligere, debet posse iudicium illud elicere, non ex viribus naturalibus sed ex aliqua motione Diuina gratuita & supernaturali, supernaturali, inquam, non ex obiecto; cum obiectum, quod cognoscit, sit Deus ut auctor solū & finis naturalis; sed ex modo

modo, quo illud obiectum naturale attingit, quia cum sit infirmus, non potest etiam illud obiectum naturale sic attingere. Si ergo Deus velit, hominem infidelem negatiuè, conuertere efficaciter, tunc dabit illi motionem & auxilium efficax supernaturale non solum ex modo, sed etiam ex obiecto, illuminando intellectum ipsius etiam de ijs, quæ sunt fidei, & instruendo hominem de illis, vel per seipsum immediate, vel per Angelum, vel per alium hominem. Si autem nolit illum infidelem negatiuè conuertere, tunc dabit illi auxilium supernaturale ex modo, quo aliquando iudicat Deum ut auctorem naturalem esse super omnia diligendum, habeatque aliquam uelleitatem diligendi illum; & in hoc consistet auxilium sufficiens, quod infidelis ille habebit ad diligendum Deum ut auctorem naturalem. Et quod dicimus de hoc auxilio ad diligendum Deum, idem dicendum de auxilio ad quodlibet opus, quod non potest homo in natura lapsa elicere viribus naturalibus. Quamuis ergo Deus absolute loquendo possit denegare omne omnino auxilium gratiæ cuilibet infideli etiam negatiuè, tum quia non est debitum naturæ, tum & maxime in pœnam peccati originalis: nihilominus non est improbabile, imò

videtur valde consonum bonitati Diuinae, quòd det infidelibus negatiuè quædam auxilia saltem sufficientia etiam supernaturalia ex modo, vt explicatum est: quibus auxilijs vbi infidelis negatiuè pluries restitit, iam fit induratus, sicut & fideles peccatores indurantur subtractione auxiliij sufficientis, modo iam dicto. Quoad infideles priuatiuè, qui videlicet restiterunt fidei, potest sine dubio Deus in pœnam illius resistentiæ permittere, vt cadant in varia peccata, & denegare illis auxilia etiam sufficientia: quia vel vna resistentia post propositam sufficienter credibilitatem mysteriorum fidei meretur excœcationem; à fortiori si pluriès restiterint.

Quod ergo dicimus in præsentī conclusionē, illud est, posse dari in infidelibus saltem negatiuè aliqua auxilia ex modo supernaturalia.

Probat̃ur sequela: Potest Deus dare infideli negatiuè vires, vt ipse possit V. G. iudicare aliquāliter Deum hic & nunc esse diligendum, & quibus possit Deum vt auctorem naturalem diligere; hoc enim non solū non repugnat, sed videtur valde congruum suāvi Dei prouidentię, vt ex dictis colligitur, & ita de facto Deum id præstitisse videtur haberi ex D. Paulo ad Rom. I. Atqui

D. Thomæ Principium. 621

huiusmodi vires non possunt esse nisi auxilia supernaturalia ex modo, sicut explicatum est: Ergo possunt dari huiusmodi auxilia saltem in infidelibus negatiuè.

Sequitur 1022. Deum posse denegare auxilium efficax cuilibet homini in statu naturæ lapsæ absque vlla iniustitia.

*1. p. q. 23
a 3 ad 3.
8 contra
gent. cap. 1
61.*

Probatur sequela: Omne indebitum potest ex sola illius voluntate, qui gratis dat, denegari non merenti, sed potius demerenti: Atqui, ex dictis supra, omne auxilium gratiæ, maximè verò efficax est indebitum; & quilibet homo in natura lapsa non solum non meretur, sed potius demeretur illud, tum ob peccatum originale, tum ob peccata actualia: Ergo potest Deus illud denegare absque vlla iniustitia.

Sequitur 1023. Deum potuisse denegare Adamo auxilium efficax ad non succumbendum tentationi, absque vlla prorsus iniustitia.

Ibidem

Probatur sequela: Quia quamuis Adamus non demerisset illam subtractionem, nihilominus auxilium illud non erat debitum, cum esset gratia.

Sequitur 1024. In his, qui peccant, denegationem auxilij efficacis ut beneficii indebiti esse absolutè priorem actu peccaminoso, etiam ut importat negationem actus boni.

Probatur sequela : Negatio, quæ se tenet ex parte causæ efficientis, est absolutè prior, quàm quæ se tenet ex parte effectus & subiecti : Sed denegatio auxilij efficacis vt beneficij indebiti se tenet ex parte causæ efficientis : Ergo absolutè est prior negatione actus, quæ se tenet ex parte effectus & subiecti. Minor patet ex dictis, quia denegatio auxilij efficacis vt beneficij indebiti se tenet ex parte Dei, quandoquidem, vt diximus, penes ipsum est dare illud vel non dare.

D. Thom. Sequitur 1025. Denegationem auxilij
1.2.9 112. efficacis vt est priuatio eiusdem auxilij
a.3 ad 2. esse posteriorem ipso peccato in genere
causæ materialis, imò & simpliciter.

Probatur sequela : Quod ita se tenet ex parte causæ materialis, vt illam omnino inuoluat, est posterius in genere causæ materialis, imò & simpliciter, quia semper inuoluit causam materialem; ea enim, quæ se tenent ex parte causæ materialis sunt simpliciter posteriora, vt aliàs dictum est : Sed denegatio auxilij efficacis, vt est priuatio, ita se tenet ex parte causæ materialis, vt illā inuoluat. Ergo hæc denegatio vt est priuatio auxilij efficacis est posterior in genere causæ materialis, imò & simpliciter. Minor probatur : Omnis priuatio est carentia formæ debitæ inesse subiecto : Sed

non est debitum inesse homini auxilium efficax ut se tenet ex parte Dei, qui illud nulli debet; sed solum est debitum ex parte hominis inquantum debet operari, siue potius quatenus applicat se ad operandum; unde eo ipso, quod operatur peccaminose & vult operari, vult etiam priuationem auxilij efficacis, & ideo hæc carentia habet rationem priuationis etiam volitæ: Ergo denegatio auxilij efficacis ut est priuatio, se tenet ex parte ipsius hominis, qui est causa materialis siue subiectum.

Sequitur 1026. Peccatum non esse *Ibidem.* causam demeritoriam denegationis auxilij efficacis, etiam ut est priuatio.

Probatur sequela: Nulla res potest esse prior & posterior in eodem genere causæ, etiam secundum diuersas rationes, præsertim in genere causæ efficientis, quæ supponit existentiam: Sed denegatio auxilij efficacis est prior in genere causæ veluti efficientis ipsa negatione actus, cuius defectu committitur peccatum; aliunde verò causa demeritoria est in genere causæ efficientis, ut infra constabit: Ergo denegatio auxilij efficacis non potest esse prior & posterior, ita ut quatenus est negatio sit prior in genere veluti causæ efficientis, & ut est priuatio sit in eodem genere posterior. Quare sicut actus charitatis

& contritionis, ut supra diximus, sunt dispositiones ad gratiam habitualement, atque adeo priores in genere causæ materialis; nullo autem modo possunt dici priores ipsā gratiā habituali in genere causæ efficientis, quia procedunt ab ipsa ut supplet munus auxilij, quatenus est in infundi; & præcedunt illam, quatenus est habitus, solum ut dispositiones, & non ut merita ipsius gratiæ: ita denegatio auxilij efficacis potest quidem esse prior actu peccaminoso, ut est privatio in genere causæ materialis, non potest tamen esse prior, in genere causæ demeritoriae, aliàs in eodem genere esset prior & posterior, quod implicat. Neque id potest colligi ex eo, quod D. Aug. & D. Thomas dicunt, Deum iuste denegare auxilium efficacem: tum quia loquuntur de denegatione auxilij ad unum actum propter peccatum præcedens, ut patet legenti; tum etiam quia etsi loquerentur respectu eiusdem peccati, id deberet intelligi iuxta id, quod docet idem D. Thomas de iustitia, quā Deus reddit rei cuiuslibet id, quod eius sapientia & voluntas habet & ordinat, & quod Dei bonitatem manifestat; ad quod debitum iustitiæ reducitur omne aliud, ratione cuius Deus dicitur iuste agere. Vide D. Thomam 1. p. quæst. 21. art. 1.

Sequitur 1027. Gratiam actualem esse
vel motionem virtuosam, vel qualitatem
per modum transeuntis. 1. 2. q. 7. ad
ar. 1.

Probatur sequela: Omnis motio dans vires & virtutem, est motio virtüosa, vel qualitas per modum transeuntis: Sed gratia actualis est motio dans vires & virtutem, ex dictis: Ergo gratia actualis est motio virtüosa, vel qualitas per modum transeuntis. Maior patet, quia motio, quæ mouet formaliter & dat virtutem, rectè dicitur motio virtüosa, ex eo enim quòd mouet, dicitur motio; & ex eo, quòd dat virtutem, dicitur virtüosa; & sicut passio, quæ est in tertia specie qualitatis, licet sit transiens, v.g. rubor ex verecundia, est nihilominus qualitas; ita virtus per modum transeuntis potest esse, & est de facto qualitas: quia tamen nomen qualitatis absolutè positum significat propriè accidens aliquod permanens, idcirco gratia actualis non dicitur absolutè qualitas, sed additur quòd est qualitas per modum transeuntis.

Sequitur 1028. Gratiam actualem rectè diuidi in operantem & cooperantem. 1. 2. q. 7. ad
ar. 2.

Probatur sequela: Motio, ad actum, respectu cuius mens nostra se habet ut mota & non seipsam mouens, rectè dicitur operans; & motio ad actum, respec-

§26 *Secundum Doctrinam*

ctū cuius mens nostra etiam seipsam mouet, rectè dicitur cooperans: Atqui omnis gratia actualis est motio ad actum ex dictis; & duplex tantum est actus voluntatis; alter respectu cuius mens nostra se habet vt mota & non vt seipsam mouens propriè; alter, respectu cuius mens nostra se habet vt seipsam mouens: Ergo omnis gratia actualis vel erit operans, vel cooperans. Maior est euident: quia in illo actu, in quo mens nostra se habet vt mota, & non vt seipsam mouens, operatio attribuitur Deo, qui mediante illa motione, siue per illam operatur in mente: vnde meritò illa motio vocatur operans; in illo autem actu respectu cuius mens nostra & mouetur à Deo, & mouet seipsam, operatio attribuitur & Deo, & animæ; vnde cum ambo simul operentur, rectè dicuntur cooperari; & motio, qua Deus mouet animam, rectè dicitur cooperans. Minoris prima pars iam probata est; ostendimus enim, quòd gratia est motio ad actum. Secunda verò pars, quòd scilicet duplex sit actus, alter interior, qui est intentio finis, ad quam mens nostra non mouet seipsam ex precedenti deliberatione, sed mouetur specialiter à Deo; alter exterior, id est, electio mediorum, ad quam mens nostra & mouetur à Deo, & seipsam mouet deliberatè, patet ex dictis in primo prin-

cipio : diximus enim intentionem finis
vt sic non esse liberam ; electionem ve-
rò mediorum esse liberam : atque adeo
ad intentionem finis voluntas non se-
mouet deliberatè ; bene autem ad ele-
ctionem : Ergo respectu intentionis fi-
nis voluntas se habet vt mota , & non vt
seipsam mouens , & similiter intellectus
respectu primæ cognitionis finis ; res-
pectu verò electionis voluntas se habet
vt mota , seipsam mouens ; & similiter
intellectus respectu cognitionis medio-
rum.

Cur verò D. Thomas primam cogni-
tionem & intentionem finis vocet ac-
tum interiorem , & cognitionem atque
electionem mediorum vocet actum ex-
teriorem , ratio est , quia volitio finis vt
sic est magis intima animæ , quæ si pos-
set velle finem sine medijs , non curaret
de illis , quæ proinde sunt veluti ex-
trinseca.

Sequitur 1029. Rectè etiam diuidi ^{1.2.91174}
gratiam actualem in gratiam præue- ^{4.3.}
nientem & subsequentem.

Probatür sequela : Motio ad actum
priorem alio potest dici præueniens , &
motio ad actum posteriorem potest dici
subsequens : Sed gratia actualis est mo-
tio ad quoscumque actus : Ergo gratia
actualis ad vnum actum priorem rectè
diceretur præueniens , & gratia ad actum

posteriores rectè dicetur subsequens. Vnde cum omnis gratia detur ad aliquem actum vel priorem vel posteriorem, omnis gratia actualis erit vel præueniens, vel subsequens.

Aduerte D. Thomam non loqui de gratia præueniente & concomitante respectu vnius & eiusdem actus; quia intendebat solùm explicare loca Scripturæ, in quibus tantùm fit mentio de gratia præueniente & subsequente.

Ibid.

Sequitur 1030. Quod, si velimus loqui respectu vnius & eiusdem actus, potest diuidi gratia in præuenientem & concomitantem.

Probatur sequela: Quælibet motio Diuina ad aliquem actum, præsertim liberum, & est præueniens, & est concomitans: Sed gratia actualis est motio Diuina ad actum etiam liberum, ex dictis: Ergo gratia actualis est & præueniens & concomitans. Minor patet ex dictis. Maior probatur ex his, quæ diximus in primo principio & supra: ostendimus enim quòd omnis motio, quæ mobile mouetur, est prior termino etiam in motibus instantaneis, non quidem prioritate instantis *in quo*, sed prioritate instantis *à quo*: Si ergo consideremus motionem Diuinam ut priorem prioritate causalitatis & naturæ secundum instans *à quo*, dicitur illa motio

præueniens; si autem consideretur illa motio quatenus non est prior prioritate temporis vel instantis *in quo*, sed potius est simul, illa motio dicitur concomitans.

Sequitur 1031. Rectè etiam diuidi *In 2. dist.* gratiam actualem in excitantem & ad- 26. a. 5. iuuantem.

Probatur sequela: Primò quia omnis motio, quæ est præueniens, est etiam excitans; & omnis motio, quæ est concomitans, potest etiam dici adiuuans: Sed gratia actualis est motio præueniens & concomitans modo explicato: Ergo gratia actualis potest rectè diuidi in excitantem & adiuuantem. Quia tamen iuxta vsum, quem videtur confirmare Tridentinum sess. 6. cap. 5. gratia excitans sumitur pro illa, quæ intellectum illuminando, voluntatem moraliter & ex parte obiecti monet, vt supra explicauimus; & gratia adiuuans sumitur pro illa, quæ realiter ac physicè & ex parte potentia intellectum & voluntatem mouet ad suos actus, idcirco non eâ tantum ratione gratia dicitur excitans, quia est præueniens, nec adiuuans, quia est concomitans; sed ex modo mouendi: vnde in hoc sensu vtraque gratia excitans & adiuuans est præueniens. Et hoc modo rectè diuidi gratiam actualem in excitantem & adiu-

630 *Secundum Doctrinam*

uantem, Probatur secundò : Motio ad actum liberum rectè diuiditur in eam , quæ moraliter & ex parte obiecti mouet , & in eam , quæ mouet physicè atque ex parte potentiae atque adeo rectè diuiditur in motionem excitantem & adiuuantem , vt patet ex dictis : Sed gratia actualis est motio , quæ vtroque hoc modo mouet , vt constat : Ergo gratia actualis rectè diuiditur in excitantem & adiuuantem.

1.2.9.117.
4.2.

Sequitur 1032. Gratiam habitualement posse etiam diuidi in operantem & cooperantem.

Probatur sequela : Omnis forma duo præstat , videlicet, esse , & operari : Sed gratia est forma : Ergo præstat esse , nimirum supernaturale , & operari etiam supernaturaliter & meritoriè. Sed quatenus præstat esse supernaturale , sola veluti operatur , eo modo , quo formæ dicuntur operari præstando suos effectus formales ; & quatenus non per seipsam immediatè , sed per suas proprietates præstat propriè operari , dicitur cooperari ; quia gratia non sola agit , & elicit actum supernaturalem & meritorium , sed vna cum voluntate. Ergo gratia potest dici operans & cooperans.

ibid. 113.

Sequitur 1033. Gratiam habitualement posse etiam diuidi in gratiam præuenientem & subsequenter , ratione

suorum effectuum.

Probatur sequela: Quia gratia habitualis habet plures effectus, quorum vnus subsequitur ad alium: nam primò sanat mentem; secundò facit, vt bonum velit; tertio vt illud bonum voluntum efficaciter exequatur; quartò vt perseueret, quintò vt gloriam consequatur: Ergo quatenus tribuit vnum effectum priorem poterit dici præueniens; & quatenus tribuit effectum posteriorem poterit eadem gratia dici subsequens. Adde quod, gratia habitualis vt est in infundi habet, vt diximus, rationem auxiliij efficacis mouentis ad operationem: eodem ergo modo, quo auxilium efficax potest diuidi in præueniens & concomitans, vt diximus de gratia actuali, ita poterit etiam gratia habitualis diuidi in præuenientem & concomitantem: Imò & in excitantem & adiuuantem, si excitans & adiuuans sumantur pro eodem, pro quo sumitur præueniens & concomitans; non tamen, si sumatur secundum vsum pro moraliter & physicè mouente: gratia enim habitualis etiam vt est in infundi non mouet moraliter, sed physicè.

Sequitur 1034. Solum Deum posse esse causam principalem gratiæ, præsertim habitualis.

Probatur sequela: Nullum superna-

632 *Secundum Doctrinā*

turale potest produci ab aliqua causa naturali tamquam causa principali, sed solum ab eo, qui est ipsum esse supernaturale per essentiam: Sed omnis gratia est quid supernaturale, præsertim verò gratia habitualis: Ergo gratia non potest produci ab vlla causa naturali vt principali, sed à solo Deo, qui est ipsum esse supernaturale per essentiam. Minor patet ex iam dictis. Maior verò etiam supra probata est: quia cum nullus effectus possit excedere virtutem causæ principalis, non potest natura producere aliquod esse supernaturale; Omnis autem causa creata est natura. Sed præterea probatur: Participatio non potest esse principaliter, nisi ab eo, cuius est participatio: Sed omnis gratia est participatio naturæ vel proprietatis alicuius Diuinæ, vt supra ostensum est: Ergo nulla gratia potest esse principaliter nisi à Deo. Denique de gratia habituali hoc sic probat D. Thomas: Nulla creatura, sed solus Deus potest Deificare: Atqui per gratiam habitualem homo Deificatur: Ergo gratiam habitualement nulla creatura sed solus Deus potest principaliter producere.

2^a 4. 2.

Sequitur 1035. Posse aliquam creaturam assumi vt instrumentum etiam physicum ad producendam gratiam.

Probatur sequela: Quia tunc cessant

D. Thomæ Principium. 633

omnes rationes iam dictæ. Hæc sequela melius patebit in tertio principio, cum agemus de causis.

Sequitur 1036. Dari causam materialem gratiæ. *Ibid. a. 2.*

Probatur sequela : Omne accidens habet causam materialem siue subiectum, ut patet ex primo principio. Sed omnis gratia creata est accidens, ut patet ex dictis; ostendimus enim nullam substantiam posse esse supernaturalem: Ergo omnis gratia creata habet causam materialem siue subiectum.

Sequitur 1037. Gratiā produci à Deo dependenter à subiecto. *Ibidem.*

Probatur sequela : Omne accidens connaturaliter producit in subiecto & dependenter à subiecto : Sed omnis gratia est accidens : Ergo omnis gratia producit in subiecto & dependenter à subiecto.

Sequitur 1038. Gratiā educi ex subiecto non secundum potentiam naturalem, sed tantum secundum potentiam obedientialem. *2 de virt. a. 1. & ad. 12.*

Probatur sequela : Educī ex subiecto non est formam præexistere, quasi prius latitaret intra subiectum, eo modo quo aliquis existens & latitans intra domum, inde educitur; sed solum est, formam produci dependenter à subiecto tamquam à causa materiali & receptiva.

634 *Secundum Doctrinam*

in qua continetur, secundum quod habet potentiam receptiuam & in qua recipitur per se cum transmutatione subiecti: Sed gratia producitur dependenter à subiecto, non ratione alicuius potentiae receptivae veluti naturalis, sed tantum obedientialis, & recipitur in illo cum transmutatione per se loquendo: Ergo gratia educitur à subiecto secundum potentiam obedientialem. Minoris prima pars iam probata est, quod scilicet gratia producat dependenter à subiecto. Secunda verò pars est evidens: potentia enim naturalis receptiva dicitur illa, quae continet & respicit formam ut producibilem à causa aliqua naturali; potentia verò obedientialis respicit formam ut producibilem à causa omnipotente & supernaturaliter operante: Atqui gratia est tantum producibilis à causa supernaturaliter operante, non autem ab vlla causa naturali; ut probatum est: Ergo subiectum non potest respicere gratiam ut producibilem à causa naturali, nec consequenter illam recipere per potentiam naturalem, sed tantum per obedientialem, idque cum transmutatione.

2. 9. 112.

2.

Sequitur 1039. Ad gratiam habitua-
lem praequiri in adultis aliquam prae-
parationem & dispositionem ex parte
subiecti.

Probatur sequela: Nulla forma permanens recipitur nisi in materia disposita, atque adeo prærequiritur præparatio & dispositio ex parte materiæ, præsertim quando forma illa est quid ultimum & perfectum, ut probabitur in tertio principio: Atqui gratia habitualis est forma permanens & quid ultimum & perfectum; cum sit participatio Divinæ naturæ, ut diximus: Ergo gratia habitualis non recipitur nisi in materia disposita, & ad eam prærequiritur dispositio & præparatio. Diximus in adultis, quia in pueris, non requiruntur ullæ dispositiones.

Sequitur 1040. Ad gratiam actuale*m* *ibid.* non prærequiri aliquam dispositionem.

Probatur sequela: Ad causam omnis dispositionis non potest prærequiri aliqua dispositio; aliàs daretur dispositio, quæ non esset ab illa causa, & sic non esset causa omnis dispositionis: Sed gratia actualis est causa omnis dispositionis supernaturalis; nihil enim naturale potest esse dispositio ad gratiam supernaturalem, ut diximus supra: Ergo ad gratiam actuale*m* non potest prærequiri aliqua dispositio.

Sequitur 1041. Ad gratiam habitua-*lem* *ibid.* aliquas dari dispositiones imperfectas siue remotas, & alias perfectas siue concomitantes.

Probatur sequela : Ad omnem formam ultimam dantur aliquæ dispositiones imperfectæ siue remotæ , & aliæ perfectæ & concomitantes , ut patet inductivè in omnibus formis siue substantialibus , siue accidentalibus , quæ sunt ultimæ : Atqui gratia habitualis est forma perfecta & ultima , ex dictis : Ergo ad gratiam habitualement dantur aliquæ dispositiones imperfectæ & remotæ ; aliquæ verò perfectæ & concomitantes.

Ibid. Sequitur 1042. Has dispositiones non requiri ex parte ipsius causæ efficientis, quasi causa efficiens gratiæ non possit producere gratiam habitualement non productis prius dispositionibus.

Probatur sequela : Agens infinitæ virtutis non requirit dispositiones , ut agat & producat formam , quasi non possit illam producere nisi productis prius dispositionibus , ut patet : Atqui Deus est agens infinitæ virtutis , ut supra diximus, & ipse solus est causa gratiæ : Ergo non requirit dispositiones ut agat & producat gratiam , sed potest absolutè illam producere non productis dispositionibus.

Ibidem.

Sequitur 1043. Has dispositiones requiri ex parte subiecti.

Probatur sequela : Dispositiones requisitæ , & non ex parte causæ efficien-

tis, requiruntur tantum ex parte subiecti: Sed dispositiones ad gratiam sunt requisitæ, & non ex parte causæ efficientis, ut diximus: Ergo sunt tantum requisitæ ex parte subiecti.

Sequitur 1044. Quod quando subiectum est incapax dispositionum, possit Deus gratiam habitualement, si velit, producere sine dispositionibus. *Ibidem*

Probatur sequela: Dispositiones requisitæ ex parte subiecti tantum, ad formam, quam agens potest producere sine dispositionibus, non sunt necessariae, nec possunt poni, quando subiectum est incapax huiusmodi dispositionum: Sed dispositiones ad gratiam habitualement sunt necessariae tantum ex parte subiecti, & Deus potest gratiam illam producere absque dispositionibus: Ergo hæ dispositiones non possunt poni in subiecto incapaci, sed Deus potest gratiam in tali subiecto ponere sine illis dispositionibus.

Sequitur 1045. Deum posse producere gratiam habitualement in pueris sine ullis actibus liberis. *Ibidem*

Probatur sequela: Actus liberi supernaturales sunt dispositiones ad gratiam habitualement, ut statim ostendemus: Sed pueri sunt incapaces eliciendi actus liberos, cum non habeant usum rationis: Ergo cum Deus possit ponere

gratiam sine dispositionibus , quando subiectum est incapax illarum , vt diximus, Deus poterit ponere gratiam in pueris sine illis actibus liberis.

Ibid. Sequitur 1046. Has dispositiones ad gratiam habitualement esse actus liberos supernaturales.

Probatur sequela : Hæ dispositiones non possunt esse aliquæ formæ supernaturales permanentes, aliàs ad illas requirerentur aliæ dispositiones , & ad istas aliæ, & sic in infinitum ; atque adeo debent esse aliquid transiens: Sed omne transiens vel est actus quidam vel motio : Ergo hæ dispositiones vel sunt actus quidam vel motiones: Sed si sint motiones supernaturales , debent etiam esse actus liberi ; quia Deus vnumquëque mouet secundum modum eius , atque adeò hominem adultum & liberum: Deus mouet liberè, ita vt ipse homo liberè operetur. Si autem hæ dispositiones sint ipsi actus, illi non possunt esse à solo Deo, cum sint actus vitales, qui esse non possunt à solo Deo, vt diximus. Neque possunt esse actus omnino necessarij, quia , exceptis actibus & motibus primò primis, non dantur in hac vita actus voluntatis omnino necessarij. Aliunde verò congruum est , vt homo liberè concurret ad gratiæ receptionem , sicut liberè concurret ad peccatum : debent

ergo huiusmodi dispositiones esse actus liberi; non naturales, quia isti non sunt eiusdem ordinis; dispositiones autem debent esse eiusdem ordinis cum forma, ad quam sunt dispositiones: Ergo debent esse actus liberi & supernaturales.

Sequitur 1047. Has dispositiones esse *Ibidem* non solum morales, sed etiam physicas.

Probatur sequela: Dispositiones, quę non solum moraliter sed etiam physicę ac realiter disponunt subiectum, sunt reales & physicę & non tantum morales: Sed actus nostri supernaturales realiter & physicę disponunt animam ad receptionem gratiæ habitualis: Ergo sunt dispositiones physicę ad gratiam. Minor probatur: Actus verę ac realiter supernaturales, verę ac realiter disponunt ad formam ultimam ordinis supernaturalis, præsertim quando hi actus tollunt verę, realiter ac physicę formam oppositam: Sed actus nostri elicit ex gratia actuali sunt verę realiter & physicę supernaturales, & aliquando verę ac physicę tollunt (dispositiuę tamen) peccatum: Ergo, &c. Minoris prima pars patet ex dictis, quia actus procedentes ex principio vero, reali, & physico ac physicę influente, si sit supernaturale, etiam sunt & ipsi supernaturales: Secunda pars minoris etiam patet: quia actus v. g. conuersionis in Deum vt finem ultimum

340 *Secundum Doctrinā*

est verè ac realiter oppositus habituali auersioni à Deo vt fine vltimo, non quidem tamquam forma priuationi, sed tamquam actus formæ ipsi priuationi, vt constat. Nec propterea, qui ponit hos actus, est causa efficiens gratiæ; quia, vt statim dicemus, gratia non sequitur infallibiliter ad istos actus vt sunt à voluntate, sed vt sunt à Deo mouente voluntatem: & sicut in humanis generans effectiuè attingit & producit dispositiones physicas ad vnionem animæ cum corpore, nec tamen effectiuè producit animam: ita in proposito.

Id. ar. 3. Sequitur 1048. Ad has dispositiones remotas consequi gratiam habitualement, iuxta intentionem Dei mouentis hominem ad illos actus eliciendos, id est, quòd si ex intentione Dei mouentis ad hos actus, sit quòd homo gratiam consequatur, infallibiliter ipsam consequitur.

Probatur sequela: Ad dispositiones, quas ponit agens liberum infinitæ virtutis, consequitur infallibiliter forma iuxta intentionem ipsius agentis: Sed hæ dispositiones ponuntur à Deo mouente animam, & Deus est agens liberum infinitæ virtutis: Ergo ad has dispositiones consequitur infallibiliter gratia iuxta intentionem Dei. Minor patet ex dictis: Maior est etiam euidentius; quia agens liberum infinitæ virtutis agit in

fallibiliter quicquid vult, & secundum quod vult.

Sequitur 1049. Ad has dispositiones prout sunt actus ipsius hominis præcisè non consequi infallibiliter gratiam. *Ibid. n. 39*

Probatur sequela: Ad ea, quæ non habent ex se ullam connexionem cum forma, non consequitur illa forma infallibiliter, ut ex terminis constat: Sed actus hominis ut præcisè sunt ab homine nullam habent connexionem cum gratia, quia ex se non sunt eiusdem ordinis, sed tantum quatenus sunt supernaturales, quod non habent nisi à motione Dei, ut dictum est: Ergo ad actus hominis, ut sunt præcisè ab homine, non consequitur infallibiliter ipsa gratia.

Sequitur 1050. Verum esse, facienti quod in se est, Deum non denegare gratiam, si intelligatur de faciente, quod in se est ex gratia, non autem ex viribus naturalibus. *Ibidem*

Probatur sequela ex dictis: Quia gratia solum sequitur infallibiliter ex dispositione iuxta intentionem Dei mouentis hominem per gratiam actua-lem; non autem ex dispositione, ut procedit à libero arbitrio præcisè: Ergo &c.

Sequitur 1051. Gratiam posse esse maiorem in vno, quàm in alio. *Ibid. n. 40*

Probatur sequela: Forma, quæ ma-

gis vel minùs participatur à subiecto, secundùm maiorem vel minorem dispositionem subiecti, & secundùm perfectiorem vel minùs perfectam causam huius dispositionis, potest esse maior in vno, quàm in alio: Sed gratia participatur magis vel minùs à subiecto secundùm dispositionem ipsius, & secundùm causam huius dispositionis, quæ est ipsum auxilium Dei mouens: Ergo gratia potest esse maior in vno, quàm in alio. Minor probatur ex dictis: quia gratia ordinat hominem ad gloriam & visionem beatificam; gloria autem & visio beatifica potest esse maior vel minor, vt diximus supra: Ergo & gratia debet esse forma magis vel minùs participabilis à subiecto, secundùm varias subiecti dispositiones, quas diximus pendere à maiori vel minori auxilio.

2.2.9 110.
6. 1.

Sequitur 1052. Implicare quòd aliquis habeat gratiam, & non sit gratus Deo.

Probatur sequela: Implicat formam esse in subiecto, & subiectum non habere effectum formalem illius formæ: Sed, ex dictis supra, effectus formalis gratiæ est esse gratum Deo: Ergo implicat quòd aliquis habeat gratiam, & non sit gratus Deo.

Sequitur 1053. Implicare quòd aliquis sit simpliciter gratus Deo, & non habeat

habeat gratiā habitualē & sanctificantē.

Probatur sequela: Implicat effectum formalem esse, & formam non esse in subiecto: Sed effectus formalis gratiæ est esse gratum Deo simpliciter: Ergo implicat, quòd aliquis sit gratus Deo simpliciter, & non habeat gratiam. Ratio autem à priori huius vtriusque conclusionis est; quia effectus formalis nihil aliud est, quàm ipsa forma communicata subiecto. Quare si homo conditus fuisset vel in natura pura, vel in natura integra sine ordine ad finem supernaturalem, non fuisset simpliciter gratus Deo, sed solùm secundùm quid, videlicet, in ordine ad finem vltimum naturalem: vnde nec fuisset vera amicitia inter Deum & hominem; quia non interfuisset communicatio in bonis proprijs. Sicut ergo finis vltimus simpliciter hominis est visio clara Dei, quæ, ut diximus supra, est supernaturalis; ita gratum esse Deo simpliciter, est esse acceptum ad participationem vltimi finis simpliciter, quod esse nequit sine forma supernaturali.

Sequitur 1054. Supposita extrinseca *Ibidem*
ordinatione hominis in finem supernaturalem non posse hominem esse iustum sine gratia habituali.

Probatur sequela: Sine ordine ad finem vltimum simpliciter non potest esse

se vera iustitia, secundum quod iustitia dicit rectitudinem totius hominis, siue rectam dispositionem totius hominis quantum ad animam: Atqui sine gratia habituali non potest esse ordo ad ultimum finem simpliciter, supposita ordinatione extrinseca hominis in finem supernaturalem: Ergo hac ordinatione supposita non potest in homine esse vera iustitia, nec consequenter homo potest dici iustus sine gratia habituali. Maior est evidens: quia prima rectitudo hominis est in ordine ad finem ultimum simpliciter, & ex hac rectitudine dependet essentialiter omnis alia rectitudo, utpote cum sit rectitudo circa media, quæ dependet essentialiter ex rectitudine circa finem. Minor etiam constat: quia sine gratia habituali homo non potest habere ordinem ad finem ultimum simpliciter; cum finis ultimus simpliciter supposita extrinseca ordinatione hominis ad finem supernaturalem, sit finis supernaturalis, ut patet: Atqui sine gratia habituali non potest homo rectè ordinari in finem supernaturalem, ut supra probatum est: Ergo sine gratia habituali non potest homo rectè ordinari ad finem ultimum simpliciter.

1.2.9.110,
a. 1.

Sequitur 1055. Non posse hominem de iniusto fieri iustum sine gratia habi-

D. Thoma Principium. 645

tuali supposito statu, in quo nunc sumus.

Probatur sequela: Sine illo, sine quo homo non potest esse iustus, non potest de iniusto fieri iustus; non enim potest esse motus ab vno termino in alium nisi relicto termino à quo & acquisito termino ad quem: Sed sine gratia habituali homo non potest esse iustus, vt dictum est: Ergo sine gratia habituali homo non potest de iniusto fieri iustus.

Sequitur 1056. Hominem sine gratia *Ibid. n. 22* habituali non posse verè iustificari.

Probatur sequela: Verè iustificari, est non est tantùm declarari iustum, sed verè fieri iustum; sicut calefieri est fieri calidum: Atqui sine gratia homo non potest verè fieri iustus, ex dictis: Ergo sine gratia habituali non potest homo verè iustificari.

Sequitur 1057. Nullum hominem, *Ibidem;* vel conceptum in peccato, vel qui commisit peccatum, posse iustificari sine remissione peccati.

Probatur sequela: Transitus ab iniustitia ad iustitiam non potest fieri sine remissione peccati: Sed iustificari est transitus ab iniustitia ad iustitiam, supposito, quòd homo priùs esset in peccato: Ergo iustificari non potest aliquis sine remissione peccati. Maior probatur: Omne peccatum præsertim origi-

nale vel mortale est iniustitia, quia est auersio à Deo ut sine ultimo simpliciter, ut de peccato originali diximus supra: Sed non potest fieri transitus ab iniustitia ad iustitiam sine remissione siue ablatione iniustitiæ; cum in motu non possit fieri transitus à termino à quo ad terminum ad quem, nisi relicto termino à quo, quando est contrarius termino ad quem, sicut est iniustitia iustitiæ: Ergo non potest fieri transitus ad iniustitiam nisi remisso & ablato peccato.

Ibid. Sequitur 1058. Remissionem peccati non posse fieri sine transitu ab iniustitia ad iustitiam.

Probatur sequela: Quando duo sunt opposita, quorum vnum importat essentialiter priuationem alterius, non potest tolli terminus à quo, nisi ponatur terminus ad quem: Sed remissio peccati est ablatio termini à quo, nimirum peccati & iniustitiæ, quæ opponitur iustitiæ, ita ut vnum importet priuationem alterius: Ergo ablatio siue remissio peccati fieri non potest, nisi ponatur iustitia.

Dices remissio peccati non est ablatio iniustitiæ ut iniustitia est, sed est condonatio offensæ, quæ condonatio potest fieri à Deo absque eo quòd Deus ponat aliquid in anima: si enim homo

potest alteri offensam condonare absque eo quòd ponat aliquid in eo, cui condonat offensam, cur Deus id non poterit?

Sed contra hoc est: Quia non potest intelligi, quòd Deus nobis remittat offensam, nisi quatenus nobis pacatur: Atqui sine infusione iustitiæ & gratiæ non potest Deus nobis pacari: Ergo sine infusione iustitiæ & gratiæ non potest intelligi, quòd Deus nobis remittat offensam. Maior est evidens: remittere enim offensam est pacari ipsi offendenti, vel ei, qui offendit. Minor verò probatur: quia Deus non pacatur nobis per mutationem sui, cum sit immutabilis, sed pacatur nobis diligendo nos dilectione æterna & immutabili: Ergo pacatur nobis mutatione facta in nobis, & effectu aliquo producto in nobis per illam dilectionem: Nam dilectio Dei per hoc distinguitur à dilectione creata, quòd dilectio Dei est non solùm affectiva, sed etiam effectiva, id est, ponit in nobis aliquem effectum, dilectio autem creata est tantùm affectiva, nec aliquid ponit in nobis intrinsecum. Vnde non imputare nobis peccatum est dilectio Dei importans necessariò effectum aliquem gratuitum, quo grati reddimur Deo, cum priùs essemus ingrati & inuisi: Donum autem gratuitum reddens nos Deo

gratos est gratia , vt patet ex dictis supra.

Ibid. ar. 3. Sequitur 1059. Ad iustificationem impij adulti requiri motum liberi arbitrij.

Probatur sequela : Ad receptionem gratiæ in adulto requiritur motus liberi arbitrij , tamquam dispositio , ex dictis supra : Sed iustificatio impij adulti est receptio gratiæ , vt ostensum est : Ergo ad iustificationem impij adulti requiritur motus liberi arbitrij.

Ibid. ar. 4. Sequitur 1060. Ad iustificationem impij adulti requiri motum liberi arbitrij conuertentis se in Deum vt finem supernaturalem.

Probatur sequela : Ad receptionem liberam gratiæ requiritur in homine adulto conuersio in Deum vt finem supernaturalem ; iustum est enim , vt qui se liberè auertit à Deo, dum resipit , se liberè conuertat in Deum : Sed iustificatio impij adulti est libera receptio gratiæ , vt iam probatum est : Ergo ad iustificationem impij adulti requiritur conuersio in Deum vt finem supernaturalem.

Ibidem. Sequitur 1061. Ad iustificationem impij adulti requiri actum fidei.

Probatur sequela : Cognitio Dei , vt finis supernaturalis non habetur in hac vita nisi per actum fidei , vt patet ex dictis supra , & ampliùs infra probabitur :

Sed ad iustificationem impij adulti requiritur cognitio Dei vt finis supernaturalis in hac vita ; quia nihil volitum quin præcognitum , & extra hanc vitam non datur iustificatio impij : Ergo ad iustificationem impij requiritur actus fidei.

Sequitur 1062. Ad iustificationem impij requiri actum charitatis. *Ibidem.*

Probatur sequela : Conuersio in Deū vt finem vltimum supernaturalem est actus charitatis ; conuerti enim in finem est diligere finem propter ipsum : Sed ad iustificationem impij requiritur conuersio in Deum vt finem vltimum : Ergo ad iustificationem impij requiritur actus charitatis.

Sequitur 1063. Ad iustificationem impij requiri actum timoris & actum humilitatis. *Ibid. ar. 3.*

Probatur sequela : Subiectio , quā quis se subiicit Deo , est actus timoris & humilitatis : Sed ad iustificationem impij requiritur subiectio , quā quis se subiiciat Deo : Ergo ad iustificationem impij requiritur actus timoris & humilitatis. Minor probatur : In conuersione ad Deum vt finem vltimum includitur subiectio ad Deum ; omnis enim , qui respicit finem vltimum , subiicit se illi , præsertim quando finis est etiam supremus Dominus & subsistens , vt in

650 *Secundum Doctrinam*

proposito, ubi deus ipse est ultimus finis.

Ibidem.

Sequitur 1064. Ad iustificationem impij requiri detestationem peccati.

Probatur sequela : Recessus voluntarius à peccato est detestatio peccati: Sed ad iustificationem impij requiritur recessus voluntarius à peccato : Ergo ad iustificationem impij requiritur detestatio peccati. Maior est evidens: quia sicut accessus animæ ad bonum est desiderium, ita recessus à malo est fuga vel detestatio, ut patet ex dictis in primo principio. Minor verò probatur: In omni motu requiritur recessus à termino à quo, & accessus ad terminum ad quem: Sed iustificatio, ut diximus, est motus à peccato siue potius à statu peccati ad statum iustitiæ; unde peccatum habet rationem termini à quo, sicut iustitia habet rationem termini ad quem: Ergo in iustificatione requiritur recessus à peccato, qui debet esse voluntarius & liber, ut dictum est.

Ibid. ar. 6.

Sequitur 1065. Ad iustificationem impij requiri remissionem peccati.

Probatur sequela : In omni motu, quo aliquid mouetur tria requiruntur; primò motio mouentis; secundò motus mobilis, qui importat recessum à termino à quo, & accessum ad terminum ad quem; & tertio peruentio ad finem: Sed iustificatio impij est motus à statu.

D. Thoma Principium. 651

peccati ad statum iustitiæ: Ergo tria ad iustificationem requiruntur, scilicet motus Dei, quæ est ipsa gratiæ infusio; recessus à termino à quo, qui est detestatio peccati; accessus ad terminum ad quem, qui est conuersio in Deum; & peruentio ad finem, quæ est ipsa remissio peccati: quamuis enim remissio peccati veluti habitualiter considerata sit idem realiter cum infusione gratiæ habitualis, nihilominus differunt ratione, & ad statum gratiæ habitualis, hoc est ut homo sit verè in statu gratiæ habitualis, præexigitur remissio culpæ; & ideirco remissio peccati numeratur inter requisita ad iustificationem.

Ut autem hæc intelligas, aduerte, iustificationem non esse vtcumque motum à peccato ad iustitiam, sed esse motum à statu peccati ad statum iustitiæ: quæ duo multum differunt; nam motus à peccato in iustitiam potest intelligi à peccato vtcumque, siue sit per modum status, siue non, ad iustitiam actuale, siue ad actum iustitiæ; & hic motus non est propriè iustificatio: motus verò à statu peccati ad statum iustitiæ, est motus à peccato habituali ad habitum iustitiæ, siue gratiam habituale; & ad hunc motum requiritur gratiæ & caritatis infusio, quæ ut sunt in infundi habent vim, & supplent vices motiōis.

& auxilij Diuini: requiritur etiam mō-
 tus liberi arbitrij in peccatum per dete-
 stationem, & in Deum per amorem, &
 tandem requiritur remissio peccati, hoc
 est, expulsio peccati habitualis, quæ ex-
 pulsio fit quidem per habitum iustitiæ
 siue gratiæ & charitatis, nihilominus
 præintelligitur in genere causæ mate-
 rialis prius quàm intelligatur ipsa gra-
 tia habitualis.

ibid.

Sequitur 1066. Actum charitatis non
 esse formam iustificantem propriè.

Probatur sequela: Forma iustificans
 propriè debet esse habitualis: Atqui
 actus charitatis non est habitualis: Ergo
 actus charitatis non est forma iustifi-
 cans. Minor est euidens. Maior proba-
 tur: Forma propriè iustificans debet
 constituere statum iustitiæ; vt enim di-
 ximus, & aduertit S. Thomas sæpius,
 & dēffinitum est à Tridentino sess. 6. c. 4.
 Iustificatio propriè est translatio à statu
 peccati ad statum iustitiæ: Sed sola for-
 ma habitualis potest constituere statum
 iustitiæ; status enim importat aliquid
 firmum, stabile & permanens: Ergo so-
 la forma habitualis potest esse iustificans.
 Quare licet actus charitatis expellat
 peccatum dispositiuè, non expellit ta-
 men peccatum habituale formaliter.

ibid. 47. 7.

Sequitur 1067. Iustificationem posse
 fieri in instanti.

Probatur sequela: Ad iustificationem hæc quatuor requiruntur, videlicet infusio gratiæ, motus detestationis in peccatum, & charitatis erga Deum, & remissio peccati: Sed hæc quatuor possunt esse in instanti: Ergo & iustificatio. Maior probata est. Minor probatur: Agens infinitæ virtutis potest simul & semel in vnico instanti ponere dispositiones, quæ non exigunt successionem, sed formam indiuisibilem: Atqui Deus est agens infinitæ virtutis, vt dictum est; dispositiones ad gratiam sunt actus intellectus & voluntatis, qui non exigunt successionem; gratia verò non est forma materialis & diuisibilis, vt constat ex dictis: Ergo Deus potest simul & semel infundere gratiam, & in eodem instanti ponere dispositiones, & remittere peccata.

Sequitur 1068. Aliquando aliquas dispositiones ad gratiam præcedere tempore ipsam gratiam. *Ibidem;*

Probatur sequela: Dispositiones non perfectæ possunt præcedere tempore ipsam formam: Sed ad gratiam dantur quandoque dispositiones non perfectæ, v. g. actus attritionis extra sacramentum, vt infra dicemus: Ergo tunc huiusmodi dispositiones præcedunt tempore.

Sequitur 1069. Peccatum habituale *Ibidem;*

654 *Secundum Doctrinæ*

desinere esse in anima per instans extrinsecum, quando verum est dicere, *Nunc peccatum non est, sed immediate antea fuit* : & tunc etiam verum est dicere, *Nunc gratia est, & immediate antea non erat*.

Explicatur : Gratia per se non mensuratur tempore, sed æternitate participata; ratione tamen subiecti, scilicet, hominis mensuratur tempore : unde in eodem instanti nostri temporis in quo gratia infunditur, peccatum desinit esse per instans extrinsecum, atque adeo verum est dicere, *Peccatum nunc non est, sed fuit immediate antea, & gratia nunc est, & non erat immediate antea*. Vide dicta in primo principio.

Ibid. 4.8.

Sequitur 1070 In genere causæ efficientis, atque adeo simpliciter, priorem esse prioritate naturæ, infusionem gratiæ; deinde motum liberi arbitrij in Deum; tertio motum liberi arbitrij in peccatum; ac demum remissionem peccati.

Probaturs sequela : In his, quæ sunt in eodem instanti, illa, quæ se tenent ex parte causæ efficientis, sunt prioritate naturæ priora simpliciter : Sed ex parte Dei tamquam causæ efficientis prior est gratiæ infusio, quâ mediante mouet ad actum charitatis, & mediante actu charitatis mouet ad detestationem peccati;

D. Thomæ Principium. 655

mouet enim ad hoc odium & detestationem propter Deum summè dilectum; ac demum mouet ad odium peccati, vt sequatur remissio peccati habitualis: Ergo hoc pacto simpliciter hæc quatuor ordinantur.

Sequitur 1071. In genere causæ materialis priorem esse remissionem peccati & motum detestationis peccati, quàm sit motus in Deum & infusio gratiæ. *Ibidem.*

Probatur sequela: Quia ordo causæ materialis est oppositus ordini causæ efficientis: quare prius est ordine naturæ in ratione dispositionis materialis, quòd remittatur peccatum; deinde quòd homo detestetur illud; tertio quòd voluntas conuertatur in Deum; ac demum quòd anima recipiat gratiam.

Sequitur 1072. Iustificationem impij ex parte modi agendi non esse maximum opus Dei. *Ibid. 69.*

Probatur sequela: Eductio formæ etiam supernaturalis ex potentia obedientiali subiecti non est tantum opus ex parte modi agendi, quàm productio rerum ex nihilo: Sed iustificatio non est nisi eductio gratiæ ex potentia obedientiali subiecti; creatio verò est productio rerum ex nihilo: Ergo iustificatio non est tantum opus ac creatio ex parte modi agendi.

Ibidem.

Sequitur 1073. Ex parte rei productæ iustificationem esse maius opus, quàm creationem vniuersi.

Probatur sequela : Productio rei aliquius supernaturalis, præsertim participationis naturæ Diuinæ, est maius opus, quàm productio cuiuscumque rei naturalis ex parte rei productæ; quia res producta cum sit supernaturalis, est quid maius omni re naturali : Sed productio gratiæ est productio rei supernaturalis & participationis naturæ Diuinæ, ex dictis; productio autem vniuersi est productio rei naturalis, vt constat : Ergo productio gratiæ est opus maius, quàm productio vniuersi.

Ibidem.

Sequitur 1074. Iustificationem impij esse maius opus glorificatione iusti, si attendatur proportio inter vtrumque.

Probatur sequela : Quia maior est proportio inter gratiam & gloriam inter se, quàm sit inter statum peccati & statum gratiæ : Absolutè tamen glorificatio est opus maius.

Ibid. a. 10.

Sequitur 1075. Iustificationem non semper esse miraculosam; aliquando tamen esse.

Probatur sequela : Quia quandoque iustificatio fit secundum modum ordinarium & vsitatum, vt quando homo conuertitur ad Deum primò conuersione imperfecta, & deinde perfecta;

D. Thomæ Principium. 257

aliquando verò fit præter communem
cursum, vt quando subito fit perfecta,
sicut contigit in conuersione D. Pauli.

Sequitur 1076. Causam principalem
iustificationis esse solum Deum. 1. 2. q. 112.
a. 1.

Probatur sequela: Eadem est causa
iustificationis & gratiæ: Sed solus Deus
est causa gratiæ, ex dictis: Ergo & iu-
stificationis.

Sequitur 1077. Neminem posse esse
certum per scientiam à priori se esse
iustificatum. Ibid. a. 5.

Probatur sequela: Effectus, cuius
causa est occulta, non potest cognosci
certò per scientiam à priori: Sed gratia
est effectus, cuius causa est occulta,
Deus nimirum: Ergo gratia non potest
cognosci certò per scientiam à priori, &
multò minùs potest cognosci certò exi-
stentia gratiæ in hoc vel illo subiecto.

Sequitur 1078. Absolutè neminem
posse esse certum de sua gratia, certitu-
dine, cui non possit subesse falsum. Ibid.

Probatur sequela: Omnis certitudo
vel est certitudo habita per scientiam à
priori, vel à posteriori, vel per scien-
tiam experimentalem, vel per fidem
Diuinam: Sed nemo potest habere cer-
titudinem de sua gratia per scientiam à
priori, vt dictum est, nec per scien-
tiam à posteriori vel experimentalem,
vel per fidem: Ergo nullam potest ha-

658. *Secundum Doctrinam*

bere. De scientia à posteriori probatur: Omnis effectus æquè producibilis ab vna causa vel sub vna ratione ac sub alia, non potest certò deducere in cognitionem causæ determinatæ: Sed omnis actus voluntatis, vel externus, qui à gratia potest procedere, prout à nobis cognoscitur, æquè potest produci à voluntate sola, vel sub alia ratione, ac sub ratione ac motiuo supernaturali, secundum quod nos deduceret in cognitionem charitatis & gratiæ in nobis existentis: Ergo non potest certò deducere in cognitionem ipsius charitatis & gratiæ, tamquam causæ determinatæ. Maior est euidens ex dictis in primo principio, quia effectus non deducit in cognitionem causæ, nisi ratione connexionis cum certa & determinata causa: quando ergo effectus non habet connexionem cum causa certa & determinata, non potest nos deducere in cognitionem causæ certæ & determinatæ. Minor etiam patet: quia motiuum supernaturale, sub quo actus aliquis nos deduceret in cognitionem gratiæ & charitatis, non potest cognosci certò, quamdiu causa illius motiui nos latet: causa verò illius motiui, cum sit supernaturale, est ipse Deus, qui vt auctor supernaturalis nos latet: Ergo motiuum illud etiam nos latet, nec potest certò cog-

nosci, an elicuerimus actum sub illo motiuo, nec consequenter potest certò cognosci actus ille quatenus à gratia & charitate dimanat determinatè potiùs quàm ab alia causa. Atque hinc habes etiam non posse nos habere scientiam experimentalem: quia nulla experientia potest nobis dare certam cognitionem motiui. De fide demum probatur: quia in nullo principio reuelato continetur formaliter vel virtualiter, quòd v.g. homo aliquis adùltus sit in gratia: atque adeo per fidem non potest haberi certitudo, quòd aliquis sit in gratia.

Nec valet, si dicas nos posse cognoscere, quòd habemus fidem; atque adeo posse certò cognoscere motiuum supernaturale. Responderetur enim fidem eleuando intellectum reflexiuum supra seipsum, eleuare etiam illum ad cognoscendam ipsam fidem certò, præsertim adiunctâ regulâ extrinsecâ & sensibili ipsius fidei, quæ est Ecclesia, cuius fidem cum certò credere debeamus, etiam nostram, quæ coniuncta imò & vna est cum fide Ecclesiæ, certò tenemur credere: Non est autem simile de gratia & charitate, cuius, cum sit in voluntate, quæ non est reflexiua per modum cognitionis, non possumus motiuum certò cognoscere, præsertim quia non habemus regulam quamdam extrinse-

cam & sensibilem , quā possumus illam certò attingere. Sed de hoc aliàs.

1.2.7. 114.
A...I.

Sequitur 1079. Hominem sine gratia non posse mereri erga Deum.

Probat^{ur} sequela : Omne meritum correspondens mercedi , fundatur vel in iustitia commutativa, vel in amicitia: Sed meritum hominis apud Deum non potest fundari in iustitia commutativa ; quia nec in Deo datur iustitia commutativa respectu cuiuscumque rei creatæ, ut diximus supra , & constabit magis infra ; nec in homine potest dari iustitia commutativa ad Deum ob inæqualitatem dominij Divini supra humanum : Ergo omne meritum hominis ad Deum debet fundari in amicitia ; quæ , cum haberi non possit sine gratia & charitate , etiam meritum hominis ad Deum debet fundari in gratia & charitate.

Ibid. a. 5.

Sequitur 1080. Multò minùs posse peccatorem mereri bonum aliquod apud Deum , sine gratia.

Probat^{ur} sequela : Qui meretur pœnam, non meretur bonum aliquod apud Deum : Sed peccator, quamdiu est sine gratia meretur pœnam : Ergo non meretur bonum aliquod apud Deum , nisi priùs consecutus fuerit gratiam.

Ibid. a. 2.

Sequitur 1081. Neminem posse mereri vitam æternam sine gratia.

Probat^{ur} sequela : Inter meritum &

D. Thoma Principium. 661

mercedem debet esse proportio, imò & æqualitas si sumatur meritum simpliciter: Sed nulla actio hominis sine gratia habet proportionem ad vitam æternam, siue visionem beatificam, quam supra diximus excedere cognitionem, desiderium, & virtutem totius naturæ: Ergo nulla actio hominis sine gratia potest mereri vitam æternam.

Sequitur 1082. Ad meritum erga Deum requiri statum gratiæ. *Ibid. a. 1.*

Probatur sequela: Amicitia inter Deum & hominem exigit statum gratiæ: Sed, ex dictis, meritum requirit amicitiam inter Deum & hominem: Ergo requirit statum gratiæ.

Sequitur 1083. Ad meritum hominis erga Deum requiri Diuinam ordinationem. *Ibidem.*

Probatur sequela: Amicitia inter Deum & hominem non potest esse sine Diuina ordinatione; oportet enim quòd Deus det homini gratiam & charitatem, quibus ipse homo ordinatur ad vitam æternam, & ad media, quæ deferuiunt, ad ipsam consequendam: Sed ad meritum requiritur amicitia inter Deum & hominem: Ergo ad meritum requiritur ordinatio Diuina.

Sequitur 1084. Hanc ordinationem Diuinam non esse omnino extrinsecam, & distinctam ab illa, quâ Deus vult ho-

mini conferre gratiam & charitatem in ordine ad vitam æternam.

Probatur sequela: Eo ipso, quòd Deus vult hominem adultum operari & consequi vitam æternam, vult ut consequatur vitam æternam ut præmium: Sed eo ipso, quòd Deus vult dare gratiam & charitatem, vult hominem adultum operari & consequi vitam æternam, ut constat ex dictis: Ergo eo ipso, quòd vult dare homini adulto gratiam & charitatem, vult ei dare vitam æternam ut præmium sine alia extrinseca ordinatione. Maior pater: quia modus humanus, id est, quo homo consequi debet suum ultimum finem, est ut liberè agens illum consequatur, atque adeo ut bene ac supernaturaliter operando illum consequatur non solum ut finem, sed etiam ut præmium, sicut supra dictum est: Sed eo ipso sine alia extrinseca promissione vel ordinatione, quòd Deus vult hominem adultum operari & consequi vitam æternam, ut finem, vult quòd illam consequatur modo humano: Ergo vult, quòd illam consequatur ut præmium.

Ibidem.

Sequitur 1085. Requiritur quidem Divinam promissionem ad hoc, ut homo mereatur, sed illam inuolui de facto in ipsa ordinatione, quâ Deus vult dare homini gratiam & charitatem in ordine

ad vitam æternam, ut modo humano, libero, atque adeo meritorio consequendam.

Probatur sequela: Voluntas, quæ Deus vult, quòd homo consequatur vitam æternam ut præmium, est Diuina promissio; non enim potest velle, quòd homo illam consequatur, ut præmium, nisi eo ipso promittat illam ut præmium: Sed ad meritum requiritur voluntas Dei, quæ vult, hominem consequi vitam æternam ut præmium, ex dictis: Ergo ad meritum requiritur promissio Dei; quæ nihilominus inuoluitur in illa voluntate, quæ vult dare gratiam & charitatem in ordine ad vitam æternam modo humano & libero, atque adeo per meritum acquirendam. Quare poterat quidem Deus absolutè loquendo velle dare homini gratiam & charitatem cum ordine ad vitam æternam ut hæreditatem adipiscendam; sed si hoc pacto ordinasset, nolisset ut homo modo humano consequeretur vitam æternam. Supposito autem quòd ordinarit, ut illam consequeretur modo humano, non poterat velle, quòd illam non consequeretur liberè, hoc est, per operationem liberam; nec poterat velle, quòd illam consequeretur per operationem liberam naturalem, quia nulla est proportio inter operationem liberam natu-

664 *Secundum Doctrinā*

ralem & vitam æternam : debebat ergo velle , quòd illam consequeretur per operationem liberam bonam bonitate supernaturali : & hoc posito volebat necessariò , quòd illa operatio esset proportionata vitæ æternæ, atque adeo volebat quòd esset meritoria ; quia meritum ex natura rei resultat ex operatione libera & bona bonitate supernaturali in ordine ad finem totius ordinis supernaturalis , qui finis est vita æterna.

Ibidem.

Sequitur 1086. Ad meritum requiri operationem bonam , & liberam , & supernaturalem.

Probatur sequela : Quia de intrinseca ratione cuiuscumque meriti , vt dicemus infra , est quod actio sit libera & bona, non quomodocumque sed cedens aliquo modo in bonum eius , à quo debet esse merces. Quòd verò debeat esse supernaturalis , iam probatum est : quia etsi non debeat nec possit respectu Dei habere omnimodam æqualitatem , sicut requireretur ad meritum simpliciter , debet tamen habere aliquam proportionem : Atqui non potest habere vllam proportionem ad præmium supernaturale, nisi ad minus sit eiusdem ordinis : Ergo debet esse operatio supernaturalis.

Ibid. ar. 4.

Sequitur 1087. Ad meritum erga Deum requiri , quòd actio illa refera-

rum in Deum saltem relatione virtuali.

Explicatur : Vt actio aliqua habeat rationem meriti erga aliquem, debet fieri in bonum eius, à quo expectatur merces; neque sufficit, quòd vtcumque cedat in bonum ipsius, sed requiritur quòd fiat eà intentione; aliàs si per accidens tantum cederet in bonum, non esset meritoria: & quamvis inter homines sufficiat, quòd actio illa sit in bonum præmiantis, etiamsi promerens habeat alium finem, putà proprium bonum; hoc tamen locum habere non potest erga Deum, qui præcipuè respicit intentionem & motiū, propter quod fit actio: vnde vt actio sit meritoria apud Deum, debet fieri ex intentione gloriæ Dei: Hæc autem intentio est relatio in Deum: Ergo requiritur relatio in Deū. Relatio autem in Deum potest esse triplex, habitualis, actualis, & virtualis: Relatio habitualis est illa, quæ fit ratione habitus, quem operans habet, & per quem se suaque omnia habitualiter refert in Deum: Actualis est illa, quæ de facto & in actu exercito actio refertur in Deum; denique virtualis est, quæ ex virtute prioris alicuius intentionis in ipso actu relinquitur, quando videlicet actio fit ex vi prioris actualis relationis. Quod ergo dicimus est, non sufficere relationem habitualement; quia tunc

reipsa nullo modo fit in bonum alterius ex intentione operantis, sed requiri virtuales ad minus.

Probatur ergo sequela: Ad omne meritum requiritur intentio promerentis, ex qua fiat actio in bonum præmiantis: Sed ad hanc intentionem sola relatio habitualis non sufficit; nec requiritur etiam necessario relatio actualis; aliàs vix esset vlla actio meritoria; neque hæc est necessaria, ut volita sit actio in bonum ipsius præmiantis ex vi intentionis: Ergo requiritur & sufficit quòd sit virtualis relatio.

Ibidem.

Sequitur 1088. Ad meritum requiri statum viæ.

Probatur sequela: Omnis tendentia in finem habet rationem viæ respectu termini: Sed meritum est tendentia in finem; oportet enim, ut diximus, quòd operatio fiat ex intentione finis atque adeo quòd operans intendat, siue quòd tendat in finem aliquem: Ergo ad meritum requiritur status viæ: Sed adverte tendentiam in finem, quam exigit meritum, pendere ex ordinatione Divina, ita ut iuxta quod Deus ordinat, illa tendentia constituat statum viæ: Vnde ad statum viæ in hominibus requiritur unio animæ cum corpore mortali, & idcirco animæ, quæ sunt in purgatorio, licet tendant ad finem vitæ æternæ.

æternæ, non merentur, quia non uniuntur corpori mortali; in Angelis verò hæc unio non erat requisita, quia non sunt formæ corporum: In Christo etiam non fuit tendentia in finem vitæ æternæ, cum à primo instanti fuerit beatus, ut postea dicemus, & tamen Christus fuit viator, quia aliquo modo tendebat in finem, hoc est, ad gloriam corporis, & ad perfectam satisfactionem Patri æterno exhibendam. Status ergo viæ dicit quidem aliquam tendentiam in aliquem finem, sed absolutè pendet ex ordinatione Diuina: Vnde etiam Elias & Enoch in paradiso terrestri viuentes, dicuntur esse extra statum viæ, quamuis sint in corpore mortali, & nondum consecuti sint vitam æternam.

Sequitur 1089. Hominem posse mereri de condigno vitam æternam.

1. 2 q. 114
ar. 3.

Explicatur: Terminus ille *de condigno* dupliciter potest intelligi; primò ut idem sit ac ex perfecta æqualitate; & hoc modo certum est ex dictis nullum hominem purum posse mereri *de condigno*, id est, ex perfecta æqualitate vitam æternam; & hoc sensu loquitur Apostolus dum ait; *Non sunt condigna passionibus huius temporis, &c.* Secundò potest intelligi *de condigno* ut idem sit ac cum proportionem & ordine, hoc est, quod meritum sit eiusdem ordinis cum præ-

Ad Rom.
8.

mio ; & hoc sensu loquuntur Theologi iuxta illud scripturæ , *Et inuenit illos dignos se*. Hoc ergo posito.

Probatur sequela : Ad meritum de condigno non requiritur perfecta æqualitas operis cum præmio , sed sufficit proportio ordinis : Atqui homo in gratia constitutus potest elicere actus , qui habeant huiusmodi proportionem ordinis cum vita æterna , hoc est , qui sint supernaturales : Ergo potest mereri de condigno vitam æternam.

Ibidem.

Sequitur 1090. Opus hominis posse etiam esse meritorium vitæ æternæ de condigno , id est , ex perfecta æqualitate , non prout est ab ipso homine præcisè , sed si attendatur ipsum principium operis quodāmodo intrinsecum homini.

Explicatur : Opus meritorium potest considerari dupliciter ; primò vt est ab homine etiam in gratia constituto ; & hoc modo non est æquale vitæ æternæ , nisi æqualitate proportionis & ordinis ; secundò potest considerari opus meritorium , vt est à Spiritu sancto inhabitante animam ratione gratiæ habitualis , modo supra explicato , & mouente illam ad illud opus per gratiam actualem ; & hoc modo sumendo opus meritorium ex dignitate Spiritus sancti vt principij habet æqualitatē , ita vt opus meritorium , correspondeat visioni beatificæ , vt est

beatitudo formalis ; & principium operis correspondeat ipsi obiecto beatificanti, quod est ipsemet Deus. Præterea si consideretur opus meritorium quatenus est ab homine ut peculiari & privata persona per gratiam habituales sanctificata, non habet omnimodam æqualitatem ; sed si consideretur idem opus ut est ab homine sanctificato tamquam membro Christi, habet omnimodam æqualitatem ; quia meritum Christi est infinitum, ut infra ostendemus, cum de merito Christi agemus.

Sequitur 1091. Opus procedens à gratia principaliter esse meritorium vitæ æternæ per charitatem, quàm per alias virtutes. *ibid. a. 32*

Probatur sequela : Omnis illa ratio, quæ oritur ex ordinatione ad vitam æternam, oritur principaliter ex charitate, ad quam, ut diximus, pertinet ordinare ad Deum ut finem ultimum : Sed ratio meriti oritur ex ordinatione operis ad vitam æternam, ut patet ex dictis : Ergo ratio meriti in operibus nostris oritur ex charitate principaliter. Præterea : Quò aliquid est magis voluntarium, est etiam magis meritorium : Sed quod fit ex amore & charitate, est magis voluntarium : Ergo quod fit ex charitate est magis meritorium. Caritas ergo magis facit ad meritum, quàm

reliquæ virtutes supernaturales & infusæ.

Ibidem.

Sequitur 1092. Opera aliarum virtutum, quatenus à charitate ordinantur in finem, posse esse meritoria.

Probaturs sequela: Quia habent omnes conditiones requisitas ad meritum; sunt enim actiones liberæ, bonæ moraliter, ab homine in statu viæ & gratiæ elicitæ in ordine ad Deum: Hæc autem sicut requiruntur, ita sufficiunt ad meritum, ut ex dictis constat: Ergo huiusmodi actiones sunt meritoria.

Ibid. Sequitur 1093. Actus huiusmodi virtutum præcisè & semotâ ordinatione charitatis, si sic possent elici, non fore meritorias saltem præmij essentialis de condigno.

Probaturs sequela: Ad meritum, ex dictis, requiritur saltem virtualis relatio in Deum ut finem ultimum: Sed seclusâ ordinatione charitatis non haberent illam relationem in Deum: Ergo seclusâ illâ ordinatione charitatis non mererentur de condigno præmiû essentialis.

Ibid. Sequitur 1094. Huiusmodi actibus virtutum, præcisâ vel abstractâ ordinatione illâ charitatis, posse correspondere aliquod præmium accidentale etiam de condigno.

Explicatur: Non intendimus, quòd huiusmodi actus virtutum moralium infusarum possint fieri sine relatione & or

dinatione virtuali charitatis ; quia cum huiusmodi virtutes illarumque actus sint ex motivo supernaturali, ut nunc supponimus, & infra probabitur, & cum illæ virtutes sint proprietates gratiæ mediante charitate tamquam prima proprietate, omnino impossibile iudicamus, elici actus harum virtutum, sicut nec ipsas virtutes augeri, sine relatione charitatis. Quod ergo dicimus est, quòd si per intellectum abstrahamus illam ordinationem charitatis, cum qua semper eliciuntur hi actus, & consideremus illos actus virtutum præcisè ut sunt ab illis virtutibus, suppositâ nihilominus & non exclusâ huiusmodi ordinatione, tunc illis actibus virtutum ut sic, correspondet præmium accidentale : Sed sicut præmium accidentale supponit essentialiter ipsum præmium essentialē, ita hi actus virtutum præsupponunt essentialiter ordinationem charitatis.

Probatur ergo sequela : Huiusmodi actus virtutum ut præcisè correspondent ipsis virtutibus habent omnia necessaria ad meritum alicuius præmij : Sed non præmij essentialis præcisè ut sic : Ergo præmij accidentalis. Maior est evidens ex dictis : nam habent ipsam ordinationem charitatis, cui ordinationi correspondet præmium essentialē : sed ut præcisè considerantur quatenus sunt à vir-

tutibus particularibus habent etiam suam bonitatem supernaturalem: Ergo illis debet etiam correspondere aliquod præmium. Quod verò illud præmium non sit essentialiale, est evidens; quia illud soli charitati correspondet: unde pro maiori, vel minori charitate est maius vel minus. Hinc fit, quod aliquis beatus potest habere minorem beatitudinem essentialiam, & habere nihilominus aliquod præmium accidentaliale, quod magis beatus non habet, putà aureolam virginitatis, martyrij, vel doctoratus.

Ibid. Sequitur 1095. In statu naturæ puræ vel integræ non futurum meritum hominis ad Deum, saltem perfectum, quale potest esse.

Probatur sequela: Vbi non est amicitia inter Deum & hominem, non est etiam meritum, & eo modo est meritum, quo est amicitia; quia, ut diximus, meritum hominis erga Deum fundatur in amicitia, & non in iustitia: Sed in statu naturæ puræ vel integræ non fuisset vera ratio amicitiae inter Deum & hominem, nisi valde imperfectè, ita ut fuisset potiùs quædam benevolentia, quàm vera amicitia, sicut non fuisset vera communicatio in bonis proprijs Dei, quæ sunt sola supernaturalia, ut aliàs explicatum est: Ergo non

fuiſſet vera & perfecta ratio meriti etiã ſecundũ quid , quomodo dumtaxat poteſt eſſe meritum hominis ad Deum.

Sequitur 1096. Hominem non poſſe mereri primam gratiam actualem. *Ibid. ar. 5.*

Probatur ſequela : Primum principium meriti non poteſt eſſe ex merito. Sed prima gratia actualis eſt primum principium meriti : Ergo prima gratia actualis non poteſt eſſe ex merito. Maior probatur : Quod eſt ex merito eſt terminus operis meritorij : Sed implicat, quòd primũ principium operis ſit illius terminus : Ergo implicat, quòd primũ principium operis ſit ex merito. Adde quòd, id, quod præcedit primam gratiam eſt opus tantum naturale , atque adeo improporcionatum ipſi gratiæ. Denique hoc eſt contra rationem gratiæ, quæ ſi ſit ex operibus , iam non eſt gratia.

Ibid. ar. 6.

Sequitur 1097. Hominem non poſſe mereri primam gratiam habitualem.

Probatur ſequela : Gratia habitualis præſupponitur ad omne meritum : Sed homo non poteſt mereri, quod præſupponitur ad omne meritum : Ergo homo non poteſt mereri primam gratiam habitualem. Maior probatur ex dictis : Status amicitie inter Deum & hominem præſupponitur ad omne meritum : Sed ſine gratia habituali non eſt ſtatus amicitie inter Deum & hominem : Er-

go gratia habitualis præsupponitur ad omne meritum. Minor etiam est certa ex dictis.

Nec valet si dicas ; Deus potest per gratiam actualem & efficacem mouere voluntatem hominis ad actum charitatis : Sed per illum actum charitatis homo mereretur gratiam habitualement ; haberet enim ille actus omnia requisita ad meritum : Ergo &c.

Non valet, inquam, quia dato & non concesso, quod homo primò moueretur ad actum charitatis antequam haberet gratiam habitualement, nihilominus huiusmodi actus non esset meritorius ; quia omne meritum, ut diximus, fundatur in amicitia inter Deum & hominem, ille autem actus charitatis, elicited sine gratia habituali saltem in eodem instanti infusa, non posset constituere amicitiam inter Deum & hominem ; quia amicitia includit, quod amicus sit gratus amico, homo autem ex solo actu charitatis non esset gratus Deo, cum hoc quod est esse gratum Deo sit effectus formalis gratiæ, ut iam diximus.

Ibid. Sequitur 1098. Hominem posse quidem mereri primam gloriam, non tamen primam gratiam correspondentem primæ gloriæ.

Probatür sequela: Homo in instanti, quo infunditur gratia, potest operari

opus meritorium, quod sit dispositio ad primam gratiam, ut superius dictum est: Sed in hoc casu meretur primò gloriam, ut constat, quandoquidem in eodem instanti operatur & disponit se ad gratiam: Ergo meretur primam gloriam, & non primam gratiam. Ratio verò huius rei est, quia prima gloria non prærequiritur ad meritum sicut prima gratia.

Nec valet, si dicas, quòd illi primæ gratiæ correspondet aliquis gradus gloriæ; ille autem gradus non potest esse alius quàm primus. Non valet, inquam, quia primus gradus gloriæ correspondet primæ gratiæ tantum ut hæreditas, non autem ut præmium, nisi quatenus illa eadem prima gratia est principium operis meritorij.

Sequitur 1099. Hominem non posse *Ibid. ar. 63* mereri alteri primam gratiam de condigno.

Probatur sequela: Ad meritum de condigno requiritur proportio ex natura rei inter meritum & præmium, quæ oritur ex gratia habituali & motione Dei, ut diximus supra: Sed hæc proportio non reperitur in operibus hominis in ordine ad gratiam alterius: Ergo in illis operibus non potest esse meritum de condigno in ordine ad gratiam alterius. Maior patet ex dictis supra.

Minor probatur omnis proportio est quidam ordo : Sed gratia habitualis vnius hominis & motio Dei, quā mouet illum ad opus ex natura sua non dicunt ordinem ad alterum : Ergo gratia habitualis vnius hominis, & motio Dei, quā mouet illum ad opus, non dicunt ex natura sua proportionem ad alterum, nec consequenter ad bonum alterius. Minor probatur: Nulla gratia aut motio limitata ad aliquod subiectum, dicit ordinem ad aliud; eo enim ipso, quod est limitata ad aliquod subiectum, etiam in ratione virtutis actiuae, non respicit nisi ipsum subiectum, quando est virtus actiua solum respectu actionum immanentium : Sed gratia & motio Dei recepta in aliquo subiecto finito & limitato limitatur etiam in ratione virtutis actiuae ad actiones immanentes illius subiecti : Ergo non respicit ex natura sua, nisi quæ sunt illius subiecti, non autem quæ sunt alterius. Atque hinc habes, cur gratia Christi potuerit extendi ad alios, siue ad merendum alijs, quia non erat limitata ex persona, in qua erat ratione humanæ naturæ, quin potius ratione personæ vtpote infinitæ habeat infinitatem. Quare licet secundum esse physicum esset finita & determinata per animam Christi tamquam per subiectum; in esse tamen morali non

erat limitata ratione suppositi, imò potius erat infinita ; vnde dignitas moralis illius gratiæ non sequebatur limitationem physicam factam ex eo, quòd reciperetur in anima Christi vt in subiecto physicè finito ; sed potius sequebatur dignitas illa moralis ipsam personæ infinitatem. Cum enim condignitas operis oriatur radicaliter ex condignitate personæ operantis, quando condignitas personæ est limitata, etiam condignitas gratiæ & operis ex huiusmodi gratia promanantis limitata est : condignitas autem personæ est limitata, quando ipsa persona totam condignitatem habet ex gratia physicè ac realiter recepta in illa persona ; tunc enim per talem receptionem limitatur ipsa gratia, tum in esse physico, tum in esse morali ; quia persona non dignificatur nisi per ipsam physicam receptionem gratiæ : quando verò persona dignificatur ipsam gratiam, & persona est infinita, tunc condignitas operis dimanantis à gratia oritur tum in ipsa gratia, tum in opere, à dignitate infinita personæ, quæ proinde, quatenus infinita, potest se extendere ad alios. Gratia ergo in persona finita non potest esse principium meriti de condigno respectu aliorum, sed tantum respectu personæ, cuius opus dignificatur à sola gratia ; quia

678 *Secundum Doctrinam*

Deus mouet illam ad opus, secundum quod ipsa nata est moueri.

Ibid. ar 7. Sequitur 1100. Neminem posse mereri reparationem post lapsum.

Probatur sequela: Nulla causa producit effectum suum, quando impeditur eius causalitas tam ex parte causalitatis, quam ex parte subiecti: Sed meritum est aliquo modo causa, saltem moralis, ipsius præmij: Ergo meritum non potest producere effectum suum, quando eius causalitas impeditur, tam ex parte ipsius causalitatis, quam ex parte subiecti. Atqui per peccatum subsequens ad meritum impeditur causalitas meriti utroque modo: Ergo post peccatum subsequens non potest meritum vllum producere effectum. Totum primum argumentum est euidens. Subsumptum verò probatur: quia tota causalitas meriti est ex motione Diuinæ gratiæ, & ex parte passi subiectum non habens gratiam sed peccatum, impeditur à receptione præmij propter indignitatem peccati, quod reddit illud dignum poenâ, non præmio: Atqui motio Diuinæ gratiæ interrumpitur & impeditur per sequens peccatum, sicut & subiectum in peccato existens redditur incapax præmij: Ergo per peccatum sequens impeditur causalitas meriti, & dispositio subiecti.

Sequitur 1101. Hominem in gratia *ibid. ar. 8.* constitutum posse augmentum gratiæ mereri de condigno.

Probatur sequela : Quicquid est aliquomodo terminus motionis gratiæ potest homo mereri de condigno : Sed augmentum gratiæ est terminus motionis gratiæ : Ergo potest homo mereri etiam de condigno, augmentum gratiæ. Minor est evidens : quia licet augmentum gratiæ non sit terminus ultimus illius motus , quo quis tendit in vitam æternam ; est tamen terminus intermedius : non potest autem mobile pertinere ad terminum ultimum nisi transeat per intermedium , quando intermedium reperitur : atque adeo non potest homo merito suo pertinere ad vitam æternam , nisi possit pertinere illo eodem merito ad augmentum gratiæ.

Sequitur 1102. Per quemlibet actum *ibid.* meritorium post primam iustificationem posse hominem mereri augmentum gratiæ , sicut & gloriæ.

Probatur sequela : Quilibet actus bonus , liber, in Deum virtualiter relatus potest esse meritorius vitæ æternæ , & augmenti gratiæ , ut patet ex dictis : Sed quilibet actus post primam iustificationem elicitus potest esse actus liber , bonus, in Deum virtualiter relatus : Ergo quilibet actus post primam iustificatio-

nem potest esse meritorius vitæ æternæ,
& augmenti gratiæ.

Ibidem.

Sequitur 1103. Quemlibet actum etiam remissum, si habeat alias conditiones requisitas ad meritum, esse meritorium augmenti gratiæ.

Probatur sequela: Quilibet actus quantumcumque remissus habet omnes conditiones ad hoc ut sit meritorius: Atqui nihil aliud requiritur ut sit meritorius etiam augmenti gratiæ; cum enim sit meritorius vitæ æternæ, imò maioris gloriæ, quàm correspondeat primæ iustificationi, debet etiam esse meritorius augmenti gratiæ: Ergo sic est.

Sequitur 1104. Actum illum remissum non esse dispositionem physicam ad augmentum gratiæ, & tamen esse meritorium.

Ibidem.

Supponimus, quod iam supra probatum est, actus charitatis, contritionis, & alios, qui eliciuntur in instati iustificationis, esse dispositiones physicas ad ipsam gratiam: unde consequens est, quod actus, qui post primam iustificationem eliciuntur intensiores ipso habitu præexistente, sunt etiam dispositiones physice ad augmentum gratiæ; quia sicut se habet simpliciter ad simpliciter, ita se habet secundum quid ad secundum quid, atque adeo sicut actus charitatis & contritionis sunt dispositiones physice

cæ ad gratiam simpliciter : ita iidem actus post iustificationem elicitæ erunt etiam dispositiones ad gratiam secundum quid , id est, ad augmentum gratiæ. Hoc ergo supposito.

Probatur sequela : Dispositio physica & realis tam intensa debet esse, quàm sit intensa forma , ad quam disponit , si illa etiam possit intendi : Sed actus remissus non est ita intensus ac habitus etiam præexistens , & multò minùs quàm habitus per augmentum intendendus : Ergo actus remissus non est dispositio physica & realis ad augmentum habitus. Maior est evidens; quia debet esse proportio etiam (vt sic loquar) gradualis inter dispositionem & formam. Minor patet ex dictis. His ergo si adiungamus quæ iam diximus , quod nimirum actus remissus est meritorius augmenti gratiæ, constat, quòd actus remissus est quidem meritorius , sed non est dispositio physica ad augmentum gratiæ.

Sequitur 1105. Augmentum gratiæ & charitatis non fieri de facto, nisi quando ponitur actus intensior habitu præexistente. *Ibidem*

Probatur sequela : Habitus cum augmento est intensior quàm ante augmentum : Sed actus , qui est dispositio physica ad augmentum, debet esse æquè intensus ac ipse habitus cum augmento.

Ergo debet esse intensior habitu ante augmentum præexistente. Maior est evidens. Minor patet ex dictis ; & confirmatur : quia augmentum habituum infusorum debet fieri per actus eo proportionaliter modo , quo fit augmentum habituum acquisitorum per actus, exceptâ solâ efficientiâ actuum respectu horum habituum ; hoc enim solùm debet excipi, vt saluetur ratio habitus infusi : Sed augmentum habituum acquisitorum non fit nisi per actus intensiores ipsis habitibus ; quia à proportionem minoris æqualitatis non datur actio : Ergo etiam augmentum habituum infusorum non fit per actus nisi intensiores.

Ibidem.

Sequitur 1106. Augmentum gratiæ & charitatis non conferri de facto statim quando positus est actus remissius meritorius augmenti.

Probat sequela : Quando ponitur actus remissior aut non intensior habitu, non ponitur de facto augmentum habitus ex dictis : Sed actus remissior aut non intensior habitu est meritorius augmenti, vt dictum est : Ergo quando ponitur actus meritorius augmenti, non continuò ponitur & ipsum augmentum.

*Colligitur
ex eodem
loco,*

Sequitur 1107. Numquam, quando diu homo est in statu viæ, posse poni augmentum correspondens merito ac-

D. Thoma Principium. 683

tuum remissorum, quos homo eliciit.

Probatur sequela: Actus intensior, qui ut dispositio physica debet correspondere merito actuum remissorum, numquam haberi potest quamdiu homo est in statu viæ: Sed ad hoc, ut de facto ponatur augmentum correspondens merito actuum remissorum, debet poni actus intensior, qui ut dispositio physica illi merito correspondeat: Ergo numquam ponetur augmentum gratiæ & charitatis correspondens merito actuum remissorum in hac vita.

Sequitur 1108. Augmentum gratiæ & charitatis correspondens merito actuum remissorum, conferri postquam anima exijt de corpore. *Ibidem,*

Probatur sequela: Quamdiu anima est in corpore, homo est in statu viæ: Sed augmentum gratiæ & charitatis correspondens merito actuum remissorum non potest conferri in statu viæ: Ergo non potest conferri quamdiu anima est in corpore. Maior est evidens. Minor probatur ex dictis; Actus, qui ex se est meritorius, non potest esse dispositio physica ad recipiendum augmentum gratiæ correspondens merito aliorum actuum remissorum: Sed omnis actus in statu viæ est meritorius: Ergo nullus actus in statu viæ elicitus potest esse dispositio physica ad augmentum

284 *Secundum Doctrinā*

actuum remissorum ; cum ergo ex dictis non conferatur augmentum correspondens merito actuum remissorum , nisi quando ponitur actus intensior , qui sit dispositio physica , non poterit conferri augmentum correspondens merito actuum remissorum , quicumque tandem ponatur actus in statu viæ. Maior huius prosyllogismi probatur : Actus meritorius , qui simul est intensior & dispositio physica non potest esse minùs meritorius quàm sit intensus , atque adeo totum quod potest præstare in ratione dispositionis physicæ est disponere subiectum ad recipiendum augmentum correspondens merito eiusdem actus intensioris : Ergo non potest esse dispositio physica ad recipiendum augmentum correspondens merito actuum remissorum : Igitur necessarium est ut inueniamus aliquem actum , qui possit esse dispositio physica , qui tamen non sit meritorius. Actus patriæ non potest esse dispositio , quia sequitur gratiam consummatam : actus viæ est meritorius : Ergo debet dari aliquis actus in aliquo statu , in quo sit dispositio & non sit meritum. Hoc autem fit in instanti , quo anima separatur à corpore , in quo instanti Deus intuitu meriti actuum remissorum dat animæ auxilium , quo eliciat actum ita intensum , ut in ratione

D. Thomæ Principium. 685

dispositionis physicæ correspondeat toti augmento gratiæ & charitatis, quod homo per actus remissos promeruit.

Sequitur 1109. Rectè dici posse, quòd *ibidem* per actus remissos augetur gratia in esse gratiæ, non in esse qualitatis.

Explicatur: Gratia dicitur & quia gratis datur, & quia reddit hominem gratum & acceptum ad vitam æternam: hoc autem simpliciter & absolutè fieri nequit sine aliqua reali immutatione hominis, quæ illum vel à statu peccati vel ab esse naturali ad statum iustitiæ supernaturalis transferat; sed ubi semel homo gratus est Deo, & per gratiam operans meretur augmentum eiusdem gratiæ, cum hoc augmentum sit præmium, nec necesse sit statim conferri, vt diximus, manet prima gratia modificata per opus illud meritorium, cui debetur augmentum, & ratione huius modificationis, exigentiæ, & debiti homo præditus gratia manet acceptus ad maiorem gratiam & gloriam, & sic dicitur ipsa gratia augeri in esse gratiæ, & meritum illud manere in acceptatione Diuina. Porro quia hoc augmentum non fit realiter & physicè, quoad vsque actus intensior tamquam dispositio physica ponatur in homine, vt diximus, idcirco dicitur gratia non augeri in esse qualitatis. Ex his igitur.

Probatur sequela : Gratiam augeri in esse gratiæ, nihil aliud est, quàm acceptari à Deo ratione operis alicuius ad maiorem gloriam ; augeri verò in esse qualitatis, est realiter & physicè intendi : Hoc enim solùm intelligimus isto modo loquendi : Atqui sic est, quòd gratia per opus meritorium acceptatur à Deo ad maiorem gloriam, & intenditur physicè ac realiter, quando ponitur actus intensior tamquam dispositio physica, vt patet ex dictis : Ergo potest optimè dici, quòd gratia augeatur in esse gratiæ, & non in esse qualitatis, quando per actus remissos homo meretur augmentum gratiæ, & non ponit actum intensiorem. Maior constat, & confirmatur exemplo gratiæ Christi, quæ, vt dicemus paulò post, est infinita in esse gratiæ ratione infinitæ dignitatis suppositi, cum tamen sit finita in esse qualitatis.

Ibid. ar. 6. Sequitur *pro. Ad meritum de congruo* requiri conditiones necessarias ad communem rationem meriti hominis erga Deum, non tamen requiri illam, quæ specialiter constituit meritum de condigno, quatenus est de condigno.

Probatur sequela : Quicquid requiritur ad rationem communem & quasi genericam, requiritur ad rationem specificam & particularem, non tamen re-

quiritur differentia specialis, ut constat ex dictis in primo principio: Sed ratio meriti de condigno & de congruo conveniunt in ratione meriti, tamquam in ratione communi, & differunt per aliquam rationem specialem: Ergo quicquid requiritur ad rationem meriti ut sic, requiritur ad rationem meriti de congruo, non autem id, quod requiritur ad rationem meriti de condigno, quatenus est de condigno. Quamvis enim ratio meriti ut sic non sit propriè generica, est tamen ratio quædam communis, quæ deinde diuiditur in meritum de condigno & de congruo.

Sequitur **IIII.** Ad meritum de congruo requiri actum liberum bonum in statu viæ & in statu gratiæ elicatum. *Ibid.*

Probatur sequela: Quicquid requiritur ad rationem communem meriti, requiritur etiam ad meritum de congruo, exceptâ illâ differentiâ, quæ facit illud esse de condigno, ex dictis: Sed ad rationem meriti ut sic requiritur actus liber, bonus, in statu viæ, & in statu gratiæ elicatus: Ergo illud idem requiritur ad meritum de congruo. Minor patet ex dictis: nam cum ad rationem meriti requiratur bonitas moralis, quæ absque libertate esse nequit, sicut nec libertas actualis sine actu, certum est ad meritum de congruo requiri actum li-

berum & bonum. Quod autem ad rationem meriti vt sic requiratur bonitas moralis patet; quia meritum est quid morale; vnde ad meritū requiritur moralitas; moralitas autē adæquatē diuiditur in bonitatem & malitiam, vt dicemus aliās: Ergo, cum malitia nequeat esse ratio moralis fundans meritum, sed potius fundet demeritum, requiritur bonitas moralis ad meritum, atque adeo libertas; non potentialis, sed actualis; quam non posse esse sine aliquo actu, infra ostendemus, & patet etiam ex dictis in primo principio, dum ostendimus non posse dari voluntarium sine aliquo actu. Quòd verò ad meritum requiratur status viæ, patet ex dictis de merito: quia meritum est tendentia iuxta ordinationem Diuinam. Denique requiritur statum gratiæ ad rationem meriti patet: quia omne meritum hominis ad Deum fundatur in amicitia, quæ nequit esse sine gratia habituali, vt supra ostensum est.

Ibid.

Sequitur 1112. In merito de congruo non posse reperiri condignitatem operis meritorij respectu præmij.

Probat sequela: In altero ex membris diuidentibus aliquod totum, non debet reperiri differentia distinctiua alterius membri; aliās non distinguerentur: Sed hoc, quod est opus habere con-

dignitatem respectu præmij est differentia distinctiua meriti de condigno à merito de congruo: Ergo in merito de congruo non potest reperiri condignitas operis respectu præmij.

Sequitur 1113. Deseffectum hunc condignitatis in opere meritorio de congruo respectu præmij posse prouenire ex duobus, nimirum, vel quia opus non est referibile ad præmium, vel quia de facto non refertur. *Ibid.* 1

Probatur sequela: Tota ratio condignitatis in opere meritorio respectu præmij est, quia opus ex ordinatione Dei mouentis hominem ad illud est referibile, & de facto refertur relatione saltem virtuali ad præmium, vt supra diximus: Sed in opere meritorio de congruo non reperitur condignitas, ex dictis: Ergo nec reperitur in illa ratio condignitatis, id est, non reperitur quòd sit referibile ad præmium, vel quòd ad illud de facto referatur.

Explicatur: Opus est meritorium præmij de condigno, quando procedit ex gratia, quæ naturâ suâ respicit illud præmium, & de facto operans refert opus ad illud ex motione Spiritus sancti: hinc enim, vt supra ostendimus, prouenit condignitas operis: quando nimirum gratia habitualis in homine existens potest respicere præmium ex

natura sua quatenus limitatur ad h
 subiectum, & aliunde de facto illud id
 præmium respicit ex motione & grat
 actuali; nam tunc ipsa gratia habitua
 dignificans animam confert dignitate
 operi respectu præmij: cessante igit
 altera ex his duabus rationibus, cess
Ibid. bit illa dignitas operis; & sic non er
 opus meritorium de condigno.

Sequitur 1114. Positivam, ut sic lo
 quamur, differentiam meriti de con
 gruo à merito de condigno nihil aliud
 importare, nisi quamdam aptitudinem
 ex parte operis, ut elicitur ab homine
 qui est gratus Deo, ad hoc ut Deus in
 auitu illius operis det homini præmiū
 ad quod naturā suā non est referibile
 vel de facto non refertur relatione suffi
 ciente ad faciendam condignitatem.

Probatur sequela: Hæc congruitas
 non debet se tenere ex parte solius Dei
 aliās, cum quicquid Deus facit, sit con
 gruum ex parte ipsius, quando Deus
 homini existenti in peccato mortali da
 ret gratiam sanctificantem, posset dici
 quod peccator mereretur illam gratiam
 de congruo; quod tamen est falsum, cum
 gratia merè gratis detur: Ergo hæc con
 gruitas debet se tenere aliquo modo ex
 parte ipsius operis. Sed hoc supposito
 hæc congruitas nihil aliud potest esse
 quam aptitudo illa operis eliciti ab ho
 mine

D: Thome Principium. 691

mine in gratia constituto, ad hoc ut Deus intuitu illius operis det homini per modum præmii id, ad quod naturâ suâ opus non erat referibile vel de facto non referebatur: Ergo in ea aptitudine consistit illa congruitas.

Sequitur **III5.** Hominem non posse mereri sibi de congruo primam gratiam. I. 2. q. 11. a. 5.

Probatur sequela: Aptitudo iam explicata constituit opus meritorium de congruo: Sed nullû opus ante primam gratiam elicitum habet aptitudinem ad hoc, ut Deus det homini primam gratiam per modum præmij: Ergo nullum opus ante primam gratiam elicitum est meritorium primæ gratiæ etiam de congruo. Probatur minor: quia prima gratia est principium meriti etiam de congruo; illa enim est, quæ dat operi hanc aptitudinem.

Sequitur **III6.** Hominem non posse sibi mereri de congruo reparationem post lapsum. Ibid. a. 6.

Probatur sequela: Cessante omni aptitudine cuiuscumque operis ad quodcumque præmium, cessat etiam efficacia meriti de congruo: Sed per peccatum mortale cessat omnis aptitudo cuiuscumque operis ad quodcumque præmium; cum per peccatum mortale extinguatur eius omnis efficacia, quan-

692 *Secundum Doctrinā*

diu manet : Ergo non poterit homo mereri etiam de congruo reparationem post lapsum, imò ratione lapsus potius meretur poenam, quàm gratiam

Ibid. ar. 9.

Sequitur 1117. Hominem etiam in gratia constitutum non posse sibi mereri perseuerantiam absolutè & simpliciter de condigno, quatenus perseuerantia dicit conseruationem gratiæ.

Explicatur : Donum perseuerantiæ duo importat ; vnum principaliter & vniuersaliter in omnibus, in quibus est huiusmodi donum; alterum minùs principaliter & peculiariter in quibusdam. Primum est conseruatio gratiæ habitualis vsque in finem vitæ ; alterum est auxilia efficacia necessaria ad actus, quibus homo quandoque perseuerat vsque ad finem vitæ. Primum est principale & vniuersale in omnibus, qui perseuerant. Secundum est minùs principale & peculiare in adultis, qui per varios actus vsque ad finem vitæ obseruantes præcepta, & resistentes temptationibus perseuerant. Primum nullo merito potest obtineri ; secundum licet non possit merito condigni obtineri bene tamen merito congrui. Primum in hac sequela asserimus.

Probatur sequela : Primam gratiam habitualement non potest homo mereri siue de condigno siue de congruo, ex

D. Thoma Principium. 693

dictis : Sed perseverantia , ut dicit conseruationem gratiæ habitualis vsque ad finem vitæ , est ipsamet gratia habitualis : Ergo perseverantiam , ut dicit conseruationem gratiæ vsque ad finem vitæ , homo non potest mereri siue de condigno siue de congruo. Minor probatur: Conseruatio gratiæ habitualis vsque ad finem vitæ nihil dicit nisi vel actum ipsum Dei , quo vult dare ac conseruare gratiam habitualement , vel ipsam gratiam habitualement ut datam & conseruatam : Sed actum Dei , quo vult dare & conseruare gratiam habitualement , nemo potest mereri , ut est euident ; ipsa verò gratia habitualis ut data & conseruata non distinguitur à seipsa , ut constat : Ergo , cum nullus possit mereri gratiam habitualement , ut diximus , nullus etiam poterit mereri perseverantiam ut dicit conseruationem gratiæ habitualis. Quare sicut ipsemet Christus non potuit mereri ipsam continuationem vnionis hypostaticæ ; ita nec homo iustus potest sibi mereri gratiæ conseruationem.

Sequitur 1118. Perseuerantiam , ut dicit auxilia efficacia non posse obtineri per meritum de condigno.

Probatür sequela : Ad meritum de condigno , ut diximus , requiritur , quòd gratia ut operans ex natura sua , vel ex

694 *Secundum Doctrinā*

ordinatione Dei mouentis dicat ordinem condignitatis & proportionis ad id, quod se habet vt præmium: Sed gratia habitualis neque ex se neque ex ordinatione Diuina vt operans per vnum actum dicit ordine condignitatis & proportionis ad auxilium efficax, quo operetur alium actum, vt est euident; aliàs numquam terminarentur actus, vbi semel quis operatus esset; nam primum auxilium efficax operaretur actum, quo homo mereretur de condigno secundum; & per secundum homo promereretur tertium, & sic in infinitum: Ergo gratia habitualis non potest esse principium meriti respectu auxilij efficacis, nec consequenter perseuerantiæ, quatenus dicit auxilia efficacia.

Sequitur III. Hominem posse mereri de congruo auxilia efficacia, atque adeo perseuerantiam prout importat hæc auxilia.

Probat sequela: Quia licet gratia non det homini condignitatem ad ista auxilia, vt probatum est; dat tamen operibus hominis quandam aptitudinem ad hoc, vt Deus intuitu horum operum det illi auxilia efficacia tamquam præmia, ita vt congruitas non teneat tantum ex parte Dei, cui congruum est bene facere, sed etiam ex parte operum, quibus congruit, vt

hæc auxilia dentur homini aliquatenus
vt præmium : Hoc autem sufficit ad me-
ritum de congruo , vt patet ex dictis.

Sequitur 1120. Magnam esse differen- *Ibid. ar. 6,*
tiam inter meritum etiam de congruo, *ad 2.*
& impetrationem.

Probatur sequela : Meritum de con-
gruo habet aptitudinem , vt aliquo mo-
do licet imperfecto faciat sibi debitum
id, respectu cuius est meritum non qui-
dem stricto debito , sed amicabili , ex
dictis ; impetratio verò non assequitur
id, quod impetrat, tamquam vlllo modo
etiam imperfectissimè debitum , sed
tamquam omnino ex mera Dei gratia
dandum : vnde & peccatores aliquid im-
petrare possunt, qui tamen nihil omni-
no apud Deum mereri possunt : Atqui
inter hæc duo est magna differentia , vt
per se constat : Ergo magna est etiam
differentia inter impetrationem & me-
ritum de congruo. Fatendum tamen est
aliquando impetrationem , præsertim
ex oratione hominis iusti , vocari meri-
tum de congruo.

Sequitur 1121. Hominem in gratia *Ibid. ar. 7,*
constitutum posse alteri mereri primam
gratiam de congruo.

Probatur sequela : Quia quamuis
gratia habitualis non dignificet supposi-
tum , nec opus eius, vt aliquid alteri de-
condigno mereatur , eò quòd ex natura

sua aut ex ordinatione Dei mouentis consequatur aliquid non pertinens ad propriam salutem tamquam præmium ; nihilominus illa eadem gratia dat operi aptitudinem ad hoc, vt Deus intuitu illius operis alteri largiatur primam gratiam tamquam præmium ; præsertim cum homo in gratia constitutus illud opus elicit eâ intentione, vt alteri prima gratia conferatur : Atqui hoc sufficit ad meritum de congruo, ex dictis: Ergo homo in gratia constitutus potest alteri mereri de congruo primam gratiam. Maior est euidens ; quia opus illud est bonum, imo & supernaturale, atque adeo aliquo modo meritorium illius, ad quod tale opus ex intentione operantis ordinatur.

Ibid. a. 8. Sequitur 1122. Hominem in gratia constitutum operando opera bona cum relatione interpretatiua ad Deum sibi mereri de congruo augmentum gratiæ & gloriæ.

Explicatur : Relatio interpretatiua per hoc distinguitur à virtuali, quòd virtualis est, quæ oritur ex vi prioris actus, vt supra explicatum est ; relatio autem interpretatiua ea est, quæ quidem non oritur ex vi prioris alicuius actus, neque etiam est dumtaxat habitualis, sed tamen est huiusmodi, vt licet opus sit de genere bonorum & referibile in

finem charitatis ; ex humana tamen infirmitate & inconsideratione neque actu neque virtualiter referatur in finem illum , sed solum ex dispositione interna operantis.

Probatur ergo sequela : Huic operi taliter elicitio nihil deest , ut sit meritorium de condigno respectu augmenti gratiæ , nisi sola relatio virtualis , remanet tamen aptitudo , ut referatur ad huiusmodi augmentum : Atqui hæc aptitudo sufficit ad meritum de congruo , modo superius explicato : Ergo , &c.

Sequitur 1123. Hominem in gratia constitutum per opera virtutum moralium acquiratarum , sine actuali vel virtuali relatione charitatis , posse mereri de congruo augmentum gratiæ & charitatis. *Ibidem.*

Probatur sequela : Quia hæc opera sunt bona , & possunt fieri ex intentione & relatione interpretatiua charitatis ; & licet non sint supernaturalia formaliter , sunt tamen radicaliter , ratione intentionis finis , sine qua intentione non possent elici , sicut nec virtutes illæ haberi , ex dictis & probatis alibi : Ergo , &c.

Sequitur 1124. Bona temporalia , quatenus deseruiunt ad opera virtutum , quibus homo perueniat ad vitam æternam , directe ac simpliciter cadere sub *Ibid. a. 10*

698 *Secundum Doctrinam*

meritum hominis bene operantis.

Probatur sequela: Quicquid est huiusmodi, ut per hoc homo adiuuetur ad perueniendum in finem vitæ æternæ, si aliunde non desint alię conditiones, potest cadere sub meritum vel de condigno, vel de congruo, iuxta conditiones superius traditas: Sed bona temporalia possunt esse huiusmodi, ut constat: Ergo possunt secundum hanc rationem cadere sub meritum.

Ibidem.

Sequitur 1125. Bona temporalia secundum se non cadere sub meritum simpliciter, sed secundum quid.

Probatur sequela: Quia præmium debet esse bonum aliquo modo excellentius merito simpliciter dicto: Sed bona temporalia secundum se non sunt bona simpliciter meliora merito, ut est evidens: Ergo bona temporalia secundum se non possunt esse præmium meriti simpliciter: Sunt tamen præmia meriti secundum quid & improprijssimè dicti, quatenus sicut homo ex motione Diuinæ gratiæ meretur augmentum gratiæ, & vitam æternam; ita ex motione Dei fauentis consequitur huiusmodi bona: Hoc verò est meritum valde improprie, cum possit reperiri etiam in malis.

*Ibid tota
q. 114.*

Sequitur 1126. Quod quicquid per se auget bonitatem, libertatem, & or-

inationem, siue relationem in Deum, auget etiam meritum.

Probatur sequela: Quicquid auget conditiones per se & essentialiter requisitas ad aliquid, quod potest recipere magis & minus, auget etiam illud; hoc enim ipso auget eius essentiam, quæ consistit in huiusmodi conditionibus, aut ex eis consurgit: Sed bonitas, libertas, & relatio in Deum sunt conditiones per se & essentialiter requisitæ ad meritum, ex dictis: Ergo quicquid auget bonitatem, libertatem, & relationem siue ordinationem in Deum, auget etiam meritum.

Sequitur 1127. E contrario quòd quicquid minuit vel tollit libertatem, bonitatem, & ordinationem in Deum, minuit aut tollit meritum. *Ibidem*

Probatur sequela: Quia quod tollit conditiones essentialiter requisitas, vel illas minuit, tollit etiam aut minuit id, quod in illis consistit, vel ad illas consequitur: Ergo &c.

Sequitur 1128. Difficultatem operis ex parte operis siue obiecti augere meritum. *Ibid. a. 4. ad 2.*

Probatur sequela: Quod auget per se bonitatem & ordinationem operis in Deum, auget etiam per se meritum, ex dictis: Atqui difficultas ex parte operis & obiecti auget per se bonitatem & ordinationem.

dinationem operis in Deum : Ergo & meritum : Minor patet : quia actus eò est melior bonitate morali , quò obiectum est difficilius , vt aliàs dicemus ; & quia quò medium est difficilius , eò requiritur maior intentio finis ; intentio enim finis dat vires ad vincendam difficultatem , quæ reperitur in medijs , vt patet ex dictis in primo principio.

Ibidem.

Sequitur 1129. Difficultatem ortam ex parte operantis non augere meritum.

Probatur sequela : Quia non augeat per se bonitatem vel ordinationem in Deum, sed tantum per accidens.

Explicatur : Difficultas in opere potest ex duplici capite provenire ; primò ex ipso obiecto, sicut v. g. difficilius est mortem subire pro fide , quàm dare eleemosynam ; & difficilius est dare ingentem eleemosynam, quàm leuem, &c. Secundò potest provenire difficultas ex ipso operante, v. g. homini non exercitato in praxi virtutum difficilius est vel minimum virtutis actum elicere, quàm homini in illis exercitato sit difficile actum multò excellentiorem præstare. Prima illa difficultas augeat meritum, quia per se augeat bonitatem ; secunda autem difficultas non augeat meritum, quia non nisi per accidens confert ad aliquam rationem bonitatis ; aliàs enim exercitatus in virtutibus esset deterio-

ris conditionis , quàm qui de nouo conuersus experiretur maiores difficultates, ob non domitas passiones , & habitus vitiorum in eo existentes.

Sequitur 1130. Magnam esse differentiam inter meritum & satisfactionem pro peccato. *Ibid & 9. p. q. 86 ar. 4.*

Probatur sequela : Meritum non augetur ex difficultate operantis : Sed satisfactio pro peccato augetur ex parte operantis : Ergo magna est inter hæc duo differentia. Maior pater ex dictis. Minor probatur : Satisfactio eò est maior, quò est poenaliior : Sed eò est poenaliior , quò est difficilior ex parte operantis ; quia in eo consistit pœna , quod sit contra inclinationem patientis : Ergo, &c.

Sequitur 1131. Quod sicut non potest dari meritum ad æqualitatem in homine ad Deum , ita non potest dari satisfactio ad æqualitatem. *Ibidem.*

Probatur sequela : Satisfactio ad æqualitatem æquè exigit æqualitatem, & æquè est actus iustitiæ commutatiuæ, ac meritum ad æqualitatem : Sed ex defectu æqualitatis non potest dari meritum perfectum , quod sit actus iustitiæ commutatiuæ : Ergo ex eodem defectu non poterit dari satisfactio perfecta ad æqualitatem hominis respectu Dei.

Sequitur 1132. Nullam creaturam

posse vllatenus satisfacere Deo sine gratia.

Probatur sequela : Satisfactio , quæ non habet perfectam æqualitatem , non potest esse nisi fundata in gratia ex parte illius , cui fit : Sed satisfactio puræ creaturæ non potest habere perfectam æqualitatem respectu Dei, ex dictis. Ergo satisfactio puræ creaturæ respectu Dei debet fundari in gratia ; atque adeo non potest esse sine gratia. Maior probatur : Vbi non est perfecta æqualitas satisfactionis ad offensionem , necessarium est , quòd interueniat gratia personæ offensæ , supplens quod ipsa satisfactio non potest adæquare : hoc verò maximè locum habet in homine respectu Dei ; quia homo , quamdiu non habet gratiam , est in peccato , atque adeo est inimicus Dei ; meretur pœnam , atque adeo non potest vlllo modo satisfacere Deo propter indignitatem subiecti , & propter infinitatem peccati , de qua aliàs.

Abiam. Sequitur 1133. Nullam creaturam posse satisfacere Deo ad æqualitatem , pro peccato mortali aut originali, etiam si habeat gratiam.

Probatur sequela: Satisfactio ad æqualitatem est actus iustitiæ commutatiuæ , ut constat aliquo modo ex dictis , & constabit ampliùs ex dicendis : Sed nulla creatura quantumcumque gratiâ prædi-

D. Thomæ Principium. 703

ta, potest elicere actum iustitiæ commutatiuæ; quia semper dominium Dei maius est, quocumque dominio creato, ita ut omne dominium creatum sit sub dominio Dei, cum quicquid est hominis sit magis ipsius Dei, ut etiam ostendemus infra, cum de virtutibus agemus: Ergo nulla creatura, quantacumque gratiâ prædita, poterit exhibere Deo satisfactionem ad æqualitatem.

Sequitur 1134 Supposito quòd debeat Deo exhiberi satisfactio ad æqualitatem pro peccato, personam satisfaciētem non posse esse personam creatam. *Ibidem;*

Probatur sequela: Nulla persona creata potest exhibere Deo satisfactionem pro peccato ad æqualitatem, ex dictis: Ergo supposito, quòd debeat Deo exhiberi talis satisfactio ad æqualitatem pro peccato, non potest persona satisfaciens esse creata.

Sequitur 1135. Factâ eādē suppositione personam satisfaciētem debere Deum esse. *Ibidem;*

Probatur sequela: Omnis persona non creata est increata & Deus: Sed persona satisfaciens ad æqualitatem Deo pro offensa debet esse persona non creata: Ergo debet esse increata & Deus.

Sequitur 1136 Factâ suppositione quòd *Ibidem;*

Deus voluerit sibi exhiberi pro peccatis hominum satisfactionem ad æqualitatem, necessariam fuisse assumptionem alicuius naturæ creatæ in unitatem personæ Diuinæ.

Probatur sequela : Deus in propria natura non potest satisfacere sibi ipsi ; quia satisfactio est semper ad alterum, sicut & iustitia ; & quia satisfactio dicit aliquam subiectionem satisfaciens ad eum, cui fit satisfactio ; hanc verò subiectionem non potest habere vlla persona Diuina in propria natura, ut constat ex dictis supra : Ergo requiritur necessario natura aliqua creata. Sed natura creata in propria persona non potest satisfacere ad æqualitatem, ut diximus : Ergo requiritur, ut natura creata non sit in propria persona, sed in persona Diuina ; atque adeo requiritur, ut natura creata sit assumpta in unitatem personæ, ut ex natura creata habeat, quod possit satisfacere ; & ex persona Diuina habeat, quod satisfactio sit ad æqualitatem.

3. p. q. 1. 4. 1.
& seq.

Sequitur 1137. Assumptionem naturæ creatæ in unitatem personæ Diuinæ esse possibilem, ex parte ipsius Dei.

Probatur sequela ex dictis supra, dum de Trinitate ageremus. Personam siue substantiam Diuinam supplere vices substantiæ & personalitatis creatæ, est

D. Thoma Principium. 703

possibile: Sed assumptio naturæ creatæ in vnitatem personæ Diuinæ nihil aliud dicit, quàm personam siue subsistentiam Diuinam supplere vices subsistentiæ & personalitatis creatæ: Ergo assumptio naturæ creatæ in vnitatem personæ Diuinæ est possibilis. Minor est euident. Maior probatur ex dictis supra: Quod est infinitum in aliquo genere, potest supplere vices cuiuslibet finiti, nisi aliunde repugnet: Sed quælibet persona siue subsistentia Diuina est infinita in ratione subsistentiæ: Ergo, si aliunde non repugnet, poterit subsistentia Diuina supplere vices subsistentiæ & personalitatis creatæ. Aliunde verò non repugnare probabitur statim ex mysterio incarnationis.

Sequitur 1138. Supposita voluntate ac ^{1.2.9.1.2.3} decreto Dei, quo voluit sibi exhiberi satisfactionem ad æqualitatem pro peccato hominis ab homine, necessariam fuisse incarnationem.

Probatur sequela: Deus non poterat satisfacere in propria natura; Homo vero non poterat satisfacere ad æqualitatem, vt dictum est: Ergo supposito decreto, quo Deus voluit hominem sibi satisfacere ad æqualitatem, debuit homo satisfaciens, esse Deus. Sed non potuit homo satisfaciens esse Deus, nisi per hoc, quòd Deus assumeret naturam

706 *Secundum Doctrina*

humanam in vnitatem personæ Diuinæ. Ergo supposito, quòd Deus vellet hominem sibi satisfacere pro peccato ad æqualitatem, debuit Deus assumere naturam humanam in vnitatem personæ Diuinæ. Hoc autem & nihil aliud est incarnatio: est enim carnis, id est, naturæ humanæ, cuius pars est caro siue corpus, assumptio in vnitatem personæ Diuinæ.

ep. 9. l. 4.
1, 22

Sequitur 1139. Incarnationem fuisse etiam medium conuenientissimum ad perfectam reparationem generis humani.

Probatur sequela: Illud est conuenientissimum medium ad reparationem generis humani, quo cuncta per peccatum deperdita restaurantur, quantum fieri potest: Atqui per incarnationem cuncta restaurantur, quantum fieri potest: Ergo incarnatio est conuenientissimum medium ad reparationem generis humani. Maior est euidens. Minor probatur ex dictis: quia per incarnationem homo verè satisfacit Deo ad æqualitatem, & sic reparatur offensa Deo illata. Præterea per Incarnationem homo in maiorem dignitatem euehitur, quàm fuerit illa, à qua decidit; fit enim Deus. Adde quod per Incarnationem relucet omnipotentia, bonitas, sapientia Dei: quòd simul ostenditur summa misericordia.

día cum summa iustitia ; misericordia quidem in hoc , quòd propter homines. Deus factus sit homo ; iustitia , quia , vt infra dicemus , verus homo de rigore iustitiæ satisfecit Deo. Quod si Deus hominem alio modo reparasset , neque fuisset perfecta satisfactio , neque homo vicisset dæmonem , neque damna omnia per peccatum originale illata fuissent reparata , vt constat discurrendo per omnia media , quibus poterat hominem reparare. Poterat enim primò illum reparare condonando peccatum ex sola misericordia : Sed hoc modo non propriè reparasset aut ad pristinam dignitatem reuocasset ; quia nec homo victoriam de dæmone reportasset , nec satisfactionem æqualem Deo persoluisset. Secundò poterat Deus hominem reparare , ita vt esset contentus satisfactione imperfecta alicuius creaturæ , V. G. Angeli ; Et hoc etiam modo , non esset perfecta reparatio , vt patet ex dictis , Et homo ipse factus fuisset seruus illius Angeli vel alterius puræ creaturæ. Tertiò poterat Deus assumere naturam angelicam , & in ea assumpta satisfacere . Sed neque hoc reparabat perfectè hominem , vt ex dictis constat : quia licet tunc exhiberetur perfecta satisfactio ad æqualitatem , non tamen exhiberetur ab ipso homine offendente , & ipse ho-

mo fieret seruus Angeli redimentis. Igitur conuenientissimum fuit, vt assumpta natura humana in vnitatem personæ, Deus satisfaceret factus homo.

Ibidem.

Sequitur 1140. Ex parte Dei incarnationem fuisse etiam conuenientissimum medium.

Probatur sequela: Summè sese communicare est conuenientissimum summo bono; quia bonum est sui ipsius communicatiuum & diffusiuum, eò quòd bonum idem est ac perfectum, ex quo sequitur, quòd sit perfectiuum, vt in primo principio diximus: Atqui Deus est summum bonum, vt supra ostendimus: Ergo Deo conuenientissimum est summo modo sese communicare. Summus autem modus sese communicandi est per incarnationem: quia in ordine naturæ sese communicat imperfecto modo, cōmunicando non sibi propria; in ordine gratiæ sese communicat ratione gratiæ & aliorum supernaturalium, quæ sunt bona propria ipsi Deo, vt supra expositum est; communicat etiam se in hoc ordine vt obiectum cognitum & amatum: Sed per Incarnationem sese communicat secundum propriam personalitatem, & ex consequenti secundum propriam naturam, quatenus eadem persona, quæ est homo, est etiam

Deus. Nec propterea necessarium fuit ut totæ tres personæ assumerent naturam humanam; quia cum quælibet persona Diuina sit æqualis alteri, imò & tribus, tanta est communicatio vnus personæ terminantis naturam, quanta est communicatio trium.

Sequitur 1141. Incarnationem fuisse *Ibidem.* toti vniuerso valde conuenientem.

Probatur sequela: Assumptio naturæ humanæ in vnitatem personæ Diuinæ est incarnatio: Sed toti vniuerso fuit valde conueniens assumptio naturæ humanæ in vnitatem personæ Diuinæ: Ergo toti vniuerso fuit valde conueniens incarnatio. Maior pater ex dictis. Minor probatur: quia magna perfectio accreuit toti vniuerso ex eo, quòd natura humana assumpta est in vnitatem personæ Diuinæ; nam & vniuersum perfectum fuit ex triplici ordine naturæ, gratiæ, & vnionis hypostolicæ; & omnes creaturæ perfectionem aliquam consecutæ sunt, eò quòd natura humana assumpta est in vnitatem personæ Diuinæ, inquantum natura humana aliquid de omnibus creaturis participat; vnde illâ eleuatâ ad substantiam Diuinam omnes creaturæ videntur esse participes illius nobilitatis & perfectionis.

Sequitur 1142. Nullam imperfectionem *Ibidem.*

710 *Secundum Doctrinam*

nem esse de ratione subsistentiæ vt sic.

Probatur sequela, ex dictis supra de Trinitate; Quod reperitur in Deo nullam imperfectionem in sua ratione importat, vt supra ostendimus: Sed ratio subsistentiæ reperitur in Deo, vt vidimus: Ergo ratio subsistentiæ nullam imperfectionem importat.

Ibidem.

Sequitur 1143. Non repugnare ex parte Dei subsistentiam Diuinam terminare naturam creatam substantialem.

Probatur sequela: Quod potest præstari absque vlla imperfectione, non repugnat ex parte Dei: Sed ratio subsistentiæ atque adeo terminare naturam creatam substantialem, nullam imperfectionem importat: Ergo non repugnat ex parte Dei terminare naturam creatam substantialem.

Ibidem.

Sequitur 1144. Non repugnare etiam ex parte naturæ creatæ substantialis, quòd terminetur per subsistentiam Diuinam.

Probatur sequela: Naturam creatam substantialem terminari subsistentia Diuina nihil importat, quòd tollat vel minuat naturam illam aut eius perfectionem, imò verò illi addit maximam perfectionem, cum subsistentia Diuina contineat eminenter formaliter omnem perfectionem subsistentiæ creatæ, vt diximus: Ergo non repugnat naturam

D. Thomæ Principium: 71

creaturam substantialem terminari per
subsistentiam Diuinam.

Sequitur 1145. Subsistentiam ex sua *Ibidem*
intrinseca ratione non esse accidens, vel
modum, sed esse terminum substantia-
lem, qui reddit naturam incommuni-
cabilem alteri supposito.

Probatur sequela: Quod nullam in-
voluit imperfectionem, non est accidens
aut modus, cum hæc dicant imperfe-
ctionem, vt constat: Sed ratio subsi-
stentiæ nullam involuit imperfectio-
nem, ex dictis: Ergo non est accidens
aut modus; cum ergo aliunde certum
sit, subsistentiam non esse ipsam natu-
ram substantialem, nec partem eius
(supponitur enim natura completa in
ratione naturæ substantialis ante subsi-
stentiam) consequens est, vt subsisten-
tia nihil aliud sit, quàm terminus na-
turæ substantialis, reddens illam incommu-
nicabilem alteri tamquam supposito.
Quod tamen intelligendum est de sub-
sistentia respectu naturæ finitæ: vt enim
supra diximus, natura Diuina exigit
per se communicari tribus suppositis, &
terminari tribus subsistentijs, quæ, vt
postea dicemus, non sunt impossibili-
les in eadem natura propter suam infi-
nitatem.

Sequitur 1146. Subsistentiam distin- *In 1. disp.*
gui à natura. *21. q. 2. a. 1*

712 *Secundum Doctrinā*

In 3. dist. Probatur sequela : Terminus reddens
6 q. 2. a. 2. naturam incommunicabilem, debet ali-
q. dist. 9. quo modo distingui à natura; cum na-
q. 1. a. 3 q. tura secundum se sit communicabilis :
1 q. de Atqui subsistentia est terminus reddens
pot. q. 9. naturam incommunicabilem : Ergo sub-
ar. 3. sistentia debet aliquo modo distingui à
 natura : Et quidem in Diuinis subsisten-
 tia distinguitur virtualiter à natura; in
 rebus autem creatis distinguitur reali-
 ter : quod etiam constat ex mysterio In-
 carnationis, in quo manet tota natura
 humana, & non manet subsistentia crea-
 ta, ut statim dicemus.

1. p. q. 29. Sequitur 1147. Subsistentiam distin-
ar. 2 in 1. gui etiam ab existentia.

dist. 23. Probatur sequela : Terminus reddens
a. 1. naturam incommunicabilem, distingui-
 tur aliquo modo ab existentia; quia exi-
 stentia, cum sit vltima actualitas, sup-
 ponit saltem in creatis naturam termi-
 natam & incommunicabilem : Sed sub-
 sistentia est terminus reddens naturam
 incommunicabilem : Ergo subsistentia
 distinguitur ab ipsa existentia; & qui-
 dem in Diuinis, cum existentia sit ip-
 samet natura Diuina, utpote quæ est
 actus purus, eo modo subsistentia distin-
 guitur ab existentia, quomodo distin-
 guitur à natura Diuina, scilicet virtua-
 liter : In creatis autem debet distingui
 realiter.

Sequitur 1148. In Diuinis subsistentiam relatiuam modo nostro intelligendi supponere ipsam existentiam, sicut supponit naturam. *De pot. 4. 9. 4. 5.*

Probatur sequela: Vbi natura & existentia substantialis sunt omnino idem etiam absque virtuali distinctione, quod supponit naturam, supponit existentiam: Sed in Diuinis natura & existentia substantialis sunt omnino idem absque virtuali etiam distinctione, vt supra probatum est: Ergo cum in Diuinis subsistentia relatiua supponat naturam supponit etiam ipsam existentiam.

Sequitur 1149. In Diuinis subsistentiam relatiuam non reddere naturam incommunicabilem alteri supposito Diuino, sed solum alteri supposito creato, *In 1. dist. 25 a. 1. in 3. dist. 5. q. 2. 47. 1.*

Probatur sequela: Subsistentia supponens existentiam tamquam essentialem, & quæ infert aliud suppositum in eadem natura, non reddit naturam incommunicabilem illi alteri supposito, quod infert, imò potius exigit illam ei communicari: Sed subsistentia relatiua in Diuinis supponit existentiam ex dictis; & ex hoc ipso, quod est relatiua infert in eadem natura aliud suppositum: Ergo non reddit naturam Diuinam incommunicabilem alteri supposito, quod infert, sed potius exigit, vt ei communicetur. Quod verò reddat naturam in-

communicabilem alteri supposito creato, res est euidens. Maior patet, quia eo ipso, quod subsistentia supponit existentiam tamquam essentialē naturæ, supponit naturam infinitam & infinitè fecundam, atque adeo communicabilem tribus suppositis, & ex eo, quod sit relatiua, dicit in eodem ordine relationem ad aliud suppositum; nam relatio non est, nisi inter res eiusdem ordinis, vt dicemus in tertio principio. Minor est certa ex dictis.

3. p. 9 3. r. Sequitur 1150. In creatis subsistentiam reddere naturam prorsus incommunicabilem.
De pot. 7.
p. 27. 2.

Probatur sequela: Cessante ratione cessat id, quod ad rationem consequitur: Sed tota ratio, cur subsistentia relatiua supponens existentiam non reddat naturam prorsus incommunicabilem est, quia eo ipso natura est infinita, & quia subsistentia relatiua infert aliud suppositum in eadem natura; quæ ratio cessat in creatis: Ergo in creatis subsistentia reddet naturam prorsus incommunicabilem.

In 1. dist. Sequitur 1151. In creatis subsistentiam reddere naturam capace[m] existentie substantialis.
27. n. 1.

Probatur sequela: Natura finita non est capax existentie, nisi sit prorsus incommunicabilis; quia eo ipso quod est finita

D. Thoma Principium. 715

finita non est capax existentiae nisi sit terminata, cum existentia sit ultima actualitas: Sed substantia reddit naturam creatam prorsus incommunicabilem: Ergo substantia reddit naturam capace[m] existentiae.

Sequitur 1152. Esse prorsus impossibile, quod natura creata existat, nisi habeat prius aliquam substantiam. 3 p q 17.
ar. 2.

Probatur sequela: Quod est incapax existentiae, non potest existere, nisi fiat capax illius; actus enim primus & capacitas supponitur essentialiter ad actum secundum: Sed natura creata sine substantia est incapax existentiae; cum per substantiam reddatur capax illius: Ergo natura creata non potest existere, nisi habeat aliquam substantiam.

Sequitur 1153. Talem debere esse in natura creata existentiam, qualis in ea est substantia. Ibidem?

Probatur sequela: Talis debet esse actus, qualis est capacitas ad illum; alias actus non corresponderet capacitati & virtuti reddenti subiectum aut quasi subiectum capax illius actus: Atqui substantia est capacitas existentiae, siue est terminus, quo natura redditur capax existentiae: Ergo talis debet esse existentia in natura, qualis est substantia.

Sequitur 1154. Quamlibet personam 3 p q 34.
1. 6 5.
Tom. II. H b

Diuinam posse assumere naturam substantialem creatam.

Probatur sequela: Ex eo persona Diuina potest assumere naturam substantialem creatam; quia est infinita in ratione subsistendi, vt diximus: Sed quælibet persona Diuina est infinita in ratione subsistendi: Ergo quælibet persona Diuina potest assumere naturam substantialem creatam.

Ibid. ar. 6. Sequitur 1155. Tres personas Diuinas posse assumere vnā naturam creatam.

Probatur sequela: Non maior neque minor est trium personarum Diuinarum perfectio in ratione subsistendi, quā vnus solius personæ: Sed vna persona potest assumere naturam creatam, ex dictis: Ergo & tres vel duæ. Confirmatur quia natura Diuina ex eo, quòd sit infinita, habet quidem, quòd connaturaliter debet subsistere in tribus suppositis, sed non habet hoc, quòd vnum suppositum excludat aliud à consortio eiusdem naturæ per omnipotentiam assumptæ: quia tunc manet natura creata assumpta cum exigentia vnus subsistentiæ connaturalis, sed præternaturaliter sicut potest terminari vnā subsistentiā infinitā, sic potest & terminari tribus, quæ non dicunt maiorem perfectionem, quā vna sola.

Sequitur 11. 6. Vnam personam Diuinam posse terminare duas vel plures naturas substantiales creatas. *Ibid ar 7.*

Probatur sequela: Virtus terminativa infinita potest terminare plures res secundum se terminabiles terminis finitis: quia ille infinitus terminus æquivalet formaliter eminenter pluribus terminis finitis quantumcumque multiplicatis: Sed vna persona siue substantia Diuina est virtus terminativa infinita: Ergo vna persona siue substantia Diuina potest terminare plures naturas substantiales creatas, quæ secundum se sunt terminabiles terminis & subsistentijs finitis.

Sequitur 1157. Nullam personam Diuinam posse assumere naturam substantialem creatam terminatam propriâ subsistentiâ. *3 p q 4. 2. & 3.*

Probatur sequela: Natura terminata propriâ subsistentiâ est prorsus incommunicabilis cuicumque alteri tamquam supposito, ex dictis: Sed nulla persona Diuina potest assumere naturam prorsus incommunicabilem alteri tamquam supposito: Ergo nulla persona Divina potest assumere naturam terminatam propriâ subsistentiâ. Minor est evidens: eo enim ipso, quod natura dicitur prorsus incommunicabilis alteri tamquam supposito, non potest alteri supposito

H b 2

communicari, nec consequenter terminari alia subsistentia, quā si terminaretur, communicaretur alteri supposito.

3. p. q. 3. a.

1.

Sequitur 1158. Nullam subsistentiam creatam posse terminare aliam naturam.

Probatur sequela: Nulla subsistentia non infinita potest terminare alienam naturam: Sed omnis subsistentia creata est non infinita, ut constat: Ergo nulla subsistentia creata potest terminare alienam naturam. Maior probatur: Tota ratio, quare subsistentia Diuina possit terminare alienam naturam est, quia est infinita, ac per hoc continet eminenter formaliter omnem perfectionem cuiuslibet subsistentiæ creatæ: Atqui subsistentia non infinita non continet formaliter eminenter perfectionem subsistentiæ cuiuslibet creatæ, imò nec potest continere formaliter eminenter perfectionem alicuius alterius à se distinctæ: hoc enim ipso, quòd contineret formaliter eminenter perfectionem alterius à se distinctæ, contineret omnes; quia modo illimitato illam contineret, atque adeo æquè contineret omnes: Ergo non potest vel vnā continere: Idcirco enim dicitur finita, quia ita est hæc, ut non sit alia.

Ibidem.

ar. 4.

Sequitur 1159. Vnam personam Diuinam posse assumere vnā naturam creatam, absque eo, quòd sit necessa-

rium aliam vel alias personas Diuinas eandem naturam assumere.

Probatur sequela : Quod conuenit vni personæ Diuinæ ratione suæ proprietatis personalis , non necessariò conuenit alijs : Sed assumere siue terminare naturam creatam conuenit personæ Diuinæ ratione suæ proprietatis personalis : Ergo ita conuenit vni personæ , quòd non necessariò conuenit alijs. Maior est euidens ex dictis supra. Minor probatur : quia licet cuilibet personæ conueniat posse assumere , nihilominus cuilibet hoc conuenit ratione substantiæ constitutiue illius suppositi & personæ : Sed ratio constitutiua suppositi vel personæ est verè proprietas personalis : Ergo assumere siue terminare naturam creatam conuenit cuilibet personæ ratione proprietatis personalis.

Sequitur 1160. Naturam Diuinam in *Ibidem.*
ratione naturæ & vt præcisam à personalitatibus non posse assumere vel terminare naturam creatam.

Probatur sequela : Assumere vel terminare naturam , vt constituatur in ratione personæ , non potest competere illi , quòd nullo modo habet rationem personæ : Sed natura Diuina vt præcisam à personalitatibus Diuinis nullo modo habet rationem personæ : Ergo natura

Diuina vt præcisa à personalitatibus non potest assumere.

Ibid. Sequitur 1161. Naturam Diuinam posse dici assumere, tam ratione actionis & principij, tam ratione terminationis, quia non vt natura est, sed quatenus est idem cum persona potest terminare.

Explicatur : Assumere idem est ac ad se sumere : in hoc autem , quod est ad se sumere importantur duo , videlicet , *sumere*, quod actionem significat, & *Ad se*, quod terminum designat. Actio ergo, quâ Deus ad se , hoc est ad aliquam sanctissimæ Trinitatis personam assumit aliquam naturam , communis est tribus personis ; quia actiones omnes ad extra sunt communes toti Trinitati : Sed terminare siue vniri per modum termini alicui naturæ substantiali creatæ, potest quidem conuenire cuilibet personæ, imò & tribus personis Diuinis simul, vt diximus ; non potest tamen conuenire naturæ præcisè vt natura est, sed quatenus eadem natura est omnino idem realiter cum persona : eo enim ipso , quod persona vnitur naturæ creatæ , etiam natura Diuina , utpote idem cum persona vnitur : & sic dicunt Patres Deum incarnatum, imò & naturam Diuinam incarnatam. Ex hac explicatione patet sequela : Naturam Diuinam assumere nihil aliud est, quàm Deum agere ad hoc ,

ut persona Divina terminet naturam creatam : Sed hoc est verum & potest dici , ut patet ex superioribus : Ergo potest etiam dici natura Divina assumere.

Sequitur 1162. *Existentiam Divinam* *ibid.* ut sic non posse immediatè & primariò terminare naturam creatam.

Probatur sequela : Omnis natura substantialis creata est incapax existentiae nisi prius subsistat , ut diximus: Sed existentia Divina ut sic non potest immediatè & primariò terminare id, quod est incapax existentiae: Ergo existentia Divina ut sic non potest immediatè & primariò terminare naturam substantialem creatam, nisi prius subsistat. Maior patet ex dictis : quia subsistentia reddit naturam capacem existentiae. Minor est etiam evidens : quia quod est incapax existentiae non potest recipere aut quasi recipere existentiam. Confirmatur quia vel existentia Divina suppleret munus subsistentiae terminando primariò naturam vel non suppleret ; neutrum dici potest : Ergo , &c. Prima pars minoris probatur : quia existentia ut sic non est id, quo natura subsistit : Sed subsistentia est id, quo natura subsistit : Ergo subsistentia non potest suppleri per existentiam. Secunda verò pars probatur: quia si existentia non suppleret vices subsisten-

tix, iam existentia terminaret immediatè naturam incapacem existentix, quod repugnat.

Ibidem.

Sequitur 1163. Subsistentiam absolutam præcisè non posse terminare naturam aliquam creatam substantialem, ita ut constituat personam.

Probatur sequela : Existentia substantialis præcisè non constituit personam, ut diximus suprâ : Sed subsistentia absoluta in Diuinis est tantùm existentia substantialis : Ergo subsistentia absoluta præcisè non constituit personam.

Sequitur 1164. Supposito quòd subsistentia absoluta non sit in Diuinis nisi existentia substantialis, non posse subsistentiam absolutam primariò & immediatè terminare naturam aliquam creatam.

Probatur sequela : Existentia substantialis Diuina non potest primariò & immediatè terminare naturam aliquam creatam, ut fatentur omnes discipuli D. Thomæ quia existentia Diuina, licet sit infinita, non potest tamen vniri immediatè naturæ nisi supponatur subsistens subsistentiâ, quæ constituat personam, ut diximus : Sed subsistentia absoluta est ipsamet existentia substantialis, ita ut nequidem ratione distinguantur : Ergo subsistentia absoluta non po-

rest immediatè & primariò terminare naturam aliquam creatam.

Nec dicas D. Thomam 3.p. qu.3.ar.3. dicere oppositum: Hoc enim falsum est: sed solùm vult D. Thomas, quod si quis conciperet Deum non subsistere tribus subsistentijs relatiuis, & conciperet illum esse personam, quomodo illum concipiunt Iudæi, tunc posset concipere Deum posse terminare naturam creatam ratione illius subsistentiæ, quam conciperet esse constitutum personæ. Et hanc esse mentem D. Thomæ patet ex solutione ad secundum. Nec valet si dicas Deum vt præintellectum relationibus esse omnipotentem, & operari ad extra; operatio verò est suppositorum. Non valet, inquam, quia hoc solum ostendit, Deum non habere à relationibus virtutem actiuam; non autem ostendit, quòd non habeat à relationibus, quatenus sunt constitutiue personarum, vim terminandi. Actiones verò dicuntur subsistentium & suppositorum, vt agentium, non autem vt terminantium actiones. Adde quod omnis vnio Dei cum natura creata est vnio vel in natura, vel in persona, vt expressè docet D. Thomas 3. p. q. 2. art. 2. Sed vnio Dei in subsistentia absoluta cum natura creata non esset vnio in natura, quia hæc vnio est impossibilis; non esset

etiam unio in persona, quia substantia absoluta non constituit personam, ut omnes fatentur: Ergo unio in substantia absoluta est immediatè ac primariò est impossibilis.

Dices hanc unionem fore unionem in persona; quia licet immediatè ac primariò natura illa creata terminaretur per substantiam absolutam & communem tribus personis; secundariò tamen terminaretur per tres substantias relativas, quæ constituerent illam naturam assumptam in ratione personæ.

Sed contra hanc solutionem est, quòd natura creata non est capax substantiæ illius absolutæ & communis, nisi priùs sit persona; nam substantia illa absoluta & communis non est nisi existentia substantialis: Sed nulla natura creata est immediatè capax existentiae substantialis: Ergo nulla natura creata est capax immediatè ac primariò illius substantiæ absolutæ & communis. Quare ratio repugnantiae non est ex parte solius substantiæ absolutæ, sed ex parte naturæ creatæ, quæ est positivè incapax existentiae, nisi priùs sit suppositum & persona. Quòd si quis velit substantiam Divinam absolutam aliquo modo distinguere ab existentia Divina, & dicere, quòd substantia absoluta potest reddere naturam creatam capace[m] exi-

D. Thomæ Principium. 725

stentiæ Divinæ, ut nihilominus non sit persona præcisè ex vnione cum subsistentia absoluta, sed ex vnione, quæ simul fit cum tribus suppositis Divinis, tunc necesse est, ut ex parte naturæ creatæ præintelligatur vnio cum personis, antequam intelligatur vnio cum subsistentia absoluta, quatenus est ipsa per se existentia: esto possit præintelligi vnio cum subsistentia absoluta, quatenus reddit naturam creatam capacem existentia Divinæ.

Sequitur 1165. Omnem naturam substantialem completam in ratione naturæ posse assumi à Divina persona.

3. p. 9. a. 1.
In 3. dist.
2 q. 1 a. 1.
4. cont.
gen. cap.
55.

Probatur sequela: Omne capax subsistentiæ potest assumi à Divina persona; quia, ut ex dictis patet, Divina persona utpote infinita potest supplere vires cuiuslibet subsistentiæ: Sed omnis natura substantialis completa est capax subsistentiæ, ut etiam constat ex dictis, imò in hoc fere consistit ratio substantiæ completæ, quòd sit capax subsistentiæ: Ergo omnis natura substantialis completa potest assumi; siue illa sit Angelica, siue humana, siue sensitiva tantum, siue vegetativa, siue omnino expers vitæ.

Sequitur 1166. Nullam naturam substantialem incompletam, quamdiu actus est pars, posse assumi à persona Di-

Ibid & 3.
p. 9. 6.
47. 1. 9.

H b 6.

vina, nisi assumpto toto composito.

Et q. 2. de

pot. ar. 1.

2. cont.

gent. cap.

54. In 3.

dist. 6. q.

2. ar. 3.

Probatur sequela : Nullum incapax
subsistentiæ potest assumi à persona Di-
uina : Sed omnis natura substantialis in-
completa , quamdiu actu est pars, est in-
capax subsistentiæ alterius, quàm illius,
quæ terminat totum compositum , *ut*
constat ex dictis in primo principio: Er-
go nulla natura substantialis incomple-
ta , quamdiu actu est pars , potest assu-
mi à persona Diuina , nisi hæc supleat
vices subsistentiæ totius compositi.

Ibidem.

Sequitur 1167. Omnem partem sub-
stantialem , quæ vel naturaliter vel su-
pernaturaliter per absolutam Dei po-
tentiam potest subsistere seorsim ab alia
parte , posse etiam assumi à persona Di-
uina.

Probatur sequela : Quod est capax
subsistentiæ potest assumi ex dictis: Sed
omnis pars substantialis , quæ vel con-
naturaliter , vel supernaturaliter po-
test subsistere seorsim ab alia parte , est
capax subsistentiæ: Ergo omnis pars sub-
stantialis , quæ vel connaturaliter vel
supernaturaliter potest subsistere, potest
assumi.

Ibid.

Sequitur 1168. Animam rationalem
separatam posse assumi.

Probatur sequela: Quia potest sub-
sistere , *ut* diximus in primo principio.

Ibid.

Seq. 1169. Formas substantiales ma-

D. Thoma Principium. 727

eriales posse assumi à Diuina persona.

Probatur sequela : Quia possunt Diuinitus subsistere : quamuis enim naturaliter dependeant à materia ; potest tamen Deus illas à materia separatas conseruare ; quia non maior est dependentia formarum materialium substantialium à materia , quàm sit formarum accidentalium materialium , putà quantitatis & aliarum : Sed hâc dependentiâ nonobstante potest Deus conseruare formas accidentales materiales sine subiecto , & sine materia , vt patet in Eucharistia , & nos diximus in primo principio : Ergo poterit etiam Deus conseruare formas substantiales materiales sine materia , & consequenter facere , quòd subsistant , & sic eas per subsistentiam suam terminare.

Sequitur 1170. Formas accidentales non posse assumi immediatè à Diuina persona.

Ibidem.

Probatur sequela : Quod est omnino incapax subsistentiæ , non potest assumi à Diuina persona : Sed formæ accidentales sunt incapaces subsistentiæ : Ergo non possunt assumi. Minor probatur : quamuis enim formæ accidentales sint capaces modi cuiusdam per se existendi , vt patet in Eucharistia , non tamen sunt capaces subsistentiæ constituentis suppositum vel personam. Quare si formæ

accidentales aliquo modo assumerentur à Deo , ita ut Deus immediate per seipsum suppleret vices illius modi subsistendi , qui potest competere accidentibus , non illum suppleret per subsistentiam personalem & relatiuam , sed per subsistentiam absolutam. Vtrum verò id fieri possit , iam dicendum.

Ibidem.

Sequitur 1171. Formas accidentales actu inhærentes alicui subiecto non posse vlllo modo assumi , ita ut existant existentiam vel subsistentiam Divinam.

Probat sequela : Existencia Divina est existencia per se & veluti modus per se existendi : Sed inhærentia actualis impedit, ne accidens habeat modum per se existendi : Ergo inhærentia actualis impedit , ne accidens actu inhærens terminetur existentiam vel subsistentiam Divinam. Sicut ergo forma substantialis actu informans materiam non potest assumi à persona Divina , ut diximus: ita forma accidentalis actu inhærens non potest assumi ab existenti vel subsistentia Divina. Vnde non potest modus ille loquendi aliquorum , qui dicunt existentiam Divinam , cum sit infinita , posse supplere modum inexistentiæ.

Ibidem.

Sequitur 1172. Formas accidentales separatas à subiecto posse terminari per existentiam vel subsistentiam Divinam absolutam.

Probatur sequela: Quod est capax termini facientis per se & non in alio subsistere, potest terminari existentiam vel subsistentiam Diuinam saltem absolutam: Sed formæ accidentales separatae à subiecto sunt capaces termini facientis per se & non in alio subsistere, ut patet ex dictis in primo principio: Ergo formæ accidentales separatae à subiecto possunt terminari existentiam vel subsistentiam Diuinam absolutam.

Sequitur 1173. Casu, quo tres personæ ^{3. p. q. 3. ad 6. ad 1.} assumerent vnā & eandem numero naturam, v. g. humanam, non posse dici tres homines.

Probatur sequela: Ad multiplicationem nominis substantiuī requiritur non solum multiplicatio suppositi habentis formam significatam per nomen, sed etiam multiplicatio formæ: Sed in casu, quo tres personæ assumerent vnā & eandem naturam numero, non essent tres formæ, putā tres humanitates: Ergo in eo casu non essent tres homines. Maior est evidens ex dictis suprā: quia cum substantiuū significet formam per modum subsistentis, ad multiplicationem eius requiritur multiplicatio formæ & multiplicatio habentis formam, siue subsistentis in forma.

Sequitur 1174. Casu, quo vna perso- ^{3. p. q. 3. ad 7. ad 2.} na Diuina terminaret duas naturas, v. g.

humanas, solo numero distinctas non posse dici plures homines.

Probatur sequela: Ad multiplicationem nominis substantiui requiritur multiplicatio formæ & suppositi: Sed casu, quo vna persona Diuina terminaret duas naturas humanas distinctas numero, non multiplicarentur supposita, vt constat: Ergo casu, quo vnâ persona Diuina terminaret duas naturas humanas, non possent dici plures homines.

Ibid. a. 8.

Sequitur 1175. Conuenientissimum fuisse, vt filius Dei, siue secunda persona sanctissimæ Trinitatis assumeret naturam creatam.

Probatur sequela: Quia quæ sunt aliquo modo similia conuenienter vniuntur: Sed Verbum cum sit exemplar omnium, & natura creata, quæ est exemplata, sunt similia aliquo modo: Ergo conuenienter vniuntur. Præterea Sapientia conuenienter vnitur naturæ creatæ intellectuali: Sed Verbum est sapientia, ex dictis supra: Ergo verbum conuenienter vnitur naturæ creatæ intellectuali. Tertiò finis vniionis hypostaticæ est vt homines fiant filij Dei & consequantur hæreditatem æternam: Sed huic fini conuenientissimum est, vt humana natura assumatur, ad hoc, vt filij adoptiui per naturalem in æter-

nam hæreditatem introducantur : Ergo, &c.

Sequitur 1176. Conuenientissimum *ibid.* fuisse, vt Verbum Diuinum assumeret naturam humanam, potius quàm quancumque aliam.

Probatur sequela: Quia hoc exigebat finis incarnationis, qui fuit reparare hominem, vt supra ostendimus.

Sequitur 1177. Incarnationem de facto esse iam opere completam.

3. p. q. 4. 2.

Hæc sequela non potest probari ratione aliqua naturali: quia quod pendet ex sola Dei voluntate, non potest probari tamquam factum, vtpote quòd non habet aliam rationem, quàm Diuinam voluntatem, quæ nobis non innotescit, nisi per signa: Signa autem illa non possunt nos inducere, si omnia omnino testimonia fidem facientia de illis signis negentur: si autem admittantur testimonia fidem facientia, iam & signa erunt satis euidentia, & ipsa incarnatio ex illis signis poterit colligi.

Quare aduersus Idololatrias cōvincimus incarnationem esse factam; primò ex Sibillarū oraculis, quæ referunt ipsi etiam auctores Ethnici vt Tacitus 5. annalium & Suetonius in Octauio cap. 51. Secundò ex oraculorum cessatione, de qua Plutarchus in opere de hoc ipso argumento. Tertiò ex miraculis, quæ

in testimonium Divinitatis Christi facta referuntur. Egregium est argumentum Augustini: Vel mundus in Christum tamquam in Deum incarnatum credidit vi miraculorum pertractus, vel sine miraculis: Si vi miraculorum: ergo miracula illa efficaciter suadent mysterium incarnationis. Si sine miraculis: & hoc maximum est omnium miraculorum, quod sine miraculis mundus in Christum crucifixum credidit, repugnantibus imperatoribus, Regibus, philosophis &c. Accedit martyrum constantia, sanctitas morum Christianorum, & alia infinita.

Aduersus Iudæos probatur ex scriptura veteris testamenti, quod ipsi admittunt. Gen. 49. *Non auferetur sceptrum de Iuda, & dux de femore eius, donec veniat, qui mittendus est.* Iargum magnæ auctoritatis apud Iudæos, legit, *Donec veniat Messias*: Atqui nunc videmus ablatum sceptrum de Iuda, & ducem de femore eius; imò tempore, quo Christus natus est, Herodes primus ex alienigenis regnabat in Iudæa: Ergo Messias iam venit; Messiam autem esse Deum constat: vocatur enim in scripturis *Emmanuel*, id est, *nobiscum Deus*. Danielis 9. *Septuaginta hebdomades abbreviata sunt super populum tuum &c. ut deleatur iniquitas & iungatur san-*

D. Thoma Principium. 733

Aut sanctorum. Abbreviatæ dicuntur hebdomades id est, præcisæ ac deffinitæ, vt eò loci habetur in hæbræo: Hæ autem hæbdomades non possunt esse hebdomades dierum; aliàs intra annum & dimidium adimplera esset prophetia Danielis, quod constat esse falsum: Ergo debent sumi hebdomades annorum, sicut sumuntur leuitici 25. ita vt quælibet hebdomada sit septem annorum siue solarium, siue lunarium: vnde septuaginta hebdomades conficiunt annos 490. Atqui a tempore Danielis iamdiu est quòd elapsi sunt illi quadringenti nonaginta anni: Ergo iam vnctus est *sanctus sanctorum* & deleta est iniquitas, id est perfecta satisfactio pro peccatis est Deo exhibita. Quod cum fieri nequeat nisi per Incarnationem, vt ostendimus, iam incarnatio completa est, imò si verum calculum ineamus, reperiemus à tempore Danielis ad Christum, elapsos esse illos quadringentos nonaginta annos. Denique Aggæi 2. dicitur. *Ad huc modicum & ego movebo calum & terram, & veniet desideratus cunctis gentibus, & implebo domum istã,* id est, templum, gloriã. Loquitur autem de templo Hierosolimitano ædificato à Zorobabele, quod cum penitus destructum sit à Tito & Vespasiano, vt omnes historici testantur, consequens

734 *Secundum Doctrinam*

est, ut ista prophetia adimpleta sit ante tempora Titi & Vespasiani. Non potest autem aliud designari tempus, nisi quo vixit Christus, qui ingressus in illud templum, impleuit illud gloriâ, & ipsemet dicitur *desideratus cunctis gentibus*, quia gentes per suos Apostolos ad fidem attraxit. Adde omnia signa Messiae in Christum quadrare, de quo nos aliàs in compendio scripturæ ad D. Matthæum dicemus, si Deus faueat. Hæc omnia satis conuincunt Incarnationem iam factam. Hoc idem in compendio Conciliorum aduersus hæreticos conuincemus Deo iuuante. Potest etiam probari ex dictis hæc sequela argumento probabili: Quod est possibile, necessarium, & conueniens est de facto peractum: Deus enim non deficit in necessarijs: Sed ex dictis incarnatio est possibilis, necessaria & conueniens: Ergo &c.

¶ 1793. 3. Sequitur 1178. Filium siue secundam sanctissimæ Trinitatis personam fuisse incarnatam.

Probatum sequela: Quia ille ipse Messias testificatus est, se esse filium Dei: Sed hoc non potest intelligi de filio per adoptionem, ut postea ostendemus: & ratio ex dictis est, quia filius adoptivus non posset ad æqualitatem satisfacere; ostendimus enim nullam puram creaturam

D. Thoma Principium. 735

nam id posse: Ergo cum idcirco incarnatus sit, ut Deo ad æqualitatem satisfaceret, dicendum est, quòd fuit filius Dei per naturam, & verus Deus.

Sequitur 1179. Incarnationem esse à solo Deo tamquam à causa principali. 3. p. q. 32.
a. 1.

Probat sequela: Unio Verbi Diuini cum natura humana non potest esse nisi à solo Deo tamquam à causa principali: Sed Incarnatio, ut constat ex dictis, est unio Verbi Diuini cum natura humana: Ergo Incarnatio est à solo Deo ut causa principali. Maior est evidens: quia causa principalis est illa, quæ habet virtutem eiusdem aut eminentioris rationis cum effectu ut dicemus in tertio principio: Sed nulla causa creata habet virtutem eiusdem vel eminentioris rationis cum unione Verbi Diuini & naturæ humanæ, ut est evidentissimum; hic enim effectus est infinitus: Ergo &c.

Sequitur 1180. Nullam creaturam posse eleuari ad hoc ut tamquam instrumentum physicum concurrat ad unionem hypostaticam. 3. p. q. 31. a
5. q. 32.
a. 4.

Probat sequela: Omnis causa instrumentalis debet effectiuè attingere terminum, qui per actionem produci-
tur; aliàs non esset causa realis & physica, ut dicemus in tertio principio: Sed nulla res creata potest effectiuè attinge-

re terminum, qui per vnionē hypostaticam producitur: Ergo nulla res creata potest esse causa instrumentalis physica vnionis hypostaticæ Min. prob. Terminus vnionis hypostaticæ est Deus homo: Sed nulla res creata potest per modū causæ efficientis attingere Deū hominē; hoc enim est attingere aliquomodo ipsum esse Verbi Divini: Ergo nulla res creata potest attingere terminum vnionis hypostaticæ.

Dices, quamuis homo generans hominem non attingat effectivē ipsum esse animæ rationalis, attingit tamen effectivē vnionem animæ rationalis cum materia: Ergo similiter, quamuis nulla res creata possit attingere ipsum esse Verbi Divini, poterit tamen attingere ipsam vnionem Verbi cum humanitate.

Sed contra est: quia hoc probaret rem creatam potuisse esse causam principalem incarnationis, sicut homo est causa principalis generationis alterius hominis: quare argumentum non potest convincere de causa instrumentali, sicut nec de causa principali. Ratio autem est ex disparitate: quia in materia est potentia naturalis receptiva animæ rationalis vt formæ; vnde fit, quòd qui attingit efficienter dispositiones materiæ ad animam tamquam formam, attingit etiam efficienter ipsam vnionem

animæ cum materia : At verò nulla est potentia naturalis receptiva ipsius subsistentiæ Divinæ in humanitate, & nulla potest ab agente naturali poni in ipsa humanitate dispositio, quâ disponatur ad ipsam subsistentiam Verbi. Eodemque modo respondendum est ad illam instantiam, quam opponunt nonnulli, quòd videlicet, quando Christus nutriebatur & crescebat, ipse calor naturalis & potentia nutritiva concurrebant saltem instrumentaliter ad unionem hypostaticam materiæ cibi cum subsistentia Divina. Respondendum, inquam, quod calor naturalis & potentia illa vegetativa concurrebant effectivè ad unionem animæ rationalis cum materia cibi, non autem ad unionem hypostaticam eiusdem materiæ cum subsistentia Divina, sed hæc à solo Deo fiebat.

Sequitur 1181. Beatissimam Virginem non fuisse instrumentum physicum & reale ad unionem hypostaticam.

Probatur sequela : Nulla res creata potest esse instrumentum physicum ad unionem hypostaticam : Sed Beatissima Virgo est res creata : Ergo non potuit esse instrumentum physicum ad unionem hypostaticam. Quare quod nonnulli circa hoc dicunt, planè fictitium est, neque hoc vllatenus ad dignitatem Matris pertinet, neque privi-

738 *Secundum Doctrinā*

legia ista fingenda sunt ; aliās cuilibet licebit alia & alia comminisci, vt si quis veller afferere , illam fuisse vnitam hypostaticè personæ Patris.

3. p. 9. 2. a.
2.

Sequitur 1182. Nullam omnino puram creaturam potuisse mereri de condigno Incarnationem.

Probaturs sequela : Ad meritum de condigno requiritur vt opus meritorium dicat ordinem proportionis & cuiusdam imperfectæ saltem æqualitatis ad rem , quæ debet esse præmium : Sed nulla pura creatura potest elicere opus, quod dicat intrinsecum ordinem proportionis & cuiusdam æqualitatis etiam imperfectæ ad incarnationem : Ergo nulla pura creatura potest mereri de condigno incarnationem. Maior probata & explicata est supra. Minor etiam est euidentis ex dictis ibidem : quia opus procedens à gratia & charitate non dicit intrinsecum ordinem proportionis & imperfectæ æqualitatis nisi ad gloriam , & ad augmentum gratiæ & charitatis, non autem ad alia extrinseca, cuiusmodi fuit incarnatio.

Ibidem.

Sequitur 1183. Antiquos Patres non meruisse incarnationem de condigno, imò nec Beatissimam Virginem illam meruisse.

Probaturs sequela : Nulla pura creatura potuit mereri de condigno incarnationem

nationem : Sed antiqui Patres imò & ipsa Beatissima Virgo fuerunt creaturæ puræ : Ergo , &c.

Sequitur 1184. Nullam puram creaturam potuisse mereri de condigno circumstantias intrinsecas Incarnationis.

Ibidem

Probatur sequela : Qui non potest mereri substantiam rei , eo quòd sit altioris ordinis , non potest etiam mereri circumstantias intrinsecas illius propter eandem rationem : Sed nulla pura creatura potuit mereri ipsam substantiam incarnationis , quia est ordinis altioris , ut patet ex dictis : Ergo non potuit etiam mereri circumstantias intrinsecas Incarnationis. Maior patet : quia circumstantiæ intrinsecæ sunt eiusdè ordinis cū re.

Sequitur 1185. Nullam puram creaturam potuisse mereri de condigno effectus proprios Incarnationis.

Ibidem

Probatur sequela : Qui non meretur de condigno causam , non meretur etiam de condigno effectus proprios illius causæ : Sed nulla pura creatura potuit mereri de condigno Incarnationem : Ergo nulla pura creatura potuit mereri de condigno effectus proprios Incarnationis.

Sequitur 1186. Nullam puram creaturam potuisse mereri de condigno apertionem regni cœlestis.

Ibidem

Probatur sequela , explicando quid

Tom. I I. 18

740 *Secundum Doctrinā*

fit apertio regni cœlestis : non enim imaginandum est, illam apertionem esse materiale & corpoream , quasi sit ibi aliqua ianua , quæ materialiter aperiat-
tur : Sed hoc intelligi debet spiritua-
liter. Aduertendum igitur , quòd per peccatum originale tota natura huma-
na contraxit indignitatem videndi Deū & fruendi illo : Quæ indignitas tanta fuit, & , vt sic loquar, ita medullitus ipsi naturæ per hoc peccati virus inserta , vt quamuis aliquæ personæ particulares & priuatæ obtinerent gratiam sanctifican-
tem, imò & mererētur gloriam æternam per opera , nihilominus illa gratia san-
ctificans & illa opera manebant veluti suspensa & impedita ab actuali consecu-
tione gloriæ , propter huiusmodi totius naturæ indignitatem ; atque adeo nul-
lus hominum quantumcumque sanctus (si peccatum originale contraxisset) poterat videre Deum, aut eo frui, quoad-
vsque sublatâ huiusmodi indignitate per reconciliationem totius naturæ cum Deo , gratia & merita priuatarum per-
sonarum haberent effectum , ad quem natura sua erant ordinata. Et sublatio huiusmodi impedimenti dicitur apertio ianux regni cœlestis , ad quam apertio-
nem necessaria erat talis ac tanta sancti-
ficatio naturæ, vt ipsa in aliquo suæ spe-
ciei supposito exhiberet condignam sa-

satisfactionem Deo pro offensa Hanc exhibuit Christus, & illam exhibendo aperuit ianuam regni cœlestis. Hinc ergo probatur sequela: Qui non meretur de condigno causam per se primò ordinatam ad aliquem effectum, non meretur etiam ipsum effectum: Sed nulla pura creatura potuit mereri causam, scilicet Incarnationem, quæ est per se primò causa apertionis regni cœlestis per exhibitionem satisfactionis condignæ, quæ, vt diximus, exhiberi non potuit sine Incarnatione: Ergo nulla pura creatura potuit mereri de condigno apertionem regni cœlestis. Adde quod, vt supra ostensum est, gratia in supposito finito existens non habet inclinationem, nisi ad ea, quæ sunt illius suppositi: Sed apertio regni cœlestis non est vnus tantùm suppositi, imò est reparatio totius naturæ, vt constat ex explicatione iam allata: Ergo cum ad meritum de condigno, vt supra ostensum est, requiratur vt inclinatio gratiæ sit in ipsum præmium, consequens est, vt nulla pura creatura, quæ non habet gratiam, nisi in supposito finito, possit mereri de condigno apertionem regni cœlestis.

Nec valet si dicas, quòd licet pura creatura non potuerit mereri de condigno apertionem regni cœlestis pro tota

natura potuit tamen illam pro se & pro suo supposito mereri ; hoc enim ipso , quòd meretur gloriam de condigno , meretur etiam de condigno consecutionem eiusdem gloriæ.

Non valet , inquam , quia non potest tolli indignitas naturæ ab vno supposito illius naturæ , quin tollatur ab omnibus : quia non est indignitas suppositi sed totius naturæ : vnde quamuis persona sit digna vitæ æternæ ; eo tamen ipso quòd illa persona est indiuiduum illius naturæ , habet indignitatem , quæ si tolleretur ab hoc supposito , tolleretur à tota natura Quare nisi hoc impedimentum sit ablatum , non potest frui præmio , ad quod ratione gratiæ & meritorum personalium ordinatur.

Ibidem. Sequitur 1187. Antiquos Patres non meruisse de condigno apertionem regni cœlestis.

Patet sequela : Quia illorum quilibet fuit pura creatura.

Ibidem. Sequitur 1188. Antiquos Patres potuisse orationibus & desiderijs suis impetrare Incarnationem & accelerationem eius.

Probat sequela : Ad impetrationem , vt supra diximus , non requiritur vllus titulus iustitiæ etiam imperfectissimæ , sed sufficit , vt res , quæ petitur , ex mera illius , à quo petitur , gratia de fa-

sto concedatur: Atqui antiqui Patres petierunt Incarnationem & accelerationem eius, ut constat ex pluribus eorum orationibus in Scriptura contentis, Deuteron. 33. Psal. 78. Is. 41. & alibi, & de facto ex misericordia Dei eam sunt consecuti: Ergo potuerunt impetrare Incarnationem & accelerationem eius, aliasque circumstantias.

Sequitur 1189. Antiquos Patres potuisse mereri de congruo Incarnationem & circumstantias eius. *Ibidem.*

Probatur sequela: Ac primò quidem, si Deus illis voluisset conferre gratiam non ex meritis Christi, sicut absolutè poterat, certum est in eo casu eos, potuisse de congruo mereri incarnationem; ad meritum enim de congruo sufficit status viæ & gratiæ, nec requiritur quòd ipsa inclinatio gratiæ feratur in præmium ex natura sua, sed sufficit quòd ex relatione & ordinatione operantis ordinetur ad illud, ut supra diximus: Ergo saltem in tali casu potuissent antiqui Patres mereri de congruo incarnationem & circumstantias illius. Quod ergo potest hac in re facessere negotium est, quòd gratia antiquorum Patrum, quæ fuit in illis principium omnis meriti, fuerit ex meritis Christi: unde cum principium meriti non cadat sub merito, nec res aliqua possit esse cau-

sa & effectus in eodem genere causæ, videtur, quòd de facto antiqui Patres non meruerint etiam de congruo Incarnationem. Et vrget argumentum eò magis, quòd incarnatio siue gratia vnionis multò magis est gratuita, quàm quælibet gratia cuiuscumque homini collata, idque non solùm respectu ipsius humanitatis Christi, sed etiam respectu totius naturæ humanæ: Atqui gratia non esset gratuita, si illam præcederent aliqua merita etiam de congruo, vt patet ex dictis supra: Ergo nec Incarnatio erit gratuita, si antiqui Patres illam de congruo meruerint. Denique si antiqui Patres meruerunt de facto Incarnationem, meruerunt etiam gratiam habitualem de congruo; nam qui meretur causam meretur & effectum illius causæ: Sed gratia antiquorum Patrum fuit effectus Incarnationis: Ergo si meruerunt de congruo Incarnationem, meruerunt etiam de congruo gratiam, hoc autem dici nequit, vt patet ex superioribus.

Ad hæc argumenta respondendum est. Ad primum quidem, quòd principium meriti duplex est, aliud intrinsecum, quod intrinsecè in homine existens dignificat ipsum; aliud extrinsecum: & istud iterum est duplex; aliud enim est, quod per modum causæ efficientis, aut quasi efficientis causat rationem meriti;

D. Thoma Principium. 745

aliud, quòd causat per modum causæ finalis, & rursus illud, quod se habet per modum causæ finalis duplex est; aliud, cui ratio finis conuenit ex natura rei; aliud, cui conuenit solùm ex ordinatione prorsus extrinseca. Et similiter meritum aliud est, cuius congruitas petitur tantùm ex parte præmiantis, eiusque ordinatione velut extrinseca; aliud, cuius congruitas petitur etiam ex parte operis. Igitur dicendum, quòd principium meriti intrinsecum nulla ratione potest cadere sub meritum, cuiusmodi est gratia, quæ dignificat ipsum operantem, vt mereatur: principium etiam extrinsecum, quod per modum causæ efficientis causat gratiam vel habitua-lem, vel actua-lem, quale est prædestinatio Diuina, nullo etiam modo cadit sub meritum: principium verò extrinsecum per modum causæ finalis potest cadere sub meritum: sicut videmus quòd ipsæ dispositiones concomitantes gratiam iustificantem, merentur vitam æternam, quamvis vita æterna sit principium meriti per modum causæ finalis. Porro duplex est finis; aliud, cui ex natura rei competit ratio finis, vt patet de vita æterna; aliud, cui ratio finis non competit nisi ex ordinatione extrinseca: primum finem possumus mereri de condigno, quamuis sit princi-

pium: Secundum finem non possumus mereri de condigno, quia inclinatio charitatis non fertur in ipsum: sed neque possumus propriè de congruo illud mereri, quasi congruitas se teneat ex parte operis, vel etiam operantis præcise; sed solum prout se tenet ex parte ipsius præmiantis, quatenus extrinsecè promisit tale præmium: & hoc modo non est inconveniens quod principium meriti per modum finis extrinseci cadat sub meritum congrui congruitate tota se tenente ex parte promittentis. Et hoc sensu antiqui Patres meruerunt incarnationem, quamvis incarnatio per modum causæ finalis extrinsecæ fuerit principium meriti: Incarnatio siquidem non fuit principium meriti, nisi per modum causæ finalis, ut docet D. Thom. 3. p. qu. 61. a. 3. ad 1. & q. 62. art. 6. Et illam esse causam finalem non ex natura rei, sed ex ordinatione Dei extrinseca constat: quia poterat Deus dare gratiam antiquis Patribus non ordinando illorum opera ad Christum tamquam ad causam finalem. Et sic non in eodem genere causæ merita antiquorum Patrum causant incarnationem, & causantur ab illa: causant enim in genere tantum dispositionum, & causantur tantum in genere causæ finalis; nec sequitur quòd Incarnatio sit minùs gratuita, quia merita illa sunt po-

eius dispositiones morales , quàm merita , & illorum congruitas tota nititur promissioni & ordinationi Divinæ. Unde etiam non sequitur illos promeruisse suam gratiam , quia gratia erat principium intrinsecum dignificans ipsa supposita , & per modum causæ efficientis influens. Et ex his patet ad alia.

Sequitur 1190. Antiquos Patres non potuisse mereri de condigno prædestinationem Incarnationis. *Ibidem.*

Probatur sequela : Qui non potest mereri de condigno ipsam Incarnationem , multò minùs potest mereri de condigno ipsius prædestinationem : Sed antiqui Patres non potuerunt mereri de condigno ipsam Incarnationem : Ergo nec eius prædestinationem. Probatur maior : quia mereri Incarnationis prædestinationem est mereri non quidem ipsum actum Dei prædestinantis , sed vel ipsam Incarnationem , vel quòd illa fiat in hac natura , potiùs quàm in alia : siue est esse causam finalem & motivam propter quam ipsa Incarnatio volita sit à Deo : Hoc autem dici nequit ; quia nullius puræ creaturæ merita possunt esse causa finalis & motiva propter quam volita sit à Deo Incarnatio.

Sequitur 1191. Beatissimam Virginem meruisse quidem de condigno illum gradum gratiæ & sanctitatis , quo dis-

poneretur ut congruè esset mater Dei; non tamen meruisse de condigno dignitatem matris Dei.

Probatur sequela : Quia Beatissima Virgo ex eo, quòd deberet esse mater Dei non fuit peioris conditionis quàm ceteri sancti, qui & ipsi meruerunt de condigno augmentum suæ gratiæ & sanctitatis, ut supra vidimus : Sed per illud augmentum disponebatur ut modo congruo esset mater Dei ; non tamen merebatur de condigno Incarnationem; hoc enim est impossibile, ut iam ostensum est : Ergo Beata Virgo meruit de condigno illud augmentum, quo congruè esset mater Dei, & non meruit de condigno ipsam maternitatem, quæ involuit ipsam Incarnationem.

Ibidem.

Sequitur 1192. Etiam supposita futuritione Incarnationis Beatam Virginem non potuisse mereri de condigno maternitatem Dei.

Explicatur. Sunt qui imaginantur, quòd Deus primò decreverit incarnationem Verbi in communi, non determinando singulares & individuas eius circumstantias, & quòd deinde alio decreto determinaverit illas : Et hoc posito dicunt, Incarnationem vi prioris decreti futuram quoad substantiam; quòd autem Verbum assumeret hanc potius numero humanitatem, vel ex hac

matre , potuisse fieri ex meritis illius , quæ debebat esse mater : & hoc modo dicunt , Beatam Virginem meruisse de condigno , ut præ ceteris mulieribus eligeretur ad dignitatem matris.

Sed hæc imaginatio falsa est ex duplici capite ; ac primò quidem , quia Deus numquam aliquid decernit nisi in particulari & cum omnibus circumstantiis , ut satis supra explicatum est : Secundò quia dato & non concesso , quòd Deus ita se gereret , adhuc nihilominus manet repugnantia , propter quam , maternitas Dei non potest cadere sub meritum de condigno : quia meritum de condigno , ut diximus , exigit inclinationem gratiæ & charitatis in ordine ad illud , quod debet esse præmium : non potest autem huiusmodi inclinatio esse in vlla pura creatura ; eò quòd gratia puræ creaturæ est finita & limitata , nec potest esse ad ea , quæ sunt omnino diversi ordinis , ut satis constat ex dictis ; atque adeo cum Incarnatio hæc singularis necessariò involuatur in maternitate Dei , non potest cadere sub meritum de condigno maternitas , sine nec Incarnatio.

Sequitur 1193. Beatissimam Virg-^{ibidem}
nem potuisse mereri & meruisse de congruo dignitatem matris , & Incarna-

Probatur sequela: Plus meruit Beatissima Virgo, quam omnes Antiqui Patres, ut omnino certum est: Atqui, ex dictis, Antiqui Patres meruerunt de congruo Incarnationem, modo superius explicato: Ergo à fortiori Beatissima Virgo eandem, atque adeo maternitatem Dei meruit.

Videmus;

Sequitur 1194. Beatissimam Virginem non meruisse etiam de congruo suam electionem ad maternitatem Dei.

Prob. seq. Ad merendam de congruo electionem ad aliquid, necessarium est, quòd illud se habeat tamquam medium ad finem respectu meriti: Sed maternitas Dei vel Incarnatio non se habuit ad meritum Beatæ Virginis tamquam medium ad finem: Ergo Beatissima Virgo non meruit de congruo electionem ad maternitatem Dei. Maior patet ex dictis: mereri siquidem prædestinationem vel electionem ad aliquid, nihil aliud est, quam ipsum eligentem moveri ex merito tamquam ex motivo ad eligendum: Atqui eligens non movetur ad eligendum nisi à fine, quo movetur ad eligenda media; solus enim finis est ratio eligendi media: Ergo ut merita sint motiva eligendi aliquid, merita debent esse finis, quo eligens moveatur ad eligendum illud tamquam me-

D. Thome Principium. 751

dium. Minor verò, quòd videlicet merita Beatissimæ Virginis non fuerint finis, propter quem Deus elegerit ipsam ad maternitatem Dei, est eidentissima: nam potius Maternitas Dei & Incarnatio fuerunt finis, propter quem Deus voluit dare Beatissimæ Virgini tot tantaque merita.

Sequitur 1195. Ipsum Christum Dominum non potuisse mereri Incarnationem vlllo pacto. *Ibid. 1192.*

Probat sequela: Principium effectuum & veluti formale totius meriti: nullo modo potest cadere sub meritum. Sed Incarnatio ratione sui termini, hoc est, ipsum Verbum vt vnitum humanitati fuit principium effectuum & veluti formale totius meriti ipsius Christi: Ergo Christus Dominus illud non potuit mereri. Minor est eident: nam cum actiones sint suppositorum, omnis actio meritoria procedebat à Verbo Diuino, vt subsistente in natura humana. Quomodo autem involvatur ibi, quòd ipsum Verbum quodammodo per modum causæ formalis, moralis tamen, dignificauerit illa opera, mox explicabimus.

Sequitur 1196. De potentia Dei absolute potuisse Incarnationem aliquam cadere sub meritum de condigno. *Ibid. 1191.*

Explicatur: Incarnatio est assumptio humanæ naturæ in ynitatem personæ

Diuinæ : Si ergo Pater æternus , vel Spiritus sanctus , vel etiam ipse Filius assumpfissent prius naturam aliquam Angelicam , vel humanam , in vnitatem personæ , & in illa natura meruissent , ac ordinassent suum illud meritum ad assumptionem humanæ naturæ , quæ de facto est & subsistit in Verbo , sine dubio tunc meruissent hanc numero Incarnationem : quia tunc meritum & præmium essent eiusdem ordinis : Sed semper prima assumptio naturæ in vnitatem personæ fuisset absque vilo merito de condigno.

Ex his patet sequela : De potentia absoluta potest quælibet persona Diuina assumere naturam , vt diximus : Sed hoc posito illa persona in natura assumpta potuisset mereri assumptionem alterius naturæ in vnitatem eiusdem vel alterius personæ , vt constat ex explicatione : Ergo de potentia absoluta potuit aliqua Incarnatio cadere sub meritum.

Videm.

Sequitur 1197. Christi Domini humanitatem non potuisse mereri de condigno suam assumptionem ad esse personale Verbi , vel alterius personæ Diuinæ.

Explicatur : Sunt , qui imaginantur humanitatem Christi , si prius tempore vel naturâ extitisset , quàm assumere.

tur à Verbo, potuisse mereri de condigno suam assumptionem ad esse personale: Sed præterquàm quòd hæc imaginatio falsa est, quòd videlicet natura aliqua substantialis possit existere priùs quàm terminetur aliquâ subsistentiâ, quæ constituat illam in ratione suppositi, vt patet ex dictis supra: præterquàm quòd etiam dato, quòd natura substantialis posset existere sine personalitate, adhuc non posset intelligi operans *ut quod*, nec consequenter promerens; Insuper his datis & non concessis, falsum est, quòd natura aliqua existens & operans possit mereri de condigno assumptionem suam ad esse personale: quod sic ostenditur &

Probatur sequela: Illa natura substantialis existeret per existentiam creatam, vel per increatam: Sed quicquid ex his dicatur, non posset mereri de condigno suam assumptionem ad esse personale Verbi: Ergo absolutè non posset hoc mereri. Maior patet à sufficienti diuisione: omnis enim existentia vel est creata vel increata. Minor verò probatur: ac primò quidem, si natura illa existeret per existentiam creatam, natura illa esset pura creatura: Sed, ex dictis supra, nulla pura creatura potest mereri de condigno Incarnationem: Ergo si illa natura existeret per existen-

riam creatam, non posset mereri de condigno Incarnationem. Secundò si natura illa existeret per existentiam Divinam, eo ipso subsisteret vel per tres subsistentias relatiuas vel per aliquam ex illis; ita ut nullum sit instans reale vel rationis, in quo intelligi possit natura ut existens existentiam Divinam, & non subsistens subsistentiam aliquam personali. Esto siquidem possimus abstrahendo intelligere naturam ut existentem existentiam Divinam, non intelligendo illam subsistere subsistentiam Divinam, numquam tamen possumus intelligere naturam in aliquo instanti reali vel rationis existentem, & negare quòd in eodem instanti illa non subsistat subsistentiam Divinam personali: Atqui hoc esset necessarium, ut conciperemus naturam illam existentem existentiam Divinam operari & mereri subsistentiam Divinam personalem: Ergo sicut prius est impossibile, ita & posterius, hoc est sicut impossibile est naturam existere existentiam Divinam in aliquo instanti reali vel rationis, & non subsistere subsistentiam Divinam personali; ita impossibile est naturam sic existentem operari & mereri subsistentiam personalem. Minor ultimi argumenti probatur: Qui meretur aliquid, in illo instanti reali vel rationis intelligitur non habere illud, quod

meretur, ut patet ex ijs, quæ probauimus supra; atque adeo, qui meretur subsistentiam personalem, intelligitur nondum habere illam: Sed natura existens existentiam Divinam, iuxta auctores, quos impugnamus, mereretur subsistentiam personalem: Ergo natura illa intelligeretur non habere subsistentiam personalem. Cum ergo hoc implicet, implicabit etiam, quod natura aliqua concipiatur existens & promerens subsistentiam personalem. Adde quod auctores qui oppositum asserunt, existimant existentiam in rebus creatis non distinguere ab essentia; unde consequenter tenentur dicere, quod non potest intelligi natura existens nisi existentiam creatam: iam autem probatum est, naturam existentem existentiam creatam non posse etiam per absolutam Dei potentiam mereri subsistentiam personalem: Ergo hoc dici non potest.

Sequitur 1198. Christum Dominum *Idem.* non meruisse continuationem. Incarnationis.

Probat sequela: In ijs, quæ habent suum esse totum simul, & non successivum, vel divisibile qui non meretur primum esse, non potest mereri sequens, five continuationem: Sed Incarnatio, five unio hypostatica habet totum suum esse simul & non successivum; est enim

omnino spiritualis & supernaturalis : Ergo qui non meretur primum esse Incarnationis , non meretur etiam continuationem eius. Sed Christus Dominus non potuit mereri primum esse Incarnationis vel unionis hypostaticæ, ex dictis : Ergo nec eius continuationem. Maior constat quia indivisibile non successivum nullas potest habere partes, ut unam quis concipiatur mereri, non autem alteram. Minor est etiam certa, quia unio hypostatica non potest esse quid divisibile , quocumque tandem modo concipiatur ; nihil enim est aliud, quam naturam humanam completam terminari subsistentiâ Divinâ , quæ est omnino indivisibilis.

Sequitur 1299. Christum Dominum non meruisse intrinsecas circumstantias Incarnationis.

Probatur sequela : Quæ se tenent ex parte principij totius meriti , non possunt cadere sub meritum sicut nec ipsum principium , ut diximus : Atqui circumstantiæ intrinsecæ Incarnationis se tenent ex parte principij , ut patet : Ergo non possunt cadere sub meritum. Maior est evidens : Idcirco enim nemo potest mereri, quòd sit natus tali tempore , tali loco , ex talibus parentibus &c. quia hæc se tenent ex parte principij , nimirum suppositi, quod est principium

quod operationis & meriti: similiter nemo potest mereri intensionem primæ gratiæ, vel quòd illa prima gratia detur tali tempore &c. quia hæc se tenent ex parte principij. Hinc etiam constat minor: quia quòd Verbum incarnaretur assumendo hanc numero humanitatem tali hora &c. omnia hæc se tenent ex parte principij.

Sequitur 1200. Christum Dominum meruisse extensionem aut quasi extensionem Incarnationis ad partes, quas per conversionem cibi convertebat in substantiam sui corporis.

Probatur sequela: Quia licet hæc naturali sequela resultaret ex vi unionis hypostaticæ primitus factæ, non repugnat tamen, hanc extensionem fieri etiam ex merito: sicut quamvis gloria corporis naturali sequela sequeretur ex gloria animæ, nihilominus potuit Christus sibi mereri, & de facto meruit gloriam corporis: Ergo, &c.

Sequitur 1201. Christum Dominum ^{3.p.9 19.} meruisse reparationem Incarnationis ^{a.3. 6 9.} respectu totius naturæ humanæ, id est, ^{53. a. 1.} reparationem unionis hypostaticæ cum natura humana.

Explicatur: Per mortem Christi anima rationalis verè fuit separata à corpore, quamvis & anima separata manserit semper unita Verbo Divino, sicut

& corpus: Itaque verissimum fuit, quòd natura humana, utpote non existens, non erat amplius vnita Verbo, quamuis partes manerent vnitæ: Per resurrectionem autem eadem natura iterum reparata, fuit etiam vnita Verbo, & sic aliquo pacto reparata est vnio hypostatica cum tota natura humana; Dicimus èrgo, quòd Christus hoc meruit.

Probatur sequela: Christum mereri suam resurrectionem, est mereri reparationem Incarnationis modo explicato: Atqui Christus meruit suam resurrectionem, ut etiam infra ostendemus: Ergo meruit etiam reparationem Incarnationis modo explicato.

3. p. 4. 2.
6. 1.

Sequitur 1202. Vnionem naturæ humanæ cum persona Verbi non esse vnionem in essentia siue natura.

Probatur sequela: Vnio naturæ Divinæ cum humana secundum essentiam est impossibilis: Sed vnio naturæ humanæ cum persona Verbi non est impossibilis, ut patet ex dictis: Ergo vnio naturæ humanæ cum persona Verbi non est vnio naturæ Divinæ cum humana secundum essentiam. Minor patet: quia vna natura non potest secundum essentiam vniri alteri, nisi vel altera mutetur in alteram, vel vtraque in tertiam; vel vna se habeat per modum potentiæ passiuae ac receptivæ, altera

D. Thoma Principium. 759

per modum formæ & actus: Sed neque natura Divina potest mutari in humanam; neque humana in Divinam, neque utraque in tertiam; neque natura Divina potest se habere per modum potentia, neque per modum formæ: Ergo &c. Minor constat: quia natura Divina est actus purus, atque adeo omnino immutabilis, nec potest habere rationem potentia passiva, neque formæ informantis & limitatæ per receptionem, neque natura humana potest converti in Divinam; repugnantia enim est tum ex parte naturæ humanæ, quæ non potest transire in rem increatam, quàm ex parte naturæ Divinæ, quæ non potest esse terminus conversionis, qui semper debet aliquo modo mutari. Ergo &c.

Sequitur 1203. Unionem hanc factam esse in persona, hoc est, naturam unitam esse personæ Divinæ. *Ibid. 47. D.*

Probatur sequela: Facta est unio, non in natura, ut probatum est: Ergo in persona: Consequentia est evidens ex his, quæ fides docet: quia facta est aliqua unio, ita ut idem, qui est Deus, sit homo: Ergo cum non sit facta in natura, est facta in persona.

Sequitur 1204. Verbum Divinum non sibi univisse naturam terminatam propria & naturali personalitate, *Ibid. 48. D.*

Probatur sequela : Tum ex dictis, quia hoc est impossibile : Tum etiam, quia aliàs esset in Christo duplex persona, sicut & duplex natura, quod est contra fidem huius mysterij.

Ibid q. 4.
a. 3.

Sequitur 1205. Verbum Divinum propriè loquendo non assumpsit hominem.

Probatur sequela : Homo importat personam & suppositum : Sed Verbum Divinum non assumpsit personam vel suppositum : Ergo Verbum Divinum non assumpsit hominem.

3. p. q. 2. a.
2.

Sequitur 1206. Unionem Verbi factam esse in supposito vel hypostasi.

Probatur sequela : Persona in natura intellectuali est idem quod suppositum vel hypostasis : Sed unio Verbi facta est in persona Divina, atque adeo in persona naturæ intellectualis : Ergo facta est in supposito vel hypostasi.

Ibid. ar. 4.

Sequitur 1207. Personam Christi esse compositam.

Probatur sequela : Persona constans ex duabus naturis realiter distinctis est composita : Sed persona Christi post Incarnationem constat ex duabus naturis realiter distinctis, Divina scilicet & humana : Ergo persona Christi est composita. Maior est evidens : nam quod constat ex duobus realiter & adæquatè distinctis per modum excludentis & ex-

D. Thoma Principium. 761

clusi, est quid compositum: Sed persona constans ex duabus naturis realiter distinctis, constat ex duobus realiter & adæquatè distinctis per modum excludentis & exclusi; vna enim natura est omninò realiter distincta ab alia, illamque prorsus excludit: Ergo quod constat ex duabus naturis est compositum. Minor principalis est certa: nam natura Divina & humana omnino realiter distinguuntur.

Sequitur 1208. Personam Christi esse compositam ex Divinitate & humanitate. *In 3 dist. 6. q. 2. 4. 3.*

Probatur sequela: Persona composita ex duabus naturis, Divina & humana, est composita ex Divinitate & humanitate: Sed persona Christi est composita ex duabus naturis, Divina & humana: Ergo est composita ex Divinitate & humanitate. Maior patet: quia natura Divina est Divinitas, & natura humana est humanitas.

Sequit. 1209. Personam Christi esse compositam ex personalitate Verbi & humanitate. *Ibidem.*

Probatur sequela: Omnis persona, in qua subsistentia siue personalitas non est idem realiter cum natura, est composita ex personalitate & natura, ut patet ex dictis: Sed in persona Christi non est idem realiter personalitas Ver-

bi cum humanitate, ut est evidens: Ergo persona Christi est composita ex personalitate Verbi & humanitate.

Ibidem.

Sequitur 1210. Hanc compositionem, secundum quam Persona Christi dicitur composita, non importare imperfectionem partis.

Probatur sequela: Compositio termini substantialis cum natura non importat imperfectionem partis; quia terminus non habet rationem partis: Sed compositio, secundum quam persona Christi dicitur composita, est tantum compositio termini substantialis, scilicet subsistentiæ cum natura humana per se primò, ex qua sequitur compositio naturæ Divinæ & humanæ, quatenus terminantur eadem personalitate Verbi: Ergo compositio secundum quam persona Christi dicitur composita, non importat imperfectionem partis. Maior est evidens: quia terminus substantialis ut sic non dicit imperfectionem, ut supra dictum est.

Ibidem.

Sequitur 1211. Hanc compositionem non competere personæ Verbi ut sic cum natura Divina.

Probatur sequela: Persona Verbi ut sic non distinguitur realiter à natura Divina, sed tantum virtualiter, imò nec virtualiter per modum excludentis & exclusi, ut supra dictum est: Sed compositio

titio exigit distinctionem extremorum componentium : Ergo persona Verbi secundum se non componitur cum natura Divina.

Sequitur 1212. Personam Verbi ut sic non posse dici compositam. *Ibidem.*

Probatur sequela : Subsistens incommunicabiliter in natura Divina non potest dici compositum , ut patet ex dictis : Sed persona Verbi ut sic non dicit nisi subsistens incommunicabiliter in natura Divina , modo aliàs explicato : Ergo persona Verbi ut sic non potest dici composita.

Sequitur 1213. Hanc compositionem ex Divinitate , naturâ humanâ , & personalitate Verbi , posse dici compositionem ex his , seclusis tamen imperfectionibus partis , &c. *Ibidem.*

Probatur sequela : Tum quia ita loquuntur Concilia & Patres ; tum etiam quia nullum est periculum sic loquendi , si sanus adsit intellectus , & secludantur imperfectiones.

Sequitur 1214. In hac compositione compositum non esse perfectius quolibet extremo componente. *Ibidem.*

Probatur sequela : Quando vnum extremum componens est omnino infinitum , compositum non potest esse perfectius quolibet extremo : Sed vnum extremum componens , scilicet Divinitas

& personalitas Verbi, est quid omnino infinitum: Ergo compositum in hac compositione non est perfectius quolibet extremo componente.

Nec dicas hanc rationem euertere id, quod diximus supra, dum asseruimus Deum non posse in aliorum compositionem venire: tota enim ratio, ob quam id asseruimus est, quia compositio importat imperfectionem partium.

Verum ex professo ibidem diximus Deum non posse in aliorum compositionem venire per modum partium.

p. q. 2. a. 6. Sequitur 1215. Hanc unionem naturæ humanæ cum Verbo, non posse dici essentialem, vel naturalem.

Probatur sequela: Unio, quæ non est facta in essentia vel natura, non potest dici essentialis vel naturalis: Sed unio naturæ humanæ cum Verbo, non est facta in essentia vel natura, ex dictis: Ergo hæc unio naturæ humanæ cum Verbo non potest dici essentialis vel naturalis. Maior patet ex terminis. Minor probata est.

Ibid. Sequitur 1216. Unionem hanc esse substantialem, & personalem.

Probatur sequela: Unio subsistentiæ cum natura est substantialis: Sed unio humanitatis cum Verbo est unio ipsius

D. Thoma Principium. 765

Verbi siue subsistentiæ eius cum humanitate: Ergo est vnio substantialis. Maior patet ex dictis supra: quia subsistentia est terminus substantialis, & dat subsistere substantialiter.

Sequitur 1217. Hanc vnionem nulla ratione posse dici accidentalem.

Ibidem

Probatur sequela: Vnio substantialis nulla ratione potest dici accidentalis: Sed hæc vnio personalitatis Verbi cum humanitate est substantialis: Ergo nulla ratione dici potest accidentalis, ac per hoc excludantur hæreses Nestorij & Theodori Mospuesteni, dicentium hanc vnionem esse secundum inhabitationem, vnitatem affectus, dignitatem, operationem, & æquiuationem siue communicationem nominum.

3 p. q. 21
ar. 5.

Sequitur 1218. Hanc vnionem supponere in Christo aliam ex corpore & anima rationali.

Probatur sequela: Natura humana non potest esse completa, nisi anima sit vnita corpori: Sed vnio subsistentiæ Divinæ cum natura humana supponit naturam completam: Ergo vnio subsistentiæ Divinæ cum natura humana supponit vnionem corporis & animæ. Imò aliàs Christus non esset homo vniuocè cum alijs hominibus.

Sequitur 1219. Hanc vnionem sumi posse vel pro actione vnitiva, vel pro

*Ibid. a. 7.
o 8.*

K K 2

aliquo, quod ad huiusmodi actionem
vnitiuam consequitur.

Probaturs sequela: Quia omnis vnio
potest altero ex his duobus modis sumi:
Ergo & hæc. Aduerte tamen, quòd ma-
gis propriè vnio sumitur pro eo, quod
consequitur.

Ibid. & 1. p. q. 45 ar. 3. 2. contr. gent. cap. 16. In 2. d. 1. q. 1. a. 5. Sequitur 1220. Hanc vnionem siue
vnitionem non esse actionem aliquam
creatam recepram in humanitate.

Probaturs sequela: Omnis actio Dei
est actio increata & immanens in Deo,
nec potest esse nisi solùm virtualiter
transiens; quia Deus non agit actione
formaliter transeunte, vt aliàs proba-
tum est: Sed vnio humanitatis cum
personalitate Verbi est actio Dei, vt pa-
ret; solus siquidem Deus potuit vnire
humanitatem cum personalitate Ver-
bi, vt dictum est: Ergo vnio illa est
actio increata Dei formaliter im-
manens & solùm virtualiter tran-
sians.

Ibid. & in 3. dist. 2. q. 2. a. 2. q. 1. Sequitur 1221. Terminum formalem
huius actionis vnitiuæ non esse quid
accidentale.

Probaturs sequela: Terminus forma-
lis vnionis substantialis & non acciden-
talis debet esse quid substantiale & non
accidentale; denominatur enim actio à
suo termino formali: Sed, ex dictis, hæc
vnio est substantialis, & nullo modo ac-

D. Thome Principium. 767

essentialis : Ergo terminus formalis huius unionis non est quid accidentale , sed substantiale.

Sequitur 1222. Terminum formalem *Ibidem* huius actionis non esse qualitatem, quam nonnulli vocant gratiam unionis.

Probatur sequela : Tum ex iam dictis, quia terminus formalis huius unionis non est quid accidentale , sed substantiale ; Tum etiam quia omnis qualitas supponit esse subiecti, in quo recipitur : ut patet ex dictis in primo principio : Sed terminus formalis huius unionis non supponit esse naturæ humanæ , quæ non potest habere existentiam nisi prius habeat subsistentiam , ut constat ex dictis ; habet autem subsistentiam per hanc unionem : Ergo terminus formalis huius unionis non potest esse qualitas , quæ dicatur gratia unionis.

Sequitur 1223. Terminum formalem *Ibidem* huius unionis non posse esse relationem humanitatis ad Verbum.

Explicatur : Non negamus resultare huiusmodi relationem in humanitate ; sed negamus illam relationem esse terminum formalem unionis.

Probatur sequela ; Tum ex dictis : quia nullum accidens potest esse terminus formalis huius actionis , relatio autem est accidens : Tum etiam, quia ad solam relationem non datur per se actio , sed

solum ad fundamentum ipsius relationis.

Ibidem.

Sequitur 1224. Terminum formalem huius actionis unitivæ non posse esse modum quemdam substantialem ex natura rei distinctum ab humanitate, & realiter distinctum ab ipsa personalitate Verbi.

Probatur sequela : Tum quia, ut statim dicemus, non datur talis modus : Tum etiam quia licet daretur, non posset esse terminus formalis unionis huius. Quod sic ostenditur : Terminus formalis alicuius actionis debet esse id, ratione cuius terminus totalis terminat actionem : Sed modus ille non potest esse id, ratione cuius terminus totalis terminat actionem : Ergo modus ille non potest esse terminus formalis. Minor probatur : Id, ratione cuius terminus totalis terminat actionem unitivam humanitatis cum Verbo, non potest esse aliud, quam ipsa substantia Verbi, ut est evidens ; cum illa unio ad illam terminetur : Ergo, &c. Hæc sequela constabit amplius ex mox dicendis.

Ibidem.

Sequitur 1225. Non posse dari modum unionis creatum, quo humanitas uniatu[r] personalitati Verbi.

Probatur sequela : Actus purus supplet aliquam rationem, quam eminenter formaliter continet, non potest illam supplere mediante aliquo alio.

creato : Sed personalitas Verbi est actus purus supplens subsistentiam creatam, quam eminenter formaliter continet : Ergo non potest illam supplere mediante aliquo alio creato. Maior est evidens exemplo speciei impressæ & expressæ, quam essentia Divina supplet in intellectu beatorum ad visionem beatificam eliciendam ; idcirco enim non potest essentia Divina videri per speciem creatam, quia ipsa essentia est visibilis per modum actus puri, & eminenter formaliter continet omnem rationem speciei. Et ratio est, quia quod est per se primò tale, non potest fieri tale per aliud : Sed subsistentia Divina est per se primò vnibilis per modum actus puri cuilibet naturæ substantiali saltem completæ : Ergo non potest fieri vnibilis per aliquid aliud.

Nec valet, si dicas modum illum vnionis non requiri ex parte personalitatis Verbi, sed ex parte humanitatis, ad hoc ut ex modo illo tamquam fundamento humanitas fiat vnibilis, & resultet in humanitate relatio realis vnionis.

Non valet, inquam, quia humanitas tam est vnibilis per potentiam obedientialem ipsi personalitati Verbi, quam sit vnibilis per potentiam naturalem ipsi propriæ subsistentiæ : nec potest reddi

vnibilis per aliquid creatum, quodcumque tandem ponatur. Modus enim ille, si esset naturalis, non redderet humanitatem magis vnibilem, quam ipsa sit secundum se vnibilis; si autem modus ille esset supernaturalis, non posset immediatè vniri humanitati tamquam reddens illam capacem subsistentiæ; quia ipsa secundum se est immediatè susceptiua illius, cum de intrinseca ratione subsistentiæ, quæ constituit personam, sit, quod sit terminus immediatè naturam completam terminans: hoc autem falsum esset, si modus ille substantialis terminaret immediatiùs naturam, nec subsistentia Divina posset verè suplere vicis subsistentiæ cuiuscunque creatæ.

*D Th 3 p.
q. 2. a. 1 8
et in 3. d.
2 q. 2. a. 2.
q. 3.*

Sequitur 1226. Terminum totalem qui huius vnionis esse personam Verbi ut compositam ex Divina & humana natura, siue ipsum Verbum ut subsistens in natura humana, siue ipsum Christum: atque adeo esse quid includens creatum & increatum.

Probatur sequela: Terminus, qui resultat ex aliqua actione, est terminus totalis illius, ut videtur per se evidens: Sed Christus siue Verbum subsistens in natura Divina & humana est terminus, qui resultat ex vnitione Verbi cum natura humana, ut constat: Ergo Chri-

stus, siue Verbum vt subsistens in humana natura est terminus totalis *qui* unionis.

Sequitur 1227. Terminum formalem & *quo* huius actionis esse ipsam personalitatem Verbi, vt communicatam ipsi humanæ naturæ, ita vt humana natura importetur tantum de connotato.

Probatur sequela: Quod se habet formaliter per modum actus complementis terminum *qui*, est terminus formalis *quo*: Sed personalitas Verbi vt connotans humanitatem se habet formaliter per modum actus complementis terminum *qui* huius actionis; cum hic sit Christus, qui formaliter concipitur compleri per personalitatem Verbi, vt connotat naturam humanam: Ergo personalitas Verbi vt connotans humanitatem tamquam id, cui communicatur, est terminus formalis *quo*.

Confirmatur: quia humanitas non potest esse terminus formalis *quo* huius actionis, nihilque aliud est assignabile; cætera enim omnia iam exclusimus: Ergo sola personalitas Verbi modo prædicto est terminus formalis *quo* huius actionis. Antecedens quoad humanitatem Christi est evidens: quia terminus formalis alicuius actionis ita debet esse proprius illi actioni, vt nulli alteri competat; humanitas verò non est ita ter-

K. 4. 5.

minus actionis unitivæ, ut nulli alteri competat actioni; potest enim terminare generationem, creationem, resurrectionem, ut patet: Dices etiam personalitas Verbi potest terminare aliam actionem, putà assumptionem naturæ Angelicæ, vel alterius.

Sed contra: quia idcirco addidimus personalitatem Verbi, ut connotat humanitatem, cui communicatur, esse terminum formalem, ut per hoc distingueretur hæc actio, eiusque terminus formalis ab alijs actionibus, quibus potest Deus sibi unire alias naturas.

Ubi.

Sequitur 1228. Ex hac actione resultare in humanitate Christi relationem realem unionis ad naturam Divinam.

Probat sequela: Unio est relatio inter unita: Sed ex unitione resultat unio: Ergo ex ea actione siue unitione resultat relatio. Quòd verò hæc relatio sit realis ex parte humanitatis Christi patet: quia ad actionem realem resultat relatio realis, si subiectum sit capax: Sed humanitas Christi est subiectum capax relationis realis ad Verbum; Deus autem, cum sit alterius elevationis ordinis, non est capax relationis realis ad ipsam humanitatem; unde non habet nisi relationem rationis ad illam: Ergo, &c.

Ubi.

Sequitur 1229. Fundamentum huius relationis inter naturam humanam &c.

Divinam esse humanitatem ut assumptam ad unitatem personalem Verbi.

Probatur sequela: Fundamentum omnis unionis est aliqua unitas: Sed in proposito non est alia unitas nisi ipsius esse personalis Verbi: Ergo fundamentum huius unionis est non quidem unitas personalis ipsius Verbi secundum se, quia hæc erat ab æterno, sed unitas personalis Verbi ut terminantis utramque naturam Divinam & humanam: Sed quia tota mutatio se tenet ex parte humanitatis, idcirco magis propriè dicitur, quòd fundamentum huius relationis est ipsa humanitas ut habens unitatem personalem Verbi; mutata siquidem est humanitas per hoc, quòd terminata est per subsistentiam personalem; mutata, inquam, non quasi præexisterit ante hanc terminationem; sed quia si præextitisset verè fuisset in ea facta mutatio.

Dices: Fundamentum & terminus relationis debent realiter distingui: Sed humanitas ut assumpta ad subsistentiam Divinam non distinguitur realiter ab ipsa subsistentia Divina ut communicata ipsi humanitati, secundum quam habeat rationem termini, ut diximus: Ergo humanitas ut assumpta ad subsistentiam Divinam non est fundamentum.

Sed contra ; quia falsa est minor : nam humanitas ut assumpta ad substantiam Verbi importat in recto ipsam naturam humanam , quæ distinguitur realiter à substantia Verbi, quæ importatur tantum in obliquo : At verò substantia Verbi ut communicata humanitati, importat in recto personalitatem Verbi , quæ distinguitur realiter ab humanitate : importata in obliquo tantum. Et hæc distinctio sufficit , imò non potest aliter se habere in omnibus , quæ sunt vnum realiter ; quia fieri vnum cum alio necessario debet importare in obliquo extremum, cum quo aliud sit vnum, quamvis illud extremum ut importatur in recto sit terminus : sicut intellectus Beati fit vnum cum essentia Divina in ordine ad essentiam Divinam ut videndam ; hæc enim unio habet pro fundamento intellectum ut connotat in obliquo essentiam Divinam ; quamvis essentia Divina ut importatur in recto sit terminus eiusdem unionis.

Dices : Ergo sicut intellectus Beati debet perfundi lumine gloriæ ad hoc ut uniatur ipsi essentiæ Divinæ ut speciei , ita humanitas Christi debet perfundi modo quodam substantiali unionis , ut uniatur ipsi substantiæ Verbi.

Sed neganda est paritas : quia intellectus Beati debet uniri cum essentia

Divina in ordine ad agendum sive ad eliciendam visionem beatificam ; unde requiritur vis activa proportionata tum ipsi speciei , quæ est ipsa ratio determinans ad illud obiectum vitaliter supernaturaliter attingendum , tum ipsi visioni eliciendæ : At verò humanitas Christi per unionem cum Verbo non elevatur ad operandum proximè & immediatè , sed elevatur tantùm ad subsistendum : Unde non est necessarium , quòd interveniat modus quidam elevans , imò est impossibile ; quia , ut diximus , ipsa humanitas est immediatè assumptibilis à Verbo ratione potentia obedientialis , quæ potest esse immediatè passiva , non autem potest esse immediatè activa , ut aliàs dicemus.

Dices : Si relatio ex parte Verbi sit tantùm rationis , Verbum non erit homo realiter ; nec erit verum , quod ait D. Thomas 3. p. q. 2. a. 7. ad 3. quod ratione unionis homo est creator Deus.

Sed contra : Quia Verbum non denominatur homo ratione relationis in ipso Verbo existentis , sed ratione relationis in humanitate ipsa existentis : sicut Deus realiter denominatur Dominus non ratione relationis rationis in ipso existentis , sed relatione subiectionis reali in ipsis creaturis existentibus. Adde quòd Verbum dicitur homo non

ratione relationis etiam realis utrumque, sed ratione relationis talis, hoc est, unionis personalis, quæ facit ut sit una & eadem persona subsistens in humana & Divina natura: & hoc est solum, quod dicit & vult D. Th.

Ibidem.

Sequitur 1230. Unionem sumptam pro actione unitiva non distingui ab assumptione nisi penes modum significandi & exprimendi.

Probatur sequela: Unio Verbi cum humanitate, est omnino realiter & formaliter eadem actio, ac ipsa elevatio humanitatis ad esse personale Verbi: Atqui assumptio nihil aliud est, quam elevatio humanitatis ad esse personale Verbi: Ergo utraque est una & eadem indivisibilis actio. Quia tamen unio importat duorum extremorum conjunctionem; assumptio verò significat actionem ut à Deo progreditur, & ad ipsum Deum terminatur, inde fit, quod sit diversus modus significandi & exprimendi.

Ibidem.

Sequitur 1231. Unionem propriè sumptam distingui ab assumptione.

Probatur sequela: Relatio consequens ad actionem distinguitur ab ipsa actione, ut constat: Sed unio propriè sumpta dicit relationem; assumptio vero dicit actionem, ad quam consequitur unio: Ergo unio propriè sumpta

distinguitur ab assumptione. Et verò, quamvis unio etiam quandoque sumatur pro vnitione, significat tamen propriè relationem; assumptio autem semper significat actionem, quâ aliquis dicitur assumens & aliquid dicitur assumptum; & vniens non semper dicitur vnitum, licet Verbum sit vniens & vnitum. Unio etiam vt relatio significatur vt in facto esse, assumptio vt in fieri: unio est relatio æquiparantiæ, quæ vtrumque terminum eodem modo denominat; vnde Divinitas, personalitas Verbi, & humanitas æqualiter dicuntur unitæ: assumptio verò non æqualiter denominat, sed solum denominat subiectum assumptum, & terminum ad quem denominat assumentem; est enim assumptio alicuius ab alio ad se sumptio.

Sequitur 1232. Assumptionis subiectum esse humanitatem. *Ibidem.*

Probatur sequela: Subiectum sumptionis, est quod sumitur, & assumptionis, quod ad se quis assumit: Sed humanitas est quæ sumitur & à Deo ad se siue ad suum esse personale assumitur: Ergo humanitas est subiectum assumptionis.

Sequitur 1234. Terminum à quo assumptionis esse substantiam creatam & propriam, non quæ actu esset, sed. *3 p. q. 4. n. 4. ad. 3.*

quæ debebat esse connaturaliter.

Probatur sequela: Terminus à quo actionis, est ille, qui per actionem vel motum aut quasi motum relinquitur. Sed in assumptione humanitatis terminus, qui per assumptionem relinquitur, est propria subsistentia, quæ debebat esse connaturaliter: Ergo in assumptione terminus à quo est illa subsistentia.

Ibid. in c. Sequitur 1235. Terminum ad quem assumptionis esse personalitatē Divinam ut communicandam humanitati.

Probatur sequela: Terminus ad quem est ille, qui per actionem acquiritur in subiecto: Sed personalitas Verbi est, quæ per actionem assumptionis acquiritur in subiecto: Ergo &c.

3. p. 4. 2. a. 9. Sequitur 1236. Unionem naturæ Divinæ & humanæ in persona Verbi esse maximam omnium creaturarum unionum ex parte personæ, in qua uniuntur.

Probatur sequela: Perfectio unionis, ut unio est, debet peti ex parte unitatis extremorum in eo, in quo uniuntur: Sed unio naturæ Divinæ & humanæ in Christo est perfectissima unionum creaturarum ex parte unitatis personæ, in qua uniuntur: Ergo hæc unio est omnium creaturarum perfectissima. Maior est evidens: quia perfectio unionis petitur ex accessu ad unitatem. Minor pa-

et ex dictis : Unio siquidem naturæ Divinæ cum persona Divina est perfectissima unitas ; unio verò naturæ humanæ cum persona Verbi maximè accedit ad unitatem.

Dices: Unio in natura in ratione unionis est maior , quia facit unitatem naturæ , quæ maior est , quàm unitas in persona : Et sic unio materiæ & formæ erit maior.

Sed contra : Unio in natura non est maior alterâ , nisi id , in quo extrema uniuntur sit simplicius ac magis indivisum in se : Sed unio materiæ & formæ non fit in aliquo , quod sit simplicius ac magis indivisum in se , quàm unio naturæ Divinæ & humanæ in persona Verbi: Ergo unio materiæ & formæ non est maior. Et quidem ex parte naturæ Divinæ maior est unio cum persona Verbi , quia est per identitatem cum sola distinctione virtuali , ex parte autem naturæ humanæ , licet non sit tanta unio cum persona Verbi , quanta est unio naturæ Divinæ , est tamen maior quàm sit unio materiæ & formæ , quia persona Divina communicat naturæ humanæ suam unitatem personalem , quæ maior est.

Sequitur 1237. Unionem naturæ Divinæ & humanæ in persona Verbi esse maiorem etiam in ratione unionis. *Ibid. ad 34.*

quàm sit quæcumque vnitas numeralis.

Probatur sequela: Vnio, quæ facit vnitatem simpliciore, non per participationem, non in alio receptam, sed magis completam, est maior quàm vnitas, quæ non est ita simplex, quæ est per participationem, in alio recepta & incompleta, vt patet ex terminis: Sed vnio naturæ Divinæ & humanæ in persona Verbi facit vnitatem simpliciore, & non per participationem, nec in alio tamquam in subiecto receptam, sed completam; facit enim vnitatem personalem in Verbo, quæ est simplicior, per essentiam, & non receptam, sed completam, vt patet: vnitas verò numeralis est vnitas magis composita; importat enim aut connotat quantitatem, vt patet ex dictis in primo principio; est etiam vnitas per participationem, cum sit vnitas creata; est recepta in substantia materiali, & est incompleta, inquantum est principium numeri; vnde potest habere rationem partis, vt ex ibidem dictis constat: Ergo vnio naturæ Divinæ & humanæ in persona Verbi est perfectior.

Ibid. ad 3.

Sequitur 1238. Vnionem naturæ humanæ cum subsistentia Verbi esse maiorem etiam in ratione vnionis, quàm vnionem cuiuslibet naturæ creatæ cum propria subsistentia.

D. Thoma Principium. 78r

Probatur sequela : Quo terminus vnionis est simplicior, etiam vnio est maior in ratione vnionis; simplicitas enim termini facit ad perfectiorem vnionem: Sed terminus vnionis hypostaticæ est simplicior termino vnionis naturæ cum propria subsistentia; est enim ipsa persona Christi, quæ licet composita ex duabus naturis, nihilominus absolutè simplicior est omni subsistentiâ creatâ; quia est simplex, continens eminenter formaliter omnem omnino perfectionem cuiuslibet unitatis & perfectionis: Ergo &c.

Sequitur 123^o. Vnionem naturæ Divinæ & humanæ cum subsistentia Verbi esse maiorem etiam in ratione vnionis, quàm vnionem essentiae Divinæ in ratione speciei cum intellectus Beati. *Ibid*

Probatur sequela: Vnitas simplicior est maior: Sed vnitas personalis naturæ humanæ in Verbo est simplicior, quàm vnitas essentiae Divinæ cum intellectu beati; hæc enim est tantum in ratione causæ & obiecti, quæ minus simplex est, quàm vnitas esse personalis, vt constat: Ergo vnitas personalis naturæ humanæ in persona Verbi est maior.

Dices: quando vnum extremum sit aliud, maior est vnio, quàm dum quod-

libet extremum manet distinctum realiter: Sed in visione beatifica intellectus fit Deus in esse intelligibili: Ergo &c. R. Maiorem esse falsam, quando unio talis est, ut terminus resultans sit simplicior.

Ibidem.

Quare harum consequentiarum ratio à priori est, quia unitas est entitas cum negatione divisionis in se, & divisionis à quolibet alio: Sed entitas Divinae personalitatis cum negatione divisionis in se & divisionis à quolibet alio est maior, quàm quælibet alia entitas: Ergo, &c.

Sequitur 1240. Unionem naturæ Divinae & humanae in subsistentia Verbi, si consideretur secundum extrema materialiter sumpta, esse quidem omnium perfectissimam ratione naturæ Divinae ac personalitatis Divinae; non tamen ratione naturæ humanae.

Probatür sequela: Natura Divina materialiter sumpta est omnium perfectissima, sicut & subsistentia Divina: natura verò humana secundum se & materialiter sumpta non est omnium perfectissima; natura siquidem Angelica est multò perfectior: Ergo ex parte naturæ Divinae & subsistentiae Verbi illa unio est quidem perfectissima; ex parte verò naturæ humanae minime.

*Ibid. a. 10.
ad 1.*

Sequitur 1241. Unionem hanc in ratione doni esse omnium omnino unio-

nem, quæ dari possunt perfectissimam.

Probatur sequela: Donum ipsius esse personalis Divini est perfectissimum omnium donorum, quia est donum increatum; cætera autem sunt dona creata: Sed donum unionis hyposticæ est donum ipsius esse personalis; cætera verò dona sunt dona creata: Ergo donum unionis hyposticæ est omnium donorum perfectissimum.

Sequitur 1242. Unionem hypostaticam rectè dici posse gratiam. *Eod. ar. 10*

Probatur sequela: Donum gratis datum potest dici gratia: Sed unio hypostatica est donum gratis datum; gratis enim Deus esse personale Verbi communicavit humanitati: Ergo unio hypostatica potest dici gratia.

Sequitur 1243. Posse dici, unionem *Ibidem.* hypostaticam factam esse per gratiam.

Probatur sequela: Voluntas, quæ aliquid gratis datur, & illud ipsum, quod gratis datur, rectè dici potest gratia: Sed unio hypostatica facta est per voluntatem Dei, quæ dat esse personale sui Verbi, & per ipsam esse personale Verbi gratis communicatur: Ergo unio hypostatica potest hoc sensu dici facta per gratiam.

Sequitur 1244. Non posse dici, quod *Ibidem.* unio hypostatica facta sit per gratiam, si nomine gratiæ intelligatur donum ali-

784 *Secundum Doctrinam*

quod creatum supernaturale habituale;

Probatur sequela : Personalitas non vnitur naturæ substantiali completæ mediante aliquo habitu , vel dispositione , imò nec mediante modo , vt supra ostensum est : Sed vnio hypostatica est ipsa personalitas Verbi vt vnita naturæ substantiali completæ , vt probatum est : Ergo non est facta per gratiam siue mediante gratiâ in hoc sensu acceptâ.

Ibid a. 12.

Sequitur 1243. Gratiam vnionis non fuisse Christo vt homini naturalem quasi causatam ex principijs intrinsecis naturæ humanæ.

Probatur sequela : Quod causatur ex principijs intrinsecis naturæ non est vltimo modo gratia , sed potius est debitum singulis individuis illius naturæ : Sed , ex dictis , gratia vnionis est gratia , & non est debita singulis individuis naturæ humanæ : Ergo gratia vnionis non est naturalis quasi causata ex principijs intrinsecis naturæ humanæ.

Ibidem

Sequitur 1244. Gratiam vnionis esse Christo Domino naturalem prout naturale est idem ac à nativitate.

Probatur sequela : Quod convenit à principio conceptionis est hoc sensu naturale : Sed vnio hypostatica convenit Christo à principio conceptionis : Ergo hoc sensu est Christo naturalis.

Ibid.

Sequitur 1245. Gratiam vnionis esse

D. Thoma Præcipuum. 785

Christo ut Deo naturalem, id est, convenire ipsi naturaliter ac necessario, supposito, quod sit Deus.

Probatur sequela : Supposito quod Christus sit Deus & homo non potuit humanitas non esse unita hypostaticè ipsi personæ Divinæ : Sed hoc est gratiam unionis esse Christo naturalem : Ergo, &c.

Sequitur 1246. Absolutè ac simpliciter dici posse, quod gratia unionis est Christo naturalis.

Nid.

Probatur sequela : Quod absolutè simpliciter & necessario convenit supposito, absolutè ac simpliciter potest dici illi naturale : Sed absolutè, simpliciter, & necessario Christo ut supposito convenit gratia unionis; vocamus enim Christum suppositum in natura Divina & humana subsistens : Ergo gratia unionis potest dici absolutè ac simpliciter naturalis Christo.

Sequitur 1247. Nullam gratiam factam esse Christo vel supposito Divino.

Ibidem.

Probatur sequela : Suppositum Divinum est incapax recipiendi gratiam, quia quicquid ei datur est debitum ratione Divinæ naturæ, ex qua tale debitum consequitur : Sed Christus est suppositum Divinum : Ergo, &c.

Sequitur 1248. Gratiam unionis communicatam esse & factam humanitati.

Ibidem.

786 *Secundum Doctrinam*

Probatur sequela: Quia humanitati
ut sic non debebatur.

3 p. q. 3. a.
e. ad. 2. Sequitur 1249. Id, quo Verbum Di-
vinum per se primò terminavit huma-
nitatem, fuisse personalitatem, siue il-
lud, quo Verbum formaliter constitui-
tur in ratione personæ.

Probatur sequela: Quod competit ali-
cui personæ etiam Divinæ quatenus est
persona ab omnibus alijs distincta reali-
ter, competit ipsi ratione suæ proprie-
tatis personalis siue constituentis per-
sonam: Sed terminare, atque, ut sic
loquar, personare humanitatem com-
petit Verbo Divino, quatenus est per-
sona Divina ab omnibus alijs distincta;
aliàs Pater & Spiritus sanctus essent
incarnati, passi, & mortui; quod tam-
quam omnino hæreticum respuendum
est: Ergo terminare humanitatem con-
venit Verbo Divino ratione suæ pro-
prietatis personalis constituentis perso-
nam ipsius. Maior constat ex dictis su-
pra, quia in Divinis omnia sunt vnum,
ubi non obstat relationis oppositio. Mi-
nor est de fide.

2 bidem. Sequitur 1250. Rationem terminan-
di humanitatem non esse subsistentiam
communem & absolutam, etiam prout
est in Filio.

Probatur sequela: Id, quò Filius di-
stinguitur à Patre in ratione personæ,
est

D. Thoma Principium. 787

est id, quo Filius terminat humanitatem: Sed substantia absoluta etiam ut est in Filio non est id, quo Filius in Divinis distinguitur à Patre: Ergo substantia absoluta etiam ut est in Filio, non est id, quo filius terminat humanitatem. Maior probatur: quia Filius terminat humanitatem ut est persona distincta à Patre, ut contra Patropassianos definitum est, atque adeo per illud terminat, per quod distinguitur in ratione personæ. Minor etiam probatur ex dictis supra: Per nullum absolutum etiam ut in persona particulari, una persona distinguitur ab alia; alioquin possemus dicere, quòd Pater distingueretur à Filio per essentiam ut in Patre, & sic de alijs; imò sequeretur, quòd sicut, quæ distinguunt personas, realiter multiplicantur, etiam absoluta ut in distinctis personis multiplicarentur, quòd planè destruit totum mysterium Trinitatis: Sed substantia absoluta est quid absolutum, ut vel ex terminis constat; & ex eo, quòd dicatur ut est in Filio, non definit esse quid absolutum, sicut nec essentia ut in Filio definit esse quid absolutum: Ergo per substantiam absolutam ut in Filio non distinguitur Filius à Patre.

Sequitur 1251. Rationem terminandi humanitatem non esse aliquid co-

Tom. II.

Ll

lescens ex personali & absoluto sive essentiali.

Probatur sequela : Ratio terminandi humanitatem primò & per se ita convenit Verbo, ut nulli alteri personæ primò & per se conveniat : Sed quod coalescit ex absoluto & personali non convenit primò & per se Verbo *Divino*, ita ut nulli alteri primò ac per se conveniat ; nam secundum rationem absolutam primò & per se convenit tribus personis : Ergo quod coalescit ex personali & absoluto non est ratio terminandi humanitatem.

3 p. 9. 3. a.
2. 6. 9. 17.
c. 2.

Sequitur 1252. Licet primò & per se Verbum terminaverit humanitatem ratione alicuius proprietatis personalis, ut probatum est, secundariò tamen terminasse ratione alicuius absoluti, communicando saltem existentiam, quæ est aliquid absolutum.

Probatur sequela : Talis debet esse existentia, qualis est subsistentia, ut supra ostensum est : Sed in Christi humanitate fuit subsistentia Divina : Ergo & existentia Divina : Ergo cum hæc sit tantum quid absolutum, ut supra diximus, existentia absoluta fuit communicata humanitati Christi ; non per se primò, ut patet ex dictis, sed secundariò.

3 p. 9. 3. a.
2. ad. 2.

Sequitur 1253. Verbum Divinum

D. Thoma Principium. 789

terminasse humanitatem per proprietatem relativam.

Probatur sequela : Constitutivum personæ Verbi est proprietas relativa, ut dictum est supra : Sed Verbum Divinum terminavit humanitatem per constitutivum suæ personæ, ut patet ex dictis : Ergo Verbum Divinum terminavit humanitatem per proprietatem relativam.

Sequitur 1254. Verbum Divinum *Ibidem.*
terminasse humanitatem per proprietatem relativam non præcisè ut relatio est, sed quatenus est subsistens substantiâ distinctâ.

Probatur sequela : Constitutivum personæ Verbi non est proprietas relativa præcisè ut relatio, sed ut est substantia distincta ab alijs, ut supra ostensum est : Sed Verbum Divinum terminavit humanitatem per constitutivum personæ Verbi : Ergo terminavit humanitatem per proprietatem relativam non præcisè ut relatio est, sed ut est substantia distincta.

Sequitur 1255. Humanitatem Christi non habere appetitum elicitum in actu secundo in ordine ad propriam substantiam. *3 p. q. 2 a. 2 ad 2. & q. 4 a. 2. ad 2.*

Explicatur : Duplex est appetitus ; alter elicitus, qui est actus alicuius potentiae ; alter innatus, qui est inclina-

tio naturalis in rem, sicut dicimus ignem habere appetitum sive inclinationem ad locum sursum, & lapidem habere appetitum & inclinationem ad locum deorsum: hic autem appetitus naturalis quandoque est tantum in actu primo, sicut quando lapis quiescit in terra nec gravitat; quandoque est in actu secundo, sicut quando lapis gravitat & actu tendit in centrum. Hic tantum loquimur de appetitu elicitio.

Probatur sequela: Omnis appetitus elicitus est inordinatus, qui tendit in minorem perfectionem, dum habet maiorem & infinitam, quæ continet etiam eminenter formaliter illam minorem sibi connaturalem; Est enim inordinatio appetere minus dum habes maius continens etiam illud minus, cum quo est impossibile maius: Sed nullus fuit in Christi humanitate appetitus inordinatus, ut infra dicemus; Et aliunde, ex dictis, substantia Verbi continet eminenter formaliter omnem substantiam creatam: Ergo in humanitate Christi non fuit appetitus, quo cuperet propriam substantiam, cum qua erat impossibilis substantia propria.

Ibidem.

Sequitur 1256. In humanitate Christi non fuisse appetitum etiam naturalem veluti in actu secundo respectu

propriæ subsistentiæ connaturalis.

Probatur sequela : In humanitate Christi nullus fuit appetitus etiam naturalis inordinatus : Sed hic appetitus naturalis velut in actu secundo fuisset inordinatus, ut constat ex dictis : Ergo hic appetitus non fuit in humanitate Christi.

Sequitur 1257. In humanitate Christi fuisse appetitum sive inclinationem radicalem & in actu primo respectu propriæ subsistentiæ. *Ibidem.*

Probatur sequela : Quia hæc inclinatio est omnino naturalis, nec est vlllo modo inordinata ; est enim tantum ipsa natura humana, quatenus ex illa, si non esset terminatâ subsistentiâ Verbi, resultaret subsistentia propria.

Sequitur 1258. Verbum assumpsisse 3. p. q. 5. *4. 2.* verum corpus humanum eiusdem rationis cum corporibus cæterorum hominum, quantum ad essentiam corporis humani.

Probatur sequela : Qui assumit naturam humanam completam, perfectam, & integram, assumit corpus humanum eiusdem essentialiter rationis cum nostro ; quia hoc corpus est de essentia naturæ humanæ physicè considerata : Atqui Verbum Divinum assumpsit naturam humanam veram, completam, perfectam & integram, ut con-

stat ex dictis : Ergo assumpsit verum corpus eiusdem essentialiter rationis cum nostro.

*Ibid. ar. 3.
et 4.*

Sequitur 1259. Verbum Divinum assumpsisse animam rationalem, quæ simul fuit sensitiva & vegetativa cum omnibus potentijs ad illam consequentibus.

Probatur sequela : Quia etiam anima rationalis simul sensitiva & vegetativa est pars essentialis humanæ naturæ, & ad illam omnes illæ potentie tamquam proprietates consequuntur, ut diximus in primo principio.

*D. Thom.
in 4. dist.
64 q. 1. a.
2 q. 4. 3. p.
q. 54 a. 2.
ad 3.*

Sequitur 1260. Verbum Divinum assumpsisse quatuor humores, sanguinem, pituitam, coleram, melancholiam.

Probatur sequela : Quæ sunt de veritate & integritate naturæ humanæ fuerunt assumpta à Verbo Divino : Sed hæc omnia sunt de veritate & integritate naturæ humanæ : Ergo sunt assumpta à Verbo Divino. Maior probatur quia ex dictis Christus assumpsit veram & integram naturam humanam : Sed non potuit assumere veram & integram naturam humanam, nisi assumpserit quæ sunt de veritate & integritate naturæ humanæ : Ergo assumpsit quæ sunt de veritate & integritate naturæ humanæ. Minor verò probatur, tum ex dictis in

D. Thoma Principium. 793

no principio, quia sanguis & alij
nores animantur anima rationali :
etiam quia hi humores resurgent
resurrectione generali : tum denique
ia corpus humanum non potest esse
cum & integrum, nisi componatur
illis quatuor humoribus ; vnde etiam
statu innocentiae fuissent. Adde quoad
guinem, negari omnino non posse ali-
em sanguinem fuisse à Verbo assum-
um : In Scriptura enim, & in Conci-
js hoc manifestè indicatur. Denique si
i triduo mortis Christi, Eucharistia
uisset confecta, sub speciebus vini fuisset
et persona Verbi per concomitantiam.

Sequitur 1261. Verbum Divinum
assumpsisse spiritus vitales, & animales, *Ibid 6. 1.*
capillos, ungues, dentes, imò etiam hu- *p. 9 27. a.*
mores illos, quos medici vocant rorem *2.*
& cambium.

Probatur sequela : Quia ista omnia
sunt de veritate & integritate naturæ
humanæ, imò & vivunt vita vegetatiua,
vnde & crescunt per intus-suceptionem
& functionum vitalium sunt instrumen-
ta sine dubio animata.

Sequitur 1262. Verbum Divinum *3. p. 9 80.*
non assumpsisse sanguinem nutrimenta- *a. 3.*
lem, & alios humores, qui non sunt
de integritate naturæ humanæ.

Prob. sequela : Quia Verbum non
assumpsit nisi quæ sunt de integritate

naturæ humanæ : Ista autē non sunt, &c.

3. p. 96 a. Sequitur 1263. Ordine durationis
1. & 3. & nullam partem prius fuisse assumptam
quam aliam.

Probatur sequela : Quæ conveniunt partibus non secundum quod partes sunt , sed ratione totius , non prius ipsis conveniunt , quàm toti , sicut subsistere, existere, &c. Sed assumi non convenit partibus nisi ratione totius , quia assumi est subsistere subsistentiâ Verbi : Ergo non prius tempore vel duratione convenit vni parti quàm toti naturæ. Hinc habes, quòd anima non prius tempore fuit assumpta , quàm caro , nec caro prius quam animâ fuerit informata.

Ibid. Sequitur 1264. Ordine dignitatis prius assumptam fuisse animam , quàm carnem.

Probatur sequela : Ordine dignitatis illud est prius , quod est dignius, & magis appropinquat dignissimo : Sed anima est dignior carne , & magis appropinquat Verbo assumpti : Ergo ordine dignitatis prius assumpta est anima quàm caro.

Ibidem Sequitur 1265. Ordine causalitatis assumptam fuisse carnem mediante anima.

Probatur sequela : Quod est in nobiliori genere causæ est absolutè ac simpliciter prius : Sed anima est in nobiliori.

genere causæ, tum quia est causa formalis, tum quia est finis: Ergo est absolute ac simpliciter prior & magis assumptibilis secundum congruentiam, quam caro; quæ cum non habeat quod sit humana nisi ratione animæ, etiam non est assumptibilis nisi ratione animæ.

Sequitur 1266. Carnem non fuisse *ibidem* assumptam mediante anima tamquam quodam veluti vinculo & glutino, sed solum quia est forma & finis quodammodo.

Probatur sequela: Quod est medium unionis tamquam glutinum aut vinculum immediatius unitur, quam extrema, quæ uniuntur, ut patet experientia: Sed anima non unitur Verbo immediatius, quam caro, cum tota natura humana æquè immediatè uniatur: Ergo non fuit glutinum in unione seu assumptione carnis.

Sequitur 1267. Carnem non fuisse *ibidem* assumptam mediante anima tamquam medio *quod*, sed tantum tamquam medio *quo*.

Probatur sequela: Quod non subsistit *ut quod*, non assumitur à Verbo tamquam medio *quod*, ut patet: Sed anima in corpore existens non subsistit *ut quod* in actu secundo, sed tantum subsistit *ut quo* tota natura subsistit, & subsistit *ut quod* in potentia dumtaxat,

inquantum potest etiam separata subsistere : Ergo anima non fuit medium *quod* , sed tantum medium *quo* . Maior est evidens : quia Verbum supplet vi-ces subsistentiæ creatæ , ut sæpius diximus.

Ibid. ar. 2. Sequitur 1268. Animam fuisse quodammodo assumptam mediante spiritu.

Explicatur : Anima rationalis est forma corporis , & sic dicitur anima , quia animat & informat ; dicitur autem spiritus , quia est intellectualis.

Probatur sequela : Quod est ratio assumendi alterum , quodammodo prius assumitur , quàm alterum : Sed spiritus siue intellectualitas fuit ratio secundum congruentiam assumendi animam : Ergo spiritus fuit quodammodo prius assumptus , quàm anima . Minor probatur : quia congruentia cur natura humana fuerit assumptibilis potius quàm aliæ naturæ , est quia ipsa est intellectualis , ut supra diximus.

Ibid. ar. 5. Sequitur 1269. Absolutè ac simpliciter partes fuisse assumptas mediante totâ naturâ humanâ.

Probatur sequela : Illud , quod prius vnitur , est quo mediante cætera vniuntur : Sed tota natura humana est illud , quod prius vnitur : Ergo , &c. Probatur minor : Illud est absolutè ac simpliciter prius , quod secundum intentionem

operantis est prius : quia finis , cuius est intentio , est simpliciter prima omnium causarum : Sed in assumptione attenditur maximè intentio assumentis , quia tota ratio facti est potentia facientis : Ergo in assumptione illud est absolutè ac simpliciter prius , quod est prius secundum intentionem Dei : Sed secundum intentionem Dei assumentis prior est assumptio totius naturæ quàm partium ; quia partes non assumuntur nisi ratione totius : Ergo, &c.

Sequitur 1270. Secundum ordinem *Ibidem.* executionis etiam totam naturam fuisse prius assumptam *ut quod* assumebatur , quàm partes sigillatim sumptas.

Probatur sequela : Ordine executionis illud assumitur prius *ut quod* , quod prius subsistit *ut quod* ; cum assumptio sit ad subsistentiam : Sed tota natura prius subsistit *ut quod* ; partes enim tantum subsistunt , *ut quo* : Ergo ordine executionis tota natura prius est assumpta *ut quod*.

Sequitur 1271. Secundum ordinem *Ibidem.* executionis partes, *ut quo* , fuisse prius assumptas , quàm totam naturam.

Probatur sequela : Id , quo aliquid subsistit & fit capax subsistendi , secundum ordinem executionis & *ut quo* prius assumitur quàm tota natura , quæ fit capax subsistendi : sed partes sunt id.

quo tota natura subsistit, siue quo fit capax subsistendi ordine executionis; nisi enim partes concurrerent ad componendum totum, totum non coalesceret, nec proinde esset capax subsistendi: Ergo partes *ut quo* secundum ordinem executionis prius assumuntur quam totum.

Ibid. a. 6. Sequitur 1272. Naturam humanam non fuisse assumptam mediante gratia habituali tamquam dispositione antecedente.

Probatur sequela: Omnis dispositio antecedens prius etiam tempore existit in subiecto, quam forma, ad quam est dispositio; per hoc enim distinguitur à dispositione concomitante: Sed nullum accidens, atque adeo nec gratia habitualis, potuit prius existere in humanitate Christi, quam ipsa assumeretur à Verbo; fuit enim assumpta simul & producta: Ergo gratia habitualis non potuit esse dispositio antecedens ad assumptionem.

Ibid. ad 1. Sequitur 1273. Nullam potuisse dari dispositionem physicam & realem ad assumptionem.

Probatur sequela: Nulla potest dari dispositio physica & realis ad esse Divinum; quia omnis dispositio dicit ordinem consequentiæ ad id, ad quod est dispositio; nihil autem potest dicere hu-

iusmodi ordinem respectu esse Divini etiam personalis : Sed dari dispositionem physicam ad assumptionem, est dari dispositionem physicam ad esse Divinum personale : Ergo nulla potest dari dispositio physica ad assumptionem.

Sequitur 1274. Gratiam habitualement non fuisse dispositionem moralem ad assumptionem. *Ibidem.*

Probatur sequela : Dispositio moralis, est, quæ mouet agens, vt intuitu illius ponat formam : Sed nulla gratia habitualis quantumcumque intensa potuit mouere Deum ad assumendam naturam humanam, in qua erat talis gratia ; imò potius ex eo, quòd Deus voluit assumere ipsam naturam humanam, motus est ad dandam tantam gratiam, vt supra indicavimus & fusiùs infra dicetur : Ergo, &c.

Sequitur 1275. Gratiam habitualement fuisse veluti dispositionem congruam concomitantem. *Ibidem.*

Explicatur : Solùm volumus, quòd gratia habitualis fuit dispositio congrua hoc sensu, quòd congruum erat, vt Deus illi homini Christo daret gratiam habitualement.

Probatur sequela sic explicata : Id, quod se habet ad modum proprietatis, est dispositio congrua concomitans : Sed gratia habitualis se habet respectu gratiæ.

te; vel per ipsam executionem, dum experimentaliter videmus, quæ Deus operatur. Porro nihil aliud ex revelatione, vel ex eo quod factum est, colligere possumus, nisi quòd Deus voluit ostendere gloriam suam reparando genus humanum per Incarnationem Filij suij; atque ita debemus hoc asserere.

Sequitur 1277. Incarnationem in genere causæ finalis & ordine intentionis, prius esse volitam à Deo, quam quæcumque alia creata. *Ibidem.*

Probatur sequela: Medium magis conducens ad primum ac principalem finem, est in ordine intentionis prius volitum omnibus alijs: Sed Incarnatio Verbi est medium magis conducens ad gloriam Dei, quàm quæcumque alia creata: Ergo Incarnatio est prius volita omnibus alijs ordine intentionis. Maior est evidens: quia medium magis conducens ad principalem finem, habet rationem finis respectu aliorum. Minor patet etiam ex dictis: quia magis manifestatur gloria Dei solo opere Incarnationis, quàm per quæcumque alia creata vel creabilia.

Sequitur 1278. Etiam si Incarnatio *Ibid. a. 3^o* fit prius volita in ordine intentionis, *ad 4^o* potuisse nihilominus in ordine executionis aliquid esse prius volitum.

Probatur sequela ex dictis in primo

intrinsecè includuntur vel supponuntur ad illa : Sed satisfactio pro peccatis & reparatio generis humani sunt media priùs in executione volita ; & hæc supponunt intrinsecè permissionem peccati , vt patet ex dictis : Ergo permissio peccati est ordine executionis priùs volita.

Sequitur 1281. Priùs esse prævisum *Ibid. 47. 3.* peccatum originale in genere causæ materialis & occasionalis , quàm volita sit Incarnatio absolutè ac simpliciter secundum omnes circūstantias.

Probatur sequela : Peccatum , cuius permissio est priùs volita in ordine executionis , est priùs prævisum in genere causæ materialis & occasionalis , quàm satisfactio pro illo peccato , & reparatio damni illati per illud peccatum : Sed permissio peccati originalis est priùs volita in ordine executionis , quàm satisfactio pro peccato , & reparatio generis humani , ex dictis : Ergo peccatum est priùs prævisum in genere causæ materialis & occasionalis. Maior est evidens : impossibile siquidem est , velle satisfactionem pro peccato , & reparationem damni illati per illud , nisi peccatum tamquam causa materialis & occasionalis illius satisfactionis & reparationis prævideatur.

Sequitur 1282. Idem omnino dicen- *Ibid. 48.*

dum esse de omnibus peccatis, pro quibus est volita satisfactio & reparatio.

Probatum sequela eadem ratione.

Ibidem.

Sequitur 1283. Idem dicendum esse de alijs, quæ ad illa peccata supponuntur.

Probatum sequela: Quia, quæ supponuntur ad aliquid, quod prius prævidetur, etiam prius prævidentur in eodem genere: Sed ista supponuntur ad illa peccata: Ergo etiam prius prævidentur.

Ibidem.

Sequitur 1284. Etiam omnia peccata hominum actualia prius fuisse prævisa.

Probatum sequela: Peccata omnia, pro quibus exhibenda erat satisfactio fuerunt prius prævisa antequam volita sit satisfactio: Sed satisfactio Christi exhibenda erat pro omnibus peccatis actualibus omnium hominum: Ergo omnia peccata actualia omnium hominum prius fuerunt prævisa, quàm sit volita satisfactio pro illis.

Ibidem.

Sequitur 1285. Huiusmodi peccata fuisse prævisa in particulari & secundum omnes circumstantias.

Probatum sequela: Peccata, pro quibus in particulari & secundum omnes circumstantias exhibenda erat satisfactio, debuerunt esse prævisa in particulari & secundum omnes circumstantias, antequam decerneretur illa satisfactio.

pro illis in particulari & secundum omnes circumstantias; Iniustum enim esset exigere ac decernere satisfactionem ut de facto exhibendam pro peccatis in particulari, nisi & ipsa peccata essent ad minus praevisa in particulari: Sed satisfactio Christi exhibenda erat pro omnibus peccatis in particulari & secundum omnes circumstantias: Ergo peccata praevisa erant in particulari & secundum omnes circumstantias. Enimvero falsò aliqui imaginantur, Deum praevidere in generali res, & non in particulari: quia cum intellectus Divinus non abstrahat, sed omnia & singula comprehensivè cognoscat, omnia praevidet in particulari, ut aliàs diximus.

Sequitur 1286. Prævisum etiam fuit *Ex iisdem* se peccatum Angelorum ut circumstan- *locis.* tiam prius in genere causæ materialis & occasionalis, quàm decreta sit Incarnatio in satisfactionem peccati hominum.

Probatur sequela: Omnes circumstantiæ peccati hominum sunt praevisæ: Sed peccatum Angelorum est circumstantia peccati hominum: Ergo peccatum Angelorum fuit etiam praevisum.

Sequitur 1287. Totum ordinem natura- *Ibidem.* lem fuisse etiam praevisum in genere causæ materialis.

Probatur sequela: Præviso compre-

hensivè aliquo , prævidentur omnia intrinsecè involuta vel supposita ; aliàs illud non prævideretur comprehensivè : Sed totus ordo naturalis involuitur vel supponitur ad peccata hominum , ut constat ; debent enim supponi homines & objecta atque occasiones peccatorum : Ergo totus ordo naturæ debet etiam prævideri.

Ibidem.

Sequitur 1288. Quod si Incarnatio Verbi Divini volita sit & decreta in satisfactionem peccatorum & reparationem generis humani , ex vi huius decreti non fuisset incarnatio , nisi fuisset peccatum saltem originale.

Probat sequela : Quod est volitum & statutum supposito aliquo alio , ex vi huius volitionis & decreti non erit , si illud , quo supposito est volitum , non fuerit : Sed si Incarnatio volita sit in satisfactionem peccatorum & reparationem generis humani , est volita supposito peccato saltem originali : Ergo si peccatum originale non fuisset , Incarnatio quoque non fuisset.

Ibidem.

Sequitur 1289. De facto Incarnationem non futuram , si Adam non peccasset , ex vi præsentis decreti , quantum nobis innotescit.

Probat sequela : Incarnatio non esset futura nisi esset volita à Deo : Sed ex vi præsentis decreti non est volita

nisi in remedium peccati, quod remedium non esset, si peccatum Adami non fuisset, ut constat: Ergo ex vi præsentis decreti non esset futura Incarnatio, si peccatum Adami non fuisset.

Sequitur 1290. Afferere, quòd ex vi alterius decreti in Deo latentis, Incarnatio esset futura, etiamsi Adam non peccasset, esse prorsus devinare, & ariolari.

*Ibid. & 1.
4. in cap.
1. 1. ad
Thom.*

Probatur sequela: Afferere rem prorsus ignotam & latentem est devinare & ariolari: Sed quòd ex vi alterius decreti Incarnatio futura esset, etiamsi Adam non peccasset, est res prorsus ignota & latens: Ergo, &c.

Sequitur 1291. Falli eos, qui afferunt, Incarnationem primò fuisse decretam & volitam in communi, abstrahendo à carne passibili vel impassibili, & deinde præviso peccato fuisse decretam ut futuram in carne passibili.

*3 p. qu. 1.
4 2.*

Probatur sequela: Quia, ut diximus supra, quoties Deus decernit efficaciter, decernit rem secundum omnes circumstantias, & non in abstracto; definit enim sicut cognoscit: Atqui Incarnatio fuit à Deo decreta efficaciter: Ergo fuit decreta secundum omnes omninò circumstantias.

Sequitur 1292. Decretum de Incarnatione Verbi simul omninò fuisse

Ibidem.

cum præscientia peccati , & alijs omnibus , quantum ad durationem realem , & etiam quantum ad instans rationis *in quo* ; totam autem prioritatem , quæ in-
cruenit fuisse prioritatem instantis *à quo*.

Explicatur ex dictis supra cum de voluntate, præscientia , & prædestinatione actum est : Inter actus Divini intellectus & Divinæ voluntatis nulla est prioritas instantis *in quo*, sed tantum prioritas virtualis instantis *à quo* , in quantum vnus actus est ratio & causa virtualis alterius , & vnum obiectum vnus actus dependet ab alio secundum Dei voluntatem : Quando enim vnus actus virtualiter distinguitur ab alio , & est causa virtualis alterius , tunc dicitur prior, non quasi sit aliquod instans, *in quo* vnus actus sit vel concipiatur esse , & alius actus non sit , vel concipiatur non esse. Similiter quando ex parte obiecti vnus actus dicitur prior alio , non est quod vnus actus sit vel concipiatur esse circa vnum obiectum , & non sit vel concipiatur non esse circa aliud ; sed solum est , quod vnum obiectum est ratio alterius. Atque ita quando dicimus præscientiam peccati originalis fuisse priorem in Deo ipso decreto Incarnationis , nolumus , quod in aliquo signo etiam rationis secundum instans *in quo* , concipiatur esse

præscientia Dei respectu peccati, & decretum de Incarnatione concipiatur non esse; sed solum sensus est, quod Deus noluit Incarnationem, nisi ad suam gloriam manifestandam per reparationem generis humani, & remedium peccati; ita ut gloria per hæc manifestanda fuerit ratio Incarnationis, sicut finis est ratio volendi media ad finem illum ordinata: atque ita Incarnatio, ut volita est à Deo, dependebat à gloria Dei tamquam à fine, & à peccato tamquam à causa materiali & occasionali, per quam Deus voluit manifestare gloriam suam, decernendo Incarnationem in remedium peccati. Unde in genere causæ finalis dicitur prius volita Incarnatio; & in genere causæ materialis & occasionalis dicitur prius permissum & præscitum peccatum.

Ex his iam patet sequela: Nulla prioritas potest esse in Deo, nisi prioritas instantis à quo: Sed prioritas ista, quæ præscientia peccati originalis dicitur prior Incarnatione, est in Deo: Ergo non potest esse prioritas nisi instantis à quo.

Sequitur 1293. Remedium peccati originalis fuisse principalius motivum Incarnationis. *D. Thom.* 3 p. q. 1. art. 4.

Explicatur: Non intendimus dicere, quod Incarnatio fuerit decreta in re-

810 *Secundum Doctrinam*

medium peccati tamquam propter causam finalem principalem ; hæc enim fuit gloria Dei : sed solum intendimus, quòd gloria Dei ut manifestanda per remedium peccati originalis fuit principalior finis , quàm eadem gloria ut manifestanda per remedium peccatorum actualium.

Probatur sequela : Bonum universalius, & consequenter Divinius, est principalius intentum , Sed remedium peccati originalis , sive gloria Dei ut manifestanda per remedium peccati originalis est bonum universalius , & consequenter Divinius , utpote bonum totius generis humani ; remedium autem peccatorum actualium non est ita universale , ut constat ex dictis supra : Ergo remedium peccati originalis fuit principalius motivum Incarnationis.

Ibidem.

Sequitur 1294. Remedium peccatorum actualium fuisse etiam motivum principale , sed minus , ipsius Incarnationis.

Probatur sequela : Quia etiam gloria Dei ut manifestanda per remedium peccatorum actualium fuit finis principalis , licet minus, ipsius Incarnationis, ut constat ex dictis.

Ibidem.

Sequitur 1295. Si solum peccatum originale fuisset , & non actualia ; vel sola actualia sine originali , Verbum Divinum

D. Thomæ Principium. 811

Divinum non fore incarnandum ex vi præsentis decreti.

Probatur sequela : Ex vi alicuius volitionis non fit effectus deficiente motivo adæquato : Sed ex dictis motivum adæquatum volitionis & decreti de Incarnatione Verbi fuit gloria Dei vt manifestanda per remedium peccati originalis & actualis : Ergo ex vi huius decreti non fuisset facta Incarnatio deficiente altero ex his motivis.

Quid verò futurum esset ex vi alterius decreti , si quæretur , Respondendum est futurum quod Deus voluisset ; neque alia responsio potest cum fundamento dari.

Sequitur 1296. Christum esse personam subsistentem in duabus naturis Divina scilicet & humana.

D. Th.
3. p. q. 2.
a. 4 in 3.
d. 6. q. 2. a.
3.

Probatur sequela : Verbum Divinum ab æterno subsistit in natura Divina , & per Incarnationem subsistit in natura humana , vt diximus supra : Sed Christus est ipsa persona Verbi : Ergo Christus est persona subsistens in natura Divina & humana.

Sequitur 1297. Christum esse personam infinitæ dignitatis.

Opusc. 20.
lib. 2 cap.
12. 13. 14.
15.

Probatur sequela : Verbum Divinum est persona infinitæ dignitatis : Sed Christus est Verbum Divinum subsistens in natura Divina & humana :

812 *Secundum Doctrinā*

Ergo est persona infinitæ dignitatis.

3 p. q. 1. a.

2. ad. 2.

Sequitur 1298. Christum Dominum potuisse Deo satisfacere pro peccatis.

Probatur sequela: Persona subsistens in natura humana potuit Deo satisfacere pro peccatis: Sed Christus est persona subsistens in natura humana: Ergo potuit Deo satisfacere pro peccatis. Maior constat: quia licet illa persona sit Divina, & sic satisfaciat sibi ipsi ut Deo; nihilominus ratione humanæ naturæ, in qua subsistit, est ibi sufficiens distinctio ad hoc ut satisfaciat: ut enim fiat satisfactio sufficit distinctio vel in natura vel in persona, ut aliàs ostendemus, quia sufficit, quòd iustitia, cuius actus est satisfactio, sit ad alterum aliquo modo.

Abidem.

Sequitur 1299. Christum Dominum potuisse Deo satisfacere pro peccatis ad æqualitatem.

Probatur Sequela: Persona infinitæ dignitatis potest satisfacere Deo pro peccatis ad æqualitatem: Sed Christus Dominus est persona infinitæ dignitatis: Ergo potest Deo satisfacere pro peccatis ad æqualitatem. Maior probatur; quia infinita dignitas personæ dignificat ipsam satisfactionem: sicut enim gravitas offensæ petitur ex dignitate personæ offensæ, ita dignitas satisfactionis petitur ex dignitate personæ sa-

D. Thoma Principium. 813

satisfaciens; Cuius ratio est, quia ipsa persona satisfaciens ingreditur intrinsicè, moraliter tamen, ipsam satisfactionem, inquantum est actio reflexiva supra suppositum satisfaciens: quod ut intelligatur, Advertendum est, actionem aliquam esse reflexivam supra suppositum, non esse solum, quòd illa actio eliciatur à persona; hoc enim convenit omnibus omnino actionibus illius, etiam si non sint reflexivæ supra suppositum; sed hæc reflexio consistit in hoc, quòd actio elicità à persona subijciat alteri eandem personam ratione illius actionis & principij elicientis ipsam; eo enim ipso, quòd actio illa elicità à persona subijcit illam eandem personam alteri, illa actio reflectit se supra personam, quippe quæ non solum est illius actionis principium, sed etiam obiectum ingrediens & dignificans illam actionem.

Sequitur 1300. Christum Dominum *ibidem* potuisse satisfacere Deo pro peccatis ex toto rigore iustitiæ.

Probatur sequela: Qui satisfacit nedum satisfactione ad æqualitatem, sed satisfactione infinita, satisfacit de toto rigore iustitiæ: Atqui Christus potuit satisfacere Deo nedum ad æqualitatem, sed etiam satisfactione infinita: Ergo potuit satisfacere Deo pro peccatis om-

M m 1

814 *Secundum Doctrinam*

nium hominum de toto rigore iustitiæ.

3. p. 9 46.

a. 1 & 49.

4. 5.

Sequitur 1301. Christum de facto sic satisfecisse pro peccatis.

Probatur sequela: Christus Dominus implevit illud, propter quod Verbum Divinum homo factus est: Sed, ex dictis, Verbum Divinum factus est homo maximè ut satisfaceret de rigore iustitiæ pro peccatis: Ergo de facto Verbum Divinum in humana natura, sive Christus, de facto satisfecit pro peccatis ad æqualitatem, & de toto rigore iustitiæ.

Ibidem.

Sequitur 1302. Christum Dominum esse verè Redemptorem.

Probatur sequela: Qui satisfacit pro peccatis est verè Redemptor: Sed Christus Dominus satisfecit pro peccatis, imò & ad hoc venit in mundum: Ergo est verè Redemptor. Maior constat; quia per peccatum homo fit servus & captivus Diaboli; unde quando fit satisfactio pro peccatis, homo verè redimitur ab illa captivitate.

De verit

q. 29 a. 8.

Sequitur 133. Christo Domino fuisse debitas omnes perfectiones & gratias, quæ non importabant imperfectionem repugnantem personalitati Divinæ, vel officio Redemptoris.

Probatur sequela: Personæ infinitæ sunt debitas omnes perfectiones, quæ ipsi & officio eius non repugnant: Sed

D. Thoma Principium. 815

Christus est persona infinita: Ergo Christo sunt debitæ omnes perfectiones non repugnantes personæ ipsius & officio Redemptoris.

Sequitur 1304. Christo debitam fuisse gratiam habitualement. 3. p. q. 7. a.
1. de ven

Probaturs sequela : Christo sunt debitæ omnes perfectiones non repugnantes personalitati ipsius & officio Redemptoris : Sed gratia habitualis non repugnat ipsius personalitati , nec officio Redemptoris : Ergo gratia habitualis fuit debita Christo. q. 19 ar. 3.

Sequitur 1305. Gratiam habitualement fuisse in Christo à principio Incarnationis. 3 p. q. 7. a.
12.

Probaturs sequela : Quod fuit debitum Christo , fuit in ipso à principio Incarnationis : Sed gratia habitualis fuit debita Christo : Ergo fuit in Christo à principio Incarnationis. Maior est certa: quia quicquid fuit debitum Christo , fuit ipsi collatum statim vbi fuit Christus , nisi repugnaret officio Redemptoris : sed gratia non repugnabat officio Redemptoris, imò verò erat valde ipsi conveniens , vt posset connaturaliter elicere actiones supernaturales : Ergo , &c.

Sequitur 1306. Gratiam habitualement contulisse ipsi Christo effectum suum formalem primarium , qui est reddere 3. p. q. 7.
a. 1. ad 1.

316 *Secundum Doctrinæ*

subiectum formaliter gratum Deo.

Probatur sequela : Omnis forma in subiecto existens confert illi suum effectum formalem primarium ; quippe qui non est aliud , quàm ipsa forma ut communicata subiecto : Sed effectus formalis primarius gratiæ est reddere subiectum gratum Deo , ut supra diximus : Ergo gratia habitualis reddidit Christum Deo gratum.

¶ p. 9.34
c.1.

Sequitur 1307. Christum Dominum : fuisse etiam sanctum & gratum Deo per ipsam unionem hypostaticam.

Probatur sequela : Sanctitas substantialis magis reddit sanctum & gratum Deo , quàm quæcumque sanctitas & gratia per participationem : Sed in Christo fuit sanctitas substantialis per unionem hypostaticam : Ergo Christus fuit sanctus & gratus Deo per unionem hypostaticam. Maior est evidens : si enim id , quod est per participationem præstat aliquem effectum , multò magis hoc præstat id , quod est per essentiam , seclusis imperfectionibus. Minor est etiam certa : quia in Christo fuit personalitas Verbi primariò & secundariò Divinitas : Sed utraque est sanctitas substantialis & per essentiam , ut est omnino certum : Ergo in Christo fuit sanctitas substantialis & per essentiam.

Abstem.

Sequitur 1308. Hanc sanctitatem non :

tantum fuisse huiusmodi radicaliter sed formaliter.

Explicatur: Dupliciter potest intelligi, quod personalitas Verbi & Divinitas per unionem sanctificent naturam humanam; primo radicaliter, quatenus sunt radix gratiae sanctificantis & habitualis; Secundo formaliter, non quod sint formae inherentes ipsi humanitati, hoc enim implicat; sed quod etiam si non inhaereant, quia tamen uniuntur hypostaticè, eo ipso reddant ipsam naturam humanam sanctam, id est mundam, applicatam Deo firmiter & inconcusse, ita ut etiam seclusa gratia habituali verè natura humana in Christo fuisset omninò impeccabilis; munda, & applicata Deo cum omnimoda firmitate.

Probatur ergo sequela: Natura munda impeccabilis, firmiter applicata Deo & cultui Divino est formaliter sancta, & non tantum radicaliter: Sed natura humana per unionem hypostaticam, sive per terminum huius unionis, qui est personalitas Verbi & Divinitas, fuit formaliter munda, impeccabilis, applicata firmiter Deo & cultui Divino: Ergo natura humana per unionem hypostaticam fuit formaliter sancta. Maior est definitio sanctitatis. Minor patet ex dictis: quia munditia, & impeccabilitas, & applicatio ad Deum cum firmi-

318 *Secundum Doctrinam*

tate, non potest esse maior, quam per hoc, quod homo sit Deus.

3. p. q. 6. a.
6. ad 1.

Sequitur 1309. Hanc sanctitatem esse substantialem.

Probatur sequela: Qualis est unio naturæ humanæ cū Deo, talis est hæc sanctitas: Sed unio hypostatica est unio substantialis naturæ humanæ cum Deo, ut diximus: Ergo & sanctitas est substantialis.

Ibid.

Sequitur 1310. Humanitatem Christi fuisse formaliter gratam Deo per unionem hypostaticam.

Probatur sequela: Natura formaliter sancta, est etiam formaliter grata Deo; sanctitas enim non potest non esse grata Deo: Sed natura humana fuit formaliter sancta per unionem hypostaticam, ex dictis; Ergo fuit etiam formaliter grata Deo.

Ibidem.

Sequitur 1311. Hanc gratiam, quæ humanitas est grata Deo per unionem hypostaticam, posse dici gratiam substantialem.

Probatur sequela: Qualis est sanctitas, talis est gratia: Sed sanctitas est substantialis in Christo: Ergo & gratia.

Ibidem.

Sequitur 1312. Hanc sanctitatem & gratiam esse supernaturalem.

Probatur sequela: Sanctitas & gratia substantialis est supernaturalis, & est radix totius supernaturalitatis: Sed san-

Etas & gratia per vnionem hypostaticam conueniens Christo est substantialis : Ergo & supernaturalis.

Sequitur 1313. Hanc sanctitatem & *Ibidem.*
gratiam substantialem Christi reddere naturam humanam substantialiter impeccabilem.

Probatur sequela : Munditia substantialis reddit substantialiter impeccabilem : Sed sanctitas & gratia substantialis est munditia substantialis , vt patet ex dictis : Ergo hæc sanctitas substantialis Christi reddit ipsum substantialiter impeccabilem ; non quòd ipsa natura humana sit secundum suam essentiam impeccabilis ; sed quia redditur impeccabilis per terminum substantialem , nimirum per subsistentiam Verbi.

Sequitur 1314. Hanc sanctitatem
substantialem reddere opera Christi reflexiua supra suppositum infiniti valoris moraliter considerata. *3. p. q. 1. d. 2. ad 2.*

Probatur sequela : Opera suppositi infiniti reflexiua supra suppositum sunt infiniti valoris : Sed hæc sanctitas substantialis reddit opera Christi opera suppositi infiniti : Ergo reddit illa opera , quæ sunt reflexiua supra suppositum , infiniti valoris.

Sequitur 1315. Hanc sanctitatem substantialem reddere opera Christi infinite meritoria.

*In 2. dist.
9. art. 8.
in 4. dist.
14. quæst.*



D. Thomæ Principium. 821

non elevat intrinsecè ac realiter opera ad ordinem supernaturalem : Atqui hæc sanctitas substantialis non influit physicè ac realiter in opera supernaturalitatem ; quatenus præcisè terminat humanitatem , ex dictis : Ergo præcisè quatenus terminat humanitatem non elevat opera ad ordinem supernaturalem intrinsecè ac realiter, sed dumtaxat extrinsecè ac denominatiuè , quatenus sunt à supposito supernaturali.

Sequitur 1318. Opera Christi provt ^{3. p. qu. 194} præcisè à supposito Divino non potuisse ^{art. 3.} esse meritoria de condigno præmij supernaturalis.

Probatur sequela : Ad meritum de condigno requiritur , quòd opera sint intrinsecè ac realiter supernaturalia , vt diximus supra : Sed opera Christi provt præcisè à supposito Divino non erant intrinsecè ac realiter supernaturalia : Ergo non erant meritoria de condigno , vt sic præcisè , quamvis aliunde secundum valorem moralem essent infinitæ dignitatis , vnde vt sic poterant dici meritoria merito quodam superexcedente omne præmium creatum.

Sequitur 1319. Vt opera Christi essent ^{ibid.} meritoria de condigno necessariam fuisse gratiam vel habitualement, vel actualement.

Probatur sequela : Vt opera sint me

M m 6

ritoria de condigno, necessarium est ut opera sint intrinsecè ac realiter supernaturalia atque adeo requiritur, quòd principium proximè ac immediatè influens supernaturalitatem in illa, sit supernaturale: Sed sola gratia vel habitualis vel actualis potuit esse principium proximè ac immediatè influens in illa opera supernaturalitatem: Ergo necessaria fuit gratia vel habitualis vel actualis, ut opera Christi essent meritoria de condigno. Et verò natura Divina supernaturalitatem non influebat per hoc solum, quòd ratione personæ Verbi uniebatur hypostaticè naturæ humanæ, nec elevabat potentias creatas animæ Christi, ut essent principium reale ac physicum supernaturalitatis in ipsis operibus: unde requirebatur gratia.

Ibidem.

Sequitur 1320. Christum Dominum potuisse mereri de condigno præmium etiam supernaturale cum sola gratia actuali, influente intrinsecam supernaturalitatem in opera ipsius.

Probat sequela: Supposita gratia actuali influente supernaturalitatem, omnes aliæ conditiones ad meritum de condigno reperiiebantur in operibus Christi; erat enim persona grata Deo, erat status viæ, ut postmodum dicemus, erat ordinatio in Deum, &c. Ergo fuis-

fent meritoria de condigno cum sola gratia actuali.

Sequitur 1321. Magnum esse discrimen inter Christum & ceteras puras creaturas quoad meritum & principium meriti. *ib ar. 1. & 4.*

Probaturs sequela : Ad meritum de condigno imò etiam de congruo in pura creatura , requiritur necessariò gratia habitualis, nec sufficit actualis ; quia, ut diximus supra , requiritur necessariò dignitas suppositi grati Deo , quæ esse non potest sine gratia habituali & sanctificante : At verò in Christo non erat necessaria gratia habitualis ad dignificandum suppositum & ad reddendum illud gratum Deo , imò nec ad dignificandam naturam humanam in hoc supposito Divino subsistentem ; quia , ex dictis , ipsa ratione subsistentiæ erat sancta & grata Deo : Ergo Christus non indiguit gratia habituali ad meritum de condigno ; bene autem quælibet pura creatura.

Sequitur 1322. Ut humanitas Christi esset principium connaturaliter operans opera meritoria , necessariam fuisse gratiam habitualement in ipso. *Ibidem*

Probaturs sequela : Potentiæ creatæ non sunt principium connaturaliter operum intrinsecè supernaturalium , secundum se , atque adeo indigent eleva-

824 *Secundum Doctrina*

ri per aliquas qualitates activas & permanentes ordinis supernaturalis, quarum radix est gratia habitualis, ut supra probatum est: Sed humanitas Christi habuit potentias creatas: Ergo indigebat gratia habituali, ut connaturaliter eliceret opera meritoria de condigno.

3 p. q 23.
Art. 3.

Sequitur 1323. Hanc gratiam habitualement non contulisse Christo relationem filiationis adoptivæ.

Probatur sequela: Filiationi naturali repugnat filiatio adoptiva: Sed in Christo fuit Filiatio naturalis respectu Dei Patris: Ergo repugnabat ei filiatio adoptiva per gratiam habitualement.

Aduerte igitur gratiam habitualement per se primò reddere naturam gratam Deo, & eleuare illam ad participationem Divinæ naturæ, ex qua consequitur in supposito illius naturæ relatio filiationis adoptivæ, si suppositum illud fit capax huiusmodi relationis: si autem suppositum non sit capax, non consurgit hæc relatio. In Christo igitur natura humana, siue anima, erat quidem capax participationis naturæ Divinæ, quia ipsa non erat deificata per essentiam, ut constat, cum maneret semper distincta à natura Divina, cum qua in eodem supposito subsistebat: unde poterat recipere Divinitatem per participationem in ipsa anima, sicut & ipsa erat ens per

participationem; suppositum tamen Divinum, cum nullius accidentis realis esset capax, & multò minùs relationis filiationis adoptivæ, non poterat illam recipere. Hinc solves omnia argumenta contra hanc conclusionem.

Sequitur 1324. Gratiâ hanc habitua- 3.2. 97.02
lem fuisse Christo connaturalem. 1.

Probatur sequela: Gratia, quæ debetur alicui ex vi suæ conceptionis, est ipsi connaturalis: Sed gratia habitualis debebatur Christo ex vi suæ conceptionis, quia erat suppositum Divinum, cui à principio suæ conceptionis debebatur omnis perfectio, ut supra diximus: Ergo gratia habitualis erat connaturalis Christo.

Sequitur 1325. Gratiâ habitua- *Ibidem*
lem propriè & in rigore non fuisse proprietatem unionis hypostaticæ.

Probatur sequela: Proprietas propriè & in rigore est illa, quæ fluit & dimanat per resultantiam ab essentia subiecti: Sed gratia habitualis non fluebat neque dimanabat per resultantiam ab essentia unionis hypostaticæ; poterat enim esse hæc unio absque gratia habituali, nec illa dimanabat à natura humana, aliàs esset in omnibus hominibus; nec dimanabat per naturalem resultantiam à natura Divina, respectu cuius nulla res ad extra potest sic dimanare.

826 *Secundum Doctrinam*

nare : Ergo gratia non est propriè & in rigore proprietas Christi.

Ibid.

Sequitur 1326. Gratiam habitualement fuisse productam in Christo per novam & liberam Dei actionem.

Probatur sequela : Accidens præsertim supernaturale , quod non per resultantiam in subiecto ponitur , debet in illo poni per novam & liberam Dei actionem : Sed gratia habitualis est accidens supernaturale , vt supra ostendimus , & non dimanabat in Christo per resultantiam , ex iam dictis : Ergo debuit poni in Christo per novam & liberam Dei actionem.

Ibid a 2.

Sequitur 1327. In Christo fuisse omnes virtutes, quæ non repugnabant eius supposito, vel officio Redemptoris.

Probatur sequela : Perfectiones omnes non repugnantes supposito Divino vel officio Redemptoris fuerunt in Christo , vt diximus : Sed virtutes sunt perfectiones : Ergo omnes virtutes non repugnantes supposito Divino , aut perfectionibus debitis illi , vel officio Redemptoris fuerunt in Christo.

Ibidem.

Sequitur 1328. Omnes virtutes infusas eodem modo non repugnantes fuisse in Christo.

Probatur sequela : Tum quia sunt perfectiones illi debitæ ; Tum etiam quia sunt proprietates gratiæ.

D. Thoma Principium. 827

Sequitur 1329. Omnes virtutes ex *ibidem*
genere suo acquisitas fuisse in Christo.

Probatur sequela: Quia sunt perfectiones ei debitæ.

Sequitur 1330. In Christo fuisse gratiam perfectissimam. *Ibid. a.p.*

Probatur sequela: In supposito perfectissimo & in natura elevata ad perfectissimum officium debet esse gratia perfectissima: Sed Christus fuit suppositum perfectissimum utpote Divinum, & fuit natura humana in illo supposito subsistens elevata ad perfectissimum officium, nimirum ad officium Redemptoris: Ergo fuit in illo gratia perfectissima.

Sequitur 1331. In Christo fuisse plenitudinem gratiæ. *Ibid.*

Probatur sequela: Supposito infinito, & naturæ ad illud & ad perfectissimum officium elevatæ debetur plenitudo gratiæ: Sed Christus est suppositum infinitum, & natura humana est elevata in ipso ad subsistendum in hoc supposito, & ad perfectissimum officium: Ergo Christo debebatur, & consequenter data est plenitudo gratiæ.

Sequitur 1332. In Christo fuisse plenitudinem gratiæ tam intensivè, quàm extensivè. *Ibidem.*

Explicatur: Non intendimus, quòd in Christo fuerit gratia intensivè infini-

ta ; de hoc enim statim dicemus ; sed solum, quòd fuerit in illo gratia intensissima, & hoc vocamus plenitudinem gratiæ intensivè ; extensiva verò plenitudo dicitur illa, quæ se extendit ad omnes effectus ex gratia procedentes.

Probatur ergo sequela : Gratia perfectissima est plenitudo gratiæ intensivè & extensivè, ut patet ex explicatione : Sed in Christo fuit gratia perfectissima : Ergo in Christo fuit plenitudo gratiæ tum intensivè quàm extensivè.

Ibidem.

Sequitur 1333. In Christo fuisse gratiæ plenitudinem quantum ad omnes effectus, qui non important imperfectionem, ipsi supposito & officio Redemptoris repugnantem.

Probatur sequela : Omnis perfectio non repugnans supposito infinito & officio Redemptoris fuit in Christo : Sed plenitudo gratiæ quantum ad omnes effectus, qui non important imperfectionem repugnantem supposito Divino vel officio Redemptoris, est perfectio, ut constat : Ergo &c.

Ibid. a. 10

Sequitur 1334. In Christo fuisse gratiam habitualement magis intensam, quàm sit gratia omnium Angelorum & hominum etiam simul.

Probatur sequela : Christus etiam ut homo habuit gratiam magis perfectam, quàm sit gratia omnium Angelorum &

hominum, nimirum propter excellentiam suppositi Divini & naturæ humanæ in illo subsistentis : Sed hoc exigit gratiam omnibus gratijs intensiorem ut paret ex dictis : Ergo, &c.

Sequitur 1334. In Christo fuisse plenitudinem gratiæ non solum ex parte subiecti, sed etiam ex parte gratiæ. *Ibid. a. 9. & 10.*

Explicatur : Plenitudo gratiæ ex parte subiecti dicitur illa, quam exigit conditio & officium subiecti : Plenitudo gratiæ ex parte gratiæ dicitur illa, quæ est in summa excellentia intensiva, & extensiva ad omnes effectus.

Probatur ergo sequela subsumendo ex dictis : Atqui in Christo fuit non solum gratiæ plenitudo quantum exigebat conditio & officium subiecti, imò in summa excellentia intensiva, & extensiva ad omnes omnino effectus ; ita ut per illam potuerit mereri etiam Incarnationem Patris vel Spiritus sancti, si voluisset Christus ad hoc applicare sua merita ; potuisset etiam mereri gratiam & gloriam Angelis, si sua merita non coarctasset ad gratiam Redemptionis : Ergo &c.

Sequitur 1335. Plenitudinem gratiæ ex parte gratiæ fuisse propriam Christo, non plenitudinem gratiæ ex parte subiecti. *Ibid. a. 10.*

Probatur sequela : Plenitudo gratiæ

non conveniens ulli alteri est propria Christo : Sed plenitudo gratiæ ex parte gratiæ nulli alteri competit , bene autem plenitudo ex parte subiecti : Ergo plenitudo gratiæ ex parte gratiæ est propria Christo , non autem plenitudo ex parte subiecti. Minor probatur : Plenitudo gratiæ ex parte gratiæ est gratia intensissima , & extendens se quantum ad sufficientiam ad omnes effectus , ut diximus : Sed hæc nulli alteri competit , ut patet ex dictis ; plenitudo autem ex parte subiecti potuit alijs competere , sicut Beatissimæ Virgini , & alijs , qui habuerunt tantam gratiam , quantam exigebat illorum conditio , status , & officium : Ergo &c.

Adverte autem quòd plenitudo gratiæ ex parte gratiæ & plenitudo ex parte subiecti in Christo coincidunt : quia subiectum utpote suppositum Divinum in natura humana subsistens , & officium Redemptoris exigebant plenitudinem gratiæ ex parte gratiæ.

Ibid. a. 11. Sequitur 1337. Gratiā unionis in Christo esse infinitam.

Probat sequela : Persona Divina est infinita : Sed gratia unionis nihil est aliud , quàm persona Divina ut unita humanitati : Ergo gratia unionis est infinita.

Ibid. Sequitur 1338. Gratiā habitualement

D. Thome Principium. 831

in Christo non esse actu physicè & cathegorematicè infinitam, vel infinitè intensam.

Probatur sequela ex dictis in primo principio: Nulla potest dari qualitas actu physicè & cathegorematicè infinita: Sed gratia habitualis in Christo est qualitas, ut patet ex dictis: Ergo gratia habitualis in Christo non est actu physicè & cathegorematicè infinita.

Sequitur 1339. Gratiam Christi ex *ibid.* ynnione naturæ humanæ ad Verbum non habere ullam physicam & realem infinitatem, etiam modalem.

Probatur sequela: Tum quia suppositum nihil influit physicum in accidentia vel operationes naturæ in eo subsistentis, ut diximus: Tum etiam quia, ut in primo principio probatum est, non potest dari ullum infinitum; maximè verò dari nequit vlla qualitas infinita, idque tantò verius est de gratia habituali, quæ cum sit participatio Divinæ naturæ, quæ est infinita, atque adeo in infinitum syn-cathegorematicè participabilis, numquam potest esse tanta, quin possit esse maior & maior in infinitum. Adde quòd si gratia esset aliquo modo infinita physicè in Christo, etiam charitas, lumen gloriæ &c. essent qualitates physicè infinitæ; & sic Christus ut homo amaret Deum, quantum est amabilis, & com-

832 *Secundum Doctrinā*

prehenderet Divinam essentiam, quod esse impossibile supra demonstratum est.

Ibid. Sequitur 1340. Gratiam Christi esse simpliciter infinitam in esse gratiæ infinitate moralis dignitatis.

Probatur sequela : Gratia in supposito infinito sive in natura subsistente per suppositum infinitum, consequitur moralem valorem & dignitatem ex supposito : unde fit quod sit etiam principium operis meritorij infinitæ dignitatis, ut diximus : Sed gratia Christi est in natura subsistente per subsistentiam infinitam, ut diximus : Ergo habet infinitum valorem & dignitatem. Et hoc est esse infinitam in esse gratiæ, quatenus est in supposito infinite grato ; ac per hoc est principium operis meritorij & satisfactorij infiniti modo superius explicato.

Ibidem. Sequitur 1341. Gratiam Christi posse dici infinitam negativè.

Probatur sequela : Gratia, quæ non limitatur ad aliquem specialem effectum, vel gradum, sed habet omnem illum, qui possibilis est secundum capacitatem subiecti, est infinita negativè ; quamvis enim absolutè sit finita, quia tamen tanta est, quanta esse potest de via ordinaria, rectè dicitur infinita negativè : Sed gratia Christi non limitatur ad aliquem specialem modum vel gradum, sed habet omnem, qui possi-

bilis est iuxta capacitatem subiecti de via ordinaria : Ergo gratia Christi est infinita negativè.

Sequitur 1342. Gratiam Christi non esse infinitam per solam extrinsecam Dei acceptionem. *Opusc. 3.
cap. 221.
Opusc. 60.*

Probatur sequela : Gratia , quæ dignitatem moralem habet ex supposito, non est infinita per solam extrinsecam acceptionem ; dignitas enim illa moralis est verè illi intrinseca moraliter, sicut & intrinsecè est in natura subsistente in supposito Divino , quod per hanc gratiam elicit opera infinitè satisfactoria & meritoria , vt constat ex dictis : Sed gratia Christi habet illam dignitatem moralem , vt ostendimus ; Ergo gratia Christi non est infinita per solam extrinsecam Dei acceptionem. *cap. 3.*

Sequitur 1343. Gratiam Christi non esse tantùm infinitam per solam extrinsecam comparisonem ad gratiam , quæ est in ceteris Angelis , vel hominibus. *3 p. 9. 7. 4.
1. 1. 1.
dist. 17.
9. 2. 4. 49*

Probatur sequela : Gratia , quæ est infinita negativè , & secundùm moralem dignitatem intrinsecam , non est tantùm infinita per comparisonem omnino extrinsecam : Sed gratia Christi est infinita negativè , & secundùm moralem dignitatem intrinsecam : Ergo non est infinita per solam intrinsecam comparisonem.

Ibidem.

Sequitur 1344. Gratiam Christi esse infinitam in genere causæ physicae instrumentalis vel etiam principalis moralis, quodammodo syncategorematicè.

Probatur sequela: Gratia, cuius operationes sunt infinitæ in genere causæ instrumentalis physicae, & in genere causæ meritoriae omnium omnino gratiarum, quæ sunt, & quæ esse possent in hominibus quantumcumque multiplicatis, habet hanc infinitatem syncategorematicam, ut vel ex terminis constat: Sed gratia Christi est huiusmodi; est enim causa operationum quæ elevantur à Deo in ratione instrumenti physici, ut postea dicemus, & quæ sunt meritoriae omnium gratiarum, quæ possent esse in hominibus quantumcumque multiplicatis, ut constat ex dictis: Ergo &c.

s. p. q. 7.
a. 3. Sequitur 1345. Charitatem & alias virtutes à gratia dimanantes habere proportionaliter eandem infinitatem, quam habet gratia habitualis.

Probatur sequela: Eandem habent proprietates infinitatem, quam habet natura sive essentia, à qua dimanant; quia istæ dimanant ab essentia iuxta perfectionem essentiae: Atqui charitas & virtutes à gratia dimanantes, sunt eius proprietates, ut ostensum est: Er-

go

go habent in Christo eandem proportionaliter infinitatem, quam in illo habet gratia.

Sequitur 1346. Virtutes, quæ in Christo sunt principium meriti, vel quarum operationes ex natura sua sunt reflexivæ supra suppositum, habere specialem infinitatem. *Ibidem.*

Probatur sequela: Principium operationis aliquo modo infinitæ, est etiam eodem modo infinitum: Sed virtutes, quæ in Christo sunt principium meriti, ex hoc habent infinitatem, quia sunt principium meriti infiniti; & illæ, quarum actus sunt reflexivi supra suppositum, etiam sunt principium operationis infinitæ ex hac reflexione, ut supra demonstratum est: Ergo huiusmodi virtutes habent specialem infinitatem. Quare virtus illa, quæ in Christo fuit principium satisfactionis Deo exhibitæ pro peccatis, habuit ex hoc infinitatem, quia humiliabat suppositum Divinum: virtus autem illa, quâ Christus utebatur vel uti poterat in commutationibus inter homines, non habebat ut sic hanc infinitatem, quia non erat reflexiva supra suppositum.

Sequitur 1347. Virtutes omnes, quæ fuerunt in Christo, fuisse modo perfectiori, quo poterant esse in quocumque subiecto. *Ibidem.*

Probatur sequela: Cui debetur omnis perfectio, debentur etiam virtutes modo perfectiori, quo possunt esse in quocumque subiecto; quia modus iste facit etiam ad perfectionem, imò est perfectio: Sed Christo debebatur omnis perfectio, ex dictis: Ergo debebatur & erat in illo omnis modus perfectionis virtutum, secundum quem poterant esse in quocumque subiecto. Intelligendum modò aliunde non repugnaret, iuxta superius dicta.

*Ibid. c. 3.
p. 9. a. 4.*

Sequitur 1348. In Christo virtutes ex genere suo per actus acquisitas, fuisse ab ipso etiam acquisitas.

Probatur sequela: Perfectior est modus habendi virtutes acquisitas, per acquisitionem & per actus, quam habere illas infusas per accidens: Sed in Christo fuerunt virtutes modo perfectiori: Ergo in Christo fuerunt virtutes acquisitæ, per acquisitionem & per actus. Maior probatur: quia quod est per se est perfectius & nobilius, quam quod est per accidens: Adde quod prudentia acquisita haberi non potest sine speciebus acquisitis: oportet enim species & actus esse eiusdem naturæ cum habitu illis correspondente, hoc sensu, quod si actus sint naturales, etiam habitus est naturalis, & è contra; & idem de speciebus dicendum est: Sed Christus acquisiuit spe-

cies per proprios actus : Ergo & acquisivit prudentiam. Minor patet : quia si habuisset species intelligibiles omnes per accidens infusas, frustra fuisset in eo lumen intellectus agentis, quod non est nisi ad acquirendas species, vt in primo principio probatum est. Neque potuit scientia infusa supplere vices prudentiæ acquisitæ, aliàs actus supernaturales, quales sunt actus scientiæ infusæ, essent causa habitus naturalis, quod dici non potest, quia actus, per quos acquiritur habitus sunt eiusdem rationis cum habitu.

Sequitur 13. 9. Christum intra breve *Ibidem.* tempus acquisivisse virtutes omnes morales naturaliter acquisibiles.

Probatur sequela : Qui habet perfectissimum lumen intellectus agentis, & multa alia, quibus iuvatur ad acquirendas species, potest intra breve tempus acquirere prudentiam, & virtutes omnes morales acquisibiles, quæ omnes in prudentia connectuntur, vt aliàs ostendimus : Sed Christus habuit perfectissimum lumen intellectus agentis, & adiuvabatur ex scientia infusa, & ex speciebus per se infusis ad acquirendas alias species, vt est evidens : Ergo potuit intra breve tempus acquirere prudentiam & virtutes omnes naturaliter acquisibiles.

Videm.

Sequitur 1350. Christum vnico aut altero actu acquisivisse has omnes virtutes in statu perfectissimo & heroïco.

Probatur sequela : Per vnum aut alterum actum intensissimum & heroïcum possunt acquiri virtutes omnes naturaliter acquisibiles in statu perfectissimo & heroïco : Sed Christus sine dubio elicit actum intensissimum & heroïcum : Ergo per vnum aut alterum actum cuiuslibet virtutis potuit acquirere ac de facto acquisivit virtutes omnes in statu perfectissimo & heroïco. Maior aliàs probabitur : quia licet virtutes non acquirantur vt plurimum, nisi per plures actus, nihilominus quando actus sunt intensissimi & heroïci possunt acquiri virtutes per vnum actum.

§ p. q. 84.**a. 7 ad 4.****in 3. dist.****33. q. 1. a. 3.****ubi**

Sequitur 1351. In Christo non fuisse pœnitentiam.

Probatur sequela : In Christo non potuit esse virtus repugnans dignitati & perfectioni suppositi Divini : Sed pœnitentia est virtus repugnans dignitati suppositi Divini, quod ex natura sua est impeccabile & sanctum, redditque naturam, in qua subsistit, impeccabilem & sanctam : Ergo in Christo non potuit esse pœnitentia. Minor probatur : Quia cui simpliciter & absolutè & non per accidens repugnat obiectum, in eo simpliciter & absolutè est impossibilis actus

D. Thoma Principium. 839

& habitus: Sed peccatum proprium, quod est obiectum pœnitentiæ, ut aliàs ostendemus, repugnat simpliciter & absolute naturæ subsistenti in supposito Divino, sicut & ipsi supposito: Ergo actus & habitus pœnitentiæ simpliciter & absolute repugnat Christo, qui est suppositum Divinum, & naturæ humanæ subsistenti in illo.

Sequitur 1353. Continentiam non fuisse in Christo, provt continentia sumitur pro illa virtute, quæ vehementioribus passionibus insurgentibus contra rationem invitam, resistit. 3 p q. 4. 2.
2 ad 2.

Probatur sequela: Vbi non sunt passionēs vehementiores contra rationem insurgentes, non est continentia hoc modo accepta: Atqui non potuerunt esse in Christo passionēs vehementiores contra rationem insurgentes: hoc enim repugnat dignitati suppositi, ut postea ostendemus: Ergo in Christo non fuit continentia hoc modo accepta: Si autem continentia sumatur pro perfectissima virginitate omnes omnino passionēs circa res turpes excludente, sine dubio illa fuit in Christo.

Sequitur 1354. In Christo non fuisse fidem secundum actum, vel secundum habitum. Ibid. ar 6.

Probatur sequela: Virtus repugnans alteri perfectioni debitæ Christo, non

fuit in ipso : Sed fides tam secundum actum , quā secundum habitum est virtus repugnans lumini gloriæ & visioni beatificæ , quæ sunt perfectiones debitæ Christo : Ergo fides neutro modo fuit in Christo. Minor patet ex dictis in primo principio , in quo ostendimus fidem & visionem non posse esse simul. Quod verò visio clara Dei fuerit debita Christo patet ex dictis : quia omnis perfectio fuit ei debita , & probabitur statim.

Ibid. ad 2.

Sequitur 1355. In Christo fuisse meritum fidei inclusum in merito obedientiæ & charitatis.

Probatur sequela : Totum meritum fidei consistit in pia affectione voluntatis , non quidem ad assentiendum mysterijs revelatis obscurè , sed ad referendum in Deum omnem cognitionem , quam de Deo habemus : ex hac enim relatione consurgit meritum , ut patet ex dictis supra de merito : Sed obedientia & charitas hoc præstabant in Christo : Ergo , &c.

Ibid. ad 4.

Sequitur 1356. In Christo non fuisse Spem , ut est virtus Theologica.

Probatur sequela : Deus ut summum bonum arduum possibile , sub ipso Deo auxiliante adipiscendum , est obiectum primarium spei , ut est virtus Theologica : Sed in Christo non potuit esse vir-

tus circa Deum ut summum bonum arduum &c. Ergo non potuit esse spes virtus Theologica. Maior aliàs probabitur: quia virtus Theologica debet habere Deum pro obiecto. Minor probatur: Nullum bonum habitum potest habere rationem ardui; eo enim ipso, quòd possidetur, cessat esse arduum: Sed, ut aliàs dicemus, Christus possedit Deum tum ratione suppositi, tum etiam ratione visionis beatificæ: Ergo &c.

Nec valet si dicas Christum potuisse sperare gloriam corporis, quæ habebat rationem boni ardui: Non valet, inquam, quia cessante obiecto primario cessat ratio formalis specificans habitum & actum; ut dicemus in tertio principio: Sed obiectum primarium spei, ut est virtus Theologica est ipsemet Deus ut summum bonum, non autem gloria corporis, quæ eo ipso, quòd erat debita Christo ex vi visionis beatificæ, non erat amplius per se ardua: Ergo &c. Quare Christus sperabat gloriam corporis per virtutem charitatis, quâ propter Deum suum corpus diligebat.

Sequitur 1357. In Christo fuisse dona Spiritus sancti. *Ibid. ar. 5.*

Probat sequela: Vbi est gratia habitualis sunt septem dona Spiritus sancti, ut alias ostendemus: Sed in Christo fuit gratia habitualis, ex dictis: Er-

Ibid. a. 6. go & septem dona Spiritus sancti.
Sequitur 1358. In Christo fuisse etiam donum timoris.

Probatur sequela : Quia donum timoris est vnum ex septem donis. Quemnam verò actum habuerit in Christo, dicemus aliàs, cum explicabimus proprium actum doni timoris.

Ibid. a. 7. Sequitur 1359. In Christo fuisse omnes gratias gratis datas.

Probatur sequela : Quia in Christo præsertim vt doctore fidei & spiritualis doctrinæ debebant esse perfectiones ad hoc officium spectantes : Sed, vt aliàs ostendemus, gratiæ gratis datæ sunt perfectiones ad officium doctoris fidei & spiritualis doctrinæ spectantes : Ergo illæ in Christo fuerunt. Vsum autem esse omnibus istis gratijs constabit ex dicendis infra, si tamen excipias donum linguarum, quo Christum vsum fuisse non est ita certum.

Ibid. a. 8. Sequitur 1360. In Christo fuisse prophetiam.

Probatur sequela : Qui inter homines degens cognoscit & prænunciat ea quæ loco vel tempore procul sunt à sensibus eorum cum quibus degit, est verè propheta, & habet donum prophetiæ : Sed Christus inter homines degebat : erat enim viator, vt postea dicemus ; & cognoscebat ac prænuncia-

bat sæpius, quæ procul distabant à sensibus eorum, cum quibus conversabatur, ut etiam postea ostendemus: Ergo habebat donum prophetiæ, illudque excellentissimum. Sed de his alias.

Sequitur 1361. In Christo gratias gratis datas multum differre ab ijs, quæ sunt in alijs. *Ibid. ar. 7. & 8.*

Probatur sequela assignando differentias; quia hæ gratiæ in Christo sunt secundum plenitudinem & quoad omnes effectus; in alijs tantum secundum aliquos; Deinde in Christo fuerunt omnes, in alijs tantum aliquæ: Denique in Christo propter dignitatem suppositi erant hæ gratiæ per modum habitus & permanentes; in alijs per modum motionis & transeuntes. Verum hoc patebit magis, cum de his gratijs agemus.

Sequitur 1362. In Christo gratiam habitualem fuisse eiusdem speciei cum nostra, si physicè spectetur. *Ibid. ar. 13.*

Probatur sequela: Gratia habitualis est eiusdem speciei in omnibus, si physicè spectetur, quia ut diximus supra non potest multiplicari specie: Ergo & in Christo.

Sequitur 1363. Gratiam habitualement in Christo differre etiam physicè specie accidentali & secundum diversum speciei modum essendi, à gratia nostra. *Ibid. ar. 9.*

Probatur sequela: Accidens inten-

N n 5

ssimum, in subiecto connaturali & adæquante ipsum differt specie physica modali & accidentali ab alio accidente minùs intenso & existente in subiecto non connaturali & non adæquante, ut patet in calore, qui est in igne & in alijs; in luce, quæ est in sole, & in alijs; in calore naturali animalis, & plantæ; in charitate viæ & patriæ: Et ratio est: quia accidens in subiecto connaturali habet perfectionem accidentalem diversæ speciei, ab alio accidente eiusdem speciei in alio subiecto, ut in exemplis allatis constat: Atqui gratia habitualis est in Christo intensissima, ut in subiecto connaturali & adæquante ipsam, hoc est, recipiente ipsam secundum omnes effectus & gradus, qui de potentia ordinaria sunt possibiles; ut constat ex dictis: Ergo gratia habitualis in Christo habet perfectionem accidentalem diversæ speciei à gratia in omnibus alijs existente.

Ibid. art. 11. Sequitur 1364. Gratiam habitualement in Christo differre specie, imò & genere morali, à gratia omnium hominum & Angelorum.

Probatur sequela: Dignitas infinita ex dignitate suppositi Divini proveniens differt specie, imò & genere, à dignitate finita, quam gratia habitualis tribuit alijs suppositis, in quibus est, ut

est evidens : Sed dignitas gratiæ habitualis proveniens in Christo ex dignitate suppositi Divini est infinita , ex dictis : dignitas autem , quam gratia habitualis tribuit alijs suppositis , est finita , ut est evidens : Ergo dignitas gratiæ in Christo differt specie , imò & genere morali , à dignitate gratiæ in alijs : Hoc autem est differre specie , imò & genere morali.

Adverte igitur in Christo non debere distinguere duplicem dignitatem moralem gratiæ ; alteram finitam , quam gratia conferat supposito ; alteram infinitam , quam suppositum conferat gratiæ : nam in Christo gratia non dignificat suppositum , sed solum influit physicam supernaturalitatem operibus , quæ quatenus sunt à supposito infinito dignificant potius ipsam gratiam.

Sequitur 1365. Gratiam habitualementem ^{3 p. q. 1. a. 2.} in Christo habere nedum dignitatem moralem , sed etiam proprietatem aliquam physicam , quæ non potest esse in gratia cuiuscumque puræ creaturæ.

Probat sequela : Iustitia commutativa in ordine ad Deum est proprietas physica gratiæ , quæ non potest esse in vlla pura creatura , ut aliàs ostendemus. Sed in Christo fuit iustitia commutativa in ordine ad Deum : Ergo in Christo non solum fuit dignitas moralis , sed

etiam proprietas aliqua physica gratiæ, quæ non potest esse in vlla pura creatura. Minor probatur ex dictis. Qui satisfacit ad æqualitatem pro offensa, pro beneficijs acceptis, &c. habet iustitiam commutativam in ordine ad Deum: Atqui Christus satisfecit Deo & pro offensis & pro beneficijs acceptis ad æqualitatem, ut constat ex dictis: Exhibuit enim Deo tantum, quantum ei debebatur à toto genere humano sive pro offensis, sive pro alijs, imò & quodammo multò maius, & exhibuit Deo etiam tantum, quantum ei debebat genus humanum pro beneficio Incarnationis. Denique exhibuit Deo tantam gloriam, quantâ ipse Deus in seipso dignus erat. Ergo est in Christo iustitia commutativa.

Dices ex hoc sequi, gratiam Christi esse diversæ speciei, à gratia ceterorum: nam essentia, quæ habet diversas proprietates physicas, est diversæ speciei, ab illa, quæ non habet easdem proprietates: Sed gratia Christi habet diversas proprietates, nimirum iustitiam commutativam: Ergo est diversæ speciei.

Sed ad hoc patet responsio ex dictis: probat enim solum, quòd gratia in Christo fuit diversæ speciei etiam physice in esse accidentali, eo plane modo, quo calor in igne, in planta, in ani-

mali ; in igne siquidem calor est generativus ignis , in planta est generativus plantæ &c. Quare distinguenda est maior : Essentia , quæ habet diversas proprietates physicas , est diversæ speciei ; in absolutis simpliciter , Concedo ; in respectivis & moralibus subdistinguo , est diversæ speciei moralis , & quoad perfectionem physicam accidentalem , Concedo : est diversæ speciei physicæ essentialis. Nego. Explicatur. Gratia habitualis secundum se est participatio formalis naturæ Divinæ , ut supra diximus ; ex quo sequitur illam secundum se perficere essentiam animæ , & ex consequenti perficere suppositum & omnes eius potentias , secundum quod suppositum est capax recipiendi perfectiones supernaturales : Vnde si suppositum non est capax filiationis adoptivæ , illam non tribuit , ut supra explicatum est ; si suppositum est capax perfectionis alicuius quoad potentias , ut pœnitentiæ &c. illas etiam hoc modo perficit ; si suppositum est capax virginitatis , illam tribuit : quando verò suppositum non est capax , has perfectiones non tribuit , unde nec angelis gratia tribuit pœnitentiam , virginitatem , temperantiam & alias virtutes , quæ sunt circa passionem : quia Angeli non sunt capaces illarum. Gratia ergo per se primò habet

perficere subiectum iuxta modum subiecti, ex quo sequitur, quòd in diversis subiectis diversas potest habere proprietates. In supposito igitur Divino gratia non perficit suppositum, imò potius suppositum dat dignitatem moralem ipsi gratiæ, & ex hac dignitate morali gratia habet proprietatem aliquam in illo supposito, quam non potest habere in alijs; proprietatem, inquam, etiam physicam: quia licet dignitas illa, quam gratia accepit à supposito sit tantum moralis; virtus tamen, quæ respicit huiusmodi dignitatem in operibus à gratia promanantibus est physica & realis: sicut quamvis actus v. g. occisionis hominis, quæ fit ex auctoritate iudicis legitimi, & actus occisionis, quæ fit ex privata tantum auctoritate, sint eiusdem speciei in esse physico, & differant tantum in esse morali, nihilominus habitus, qui respiciunt hos actus ut in esse morali diversos, sunt diversi secundum in specie moris, sed etiam in specie physica: quia ordo ad illos actus, ut in specie morali diversos, est quid physicum in ipsis habitibus, ut ostendemus in tertio principio. Gratia igitur dignificata per suppositum Divinum tribuit ipsis operibus dignitatem æqualitatis, quam dignitatem moralem respicit iustitia commutativa, & ex hoc ha-

bet suam physicam speciem : unde in Christo potuit esse hæc proprietas gratiæ perficientis quodlibet subiectum iuxta naturam subiecti

Sequitur 1366. Gratiā habitualementem ^{3.p.9.7.4.} in Christo potuisse physicè augeri, sup- ^{12.}posito, quòd illa possit intendi in infinitum syncategorematicè.

Explicatur: Quæstio est utrum gratia habitualis sit in infinitum syncategorematicè intensibilis, ita ut quacumque datâ possit maior & intensior dari, ut plures censent, an verò sit determinatæ intensiōis, ita ut possit perveniri ad aliquem gradum, quo nequeat esse intensior : si enim hoc secundum verum sit, cetissimum debet esse gratiam Christi non posse intendi, sed esse tantam, quanta potest esse etiam per absolutam Dei potentiam; si verò primum sit verum, certum est gratiam, quæ est in Christo, posse per absolutam Dei potentiam augeri. Quia verò hæc quæstio non est præsentis loci, solum dicimus, quòd ex suppositione quòd gratia sit intensibilis in infinitum syncategorematicè, gratia Christi physicè potest augeri.

Probatur sequela : Qualitas, quæ potest in infinitum intendi syncategorematicè talis est, ut quacumque datâ possit dari intensior : Sed gratia habi-

tualis est qualitas ; Ergo dato quòd illa sit intensibilis in infinitum, gratia Christi potest adhuc physicè intendi. Si verò gratia non possit semper intendi certum est, quòd Christo tanta collata est, quàm maior dari non potest. Hanc verò quæstionem resolvemus aliàs.

Ibidem.

Sequitur 1367. Gratiam Christi tam intensam esse physicè , ut de potentia ordinaria maior esse nequeat.

Probatur sequela : Gratia , quæ debetur supposito Divino , sive naturæ subsistenti in supposito Divino, tam intensa est, ut saltem de potentia Dei ordinaria maior dari non possit : quia est ad officium omnium maximum, ut constat ex dictis : Sed gratia Christi est ea, quæ debetur supposito Divino , ut diximus : Ergo de potentia Dei ordinaria maior dari non potest.

Ibidem.

Sequitur 1368. Gratiam Christi in esse morali tantam esse , ut maior dari non possit etiam de potentia Dei absoluta.

Probatur sequela : Gratia habens infinitam simpliciter dignitatem tanta est, ut maior dari non possit etiam de potentia Dei absoluta : quia non potest dari quid maius infinito simpliciter : Sed gratia Christi in esse morali habet infinitam simpliciter dignitatem : quia , ut diximus , dignificatur à supposito Divi-

D. Thomæ Principium. 851

no: Ergo Christi gratia in esse morali tanta est, ut maior dari non possit de potentia Dei absoluta.

Sequitur 1369. Gratiam Christi ha- *Ibid.*
bitualem ita tribuere animæ Christi omnia dona, & omnes virtutes non includentes imperfectionem, quæ connaturaliter possunt provenire ex ratione specifica gratiæ, ut ex hoc capite non possit dari gratia perfectior.

Probatur sequela: Quia, licet Deus possit absolutè superaddere aliquam virtutem aut perfectionem ad gratiam Christi, quam modo non habet; non tamen potest superaddere aliquam virtutem vel perfectionem, quam gratia secundum rationem suam specificam connaturaliter exigit: Sed omnis virtus & perfectio, quam gratia connaturaliter exigit secundum suam rationem specificam reperitur in gratia Christi; quia id exigit dignitas naturæ humanæ subsistentis in supposito Divino: Ergo, &c.

Sequitur 1370. Gratiam Christi ha- *Ibidem;*
bere tantam dignitatem, ut constituat ipsum caput totius Ecclesiæ.

Probatur sequela: Esse caput totius Ecclesiæ est esse propinquiorem Deo, habere omnia dona, & omnes virtutes non includentes imperfectionem, quæ convenire possunt connaturaliter ipsi gratiæ, & influere in omnia membra:

Sed gratia Christi habet hanc triplicem dignitatem : Ergo gratia Christi constituit ipsum caput Ecclesiæ. Maior probatur ex analogia ad caput naturale hominis : cum enim ex D. Paulo Ecclesia sit corpus quoddam mysticum , sicut habet varia membra , ita debet habere caput visibile , & hoc caput debet habere mysticè , quod habet caput humanum naturaliter : Sed caput humanum tria habet naturaliter , videlicet , situm excellentiorem (est enim sursum & sublime) cumulum omnium perfectionum (in eo siquidem vigent omnes sensus externi & interni) & influxum in omnia alia membra , quoad sensationes & motum localem & regimen externum per sensus : Ergo gratia , quæ constituit caput Ecclesiæ hæc tria debet habere mysticè. Hinc verò probatur minor : Nam gratia Christi ex dignitate , quam habet à supposito Divino , est propinquior Divinitati , atque adeo excelsior ; habet omnia dona & omnes virtutes non includentes imperfectionem , quæ connaturaliter possunt convenire gratiæ , ut modò probatum est , ac deum habet influxum in omnia membra , quia habet meritum infinitum , quo meruit omnibus hominibus , imò & aliquatenus Angelis , ut postea explicabimus , & est instrumentum Divinitati

coniunctū ad opera supernaturalia & miraculosa, ut dicemus infra : Ergo, &c.

Sequitur 1371. Christum esse caput *Ibidem.* Ecclesiæ.

Probatur sequela : Qui habet gratiam constituentem caput , est caput : Sed Christus habet gratiam constituentem caput : Ergo est caput.

Sequitur 1372. Christum esse caput *Ibid.* Ecclesiæ inquantum est Deus homo.

Probatur sequela : Gratia Christi non constituit ipsum caput , nisi ratione dignitatis , quam habet ex supposito Divino, ut dictum est : Sed illa dignitas non convenit ipsi, nisi quatenus est Deus homo : Ergo Christus non est caput visibile Ecclesiæ nisi inquantum Deus homo.

Sequitur 1373. Christum ut Deum *Ibidem* esse caput Ecclesiæ invisibile.

Probatur sequela : Quia ut sic est eminentior , præhabens formaliter eminenter omnes perfectiones, & influens in omnia membra Ecclesiæ.

Sequitur 1374. Christum ut hominem reduplicativè non esse caput Ecclesiæ. *Ibidem*

Probatur sequela : Quod convenit Christo ut homini reduplicativè convenit omni homini : Sed esse caput Ecclesiæ non convenit omni homini : Ergo esse caput Ecclesiæ non convenit Chri-

854 *Secundam Doctrinam*

sto ut homini reduplicativè. Maior est certa : quia hæc est natura propositionis reduplicativæ , quod prædicatum illius convenit omnibus , quibus convenit significatum termini reduplicati. Minor patet ex dictis.

Ibid.

Sequitur 1375. Christum ut hominem specificativè esse caput Ecclesiæ.

Probatur sequela : Subsistens in natura humana, etiam si subsistat in Divina & aliquid ei conveniat ut subsistit in utraque, vel saltem ut subsistit supposito Divino est homo specificativè. Atqui, ex dictis, esse caput Ecclesiæ convenit Christo ut supposito Divino subsistenti in natura humana : Ergo esse caput Ecclesiæ convenit Christo ut homini specificativè.

Ibid. ar. 3.

Sequitur 1376. Christum esse caput omnium hominum.

Probatur sequela : Eo modo, quo Christus est caput totius Ecclesiæ, & quo homines pertinent ad Ecclesiam, Christus est caput omnium hominum : Sed Christus est caput totius Ecclesiæ absolutè ac simpliciter, ex dictis : omnes autem homines pertinent, vel pertinuerunt ad Ecclesiam actu vel potentia : Ergo eodem modo Christus est caput omnium hominum.

Ibid.

Sequitur 1377. Christum esse actu caput omnium hominum, in quos ali-

D. Thoma Principium. 855

quid de facto vel influit nunc, vel aliquando influxit, secundum hunc statum.

Probatur sequela: Christus est caput omnium, respectu quorum habet totum, quod ad rationem capitis exigitur: Sed respectu omnium, in quos influit vel influxit, habet vel habuit omnes conditiones capitis: habet enim semper maiorem propinquitatem ad Deum, cumulum omnium perfectionum, & influxum aliquem, ut patet: Ergo respectu horum omnium secundum illum statum habet vel habuit rationem capitis.

Sequitur 1378. Christum esse actu *ibidem* caput, eorum, in quos actu aliquid influit.

Probatur sequela. Respectu omnium illorum, respectu quorum Christus habet actu conditiones capitis, Christus est actu caput, ut patet ex dictis: Sed respectu omnium, in quos actu influit, habet omnes conditiones capitis: propinquior est enim Deo actu, & actu habet omnia dona, & actu influit: Ergo respectu omnium illorum, in quos actu influit, est actu caput.

Sequitur 1379. Respectu illorum, in quos nihil actu Christus influit, Christum esse caput in potentia, si possit aliquando in illos influere.

856. *Secundum Doctrinam*

Probatur sequela : Eo modo est Christus caput aliquorum , quo in illos influit : Sed respectu illorum , in quos nihil influit , potest tamen influere , non influit nisi in potentia : Ergo respectu illorum est tantum caput in potentia.

Ibidem.

Sequitur 1380. Respectu illorum , in quos nihil potest influere Christum non esse caput etiam in potentia.

Probatur sequela : Eo modo Christus est caput , quo influit : quia , ut diximus , ceteræ conditiones capitis numquam illi defunt : Sed respectu illorum , in quos nihil potest influere , neque actu neque potentia influit : Ergo respectu illorum non est caput etiam in potentia.

Ibid. ar 5.

Sequitur 1381. Illud , cuius influxu Christus habet rationem capitis , debere esse gratiam aliquam.

Probatur sequela : Illud , ratione cuius Christus habet rationem capitis , est illud , quod derivatur ex ipsa ratione secundum quam Christus constituitur caput : Sed constituitur caput per gratiam , à qua non derivatur nisi gratia aliqua : Ergo illud , cuius influxu Christus habet rationem capitis non est nisi gratia aliqua. Maior patet , quia influxus præcipuus , ratione cuius est caput , est per meritum : Sed per meritum à Christo non derivatur nisi gratia aliqua : Ergo

D. Thoma Principium. 857

Illud, ratione cuius Christus habet rationem capitis est gratia aliqua. Hinc etiam patet minor, quia Christus per meritum non influit nisi gratiam aliquam.

Sequitur 1382. Christum primario & principaliter atque absolute esse caput omnium predestinatorum & electorum. *Ibidem.*

Probatur sequela: Quia in illos primario, principaliter & absolute influit gratiam & gloriam.

Sequitur 1383. Christum esse caput omnium iustorum & fidelium. *Ibidem.*

Probatur sequela: Quia in illos influit gratiam & fidem.

Sequitur 1384. Christum esse caput omnium illorum, in quos influit aliqua auxilia gratiae. *Ibidem.*

Paret sequela, Quia in illos etiam influit.

Sequitur 1385. Etiam respectu peccatorum fidelium, Catechumenorum, Schismaticorum & Excommunicatorum Christum esse caput. *Ibid.*

Probatur sequela: Quia in illos influit saltem fidem.

Sequitur 1386. Respectu Angelorum Christum etiam esse caput. *Ibid. a. 4.*

Probatur sequela: Quia in illos influit aliquid.

Sequitur 1387. Christum non esse caput Angelorum secundum gratiam *In 3. dist. 14. q. 2. a. 2. q. 1.*

De verit. habitualement, vel actualement, qua consecuti sunt gloriam, neque secundum gloriam essentialent.

q 29. a. 4. ad 5. & a. 5. ad 5.

Probatur sequela : Secundum illam rationem, quam non influit, Christus non est caput : Sed Christus non influit in Angelos gratiam sanctificantem vel actualement, quâ consecuti sunt gloriam essentialent, nec ipsam gloriam essentialent : Ergo Christus secundum illa non est caput Angelorum. Minor probatur ex dictis supra : Angeli non sunt capaces gratiae redemptivae : Sed omnis gratia quam Christus suis meritis influit est gratia redemptiva sive Redemptoris : Ergo Christus non influit in Angelos gratiam vel gloriam essentialent. Minor patet : Talis est gratia Christi, qualis est ipse Christus, & ipsa eius Incarnatio : Sed Christus est Redemptor, & ipsa eius Incarnatio est à Deo decreta in redemptionem, ita ut qui non fuerunt redempti, non sint per merita Christi consecuti gratiam : Ergo omnis gratia ex Christi meritis est gratia Redemptionis. Hinc etiam patet maior : quia Angeli non fuerunt redempti à Christo.

Dices fuisse redemptos à Christo praeservatiuè, quatenus ex meritis Christi fuit illis collata gratia, quâ praeservati sunt, ne inciderent in peccatum.

Sed

Sed contra , quia ubi nullum est peccatum , nec ullum debitum incidendi in peccatum non potest esse redemptio etiam præservativa: Sed in Angelis nullum fuit peccatum , nec ullum debitum incidendi in peccatum : Ergo in illis nulla potuit esse redemptio præservativa.

Dices non fuisse in Angelis debitum incidendi in peccatum ex origine, quale debitum potest reperiri in hominibus, sed fuisse debitum ex ipsa natura , ex qua non erant impeccabiles:& hoc sufficit , ut dicantur redempti redemptione præservativa.

Sed contra: quia si hoc debitum sufficeret , sequeretur Verbum Divinum incarnandum , etiam si Adam de facto non peccasset: quia sufficeret , quòd potuisset peccare: Sed consequens est falsum , ut supra probatum est: Ergo & antecedens. Sequela maioris probatur, quia, cum Deus prævidit Angelos & homines esse peccabiles , vel voluit Verbum suum incarnari , ne de facto peccarent , vel noluit, nisi postquam prævidit ipsos de facto peccaturos ; si primum dixeris , sequitur manifestè Incarnationem non esse decretam in remedium peccati , & in eius satisfactionem ; pro peccato enim possibili non decernitur remedium vel satisfactio ; si secundum

asseruëris , sequitur , Christum non venisse, nec Verbum Divinum incarnatum esse, nisi ⁱn remedium peccati actu commissi vel contracti : Sed hoc dici nequit de Angelis , quibus post commissum peccatum , nullum est remedium : Ergo Christus non venit propter illos.

Nec valet si dicas, etiam respectu hominum Christum fuisse in genere causæ finalis prius decretum & prædestinatum , quàm prævideretur ipsorum peccatum.

Non valet , inquam , quia etiamsi in genere causæ finalis prius Christus sit prædestinatus , quàm sit prævisum peccatum ; in genere tamen causa materialis & occasionalis peccatum prius fuit prævisum & permissum , quàm Christus fuerit prædestinatus , ut superius explicatum est.

Ibidem.

Sequitur 1388. Christum esse caput Angelorum quoad gloriam accidentalem.

Probat sequela: Christus est caput Angelorum quoad plures illuminationes , & ministeria , quæ præstant respectu electorum & fidelium , ut est indubitatum: Sed hæc omnia spectant ad gloriam accidentalem Angelorum: nam & illuminari à Christo Deo & homine , & applicari ab ipso ad diversa ministeria gloriosum illis est , & auget gaudium

D. Thoma Principium. 861

eorum accidentale , maximè cum ex Christi meritis multi fideles saluentur, qui Angelorum apostatarum ruinas reparant , & alia multa in honorem Angelorum agunt : Ergo &c.

Sequitur 1389. Christum non esse *1. p. q. 8. 4* caput dæmonum aut damnatorum prout 3. sunt in tali statu.

Probatur sequela : Quia nullam gratiam in illos influit , vel influere potest ex suis meritis prout sunt in huiusmodi statu obstinationis. Nec valet , quod in illos influat ut iudex puniens illos : hic enim effectus , cum non spectet ad gratiam , non pertinet ad rationem capitis propriè.

Sequitur 1390. Christum esse caput *Ibidem* omnium in purgatorio existentium.

Probatur sequela : Quia in illos influit conservando gratiam , & alleviando pœnas illorum ; & secundùm nonnullos influit etiam aliquando aliquas gratias actuales, quibus operantur , & aliquas consolationes secundùm quod illas in via promeriti sunt ex meritis Christi.

Sequitur 1391. Christum esse in po- *Ibidem* tentia caput infidelium.

Probatur sequela : Quia potest in illos influere.

Sequitur 1392. Christum non esse *Ibidem* caput rerum omnium secundùm esse

naturale, aut secundum dona naturalia.

Probatur sequela : Influxus , ratione cuius Christus dicitur caput , est influxus gratiæ , ex dictis : Sed in res secundum esse naturale Christus non habet influxum gratiæ , ut est evidens : Ergo secundum esse naturale Christus non est caput omnium rerum.

Ibidem.

Sequitur 1393. Christum esse caput hominum secundum esse naturale ut ordinatur ad gloriam.

Prob. sequela : Quia aliquid influit secundum hoc , quod ad gratiam pertineat saltem extrinsecè.

Sequitur 1394. Christum esse caput omnium rerum secundum quod illæ ad salutem hominum ordinantur.

Probatur sequela : Quia secundum hanc rationem pertinent ad ordinem gratiæ, sunt effectus nostræ prædestinationis ex meritis Christi:

Ibidem 2.

Sequitur 1395. Christum secundum corpus , non excludendo tamen animam & suppositum Divinum , esse caput hominum.

Probatur sequela: Quia secundum illud, secundum quod influit Christus, est caput : Sed influit etiam ratione corporis : meruit enim per passionem corporalem , & illius passio corporalis fuit instrumentum nostræ salutis : Ergo &c.

Ibidem.

Sequitur 1396. Christum esse caput

hominum etiam quantum ad corpora.

Probatur sequela: Quia multa influunt ad ordinem supernaturalem spectantia in ipsa corpora sanctorum, tum quando miracula fiunt per eorum corpora, tum etiam quando in resurrectione corpora etiam gloriam consequuntur.

Sequitur 1397. Esse caput Ecclesiæ *Ibid. ar. 6.* quoad interiorum gratiarum influxum ita esse proprium Christo, ut nulli alteri competat.

Probatur sequela: Mereri alijs gratiam de condigno est proprium Christo, ut constat ex dictis supra: Sed in hoc præcipue consistit ratio capitis, quantum ad interiorum gratiarum influxum, quod Christus meruit hominibus gratiam de condigno: Ergo &c. Adde quod etsi aliqui sancti alijs meruerint gratiam de congruo, non tamen universaliter omnibus. Denique dato & non concesso, quod aliqui sancti fuerint elevati ad hoc, ut tamquam instrumenta physica concurrerent ad aliorum gratiam extra sacramenta, nihilominus non fuerunt elevati, ut essent instrumenta physica coniuncta Divinitati, neque in ordine ad omnem omnino gratiam.

Sequitur 1398. Esse caput Ecclesiæ *Ibidem*, quoad externam directionem non esse

proprium Christo, sed competere alijs sub Christo.

Probatur sequela: Quia, ut aliàs ostendemus, Christo in cælum ascendente, ibique manente necessarium est, ut aliqui sint rectores Ecclesiæ ac præfides.

Ibid. ar. 5. Sequitur 1399. Gratiam, secundum quam Christus est caput Ecclesiæ, esse realiter eandem cum gratia, quæ competit ipsi, ut est homo singularis.

Probatur sequela: Gratia, quâ Christus meretur sibi & alijs, est eadem realiter cum ea, quæ competit ipsi ut est singularis homo: Sed gratia, quâ Christus est caput Ecclesiæ est gratia, quâ meretur alijs, ut patet ex dictis: Ergo gratia, quâ Christus est caput Ecclesiæ est eadem cum ea, quæ competit ipsi ut est homo singularis.

Ibidem. Sequitur 1400. Gratiam, secundum quam Christus est caput Ecclesiæ differre ratione & connotato à gratia, quæ competit ipsi, ut homini singulari.

Probatur sequela: Gratia, quæ connotat unionem naturæ, in qua est, cum persona Divina, differt ratione & connotato à gratia, quæ præcise competit Christo ut est homo singularis: Sed gratia, quâ constituitur Christus ut caput Ecclesiæ, est gratia connotans unionem naturæ, in qua est, cum persona Divi-

na: Ergo gratia, qua Christus est caput Ecclesiæ, differt ratione & connotato à gratia, quæ competit ipsi ut est homo singularis. Minor probatur ex dictis: Gratia, quâ Christus meretur alijs de condigno omnes omnino gratias & auxilia, est gratia connotans unionem naturæ, in qua est, cum persona Divina: quia, ut diximus, supra, sine huiusmodi unionem non posset mereri alijs de condigno gratias &c. Sed gratia, quâ Christus constituitur caput Ecclesiæ, est quâ meretur alijs de condigno gratias omnes & auxilia: Ergo gratia, quâ Christus constituitur caput Ecclesiæ, connotat unionem naturæ, in qua est gratia, cum persona Divina.

Sequitur 1401. Esse caput omnium *Ibid. r. 7.* hominum per interiorum influxum immutando voluntatem ita esse proprium Christo, ut Deus est principaliter, & ut est homo subsistens in persona Divina, meritoriè, ut nulli omnino creature competat ratio capitis respectu aliorum.

Probatur sequela: Ex his, quæ supra diximus, quia nulla creatura potest per interiorum influxum immutare hominis voluntatem movendo illam physicè & inclinando ad aliquem actum: nulla etiam pura creatura potest alteri mereri de condigno gratiam, quâ eius volun-

866 *Secundum Doctrinā*

tas moveatur physicè & inclinetur hoc pacto.

Id. ar. 7.

Sequitur 1402. Diabolum non esse caput omnium malorum per interiorē influxum immutando voluntatem, sed tantum per internam suggestionem immutando imaginationem, vel per externam tentationem proponendo obiecta peccatorum.

Probatur sequela : Nulla creatura potest immutare voluntatem hominis, ut diximus : Sed diabolus est creatura : Ergo non potest physicè immutare voluntatem hominum ; potest tamen immutare phantasiam, ut patet ex dictis. Quia tamen homo in statu innocentiae erat optimè ordinatus in Deum, quamvis absolute dæmon haberet potentiam immutandi phantasiam, Deo tamen tunc prohibente non poterat id præstare : Sed, postquam homo peccavit per suggestionem externam dæmonis, incidit in captivitatem dæmonis, qui iam potest ipsum etiam interiùs per phantasie & humorum immutationem tentare, & maiorem habet potestatem etiam exteriùs tentandi, & nocendi homini in se vel in rebus ad ipsum pertinentibus. Dicitur ergo diabolus caput malorum, quia illis suggerit mala, & quia ipse est primus, qui peccavit.

Id. ar. 8.

Sequitur 1403. Multo minus Anti-

D. Thoma Principium. 867

christum dici posse caput omnium maiorum ratione influxus interni, sed solum ratione completæ malitiæ.

Probatur sequela: Nulla creatura habere potest influxum internum in voluntatem: Sed Antichristus erit creatura: Ergo, &c. Potest tamen dici caput, quia erit omnium hominum nequissimus.

Sequitur 1404. In Christo esse intellectum. *3. p. q. 2. ad 1.*

Probatur sequela: Vbi est natura intellectualis est intellectus: Sed in Christo est natura intellectualis: Ergo & intellectus.

Sequitur 1405. In Christo esse intellectum Divinum & humanum. *Ibidem*

Probatur sequela: Vbi est natura intellectualis Divina & humana est, etiam intellectus Divinus & humanus: Sed in Christo est natura intellectualis Divina & humana, ex dictis: Ergo & intellectus Divinus & humanus. Maior patet, quia intellectus imò & intelligere Dei est ipsius natura, ut supra ostendimus: & intellectus humanus est proprietas naturæ & animæ humanæ, ut diximus in primo principio. Nec verò poterat Deus assumere naturam humanam sua proprietate privatam; assumpsisset enim naturam imperfectam.

Sequitur 1406. In Christo fuisse & *Ibidem*
Q. 2. 5

esse intellectionem etiam creatam.

Probatur sequela: Vbi est intellectus creatus, debet esse intellectio creata; aliàs frustra esset potentia intellectiva; cum omnis potentia sit propter suum actum, ut dicemus in tertio principio: Sed in Christo fuit intellectus creatus: Ergo debuit in illo esse intellectio creata.

Idem.

Sequitur 1407. Intellectum creatum & humanum Christi non potuisse elicere intellectionem increatam Dei.

Probatur sequela: Omnis operatio vitalis & immanens elicitur à principio intrinseco proximo coniuncto radicali principio vitæ, & in eodem principio in esse naturali aliquo modo recipitur: Sed implicat intelligere Divinum elici à principio aliquo creato proximo, id est, ab aliqua potentia creata coniuncta ipsi animæ tamquam radicali principio vitæ, & in eadem potentia recipi in esse naturali: Ergo, cum intellectus humanus Christi esset potentia aliqua creata, implicat intelligere Dei elici ab intellectu creato Christi.

3. p. 94. 11.

4. 3.

Sequitur 1408. Intellectum creatum Christi non potuisse intelligere per intellectionem increatam Dei.

Probatur sequela: Nullus intellectus potest intelligere, nisi per intellectionem vel sibi identificatam, vel à se elicitam:

vitaliter & in se receptam : Sed nullus intellectus creatus potest sibi identificare intellectionem increatam Dei, ut est evidens, nec ullus etiam intellectus creatus potest elicere vitaliter aut in se recipere intellectionem increatam, ex dictis : Ergo nullus intellectus creatus, atque adeo nec intellectus humanus Christi potest intelligere per intellectionem increatam Dei.

Sequitur 1409. In intellectu humano *Ibidem.* Christi nullum potuisse esse iudicium falsum incertum, aut inevidens.

Probatur sequela : Quod repugnat supposito Divino ut subsistenti in natura humana, & fini Incarnationis, non potest esse in Christo, ut patet : Atqui omne iudicium falsum, incertum & inevidens repugnat supposito Divino subsistenti in natura humana, & fini Incarnationis : Ergo omne iudicium falsum, incertum & inevidens repugnat Christo. Minor probatur : Repugnat Deo falli aut fallere, sive per seipsum sive per alium : quia est ipsa veritas : Sed suppositum Divinum etiam subsistens in natura humana est Deus : Ergo supposito Divino etiam subsistenti in natura humana repugnat falli, vel fallere, sive per se, sive per alium. Evidens autem est, quòd Deus falleretur, aut saltem posset falli, si in natura humana subsistente

per Divinam personalitatem, esset aliquod iudicium falsum, incertum aut inevidens. Cum enim operationes sint suppositorum, & Deus verè eliceret hoc iudicium falsum, Deus falleretur, si Christus etiam secundum intellectum creatum eliceret iudicium falsum: qui enim elicit iudicium falsum, fallitur. Similiter qui potest elicere iudicium incertum, potest falli; sicut etiam, qui potest elicere iudicium inevidens, nisi aliunde habeat certitudinem. Quod autem iudicium falsum, incertum, inevidens repugnet fini Incarnationis patet; quia finis Incarnationis est reparare hominem, ut supra ostendimus: Sed reparationi hominum repugnat, quod doctor & fundator Reipublicæ Christianæ ac reparator hominum fallatur, aut fallat: Ergo, &c.

Ibid. Sequitur 1410. A fortiori repugnare Christo iudicium practicum falsum.

Probatur sequela: Quia ultra repugnantiam iam allatam est alia, in quantum iudicium practicum falsum involvit potentiam & causam proximam peccandi: Sed hæc, ut diximus supra, repugnat Christo Ergo, &c.

3. p. 9. 4. 1. Sequitur 1411. Christo Domino fuisse debitam omnem perfectionem scientiæ, quæ non repugnat supposito Divino, vel fini Incarnationis.

Patet sequela ex dictis supra: Quia cui debetur omnis perfectio possibilis & non repugnans, debetur etiam omnis perfectio scientiæ, si sit naturæ intellectualis: Sed Christo Domino in natura humana subsistenti debebatur omnis perfectio modo superius explicato: Ergo & omnis perfectio scientiæ.

Sequitur 1412. In Christo Domino, *p. 9. 15. art. 3.* non potuisse esse ignorantiam privativam.

Probatur sequela: in quo est omnis perfectio scientiæ, nulla est ignorantia privativa; cum hæc duo opponantur privatiuè, atque adeo contradictoriè: Sed in Christo Domino est omnis perfectio scientiæ: est enim in ipso quicquid est ei debitum: Ergo in Christo Domino nulla potuit esse ignorantia privativa, maxime cum hæc sit ut plurimum causa peccati, & effectus eius.

Sequitur 1413. In anima Christi potuisse esse ignorantiam negativam, hoc est carentiam alicuius cognitionis non debitæ. *Ibidem.*

Probatur sequela: Carentia cognitionis non debitæ est ignorantia negativa, quæ nullum importat defectum, nisi illum, quem involvit necessariò ratio naturæ creatæ, quæ utpote limitata non omnia comprehendit: Sed anima Christi habuit carentiam cognitionis non

debitæ: Ergo habuit ignorantiam negativam. Hæc conclusio mox clariùs eluceſcet.

*Ex illis
probi*

Sequitur 1414. Animam Christi nullam in sensu aliquo interno aut externo falsitatem vel errorem habuisse.

Probatur sequela: In nullo sensu interno vel externo potest esse falsitas vel error, nisi sit aliquis defectus in intellectu: Sed in intellectu Christi Domini etiam creato nullus fuit aut potuit esse defectus, ex dictis: Ergo nec in sensu aliquo interno vel externo Christi potuit esse falsitas aut error. Maior patet ex dictis in primo principio: quia in sensu aliquo externo vel interno non potest esse falsitas aut error, nisi dupliciter; primò occasionaliter, quatenus sensationes sunt ipsi intellectui occasio errandi; secundò quatenus cogitativa imperfectè ratiocinando circa singularia decipitur, quod provenit ex eo, quòd non participat lumen à ratione nisi mistum multis erroribus, aut saltem potens falli: Atqui neutrum horum potuit esse in Christo; non primum, quia intellectus ipsius plenus scientiâ, nullam poterat ex sensibus sumere occasionem errandi; non etiam secundum, quia cogitativa ipsius vim rationis illustratæ tot luminibus perfectissimo modo participabat: Ergo, &c.

Addē perfectissimum temperamentum, quod multum facit ad sensuum operationes. Non quòd velimus recurrere ad miracula superflua, quasi sensus Christi Domini ita Divinitus confortati sint, ut semper obiecta attingerent, ut erant in seipsis; aliàs oporteret dicere; quòd semper vidisset Solem, Lunam, planetas & stellas omnes secundum naturalem ipsorum astrorum magnitudinem, quòd numquam vidisset Iridem, & in quacumque distantia videret obiecta, prout erant; quæ omnia falsa omninò sunt; quia visus quantumcumque acutus non potest in summa distantia percipere obiecta: hoc enim non tam pertinet ad perfectionem potentiarum, quàm obiectorum, ut possint in tanta distantia immittere species.

Dicendum etiam de somnijs, quod; si quæ haberet dormiendo, de quo meritò nonnulli dubitant, numquam tamen decipiebatur, quia ratio semper vigilabat, tum ratione visionis beatificæ, tum ratione scientiæ infusæ.

Sequitur 1415. Christum habuisse scientiam five visionem beatificam. 2.

Probatur sequela: Qui ceteros debebat adducere ad visionem beatificam, debuit illam habere, præsertim cum debita ei esset omnis perfectio non repugnans dignitati suppositi & fini Incarnationis;

874 *Secundum Doctrinam*

Sed Christus Dominus ceteros homines debebat adducere ad visionem beatificam; ad hoc enim venit in mundum, ut vitam æternam haberent: Ergo & ipse illam habuit. Maior probatur, quia quod est in potentia non reducitur ad actum, nisi per id, quod est in actu. Hæc ratio D. Thomæ est tantum convenientia: quia enim in rebus physicis omne, quod est in potentia, reducitur ad actum per aliquid, quod est in eodem actu vel formaliter vel eminenter, rectè S. Th. hoc principium transtulit ad Christum, qui debebat esse principium morale beatitudinis omnium hominum per meritum, & per modum instrumenti physici.

Idem. Sequ. 1416. Christum habuisse scientiam beatam à principio conceptionis suæ.

Probatur sequela: Quod convenit Christo propter dignitatem suppositi Divini, convenit ipsi à principio conceptionis, nisi obstat fini Incarnationis: Sed scientia beata convenit Christo ratione dignitatis suppositi Divini, nec obstat fini Incarnationis, ut postea dicemus: Ergo scientia beata convenit illi à principio conceptionis.

Sp. q. 10. art. 1. Sequitur 1417. Christi animam per hanc scientiam beatam non comprehendisse essentiam Divinam.

D. Thome Principium. 875

Probatur sequela: Quia, ut diximus supra, impossibile est cuicumque intellectui creato, quocumque tandem lumine gloriæ perfusus sit, comprehendere essentiã Divinam: Sed intellectus animæ Christi fuit creatus: Ergo, &c.

Sequitur 1418. Intellectum animæ Christi non vidisse omnia possibilia in Verbo. *Ibid. q. 2.*

Probatur sequela: Qui non potest comprehendere essentiã Divinam, non potest videre in Verbo omnia possibilia: Sed humanus Christi intellectus non potest comprehendere essentiã Divinam: Ergo nec cognoscere in Verbo omnia possibilia. Maior supra probata est, cum de visione Dei ageremus: Minor est certa ex dictis.

Sequitur 1419. Christi humanum intellectum vidisse omnia in Verbo, quæ Deus cognoscit scientiã visionis. *Ibidem.*

Probatur sequela. Quilibet beatus cognoscit in Verbo omnia, quæ ad eius statum & dignitatem & officium spectant: Sed ad dignitatem, statum & officium Christi ut iudicis ac redemptoris spectant omnia, quæ sunt, fuerunt, velerunt, & quæ Deus novit scientiã visionis: Ergo Christus hæc omnia cognoscit in Verbo.

Sequitur 1420. Christi intellectum humanum cognoscere in Verbo omnia. *Ibidem.*

quæ sunt in potentia creaturarum existentium in vniverso.

Probatur sequela : Qui cognoscit comprehensivè res aliquas , cognoscit omnia , quæ illæ possunt , vt constat ex dictis : Sed humanus Christi intellectus comprehensivè cognoscit in Verbo res omnes , quæ in vniverso existunt : Ergo cognoscit etiam in Verbo quæcumque sunt in potentia huiusmodi rerum : Sed hæc, quæ cognoscit , vt in potentia , dicitur cognoscere quâdam veluti scientiâ simplicis intelligentiæ ; quæ autem cognoscit vt existentia , cognoscere dicitur , quâdam veluti scientiâ visionis.

Ibid. ar. 3.

Sequitur 1421. Intellectum humanum Christi nosse etiam scientiâ visionis infinita , si loquamur tam de substantijs , quàm de accidentibus.

Probatur sequela : Qui novit omnia , quæ sunt in potentia creaturarum existentium novit etiam infinita : Sed intellectus humanus Christi in Verbo novit omnia , quæ sunt in potentia omnium creaturarum existentium , cogitationes , affectus , quos per totam æternitatem elicient : Ergo etiam scientiâ visionis cognoscit infinita , loquendo tam de substantijs , quàm de accidentibus.

Sequitur 1422. Loquendo de substantijs , humanum Christi intellectum :

non nosse infinita scientiâ visionis, bene-
tamen scientiâ simplicis intelligentiæ.

Probatur sequela : Quia substantiæ
de facto productæ & existentes , licet
sint in maxima multitudine , non sunt
tamen infinitæ ; potest enim assignari
prima & vltima : Sed substantiæ , quæ
sunt in potentia earum , quæ de facto
existunt in vniuerso , sunt infinitæ in
potentia , vt constat. Nec tamen scien-
tia Christi dicenda est infinita , quia
infinitas vel perfectio scientiæ non
petitur per se ex multitudine scitorum,
sed ex efficacia cognitionis & luminis,
quod in intellectu Christi humano sem-
per est finitum.

*D. Thome
de verit.
q. 25. a. 4.
ad 10. q.
14.*

Sequitur 1423. Intellectum huma-
num Christi videre essentiam Divinam
clariùs,quàm videat quælibet alia crea-
tura.

*D. Thome
3 p. q. 10.
ar. 4.*

Probatur sequela : Qui clarius & per-
fectius lumen gloriæ recipit , etiam cla-
riùs & perfectiùs videt essentiam Divi-
nam : Sed intellectus humanus Christi
clarius & perfectius lumen gloriæ reci-
pit : Ergo , &c. Maior pater ex dictis su-
pra, cum de visione beatifica actum est.
Minor probatur : Intellectus propin-
quior Verbo , clarius & perfectius lu-
men recipit ; ex propinquitate enim ad
principium lucis maior recipitur parti-
cipatio luminis : Sed intellectus Christi

878 *Secundum Doctrinam*

humanus est propinquior Verbo , quia est illi vnitus hypostaticè , & quia eius anima multò maiorem & perfectiorem habet gratiam : Ergo , &c.

3. p. q. 9. a.
2.

Sequitur 1424. In intellectu Christi humano esse scientiam inditam vel per se infusam.

Probatur sequela : In intellectu perfecto omni perfectione , tam naturali , quàm supernaturali possibili de via ordinaria , debet esse scientia per se infusa : cum illa etiam in alijs beatis repe-riatur : Sed intellectus humanus Christi est perfectus omni perfectione tam naturali , quàm supernaturali possibili de via ordinaria , vt ex dictis constat : Ergo in intellectu Christi humano debet esse scientia per se infusa ; quæ rectè vocatur indita , hoc est , intus data , quia à principio conceptionis Christi fuit illi infusa. Malè ergo repræhendi-tur D. Thom. quasi minùs latinè locutus vtendo illo termino, *Indita* ; cum etiam auctores purioris latinitatis illo vtan-tur , vt significant aliquid positum in-tra.

Quod verò D. Thomas recurrat ad species , vt probet dari scientiam hanc infusam , ideo est , quia habitus scientiæ est ordinativus specierum ; & huiusmo-di species repræsentantes mysteria su-pernaturalia , quæ per scientiam infu-

iam cognoscuntur, debent etiam esse per se infusæ.

Sequitur 1425. Hanc scientiam per se *Ibidem* infusam esse distinctam à scientia Beatorum.

Probatur sequela : Scientia habens obiectum primum & per se specificativum distinctum ab obiecto alterius, est etiam distincta ab altera: Sed hæc scientia infusa habet obiectum primum & per se specificativum distinctum : Ergo est etiam distincta à scientia beatorum. Maior probata est in primo principio, & amplius constabit ex dicendis in tertio. Minor probatur ex dictis : quia obiectum primum & per se specificativum scientiæ beatorum est ipsa essentia Divina, ut per seipsam cognoscibilis ; Obiectum autem huius scientiæ infusæ non potest esse ipsa essentia Divina ut per seipsam cognoscibilis ; quia hæc est per species creatas, licet infusas.

Sequitur 1426. Hanc scientiam per *Ibid.* se infusam esse omnino supernaturalem.

Probatur sequela : Omnis habitus per se infusus est supernaturalis : Sed hæc scientia per se infusa est habitus per se infusus, ut patet : Ergo hæc scientia per se infusa est supernaturalis.

Sequitur 1427. Hanc scientiam per se *Ibid. & q. 11.* infusam esse distinctam ab omnibus scientiis acquisitis.

Probatur sequela: Scientia omnino ac perfectè supernaturalis distinguitur ab habitibus acquisitis: Sed hæc scientia per se infusa est omnino & perfectè supernaturalis: Ergo hæc scientia per se infusa distinguitur à scientijs acquisitis.

3. p. q. 11.
a. 1. Sequitur 1428. Hanc scientiam per se infusam esse distinctam à donis Spiritus sancti, quæ vocantur sapientia, scientia, & consilium.

Probatur sequela: Scientia, quæ habet distinctum rationem formalem *sub quâ*, etiam est distincta ab alijs non habentibus eandem rationem: Sed scientia per se infusa habet distinctam rationem *sub quâ* à donis sapientiæ & scientiæ: hæc enim dona respiciunt sua objecta, ut ex motione Dei per gratiam inhabitantis cognoscibilia: scientia autem infusa non respicit illa sub hâc ratione, ut statim constabit: Ergo hæc scientia est distincta à donis sapientiæ & scientiæ & consilij.

3. p. q. 9. ar.
3. & 4. Sequitur 1429. Hanc scientiam per se infusam distingui à Theologia nostra.

Probatur sequela: Scientia distincta ab omnibus scientijs acquisitis est distincta à Theologia nostra; cum hæc sit acquisita: Sed, ex dictis, hæc scientia per se infusa est distincta ab omnibus acquisitis: Ergo & à Theologia nostra.

3. p. q. 9. a.
3. Sequitur 1430. Rationem formalem

D. Thoma Principium. 881

qua huius scientiæ esse ens supernaturaliale creatum per Divinam revelationem cognoscibile.

Probatur sequela. Obiectum siue ratio *qua* huius scientiæ est ens supernaturaliale, cum ipsa sit supernaturalis: Sed non potest esse ens increatum saltem quidditative cognitum, vel etiam ens supernaturaliale creatum sine vlla revelatione cognitum: Ergo est ens supernaturaliale creatum per Divinam revelationem cognoscibile. Minoris prima pars constat ex dictis supra: quia ens supernaturaliale increatum non potest quidditative cognosci, nisi per ipsam essentiam Divinam gerentem vices speciei, vt superius probatum est. Secunda verò pars minoris etiam patet, quia ens supernaturaliale quodcumque sit, non potest cognosci sine Divina revelatione.

Sequitur 1431. Rationem formalem 3. p. q. 9. a. 1
sub qua huius scientiæ non posse esse 3.
Divinam revelationem obscuram.

Probatur sequela: Divina revelatio obscura est ratio formalis *sub qua* ipsius fidei: Sed ratio formalis *sub qua* huius scientiæ infusæ non potest esse ratio formalis *sub qua* ipsius fidei: Ergo ratio formalis *sub qua* huius scientiæ infusæ non potest esse Divina revelatio obscura. Maior probabitur infra, & est certa apud omnes. Minor probatur ex

dictis: Quia Divina revelatio obscura repugnabat Christo; unde non potuit habere fidem: habuit tamen hanc scientiam infusam.

Ibidem.

Sequitur 1432. Rationem formalem *sub qua* huius scientiæ non potuisse esse Divinam revelationem claram & immediatam.

Probatur sequela: Divina revelatio clara & immediata est ratio formalis *sub qua* luminis gloriæ, sive scientiæ beatorum: Sed hæc scientia infusa non erat lumen gloriæ, sive scientia beatorum, ut patet ex dictis: Ergo non potuit revelatio clara & immediata esse ratio formalis *sub qua* huius scientiæ infusæ.

Ibidem.

Sequitur 1433. Rationem formalem *sub qua* huius scientiæ esse Divinam revelationem claram & mediatam.

Probatur sequela: Ratio formalis *sub qua* huius scientiæ est Divina revelatio: quia aliàs non posset attingere ens supernaturale: Sed non potest esse Divina revelatio obscura, vel clara immediata, ex dictis; Ergo debet esse Divina revelatio clara mediata.

Nec dicas hanc etiam posse competere Theologiæ nostræ. Contra enim est, quòd Theologia nostra potest quidem habere revelationem claram mediatam, sed illam per se non exigit: Scientia
verò

D. Thoma Principium. 883

verò per se infusa illam per se exigit, & sine illa nullo modo esse potest; unde & exigit species per se infusas, ac per hoc differt à Theologia nostra.

Sequitur 1434. Hanc scientiam infusam ita per se præsupponere lumen gloriæ sive scientiam Beatificam, ut sine illa stare nequeat. *Ibidem;*

Prob. seq. Nulla scientia stare potest sine sua ratione formali *sub qua*: Atqui ratio formalis *sub qua* huius scientiæ est Divina revelatio clara, sed mediata, quæ esse non potest sine lumine gloriæ, sine quo non potest Divina revelatio esse clara: Ergo hæc scientia infusa ita per se præsupponit lumen gloriæ, ut sine illo stare nequeat.

Sequitur 1435. Per hanc scientiam infusam Christum cognovisse omnia mysteria fidei creata, hoc est, gratiam, gloriam, & alia supernaturalia quæcumque possunt cognosci per species creatas. *3. p. qu. 1. r. 1. 2. 47. 1.*

Probatur sequela: Quicquid continetur intra obiectum sive intra rationem *qua* huius scientiæ, cognoscitur à Christo per hanc scientiam infusam: Sed gratia, gloria, & alia supernaturalia continentur intra rationem *qua* huius scientiæ, ut patet ex dictis; diximus enim rationem *qua* illius esse ens supernaturale creatum: Ergo per hanc

Tom. II.

P p

scientiam hæc mysteria cognoscuntur à Christo.

Dices hæc mysteria non posse cognosci clarè extra visionem beatificam.

Sed contra primò : Esto non possint hæc mysteria clarè cognosci quidditativè extra visionem beatificam ; nihil tamen prohibet, quin cognoscantur quantum ad an est : Secundò ; Verum quidem est hæc mysteria non posse cognosci clarè extra visionem beatificam hoc sensu , quia nimirum debet in eodem intellectu clarè ac quidditativè illa cognoscen- te præsupponi visio beatifica : Sed tamen supposita hac visione possunt hæc mysteria cognosci quidditativè & clarè per scientiam infusam ipsi coniunctam.

Dices non posse cognosci gloriam quidditativè , nisi eius obiectum , scilicet Deus , quidditativè cognoscatur : Sed non potest Deus cognosci quidditativè nisi formaliter per ipsum lumen gloriæ : Ergo non poterit cognosci gloria quidditativè nisi per lumen gloriæ : Sed contra : Quia non est necessarium quòd per eandem scientiam , per quam quidditativè cognoscitur gloria , cognoscatur quidditativè eius obiectum , sed sufficit, quòd per eundem intellectum , per quem quidditativè cognoscitur gloria , cognoscatur etiam quidditativè Deus , quamvis cognoscatur per

D. Thoma Principium. 885

aliam scientiam superiorem, à qua scientia quidditativa gratiæ essentialiter pendet: sicut scientia subalternata non potest quidditativè & clarè à priori cognoscere principia sua, nisi sit coniuncta scientiæ subalternanti, ex qua conjunctione fit, ut possit idem intellectus cognoscere quidditativè & clarè illa principia.

Sequitur 1436. Per hanc scientiam *Ibidem:* infusam Christum nosse cogitationes cordium, & futura contingentia etiam libera.

Probatur sequela. Per hanc scientiam Christus cognoscit, quicquid ad suum Redemptoris, ac iudicis, imo & Regis ac legislatoris officium spectat, ut supra ostensum est: Sed cogitationes cordium & futura contingentia spectant ad officium Christi &c. Ergo Christus per hanc scientiam ista cognovit. Maior iam probata est, si addamus scientiam beatificam non fuisse directivam actionum Christi, saltem quamdiu fuit viator: cum scientia beatifica non possit esse directiva actionum meritoriarum, ut etiam infra ostendemus. Minor verò est evidens: quia Christus etiam dum nobiscum ageret cognoscebat cogitationes cordium, & futura contingentia, quia hoc ad officium ipsius spectabat.

Sequitur 1437. Per hanc scientiam *Ibidem.*

infusam Christum non cognovisse quidditative Divinam essentiam, mysterium Trinitatis, Incarnationem, & cætera mysteria, quæ non possunt cognosci per species creatas.

Probatur sequela: Divina essentia, mysterium Trinitatis &c. non sunt quidditative cognoscibilia nisi per ipsam essentiam Divinam gerentem vices speciei impressæ, ut dictum est: Ergo &c.

Ibidem.

Sequitur 1438. Per hanc scientiam non potuisse Christum nosse hæc, scilicet essentiam Divinam &c. quidditative abstractive.

Probatur sequela: Omnis cognitio quidditativa Dei est intuitiva, & nulla omnino potest esse abstractiva; quia de quidditate Dei est existentia, ut aliàs ostendimus: Sed per hanc scientiam Christus non potuit cognoscere Deum intuitivè. ut dictum est: Ergo nec quidditative abstractive.

Ibidem

Sequitur 1439. Per hanc scientiam potuisse Christum cognoscere clarè Deum quantum ad an est, imò & decreta quædam eius libera, sicut & auxilia efficacia gratiæ, quæ sunt effectus decretae Dei,

Probatur sequela: Quia poterat Christus per hanc scientiam cognoscere clarè Deum evidentia in attestante, quantum

id an est; cum hoc etiam Angeli possint, Beata Virgo, & alij sancti, qui habuerunt evidentiam in attestante, ut aliàs explicabimus.

Ibidem.

Sequitur 1440. Christum Dominum per hanc scientiam infusam non cognoscere intuitivè futura contingentia.

Probatur sequela: Contingentia ut futura non possunt intuitivè cognosci nisi ut sunt realiter præsentia æternitati, ut ostendimus: Sed per hanc scientiam infusam Christus non potuit videre contingentia ut realiter præsentia æternitati: Ergo non potuit per hanc scientiam cognoscere intuitivè contingentia ut futura. Minor probatur. In nulla duratione, quæ non sit æternitas, possunt cognosci contingentia ut præsentia realiter ipsi æternitati: Sed Christus Dominus per scientiam infusam cognoscebat in duratione, quæ non erat æternitas, ut est evidens: Ergo Christus Dominus per hanc scientiam non cognoscebat contingentia ut realiter præsentia æternitati.

Sequitur 1441. Christum Dominum *Ibidem.* per hanc scientiam infusam cognoscere contingentia ut futura, antequam re vera sint præsentia in proprijs durationibus.

Probatur sequela: Qui cognoscit contingentia non intuitivè nec tam-

quam realiter suæ cognitioni præsentia, cognoscit ea ut futura: Sed Christus Dominus per scientiam infusam cognoscit contingentia, non tamen intuitivè nec tamquam præsentia realiter suæ cognitioni, ex dictis: Ergo Christus Dominus per hanc scientiam infusam cognoscit ea ut futura, antequam sint præsentia in proprijs durationibus.

Ibidem.

Sequitur 1442. Christum Dominum per hanc scientiam infusam cognoscere contingentia ut futura, quatenus cognoscit decreta Dei libera circa illa quantum ad an est ex participatione scientiæ beatificæ, & ex revelatione extra illam visionem facta, & evidentiâ evidentiâ in attestante, & ex specie infusa repræsentante auxilium efficax creatum, ac demum ex specie repræsentante huiusmodi contingentia secundum suam quidditatem.

Probatur sequela: Ex participatione scientiæ beatæ potest intellectus beati cognoscere extra verbum, quòd in Deo sit decretum liberum circa aliquid, quod nondum est præsens in sua propria duratione, quia per scientiam beatam videt in Deo illud decretum: potest etiam per revelationem evidentem evidentiâ in attestante cognosci decretum Dei liberum, etiam extra Verbum, ut patet in lumine prophetico, imò potest

D. Thoma Principium. 889

revelari eidem ratio , propter quam Deus sic decrevit & ordinavit ; potest etiam dari species creata representans auxilium efficax Dei ; ac demum potest dari species representans quidditatem rei futuræ etiam contingentis ; quomodo diximus in primo principio Angelos cognoscere singularia contingentia , etiam quando non sunt : Sed per hæc omnia media possunt cognosci contingentia , ut certò futura : Ergo , cum Christus Dominus potuerit habere hæc omnia media , Christus per hanc scientiam infusam potuit hæc contingentia ut certò futura cognoscere. Maior quoad omnes partes patet ex dictis. Minor est evidens. Qui enim certò & evidenter saltem evidentiâ in attestante cognoscit decretum Dei liberum circa aliquid , cognoscit certò illud esse futurum : Et qui cognoscit auxilium efficax , ut ponendum , cognoscit actum liberum ut ponendum : Christus autem Dominus extra visionem beatificam cognoscebat se per visionem illam cognoscere decreta Dei circa hæc & illa obiecta , sicut Paulus recordabatur eorum , quæ in visione Dei viderat ; præterea Christus dirigebat intentionem suam ad merendum huic & illi homini , tali vel tali tempore , hoc & illud auxilium efficax.

Sequitur 1443. Christum Dominum *Nidem.*

per scientiam infusam cognovisse omnia creata, ut aliquo modo ordinata in bonum electorum, & in finem supernaturalem.

Probatur sequela: Quia necessarium erat, ut hæc cognosceret extra visionem beatificam, ut constat ex dictis.

Ibid. 4. 2. Sequitur 1444. Christum Dominum potuisse uti hac scientia infusa non convertendo se ad phantasmata.

Probatur sequela: Anima independens à corpore, & habens species independentes sive non abstractas à phantasmatibus, potest intelligere non convertendo se ad phantasmata: Sed anima Christi, etiam quando erat viator, non dependebat à corpore; quamvis enim illud informaret, ei tamen dominabatur, ut etiam postea ostendemus: habuit præterea species non abstractas à phantasmatibus, sed potius per se infusas & supernaturales quantum ad hanc scientiam infusam: Ergo potuit per hanc scientiam intelligere non convertendo se ad phantasmata; imò hoc per se exigebat hæc scientia propter dominium, quod Christus habebat supra proprium corpus, & propter ipsas species. Maior patet: quia tota ratio, propter quam anima debet necessariò converti ad phantasmata, ut intelligat, est dependentia operationum animæ rationalis, ut:

D. Thoma Principium. 891

est rationalis , ab operationibus sensuum , & dependentia specierum intelligibilium à phantasmatis.

Sequitur 1445. Christum Dominum potuisse vti hac scientia infusa convertendo se ad phantasmata.

Ibid.

Probatur sequela: Anima corpus informans potest operando per intellectum formare in phantasia species sensibiles , similes aliquo modo illis , per quas intelligit , & hoc est convertere se ad phantasmata , vt est evidens: Sed anima Christi erat eo modo in corpore , erat enim vnita corpori , vt diximus: Ergo anima Christi potuit intelligere formando in ipsa imaginatione phantasmata aliquo modo similia his , quæ intelligebat ; atque adeo potuit se convertere ad phantasmata.

Sequitur 1446. Quod Anima Christi non ratiocinabatur ad acquirendam , vel de novo extendendam huiusmodi scientiam infusam ad novas veluti conclusiones.

Ibid. ar. 3.

- Probatur sequela: Scientia per se infusa non acquiritur , neque per actus extenditur ad novas conclusiones ; aliàs non esset per se infusa , sed acquisita: Atqui hæc scientia in anima Christi fuit per se infusa , ex dictis: Ergo &c.

Sequitur 1447. Intellectum hominum Christi potuisse vti hac scientia

Ibidem.

infusa sine discursu vel ratiocinatione.

Probatur sequela. Intellectus per species supernaturales & per scientiam supernaturalem cognoscens non indiget discursu : Sed intellectus Christi Domini , dum utebatur scientiâ infusâ , intelligebat per species supernaturales , & per scientiam supernaturalem , ex dictis : Ergo non indigebat discursu. Maior probatur : quia scientia superioris ordinis si sit perfecta , & per species superioris ordinis cognoscens continet formaliter eminenter modum cognoscendi , qui potest esse in cognitione inferiori : In cognitione autem inferiori Angelica , vel etiam humana , quâ cognoscuntur principia , est modus cognoscendi sine discursu : Ergo & in scientia superiori potest esse.

Ibidem. Sequitur 1448. Intellectum humanum Christi Domini potuisse uti hac scientiâ infusâ cum discursu.

Probatur sequela. Intellectus habens scientiam aliquam potest eâ uti modo sibi proprio : Sed modus proprius intellectus humani in Christo , sicut & in alijs hominibus , est intelligere discurrendo , ut aliàs ostensum est : Ergo potuit intellectus humanus Christi uti hac scientiâ infusâ discurrendo.

Ibidem. Sequitur 1449. Vsum huius scientiæ fuisse liberum Christo Domino.

D. Thoma Principium. 893

Probatur sequela : Qui potest vno aut altero modo indifferenter vti aliqua re , habet illius vsum liberum : Sed anima Christi vti poterat vno aut altero modo hanc scientiâ , vel convertendo se ad phantasmata , vel non ; vel discurrendo , vel sine discursu : Ergo vsus huius scientiæ fuit Christo liber.

Sequitur 1450. Potuisse Christum vti hanc scientiâ vel totâ simul , intelligendo simul omnia ipsius obiecta , vel non totâ simul. *Ibidem.*

Probatur sequela : Habitu , cuius vsus est liber , potest lumen intellectuale perfectum vti pro libito voluntatis : Sed vsus huius scientiæ est Christo liber ; & lumen intellectuale animæ Christi est perfectissimum , ex dictis : Ergo potuit Christus vti hanc scientiâ vel secundum totam latitudinem , vel non secundum totam latitudinem obiecti. Maior paret ex dictis in primo principio , vbi ostendimus , quod Angelus intelligens per speciem universalem potest illâ vti vel adæquatè , vel inadæquatè , ob perfectionem luminis intellectualis , & libertatem voluntatis. Nec per hoc intelliguntur plura ut plura , quia plura , ut conveniunt in vna ratione formali , iam non sunt plura.

Sequitur 1451. In vsu huius scientiæ potuisse esse discursum improprie dictum. *Ibidem.*

Probatur sequela : Successio cognitionum est discursus improprie dictus : Sed in usu huius scientiae potuit esse successio cognitionum, ut constat ex dictis : Ergo &c.

ibid. ar. 4.

Sequitur 1452. Hanc scientiam infusam animae Christi esse perfectiorem scientiam Angelorum in tribus, videlicet, quia per illam Christus cognovit plura, quam cognoscant angeli ; certius etiam cognovit, & quia causa, quae infudit hanc scientiam, est quodammodo perfectior.

Probatur sequela : Angeli per scientiam naturalem non cognoscunt mysteria gratiae, & per scientiam infusam non tot cognoscunt mysteria gratiae, quot Christus cognoscit ; certitudo etiam scientiae Christi infusae est multo maior, quam sit certitudo scientiae naturalis Angelorum, quia scientia infusa nititur Divina revelatione, certitudo autem cognitionis naturalis Angelicae nititur lumine naturali ; & certitudo scientiae eorum infusae non est ex tanto lumine, quantum est lumen supernaturale Christi ob dignitatem suppositi : Denique causa producens cognitionem naturalem in Angelis est Deus ut auctor naturae, cognitionem autem supernaturalem producit quidem Deus in illis ut auctor supernaturalis : Sed in anima Christi producit illam ut vnitus hy-

postaticè ; Quæ ratio causæ excellen-
tior est & perfectior. Ergo &c.

Sequitur 1453. Hanc cognitionem si- *Ibidem.*
ve scientiam infusam in Christo fuisse
habitualement.

Probatur sequela : Medium inter
cognitionem in potentia , & cognitio-
nem in actu , est cognitio habitualis :
Sed cognitio hæc Christi fuit quid me-
dium inter cognitionem in potentia &
cognitionem in actu : Ergo fuit cog-
nitio habitualis. Maior est evidens , quia
cognitio habitualis aliquid habet de po-
tentia , in quantum non est omnino in
actu ; & aliquid habet de actu , in quan-
tum habitus aliquo modo actuatur poten-
tiam. Minor probatur : quia cognitio
conformis subiecto , quod quandoque
est in actu , & quandoque in potentia ;
debet esse connaturaliter medium in-
ter potentiam & actum : Sed hæc cog-
nitio Christi eo ipso , quòd est in anima
rationali , est quandoque in actu , & quan-
doque in potentia : hæc enim est cog-
nitio sive modus cognoscendi connatura-
lis animæ rationalis : Ergo &c.

Sequitur 1454. Hanc scientiam infu- *In 3. dist. 1*
sam secundum se esse vnā specie atomā , *14. art. 3.*
atque adeo vnā numero in Christi *q. 4.*
anima.

Probatur sequela : Scientia , quæ ha-
bet vnicam rationem formalem , quæ &

sub qua, est vna specie atomâ secundum se, atque adeo est vna numero in vnico subiecto: Sed scientia hæc infusa habet vnicam rationem formalem *qua*, & *sub qua*, ex dictis: Ergo secundum se est vna specie atomâ, & consequenter in anima Christi vna numero: quia, vt in primo principio demonstratum est, diuersa eiusdem speciei accidentia non possunt esse in eodem subiecto.

3.p. q. 1. :
ar. 6.

Sequitur 1455. Hanc scientiam infusam, quoad species, non esse vnâ.

Probatur sequela: Scientia per plures species non est vna quoad species: Sed hæc scientia infusa est per plures species, ex dictis suprâ: Ergo quoad species non est vna. Probatur minor: quia licet hæc scientia infusa sit supernaturalis, est tamen in anima rationali aliquatenus modo connaturali, inquantum anima humana non est nata intelligere per species ita vniuersales, sicut natura Angelica. Hinc habes, quod, quando D. Thomas dicit hanc scientiam infusam non esse vnâ, sed in plures habitus distingui, loquitur de scientia infusa non secundum se, sed ratione specierum.

Ibidem.

Sequitur 1456. Hanc scientiam infusam habere species infusas aliquo modo vniuersales.

Probatur sequela: Scientia ista est



898 *Secundum Doctrina*

ctus agentis, hoc sensu, quòd per actionem intellectus agentis acquiritur, in quantum per illam species acquiruntur, quas postea ordinat habitus: Ergo scientia acquisita est perfectio humana.

Epistola ad 1.

Sequitur 1458. In Christo hanc scientiam fuisse acquisitam per propriam ipsius inventionem.

Probat sequela: In Christo non solum fuit omnis perfectio, sed nobilissimus modus habendi illam: Sed nobilissimus modus habendi scientiam acquisitam est per propriam inventionem: Ergo scientia acquisita fuit in Christo per propriam eius inventionem.

*3 p. 9. 12.
a. 1.*

Sequitur 1459. Christum per hanc scientiam acquisitam non cognovisse omnia, sed solum ea, quæ sunt cognoscibilia ex vi actionis intellectus agentis.

Probat sequela: Scientia, quæ habetur per species ex vi intellectus agentis, non potest extendi, nisi ad ea, quorum species produci possunt ex actione intellectus agentis, ut ex terminis patet: Sed scientia Christi acquisita habebatur per species ex vi intellectus agentis, ut constat ex dictis: Ergo scientia Christi acquisita non potuit extendi, nisi ad ea, quæ sunt cognoscibilia ex vi actionis intellectus agentis.

*3 p. 9. 12.
a. 1. ad 1.*

Sequitur 1460. Hanc scientiam brevi tempore fuisse à Christo acquisitam.

Probatur sequela : Excellentissima & 2^a
vis intellectus agentis & rationis, adiuta
pluribus auxilijs, potest breui tempore
acquirere omnem omnino scientiam ac-
quisitam : Sed in Christo fuit excellen-
tissima vis intellectus agentis, & ratio-
nis, & pluribus adiuta praesidijs, nimi-
rùm scientiâ infusâ, & excellenti ima-
ginatione &c. Ergo potuit acquirere,
atque adeo acquisivit, breui tempore om-
nem omnino scientiam acquisitam. Ma-
ior patet : quia per intellectum agen-
tē ex speciebus paucissimis possunt edu-
ci multæ species, quibus plurima cog-
noscantur, vt effectus per causas, causas
per effectus, similia per similia, contra-
ria per contraria &c. & huiusmodi spe-
cies per intellectum agentem elicita, breui
etiam tempore possunt ordinari ex vi
luminis intellectus siue rationis, maxi-
mè verò quando ille idem intelle-
ctus aliunde omnia nouit.

Sequitur 1461. Per hanc scientiam in- *Ibid. ad 2^{am}*
tellectum humanum Christi cognouisse
effectus corporum cœlestium in hæc in-
feriora.

Probatur seque. Intellectus perspicu-
cissimus ex paucis multa cognoscit, imò
comprehendit : Sed intellectus Christi
fuit perspicacissimus ; Ergo ex paucis
multa cognouit ; imò viso uffectu cau-
sam comprehendit, quæ perfectè pene-

Ibidem.

trauit vim causæ: Vide viso cœlo, & aliquo effectu cognouit vim cœli &c.

Sequitur 1462. Per hanc scientiam acquisitam Christum non cognouisse essentiam substantiarum separatarum sicut nec singularia præterita, præsentia, vel futura, nec cogitationes cordium &c.

Probatur sequela: Per hanc scientiam acquisitam Christi anima non cognouit, nisi ea, quæ ex vi intellectus agentis possunt sciri: Sed substantiæ separatæ, singularia siue præsentia, siue præterita, siue futura, & cogitationes cordium non possunt ex vi intellectus agentis sciri; nam nullus est effectus sensibilis, ex quo possit innotescere essentia substantiarum separatarum; singulariæ etiam sciri nequeunt, sicut nec cogitationes cordium ut aliàs diximus: Ergo per hanc scientiam acquisitam Christus hæc non cognouit.

Ibidem.

2. Sequitur 1463. Christum Dominum non potuisse proficere secundum scientiam Divinam, vel secundum scientiam creatam beatificam, vel secundum scientiam infusam, quoad habitus.

Probatur sequela: Scientia infinita non potest vlllo modo augeri, sicut etiam non potest quis in ipsa beatitudine semel habita proficere, & qui scit omnia scientiâ visionis modo perfectissimo, non potest plura scire: Sed scientia Diuina

D. Thoma Principium. 901

Christi fuit simpliciter infinita; scientia ipsius beata est eius beatitudo, scientia infusa attingit omnia cognoscibilia scientiâ visionis &, modo quodam perfectissimo, ut patet ex dictis supra: Ergo Christus secundum has tres scientias non potuit proficere.

Sequitur 1464. Christum quoad effectus aliquem profectum fecisse in scientia infusa.

Probatur sequela: Proficere quoad effectus nihil aliud est, quam plura vel maiora & subtiliora aliis demonstrare: Atqui hoc potuit Christus per scientiam infusam: Ergo &c.

Sequitur 1465. Christum in scientia acquisita profecisse. *Ibidem.*

Probatur sequela: Qui suis actibus acquirit scientiam, paulatim proficit; quia intellectus agens non totum simul operatur, sed successivè; cum dependeat à phantasmatis: Sed, ex dictis, Christus suis actibus acquisivit scientiam aliquam: Ergo in illa profecit.

Sequitur 1466. Non decuisse, quòd Christus ab homine ullo addisceret. *Ibid. a. 31*

Probatur sequela: Christus fuit caput & Doctor omnium hominum: Sed non decet, quòd caput & Doctor addiscat ab ijs, quos debet docere: Ergo non decuit quòd Christus addisceret ab homine.

Sequitur 1467. Christum non acce- *Ibid. a. 32*

uisse etiam scientiam ab Angelis.

Probatur sequela: Scientia omnis perfectiori modo debet tribui Christo: Sed modus habendi scientiam infusam immediatè à Deo absque ministerio Angelorum est perfectior; sicut etiam perfectior est modus habendi per actus proprios scientiam acquisitam ex vi luminis intellectus agentis, ut patet ex dictis: Ergo Christo debet tribui modus habendi scientiam infusam immediatè à Deo, cui anima Christi propinquior est omnibus Angelis ratione vnicnis hypostaticæ, & ipsi etiam debet tribui modus habendi scientiam acquisitam proprijs actibus & vi luminis intellectus agentis.

3. p. 9. 13.
art. 1.

Sequitur 1468. Christum secundum naturam Divinam fuisse absolutè ac simpliciter omnipotentem.

Probatur sequela: Deus absolutè ac simpliciter est omnipotens, ut supra ostensum est: Sed, ex dictis, Christus est Deus: Ergo Christus absolutè ac simpliciter est omnipotens.

Ibidem.

Sequitur 1469. Christum secundum naturam humanam non esse simpliciter omnipotentem.

Probatur sequela: Nulla persona secundum naturam finitam est simpliciter omnipotens: Sed Christus secundum naturam humanam est persona secun-

secundum naturam finitam : Ergo Christus secundum naturam humanam non est omnipotens.

Sequitur 1470. Animam Christi Domini non habuisse omnipotentiam respectu immutationis creaturarum. *Ibid. a. 2.*

Probatur sequela : Habere omnipotentiam respectu immutationis creaturarum, nihil aliud est, quam suppositam existentia illarum posse illas modis omnibus immutare, id est, transmutatione naturali, miraculosa, & reductiva in nihilum : Sed anima Christi non habuit omnipotentiam saltem ad immutationem reductivam in nihilum : sicut enim creare est proprium Dei, dictis supra, ita & annihilare : Ergo anima Christi non habuit omnipotentiam respectu immutationis creaturarum.

Sequitur 1471. Animam Christi secundum propriam naturam & virtutem, five naturalem, five gratuitam, habuisse potentiam ad effectus animæ convenientes ex tali virtute. *Ibidem.*

Probatur sequela. Habere potentiam idem prorsus est ac habere virtutem : Sed anima Christi secundum propriam naturam habuit virtutem ad effectus animæ ut sic convenientes, puta ad gubernandum proprium corpus ; habuit etiam gratiæ & scientiæ plenitudinem, quâ poterat illuminare omnes creaturas ra-

tionales ab eius perfectione deficientes, hoc est, poterat mereri omnibus creaturis intellectualibus vel ipsam gratiam, vel lumen aliquod supernaturale, prout est conveniens ipsis creaturis : Ergo &c.

Ibidem.

Sequitur 1472. Animam Christi ut instrumentum coniunctum Verbo Divino habuisse vim instrumentalem ad omnes immutationes miraculosas ordinabiles ad finem Incarnationis, qui est instaurare omnia, siue quæ in terris, siue quæ in cœlis sunt.

Probatur sequela : Quicquid ad dignitatem Redemptoris pertinet, debuit tribui animæ Christi ex vi unionis hypostaticæ, ad finem illum redimendi homines factæ, ut patet ex dictis supra : Sed vis instrumentalis ad omnes immutationes, quæ possunt ordinari in eum finem, pertinet ad dignitatem Redemptoris, ut ex terminis constat : Ergo hæc vis instrumentalis debet tribui animæ Christi.

Ibidem.

Sequitur 1473. Hanc vim instrumentalem non esse potentiam obedientialem immediatè activam respectu omnium effectuum supernaturalium, quam nonnulli constituunt etiam in omnibus rebus creatis.

Probatur sequela : Quod est commune omnibus rebus creatis, non conve-

nit Christo specialiter ex vi unionis hypostaticæ; & è contra quod convenit Christo specialiter ratione unionis hypostaticæ, non est commune omnibus alijs rebus creatis: Sed potentia obediencialis, immediatè activa respectu effectuum supernaturalium est communis omnibus rebus creatis, ut volunt isti Auctores: Ergo illa potentia obediencialis immediatè activa respectu effectuum supernaturalium non convenit specialiter Christo ratione unionis hypostaticæ: Cum ergo vis instrumentalis ad omnes immutationes miraculosas conveniat Christo specialiter ex vi unionis hypostaticæ, hæc vis non potest esse potentia illa obediencialis immediatè activa &c. Adde quòd non datur huiusmodi potentia obediencialis immediatè activa, ut ostendemus in tertio Principio.

Sequitur 1474. Hanc vim instrumentalem ad immutationes miraculosas & supernaturales non esse aliquam qualitatem permanentem in Christi anima. 2 q. 17. 4. 1.

Probatur sequela: Nulli instrumento potest dari virtus permanens ad attingendos omnes effectus causæ principalis, ut probabimus in tertio principio: Sed animæ & humanitati Christi datur ut instrumento vis illa instrumentalis: Ergo nō potest esse virtus aliqua permanens.

3. p. 9. 5.
art. 7.

Sequitur 1575. Hanc vim instrumentalem convenire humanitati Christi habitualiter.

Probaturs sequela : Hanc vim convenire humanitati Christi habitualiter nō est, illam esse aliquem habitum aut qualitatem permanentem ; hoc siquidem iam negauimus ; sed solūm est , vim illā instrumentalem esse debitam veluti cōtinuò & permanenter ipsi humanitati Christi : Atqui hoc verissimum est : Ergo &c. Explicatur : Vis instrumentalis transiens dupliciter alicui potest cōpetere ; primò ad vnum aut alterum actum , vel ad aliquos actus per modum transeuntis ; quomodo virtus instrumentalis ad secundum artificiosè competit securi , quandiu movetur ab artifice ; secundò potest vis instrumentalis alicui competere , quatenus est quidem per modum transeuntis , nihilominus influxus ille transiens est continuus , sicut calor animalis dimanans continuò ab ipso semper continuum influxum recipit , quo possit carnes generare ; non quòd revera ipse calor habeat aliquam qualitatem permanentem , ratioae cuius possit carnes producere ; sed quia continuò dimanans , continuum influxum ab ipso animali recipit : Ita proportionaliter humanitas Christi ex eo , quòd erat continuò vnita Verbo , ferè continuum influxum

fluxum à Verbo & à Deo recipiebat, ut quando vellet operaretur tamquam instrumentum operationes supernaturales & miraculosas.

Sequitur 1476. Hanc vim instrumentalem convenisse Christo à principio conceptionis quantum ad debitum; sed quantum ad usum illi convenisse, quando miracula patravit; durare verò in ipso in æternum.

Ibidem.

Probatur sequela: Dignitas ex unione hypostatica consequens, quantum ad debitum semper est, quamdiu est ipsa unio hypostatica; quantum ad usum verò, quando Christus ea vult uti: Atqui hæc vis instrumentalis est dignitas ex unione hypostatica consequens, ut dictum est: Ergo hæc vis instrumentalis semper est, ex quo est unio hypostatica, & hac durante durat quoad debitum, quoad usum verò, quando Christus vult eam uti.

Sequitur 1477. Hanc vim instrumentalem esse vim physicam & realem, physicè ac realiter opera illa supernaturalia & miraculosa patrantem.

Ibidem.

Probatur sequela: Vis instrumentalis non est necessaria ad opera illa patrandam tantum moraliter, sed ad ea verè realiter ac physicè patrandam: Sed hæc vis instrumentalis fuit necessaria Christo, ut patet ex dictis: quia humanitas

Christi secundum se non poterat realiter attingere hos effectus supernaturales: Ergo fuit necessaria, ut physicè illos efficeret. Major patet: quia ad opera illa patranda moraliter erat necessaria tantum gratia, quæ non est vis instrumentalis. Adde quòd Scriptura & Patres, cum de hac virtute loquuntur ijs vtuntur verbis, quæ vim & causalitatem physicam & physicè efficientem manifestè important: Vtuntur enim verbis faciendi, operandi, efficiendi, & alijs similibus.

3 p. 9. 6 a.
7.

Sequitur 1478. Hanc vim instrumentalem esse impulsam, sive motionem, sive qualitatem per modum transeuntis & virtuosam, quâ ipsa humanitas Christi elevatur à Deo ad hæc opera patranda.

Probat sequela: Omnis vis instrumentalis est impulsus, sive motio, sive qualitas per modum transeuntis impressa instrumento à causa principali, ut dicemus in tertio principio: Sed hæc virtus, quâ Christus hæc opera supernaturalia & miraculosa patrabat, est vis instrumentalis: Ergo hæc virtus est impulsus, sive motio, sive qualitas per modum transeuntis.

Ibid.

Sequitur 1479. Hanc vim instrumentalem non esse vnam & vnius rationis, sed esse diversam & diversæ rationis pro

diversitate operum, ad quæ patranda elevat.

Probatur sequela: Omnis vis activa & productiva est diversæ rationis pro diversitate formali operum, ad quæ per se primò ordinatur, vt ostendemus in tertio principio: Sed hæc vis instrumentalis est vis activa & productiva; aliàs non constitueret agens: Ergo est diversa pro diversitare formali operum, ad quæ per se primò ordinatur.

Sequitur 1480. Animam Christi secundum se non habuisse omnipotentiam respectu proprii corporis ad illud immutandum in omnes formas. 3 p q 13.
4 33

Probatur sequela: Forma habens determinatam proportionem ad suum corpus, habet etiam determinatam & limitatam virtutem respectu illius: Sed anima Christi secundum se habet determinatam proportionem ad suum corpus: Ergo habet etiam determinatam & limitatam virtutem respectu proprii corporis, atque adeo non habet omnipotentiam, quæ, vt supra vidimus, est virtus illimitata & infinita.

Sequitur 1481. Animam Christi, vt instrumentum Verbi coniunctum, habuisse potestatem omnimodam respectu proprii corporis & aliorum, exceptâ tamen potestate creandi vel annihilandi.

Probatur sequela: Qui habet vim

instrumentalem ad omnes omnino effectus supernaturales & miraculosos, habet etiam potestatem respectu dispositionum proprii corporis, & aliorum: Sed, ex dictis, Anima Christi ut instrumentum Verbi habebat vim illam instrumentalem ad omnes omnino effectus supernaturales & miraculosos: Ergo habebat etiam potestatem respectu dispositionum proprii corporis & aliorum.

Ibid. a. 4. Sequitur 1482. Animam Christi, potuisse, quicquid voluit per se facere.

Probatur sequela: Sapiens non vult per se facere, nisi quod potest per se facere, ut patet: Sed anima Christi fuit sapientissima: Ergo noluit per se facere, nisi quod per se facere potuit.

Ibidem. Sequitur 1483. Animam Christi potuisse ut instrumentum Verbi, quicquid voluit ut implendum virtute Divina.

Probatur sequela: Quia, ut diximus, habuit virtutem instrumentalem respectu omnium modo dicto.

3. p. q. 56. a. 1. ad 3. Sequitur 1484. Per virtutem illam instrumentalem potuisse Christi humanitatem attingere effectus loco distantes.

Probatur sequela: Instrumentum per virtutem instrumentalem à principali agente receptam potest attingere omnes effectus loco distantes ab instrumento, dummodo tamen causa princi-

D. Thoma Principium. 911

palis sit præsens in eo loco , vt ostendemus in tertio principio: Sed humanitas fuit instrumentum Verbi vbiq̃ue existentis, ex dictis: Ergo &c.

Sequitur 1485. Per vim illam instrumentalem humanitatem Christi vt modificatam , passione, morte , resurrectione , ascensione , & alijs actionibus , potuisse & posse nunc attingere effectus etiam tempore distantes ab illis actionibus. *Ibidem.*

Probatur sequela: Ad hoc vt instrumentum agat per vim instrumentalem, sufficit , quòd causa principalis existat , & instrumentũ etiã existat modificatum per aliquas actiones , aut passiones , vt ostensuri sumus in tertio principio: Atqui & Deus existerat tempore passionis , mortis &c. & modo existit , sicut & humanitas Christi existit nunc modificata per huiusmodi actiones & passiones: Ergo potest humanitas Christi vt modificata per illas etiam tempore distantes instrumentaliter operari.

Sequitur 1486. Ex dictis superius conueniens fuisse , vt Christus assumeret defectus & pœnalitates huius vitæ. *3. p. 144. 1.*

Probatur sequela: Id , quo maximè fit satisfactio voluntaria , sunt defectus & pœnalitates huius vitæ , vt constat: Sed conueniens fuit vt Christus , qui , vt diximus , ad hoc venit , vt satisfacere-

ret pro nobis , assumeret id , quo maxime sit satisfactio voluntaria : Ergo conveniens fuit , ut Christus assumeret defectus & pœnalitates huius vitæ , famem , sitim , passionem , mortem & huiusmodi : non autem pœnas alterius vitæ ; tum quia non sunt satisfactio voluntaria conveniens viatoribus : tum quia satisfactio Christi debebat exhiberi pro culpa , & pro illis pœnis.

Ibidem.

Sequitur. 1487. Christum assumpsisse corpus mortale & passibile , & proprietates consequentes necessario ad corpus mortale & passibile.

Probaturs sequela: Qui assumpsit corpus aptum ad satisfaciendum per pœnalitates huius vitæ , assumpsit etiam corpus mortale & passibile , & proprietates consequentes necessario ad conditionem corporis mortalis & passibilis: Sed Christus assumpsit corpus aptum ad satisfaciendum per pœnalitates huius vitæ , ex iam dictis : Ergo &c.

Ibid. ar. 2

Sequitur 1488. Christum assumpsisse necessitatem naturalem subiacendi his defectibus.

Probaturs sequela : Necessitas subiacendi his defectibus est , quæ consequitur principia naturalia , saltem materiam , ut non perfecte subiectam animæ habenti gloriam , sive ut non habentem dotes corporis gloriosi , aut aliquid aliud

impediens dissolutionem corporis: Atqui Christus assumpsit hanc necessitatem ortam ex materia, nec voluit, ut corpus participaret dotes gloriosas, aut aliquid aliud impediens dissolutionem corporis: Ergo assumpsit necessitatem naturalem subiacendi his defectibus famis, sitis, mortis &c.

Sequitur 1489. Christum assumpsisse *Ibidem.* se etiam necessitatem coactionis in ordine ad hoc, quod subijceretur his defectibus, prout necessitas coactionis dicitur repugnantiam ipsius naturæ corporalis.

Probat sequela: Necessitas coactionis est repugnantia naturæ corporalis appetitus sensitivi, imò & voluntatis, ut natura quædam est, quatenus videlicet natura corporalis, appetitus, & voluntas ut natura repugnant his defectibus: Atqui Christus Dominus assumpsit hanc repugnantiam: Ergo etiam assumpsit hanc necessitatem coactionis hoc modo explicatam.

Sequitur 1490. Christum Dominum *Ibidem.* non assumpsisse necessitatem subiacendi his defectibus, quæ sit necessitas coactionis, quatenus coactio est opposita ipsi voluntati deliberatæ.

Probat sequela: Qui vult liberè assumere defectus & subiacere illis, non assumit necessitatem coactionis oppositam voluntati deliberatæ: Sed Chri-

¶ 14. *Secundum Doctrinam*

stus, & ut Deus, & ut homo liberè voluit assumere hos defectus, & illis subiacere: Ergo non assumpsit necessitatem coactionis oppositam voluntati deliberatæ.

Ibid. ar. 3. Sequitur 1491. Christum Dominum non contraxisse hos defectus.

Probatur sequela: Contrahere hos defectus est illos simul cum peccato trahere; quia contrahere est simul effectus cum causa illorum trahere; causa autem horum defectuum, scilicet, mortis &c. est peccatum, ut supra diximus: Sed Christus non traxit hos defectus cum eorum causa, quæ est peccatum; cum nullum habuerit peccatum: Ergo non contraxit hos defectus.

Ibid. ar. 4. Sequitur 1492. Christum non assumpsisse defectus corporales, qui sunt origo repugnans perfectioni scientiæ & gratiæ.

Probatur sequela: Defectus, quos Christus assumpsit, debent esse huiusmodi, ut deserviant ad finem Incarnationis, qui est satisfacere pro peccatis; non autem, qui repugnent ipsi, & dignitati Christi, atque adeo perfectioni scientiæ & gratiæ, quam Christus habere debuit, ut patet ex dictis: Sed defectus corporales, qui sunt origo V. G. ignorantiae, vel peccati, ut stoliditas, & inclinatio vitiosa, repugnant digni-

tati Christi, & perfectioni scientiæ & gratiæ ipsius: Ergo hos defectus Christus non assumpsit.

Sequitur 1493. Christum non debuisse assumere defectus, qui causantur ex aliquibus causis particularibus, ut lepram, morbum caducum, &c. *Ibidem*

Probatur sequela: Defectus, qui causantur ex particularibus causis, vel sunt ex culpa, vel ex debilitate & corruptione virtutis formativæ: Sed Christus non debuit assumere defectus ex culpa, quæ in eo esse non potuit, ut ostensum est; neque defectus ex debilitate & corruptione virtutis formativæ; quia fuit conceptus ex virtute Spiritus sancti, in qua nullus est defectus: Ergo Christus hos defectus non debuit assumere; Et sic non assumpsit deformitatem corporis, & morbos ex malis humoribus &c.

Sequitur 1494. Christum debuisse assumere defectus, qui communiter causantur in hominibus ex peccato, nec involuunt defectum scientiæ & gratiæ, quales sunt fames, sitis, mors &c. *Ibidem*

Probatur sequela: Quia, ut diximus, isti deserviunt ad finem Incarnationis.

Sequitur 1495. Christi corpus fuisse perfectum, optimè dispositum, pulcherrimum &c. *Ibidem*

Probatur sequela: Corpus, in quo nullus est defectus ex causis particularibus.

916 *Secundum Doctrinæ*

bus, hoc est, ex culpâ, vel debilitate virtutis formativæ, est perfectum, optimè dispositum, pulcherrimum, &c: Sed in corpore Christi nullus fuit defectus ex causis particularibus, ut dictum est: Ergo &c.

In 3. dist.
16. q. 1. a.
2. ad. 4. Sequitur 1496. Corpus Christi licet fuerit temperatissimum, non tamen temperamento ad pondus, sed talis, quale potest competere corpori humano.

Probatur sequela: Quia non potest dari temperamentum ad pondus; eo quod à proportionē æqualitatis non sit actio, ut dicemus in tertio principio.

Ibidem. Sequitur 1497. In Christo nullam fuisse ægritudinem ab intrinseco, ut febrem &c.

Probatur sequela: Quia hæc ægritudines ab intrinseco ex malis humoribus & intemperie proveniunt.

3. p. q. 52.
a. 3. & 4.
cont. gent.
cap. 49. Sequitur 1498. Christum Dominum assumpsisse corpus circumscriptum loco.

Probatur sequela: Corpus connaturaliter est circumscriptum loco, ut diximus in primo principio: Sed Christus sive Verbum assumpsit corpus secundum modum corporis connaturalē; aliàs verificari non posset quod revera ambulasset, motus & passus fuisset &c. Ergo Verbum Divinum assum-

psit corpus circumscriptum loco.

Sequitur 1499. In Christo fuisse ap- 12 915.
petitum sensitivum.

Pro. seq. Vbi est anima rationalis, infor-
mās corpus, sunt etiā proprietates illius
atque adeo appetitus sensitivus, qui, vt
constat ex dictis in primo principio, est
proprietates animæ rationalis, quatenus
eminenter formaliter est sensitiva: Sed
in Christo fuit anima rationalis eiusdē
speciei cum nostra, ex iam dictis: Ergo
in Christo fuit etiam appetitus sensiti-
vus.

Sequitur 1500. In Christo Domino *Ibid.*
fuisse actus tum sensuum externorum &
interiorum, tum etiam appetitus.

Probatur sequela: Vbi sunt potentiae
non oriosæ, sunt actus illarum, vt con-
stat: Sed in Christo fuerunt potentiae
sensitivæ & appetitivæ non ociosæ; de-
serviebat enim illorum vsus & exerci-
tium ad finem Incarnationis, vt constat
ex dictis, & amplius patebit: Ergo fue-
runt actus tum sensuum internorum &
exteriorum, tum appetitus.

Sequitur 1501. Istos actus semper fuis- *Ibidem*
se in Christo ex dictamine ac præscrip-
to rationis.

Probatur sequela: Tum quia in Chri-
sto fuit perfectissima virtus absque vllō
defectu, & perfectum dominium ratio-
nis supra appetitum. Tum etiam quia

non decebat Christi dignitatem, ut alio modo eliceret hos actus; qui proinde non tam passiones, quàm propassiones in illo dicuntur.

Ibid. ar. 2.

Sequitur 1502. Istos actus appetitus sensitivi ita fuisse in Christo, ut nullum vel minimum defectum moralem importarent.

Ibid. ar. 5.

Probatur sequela: Quia in Christo nullus potuit esse defectus moralis; hic enim repugnat ipsius dignitati.

Sequitur 1503. In Christo non fuisse fomitem peccati, sive in actu primo, sive in actu secundo.

Probatur sequela: Vbi est perfectissima virtus tum acquisita, tum infusa, & perfectissimum dominium rationis supra partem inferiorē, nullus est fomes in actu primo vel secundo: Sed in Christo fuit perfectissima virtus tum acquisita tum infusa, & perfectissimū dominium rationis supra partem inferiorem; ita enim decebat dignitatem Christi, ut patet ex dictis: Ergo in Christo non potuit esse fomes vel in actu primo, vel in secundo. Major patet: quia virtus perfectissima eā perfectione, quæ non solum importat intensionem habitus, sed etiam perfectum dominium rationis excludit omnem motum sensualitatis in id, quod est contra rationem, ut constat ex dictis supra, cum de statu innocen-

tiæ egimus ; fomes verò importat appetitum sensitivum , ut potest habere motus contra rationem.

Sequitur 1504. In Christo non fuisse *Ibid. ar. 5.* ignorantiam , vel inconsiderationem.

Probatur sequela : Vbi est plenitudo scientiæ , & continua atque actualis omnium necessariorum consideratio , nulla est ignorantia vel inconsideratio : Sed in Christo fuit plenitudo scientiæ , & actualis atque continua consideratio omnium necessariorum , saltem ratione scientiæ beatæ : Ergo nulla fuit ignorantia vel inconsideratio.

Sequitur 1505. In Christo fuisse *Ibid. ar. 5.* dolorem sensibilem.

Probatur sequela : Vbi est læsio corporis , & sensus læsionis , est etiam actus appetitus , qui est dolor ; quia dolor consequitur ex læsione corporis sensu perceptâ , ut patet ex dictis in primo principio : Sest in Christo fuit læsio corporis , & sensus læsionis , ut constat ex superioribus : Ergo in Christo fuit dolor. Patres autem , qui hæc videntur negare , solùm volunt , quòd in Christo non fuit necessitas subjacendi dolori , quem poterat impedire , præsertim illum , qui ex peccato oritur.

Sequitur 1506. In Christo fuisse *Ibi. ar. 6.* veram tristitiam.

Probatur sequela : Dolor sensibilis de :

D. Thome Principium. 921

aliunde sit certum: Et hoc modo fuit timor in Christo absque incertitudine.

Sequitur 1508. In Christo fuisse admirationem. *Ibid. a. 2.*

Probatur sequela: Affectus circa rem novam, insolitam, & novo modo cognitam, est admiratio: Sed in Christo quoad appetitum inferiorem potuit esse affectus circa rem novam, insolitam, & novo modo cognitam: Ergo in Christo potuit esse, & fuit admiratio. Maior est definitio admirationis, quæ duplex est; alia enim est circa bonum, & est complacentia & desiderium laudandi illud; alia est circa malum, & est timor, & fuga illius. Minor patet etiam; quia licet secundum scientiam Divinam, beatam, & infusam nihil esset Christo novum & insolitum; tamen secundum scientiam experimentalem potuit esse aliquid magnum, novum, insolitum, & novo modo cognitum.

Sequitur 1509. In Christo fuisse iram. *Ibid. ar. 2.*

Probatur sequela: Tristitia cum appetitu vindictæ est ira: Sed in Christo fuit tristitia, ut dictum est, & fuit etiam appetitus vindictæ secundum ordinem iustitiæ & rationis, qui zelus dicitur: Ergo in Christo fuit ira.

Sequitur 1510. In appetitu sensitivo 3. p. 935. Christi fuisse amorem, odium, fugam, desiderium, fruitionem. *art. 4.*

922 *Secundum Doctrina*

Probatur sequela : Vbi est affectus appetitus sensitivi , ibi est amor , & vbi est amor , potest esse & est etiam odium mali oppositi , & fuga , & desiderium , atque fruitio ; vt pater ex dictis in primo principio : Sed in Christo fuit aliquis affectus appetitus sensitivi , ex dictis : Ergo potuit esse & fuit in illo amor , odium , fuga , desiderium & fruitio.

Ibidem.

Sequitur 1511. In Christo fuisse audaciam.

Probatur sequela : Affectus circa malum imminens possibile vinci aliquo modo , est audacia : Sed in Christo fuit affectus circa malum imminens possibile vinci ; vnde audacter increpabat Iudeos : Ergo in Christo fuit audacia , cum ratione tamen.

Ibidem.

Sequitur 1512. In Christo fuisse spem , prout est affectus appetitus sensitivi.

Probatur sequela : Affectus circa bonum sensibile arduum possibile , est spes : Sed in Christo fuit affectus circa bonum sensibile arduum naturalibus Christi viribus , possibile tamen aliquo modo : Ergo , &c.

Ibidem.

Sequ. 1513. In Christo fuisse etiam desperationem , prout est actus appetitus sensitivi.

Probatur sequela : Affectus circa bonum impossibile obtineri saltem aliquo modo , est desperatio : Sed in Christo

potuit esse hic affectus ; non enim est inconueniens, quod appetitus Christi elicuerit actum circa vitam propriam ut conservandam, quod tamen impossibile erat obtinere : Ergo, &c. Quia tamen hic motus desperationis ut plurimum imperfectionem importat, nisi corrigatur & dirigatur ratione, cautissimè in hac materia loquendum est.

Sequitur 1514. Christum simul fuisse *Ibidem* viatorem & comprehensorem.

Probatur sequela : Qui tendit ad perfectam beatitudinem patiando & agendo, est viator; qui autem habet beatitudinem est comprehensor; hoc enim intelligimus nomine viatoris & comprehensoris : Sed Christus secundum corpus tendebat ad perfectam beatitudinem corporis patiando & agendo, ut constat ex dictis ; & secundum animam erat beatus; videbat enim Deum, ut supra ostendimus : Ergo erat viator & comprehensor.

Sequitur 1515. Dari communicationem idiomatum ex vi mysterij Incarnationis. *3. p. qu. 16. a. 1. & 2. & 5.*

Probatur sequela : Prædicatio vera attributorum Dei de homine, vel attributorum hominis de Deo est communicatio idiomatum : Sed vera est de facto hæc prædicatio ex vi mysterij Incarnationis : Ergo ex vi illius datur

communicatio idiomatum. Maior patet: quia nomine communicationis idiomatum nihil aliud intelligimus, nisi quòd attributa Divina verè prædicentur de homine, & humana prædicentur de Deo. Minor verò probatur ex dictis: Ex eo quòd res est vel non est, prædicatio dicitur vera vel falsa: Sed ex vi mysterij Incarnationis idem suppositum, quod est Deus, est etiam homo: Ergo poterunt de illo eodem supposito verè prædicari Divina & humana.

Ibidem.

Sequitur 1516. Hanc communicationem idiomatum non consistere in hoc, quòd perfectiones Divinæ sint communicatæ naturæ humanæ formaliter, vel quòd humanæ sint communicatæ naturæ Divinæ formaliter.

Probatur sequela: Perfectiones Divinæ nequeunt alicui naturæ creatæ formaliter communicari; sicut nec perfectiones humanæ Divinæ naturæ; implicat enim, ut diximus supra, quòd Divinitas formaliter inhæreat, vel etiam mutetur in aliquam naturam creatam, sicut & quòd natura creata inhæreat Divinæ, vel in eam mutetur: Ergo, &c.

Ibid.

Sequitur 1517. Hanc communicationem idiomatum consistere in eo, quòd prædicata Divina & humana verè conveniant eidem personæ subsistenti in

Utrâque natura Divina & humana.

Probatur sequela : Ad veritatem prædicationis sufficit, quòd subiectum sive suppositum habeat id, quod per prædicatum significatur : Sed hæc communicatio idiomatû consistit in veritate prædicationis, id est, in eo, quòd prædicatio Divinorum sit vera de homine, & prædicatio humanorum de Deo habeat quoque veritatem : Ergo hæc communicatio idiomatum consistit in eo, quòd subiectum sive suppositum habeat illud, quod per prædicationem enuntiatur. Id autem fit sufficienter per hoc, quòd eadem persona subsistat in utrâque natura, Divina & humana; nam ex eo ipso idem suppositum habet Divina & humana.

Sequitur 1518. Hanc communicationem idiomatum fieri non posse nisi per nomina concreta. *Ibidem.*

Probatur sequela : Quando vnum debet prædicari de alio, quatenus idem est suppositum habens utrumque, prædicatio fieri nequit nisi per nomina concreta : Sed communicatio idiomatum fit per hoc, quòd vnum prædicatur de alio, quatenus idem est suppositum habens utrumque, vt patet ex dictis : Ergo communicatio idiomatum fieri nequit nisi per nomina concreta.

Sequitur 1519. Tam subiectum, quàm *Ibidem.*

prædicatum debere esse concreta in communicatione ista.

Probatur sequela: Quia neque subiectum, neque prædicatum debent significare aliquid, nisi ut in habente; alias enim falsa esset prædicatio, ut constat ex dictis: Ergo &c.

Ibidem.

Sequitur 1520. Deum, & attributa Divina in concreto optimè prædicari prædicatione substantiali, vera, & propria, de homine, & attributis eius essentialibus in concreto.

Probatur sequela: Quando idem est suppositum habens rationem significatam per subiectum & prædicatum, est prædicatio vera & propria, & si utrumque sit substantiale, est etiam substantialis, ut constat: Atqui ex vi mysterij Incarnationis idem est suppositum habens Divinitatem & attributa Divina, & habens humanitatem & attributa humana: Ergo cum Divinitas & attributa Divina sint substantialia, & humanitas sit etiam aliquid substantiale, prædicatio Divinitatis & attributorum Dei in concreto de humanitate in concreto, & de ipsius attributis essentialibus etiam in concreto, erit prædicatio vera, propria, & substantialis. Atque ita hæ erunt veræ: *Deus est homo; Deus est animal rationale &c.* & è contra, *Homo est Deus; Homo est omnipotens &c.*

Sequitur 1521. Divinitatem & eius *Ibidem*,
attributa non posse verè prædicari de
humanitate eiusvè attributis in abstra-
cto.

Probatur sequela: Propositiones, in
quibus prædicatum non convenit subie-
cto nisi vt habenti, non possunt esse ve-
ræ, si nomina sint abstracta: Sed in com-
municatione idiomatum Divinitas &
eius attributa non conveniunt humani-
tati, nisi quatenus significatur vt ha-
bens, ex dictis: Ergo Divinitas eiusque
attributa non possunt prædicari de hu-
manitate eiusvè attributis in abstracto.

Atque ita hæ sunt falsæ: *Humanitas est
Deus; Humanitas est Divinitas*, & si-
miles. Adverte tamen Divinitatem in
abstracto in sensu identico posse aliquo
modo prædicari de humanitate in con-
creto v. g. *Hic homo* (designato Chri-
sto) *est Deitas*. Ratio est: quia Ver-
bum in Divinis est ipsa Deitas in sensu
identico: Sed *hic homo* (designato
Christo) *est Verbum*: Ergo *hic homo*
(designato Christo) *est Deitas*. Hæc
tamen locutio est impropria, neque est
usurpanda: multò minuùs ista, *Deitas
est homo*; quia est multò magis impro-
pria. Quare si quando apud Patres, vel
alios probatos auctores huiusmodi pro-
positiones reperiantur, explicandæ sunt,
vt abstractum sit positum pro concreto.

Ibid. ar. 3.

Sequitur 1522. Divinitatem, eiusvè attributa non posse propriè denominativè prædicari de humanitate, etiam si prædicatum & subiectum ponantur concreta.

Probatur sequela: Quæ denominativè dicuntur, non propriè dicuntur substantialiter: Sed propter vnionem substantialem Divinitas & eius attributa substantialiter prædicantur de humanitate in concreto: Ergo propriè non dicuntur denominativè. Et sic Christus non potest dici Deifer, Deificatus, Vtrum verò dici possit homo Divinus, & quo sensu, dicemus statim.

Ibidem.

Sequitur 1523. Humanitatem posse aliquando denominativè dici de Deo.

Probatur sequela: Quando suppositum est constitutum ratione propriæ naturæ, potest alia natura superveniens & subsistens in eodem supposito prædicari denominativè de illo: Atqui suppositum Divinum Verbi est constitutum ratione naturæ Divinæ: Ergo potest natura humana illi quodammodo superveniens, & in eo subsistens, denominativè prædicari de illo. Atque ita potest dici Deus humanatus, sicut & Incarnatus.

Ibid ar. 4.

Sequitur 1524. Prædicata naturæ humanæ importantia suppositum creatum essentialiter, non posse dici de Deo, vel

D. Thome Principium. 919

de Domino nostro Iesu Christo.

Probatur sequela: Quia mysterium Incarnationis consistit in hoc, quod idem sit suppositum Divinum & humanum: Sed prædicata naturæ humanæ importantia suppositum creatum essentialiter, tollunt hanc identitatem suppositi: Ergo tollunt mysterium Incarnationis, atque adeo non possunt dici de Deo vel de Christo. Et sic non potest dici, quod Christus sit purus homo, quod sit alius à Verbo; quod sit peccabilis; quod sit filius adoptivus, & idem dicendum de alijs, quæ repugnant Divinæ personæ.

Sequitur 1525. Prædicata naturæ humanæ non posse dici de Deo etiam in concreto cum reduplicatione Divinitatis solius. *Ibid. a 10*

Probatur sequela: Quia omnes huiusmodi prædicationes cum tali reduplicatione sunt falsæ: nam v.g. falsum est, quod Verbum inquantum Deus sit homo, &c.

Sequitur 1526. Prædicata naturæ humanæ, quæ important nihilominus suppositum Divinum, posse aliquando cum reduplicatione Divinitatis dici de Christo. *Ibid.*

Probatur sequela: Quando res significata per prædicatum importat duplicem rationem, quæ convenit subiecto

secundum diversas etiam rationes, tunc potest fieri reduplicatio secundum illas diversas rationes: Sed ita se habet aliquando in mysterio Incarnationis, v. g. in ista propositione, *Christus satisfecit de toto rigore iustitiæ*; satisfacere siquidem convenit Christo, quatenus est homo; perfectio verò satisfactionis, quod videlicet hæc satisfactio sit perfecta & infinita, non convenit Christo, nisi quatenus est suppositum Divinum subsistens in natura humana: Ergo in hac, & similibus propositionibus poterit aliquo modo reduplicari suppositum Divinum, dicendo v. g. *Christus ut Deus satisfecit de toto rigore iustitiæ*; melius tamen est addere utramque reduplicationem, dicendo, *Christus ut Deus homo satisfecit de toto rigore iustitiæ*.

Ibidem.

Sequitur 1527. Quando reduplicatio ponitur ex parte prædicati, tunc necessarium esse, ut ratio significata per prædicatum conveniat Christo ratione illius, quod ex parte prædicati reduplicatur, v. g. Christus est mediator in quantum Deus homo.

Pater hæc sequela ex præcedenti.

Ibidem.

Sequitur 1528. Quandoque prædicatum non convenire Christo nisi ratione utriusque simul naturæ; & tunc non posse fieri reduplicationem, nisi respectu utriusque.

Pater

D. Thoma Principium. 931

Patet sequela in hoc exemplo, *Christus est persona composita*: Non enim potest fieri reduplicatio nisi ex parte utriusque naturæ, Divinæ scilicet & humanæ, ut est evidens. Et idem dicendum in similibus.

Sequitur 1529. Hanc propositionem, *Deus est homo*, esse verissimam ex parte extremorum, & ex parte copulæ sive prædicationis. 3. p. q. r. 9
ar 1.

Probatur sequela: Nomen significans naturam communem in concreto, potest supponere pro quolibet contentorum sub natura communi, ut certum est apud Logicos: Sed hoc nomen, *Deus*, significat naturam Divinam in concreto; sicut & hoc nomen, *homo*, naturam humanam: Ergo hoc nomen, *Deus*, potest supponere pro quolibet supposito habente naturam Divinam, & hoc nomen, *Homo*, potest sumi pro quolibet habente naturam humanam; atque adeo verum est, quòd ille, qui habet naturam Divinam, est homo, si simul habeat naturam humanam: Cum ergo verum sit ex mysterio Incarnationis, quòd idem suppositum, quod habet naturam Divinam, habeat etiam naturam humanam, hæc propositio, *Deus est homo*, erit verissima.

Sequitur 1530. In hac propositione, *Ibid & a.*
Deus est homo, terminum illum, *Deus*, *2. ad 2.*

non supponere indefinitè sed determinatè pro supposito secundæ personæ, sive Verbo.

Probatur sequela: In propositione, in qua de subiecto enunciatum prædicatum non conveniens nisi vni supposito contento sub ratione significata per subiectum, prædicatum determinat subiectum, ut stet pro illo tantum supposito; sicut quando dicimus, *Deus generat*, terminus ille, *Deus*, stat tantum pro Patre: Atqui ita contingit in ista, *Deus est homo*; vni enim soli supposito Verbi, quod continetur sub termino illo communi, *Deus*, convenit ratio significata per hoc nomen, *homo*, scilicet natura humana: Ergo in hac propositione non sumitur terminus ille, *Deus*, indefinitè, sed determinatè.

*¶ p. qu. 2.
ar. 5.*

Sequitur 1531. In eadem propositione, *Deus est homo*, prædicatum, *Homo*, esse uniuocum, & uniuocè dici de Deo & de alijs hominibus.

Probatur sequela: Nomen reipsa uniuocum dictum de illo subiecto, quod habet verè ac propriè illam rationem univocam, quæ significatur per nomen, est univocum, & univocè dicitur de illo subiecto, ut patet ex dictis in primo principio: Sed hoc nomen, *Homo*, est univocum respectu omnium animalium rationalium, & dicitur de Deo, quod

D. Thoma Principium. 933

habet verè ac propriè illam rationem univocam animalis rationalis, vt est de fide ratione mysterij Incarnationis, ex dictis : Ergo hoc nomen, *Homo*, univocè dicitur de Deo & alijs hominibus.

Sequitur 1532. Hanc propositionem, *Deus est homo*, tam esse propriam, quàm sit ista, *Petrus est homo*. 3. p. q. 16.
a. 2.

Probatur sequela: Propositio, in qua nomen significans naturam specificam univocam univocè prædicatur de habente illam, tam est propria, quàm cum prædicatur de alio similiter habente eandem naturam, licet in modo habendi differant; quia non prædicatur modus habendi illam, sed prædicatur dumtaxat, quòd illam habeat secundum eandem rationem : Sed ita contingit in proposito, ex dictis: Ergo, &c.

Sequitur 1533. Hanc propositionem, *Deus est homo*, esse in materia naturali. 3. p. q. 16.
a. 1. ad 1.

Probatur sequela : Omnis propositio, in qua natura specifica prædicatur de individuo eiusdem speciei, est in materia naturali : Sed hæc propositio est huiusmodi, ex dictis: Ergo, &c.

Nec valet, si dicas, contingens esse & liberum Deo fieri hominem, atque adeo connexionẽ huius prædicati, *Homo*, cum hoc termino, *Deus* esse contingentem & liberam; & consequenter totam

934 *Secundum Doctrinā*

propositionem esse contingentem.

Nō valet, inquā, quia licet modus habendi naturā sit liber, modus tamen prædicandi est naturalis, quando natura specifica prædicatur de individuo & supposito: Quare si per impossibile liberum foret patri generanti generare hominem, vel aliquod aliud animal, supposito tamen quod generasset hominem v. g. Petrum, hæc propositio, *Petrus est homo*, esset in materia naturali. Ratio est, quia modus prædicandi sequitur & supponit modum essendi: unde supposito, quod Petrus sit verè individuum naturæ humanæ, hæc prædicatio est naturalis, *Petrus est homo*, etiamsi liberè Petrus productus sit homo; non enim attenditur materia propositionis ex causa, sed ex ipsa terminorum vnione. Quia ergo natura humana vnitur Verbo, tamquam natura supposito, quæ est vnio substantialis & naturalis, in quantum natura prædicatur de supposito naturæ, prædicatio est in materia naturali, sensu iam explicato.

16.
22.

Sequitur 1534. Hanc propositionem, *Homo est Deus*, esse veram & propriam.

Probatur sequela: Propositio, in qua natura prædicatur de supposito habente illam, est vera & propria: Sed in hac, *Homo est Deus*, natura prædicatur de supposito habente illam: Ergo illa est

D. Thoma Principium. 935

vera & propria. Minor probatur : In illa propositione , *Homo est Deus* , terminus ille , *Homo* , supponit pro supposito naturæ humanæ : Sed verè ac propriè suppositum naturæ humanæ , est Deus sive habens Deitatem : Ergo verè ac propriè , Deus prædicatur de supposito naturæ humanæ.

Sequitur 1535. Christum non posse dici hominem Dominicum.

Probatur sequela : De eo , de quo propter identitatem suppositi , prædicatur nomen essentialiter , non potest prædicari denominativè , nisi indicetur habitudo ad aliud distinctum : Sed de Christo prædicatur Dominus essentialiter propter identitatem suppositi : Ergo de illo non potest prædicari denominativè , nisi forte indicaretur habitudo ad aliud distinctum. Quare ista locutio est vera , *Caro Dominica* , *Passio Dominica* &c. sicut & istæ , *Verbum Divinum* , *Generatio Divina* &c. Quia in istis designatur habitudo ad aliquid distinctum : Caro enim distinguitur à supposito , sicut & passio ; sicut etiam Verbum distinguitur à Patre , & generatio distinguitur à Deo saltem virtualiter , sicut & attributa Divina à Deo distinguuntur. Nec valet si dicas , quod etiam suppositum Verbi distinguitur à potentia , à qua Deus dicitur Dominus.

Non valet, inquam, quia suppositum Verbi potest optimè dici Divinum, non autem potest Christus dici homo Dominicus, quia ille terminus, Christus importat naturam & potentiam Divinam essentialiter, à qua non distinguitur ratio Domini.

3 p. 9. 16.
8. 4.

Sequitur 1536. Ea, quæ conveniunt naturæ Divinæ, posse prædicari de homine; & ea, quæ sunt humanæ naturæ, posse prædicari de Deo.

Probatur sequela: Vbi est eadem hypostasis & idem suppositum duarum naturarum, quæ conveniunt vni naturæ in concreto, possunt dici de alia; quia prædicatum convenit hypostasi sive supposito & de illo dicitur: Sed ex mysterio Incarnationis vna & eadem est hypostasis, idemque suppositum naturæ Divinæ & humanæ; ut patet ex dictis: Ergo ea, quæ conveniunt naturæ Divinæ possunt in concreto dici de natura humana in concreto, & è contra. Maior est evidens: quia cum sit idem suppositum naturæ utriusque, & subiectum supponat pro supposito, quæcumque conveniunt vni naturæ possunt dici de subiecto, sive supposito habente aliam naturam,

Ibidem.

Sequitur 1537. Ea; quæ conveniunt vni naturæ existenti in eodem supposito, non posse dici de alia natura, nisi

secundum quod illa prior natura invenitur in illo supposito.

Probatur sequela: Quia, quæ prædicantur de aliquo ut habente formam, prædicantur de illo, quatenus habet illam formam, ut ex terminis constat: Sed, ex dictis, quæ conveniunt uni naturæ existenti in vno supposito, non possunt dici de alia natura, nisi quatenus hæc est in eodem supposito, ut in habente: Ergo non possunt dici de illa natura, nisi ut hæc natura reperitur in illo supposito.

Sequitur 1538. Ea, quæ sunt Divinæ naturæ in Christo, non posse prædicari de humana, vel è contra, nisi quatenus sunt idem in supposito, hoc est, quatenus suppositum est idem. *Ibid. a. 5.*

Probatur sequela: In omni prædicatione affirmatur identitas prædicati cum subiecto: Sed in mysterio Incarnationis natura Divina, & humana non sunt idem inter se, sed tantum sunt idem in supposito, ut dictum est: Ergo ea, quæ sunt Divinæ naturæ non possunt prædicari de humana, vel è contra, nisi quatenus sunt idem supposito, hoc est, quatenus est idem suppositum utriusque naturæ.

Sequitur 1539. Hanc esse veram & propriam, *Deus factus est homo.* *Ibid. ar. 6.*

Probatur sequela: Vnumquodque

R 7 4

dicitur esse factum id, quod de novo illi convenit, & quod de novo prædicatur de illo: Sed esse hominem convenit Deo de novo, & de novo prædicatur de illo, ut patet ex dictis: Ergo Deus verè dicitur factus homo. Idemque dicendum de ista, *Deus factus est hic homo.*

Ibid. ar. 7: Sequitur 1540. Hanc propositionem, *Homo factus est Deus*, esse absolutè ac simpliciter falsam.

Explicatur: Hæc propositio tripliciter intelligi potest; primò ut participium illud, *factus*, sit pars subiecti vel prædicati, quasi diceretur, *Homo, qui simpliciter factus est, est Deus*; Vel, *Homo est Deus factus & creatus*: Et hoc modo constat propositionem esse falsam, quia nulla persona Divina vel humana in Christo facta dici potest. Secundò potest intelligi, ut participium istud, *factus*, determinet totam propositionem, & sensus sit, *factum est, ut humana natura sit coniuncta hypostaticè Divinitati*; Et hoc modo vera quidem est propositio, sed impropriè exponitur; quia hic sensus non potest esse germanus illius propositionis. Tertius sensus est, ut participium illud, *factus*, determinet subiectum in ordine ad prædicatum, ita ut sensus sit, quòd homo effectus est Deus, sive acquisivit hoc,

quod est, esse Deum ; Et hoc modo falsam esse dicimus illam propositionem.

Probatur sequela : Nulla persona facta est Deus , sive , nullum suppositum acquisivit esse Divinum: Sed illa propositio absolute ac simpliciter significat , personam effectam esse Deum: Ergo absolute ac simpliciter significat , quod non est , atque adeo est falsa. .

Sequitur 1541. Hanc , *Christus est creatura* , esse falsam. *Ibid. a 8.*

Probatur ex dictis supra: Prædicata naturæ humanæ importantia suppositum creatum , vel distinctum à Divino, non possunt dici de Christo: Sed ille terminus , *Creatura* , est prædicatum importans suppositum creatum ; quia creari est tantum suppositorum , ut supra diximus : Ergo ille terminus , *Creatura* , non potest dici de Christo , nisi addatur limitatio & determinatio v. g. secundum humanitatem ; tunc enim ratione illius limitationis terminus ille, *Creatura* , non stat pro supposito , sed pro natura humana , quæ non est ens improductum , ut constat.

Sequitur 1542. Istam , *Christus inquantum homo , est creatura* , esse veram. *ibid ar. 10.*

Probatur sequela : Quando ratione limitationis terminus importans suppo-

fitum creatum non stat pro supposito, sed pro natura, potest ille terminus prædicari de Christo, ex dictis: Atqui in ista, *Christus inquantum homo*, &c terminus ille *Homo* non stat pro supposito absolutè, sed solùm pro natura humana: Ergo potest ille terminus, *Creatura*, quamvis importet suppositum creatum, dici de Christo; quia ratione limitationis non stat pro supposito, sed pro natura. Minor probatur quia terminus ille, *Homo*, ex parte prædicati stat pro natura, eò quòd prædicatum se tenet formaliter: Atqui in illa, *Christus inquantum homo est creatura*, terminus, *Homo*, se tenet ex parte prædicati; est enim idem ac si diceretur, *Christus inquantum est homo*: Ergo terminus ille homo se tenet formaliter, atque adeo stat pro natura.

Ibid. ar. 9. Sequitur 1543. Falsam esse propositionem istam, *Iste homo* (demonstrato Christo) *incæpit esse*.

Probatur sequela: Suppositum Christi non incæpit esse, sed potius est æternum, cum sit suppositum Divinum: Sed terminus ille, *Iste homo*, demonstrato Christo, designat suppositum: Ergo iste homo (demonstrato Christo) non incæpit esse. Est tamen verum, quòd iste homo inquantum homo incæpit esse, iuxta iam dicta.

D. Thoma Principium. 941

Sequitur 1544. Falsam esse istam, *ibid. ar. 16*
Christus, secundum quod homo, est
Deus.

Probatur sequela: Terminus in reduplicatione positus se tenet formaliter pro natura, quam significat, non pro supposito habente illam: Sed in hac propositione est terminus in reduplicatione positus, videlicet, *Homo*: Ergo ille terminus se tenet formaliter pro natura, non pro supposito. Cum ergo falsum sit, quod Christus secundum naturam humanam sit Deus, falsa est huiusmodi propositio. Si tamen adderetur aliquid, ratione cuius ille terminus reduplicatus sumeretur pro supposito, esset vera.

Sequitur 1545. Distinguendam esse *ibid. a 12.*
propositionem istam, *Christus, secundum quod homo, est persona*: nam si verba illa, *Secundum quod homo*, reduplicent suppositum, vera est; si reduplicent naturam humanam, & sensus sit, quod naturæ humanæ competat esse in aliqua persona, etiam vera est; si autem sensus sit, quod naturæ humanæ competat personalitas causata ex principiis ipsius naturæ humanæ, falsa est.

Patet sequela ex dictis: Quia in Christo non est alia persona, quam Divina.

Sequitur 1546. Christum esse unum 3 p. q. 17.

R. 1. 6.

¶ 1.

masculinè, & non duos propriè loquendo.

Probatur sequela : Vbi est tantum una persona est tantum unus masculinè, & non duo ; quia ut diximus supra, nomen masculinum significat personam : Sed in Christo est tantum unica persona, ex dictis : Ergo est tantum unus, & non duo.

¶ *Ibidem*.

Sequitur 1547. Christum non esse duo etiam neutraliter.

Probatur sequela : Quoties aliqua duo constituunt unum substantiale per se, non potest illud dici duo, sed unum ; si enim constituunt unum per se, non fiunt duo : Sed natura Divina & humana constituunt unum per se substantiale in Christo, ut supra ostensum est : Ergo non possunt dici duo, sed tantum unum. Possumus ergo dicere in Christo esse duas naturas, non tamen possumus dicere ; Christum esse duo.

¶ *Ibid. 4. 2.*

Sequitur 1548. Christum non esse alium & alium, imò nec aliud & aliud propriè.

Probatur sequela : Qui est tantum unus & nullo modo duo, non potest dici alius & alius, imò nec aliud & aliud propriè : Sed Christus est tantum unus, & nullo modo duo, ex dictis : Ergo Christus non est alius & alius, imò nec aliud & aliud propriè. Quare si quando Patres dicunt, Christum esse aliud &

D. Thoma Principium. 943

aliud, explicandum est, quod velint, in Christo esse aliam & aliam naturam.

Sequitur 1549. Christum non esse *Ibid. ad 3a* tantum hominem, & nihilominus esse tantum id, quod est homo.

Probaturs sequela: Qui est Deus & homo, non est tantum homo; est tamen tantum suppositum, quod est homo: Sed Christus est Deus & homo, ex dictis: Ergo non est tantum homo, quamvis sit tantum vnum suppositum, quod est homo.

Sequitur 1550. In Christo non esse *Ibid. ar. 2a* nisi vnicam existentiam.

Probaturs sequela: Quod est vnum per se, non habet nisi vnicam existentiam; quia ex duobus entibus in actu non potest fieri vnum per se: Sed Christus est vnum per se, ut patet ex dictis: Ergo Christus non habet nisi vnicam existentiam. Maior constat: quia ut fiat vnum per se ex duobus, debet vnum se habere per modum potentiae, & alterum per modum actus: Atqui ex duobus entibus in actu & existentibus non potest alterum se habere per modum potentiae; quod enim est ens actu ultimam actualitate, non potest esse ens in potentia, ut ex terminis constat: Ergo ex duobus entibus in actu non potest fieri vnum per se. Confirmatur: Quia tota ratio illorum, qui oppositum opinantur, est,

eò quòd essentia & existentia in rebus creatis non distinguuntur realiter : Atqui hæc ratio nulla est , vt patet ex dictis initio : In solo siquidem actu puro essentia & existentia non distinguuntur : Ergo assertio illorum falsa est. Confirmatur secundò : Esse vnum & permanere vnum , est vnica existentia : Sed Christus habet esse vnum & vnum permanere , vt in 6. Synodo act. 11. ait Sophronius , cuius verba à toto Concilio approbata sunt : Ergo &c. Imò ipse Sophronius expresse ait , humanitatem Christi in Verbo habuisse existentiam vnā , & non in semetipsa. Denique probatur sequela ex ipsa ratione existentiae : Vltima cuiuslibet rei actualitas est existentia : Sed Christus non habuit nisi vnica vltimam actualitatem : Ergo non habuit nisi vnica existentiam. Minor probatur : Quod non habet nisi vnica subsistentiam , non habet nisi vnica vltimam actualitatem : Sed Christus non habet nisi vnica subsistentiam : Ergo non habet nisi vnica vltimam actualitatem. Minor patet ex dictis , & est de fide. Maior probatur : Quod sequitur ad subsistentiam est vnum sicut & ipsa subsistentia ; quia non potest sequi ad subsistentiam , nisi terminus , cuius redditur capax per ipsam : Sed existentia sequitur ad subsistentiam ;

ut enim diximus supra, per subsistentiam natura finita redditur capax existentiae: Ergo existentia non potest esse nisi una, ubi est una subsistentia.

Sequitur 1551. In Christo non esse nisi existentiam Divinam.

Probatur sequela: In Christo non est *Ibid.* nisi unica existentia: Sed in Christo est existentia Divina; cum verè sit & existat Deus, ex dictis: Ergo in Christo non est nisi existentia Divina. Præterea, Qui opinantur oppositum, dicunt existentiam creatam humanitatis, & existentiam Divinam componere unum esse perfectum & completum, sicut duæ existentiae partiales corporis & animæ conficiunt unum esse hominis: Atqui hoc est omnino falsum; neque enim possunt dari partiales existentiae in eo, quod est unum per se; alias una existentia non esset ultima actualitas, sed esset potentia ad ulteriorem actualitatem, scilicet ad aliam existentiam: Ergo non potest in Christo esse duplex existentia, sed una tantum, nimirum Divina.

Sequitur 1552. In Christo esse duas voluntates, Divinam scilicet & humanam. 3. p. 9. 181
4. 1.

Probatur sequela: In eo, in quo sunt duæ naturæ intellectuales realiter inter se distinctæ, sunt etiam duæ voluntates.

realiter inter se distinctæ; quia, ut diximus in primo principio, ad quamlibet naturam intellectualem resultat voluntas, siue appetitus intellectualis: Sed in Christo sunt duæ naturæ intellectuales, Divina, scilicet, & humana: Ergo in Christo sunt etiam duæ voluntates.

ibi. a. 2.

Sequitur 1553. In Christo fuisse voluntatem sensualitatis, id est, appetitum sensitivum.

Probatur sequela: In illo, in quo est natura aliqua, est etiam inclinatio consequens hanc naturam; quia natura non potest esse absque inclinatione, quæ ut proprietas illam consequitur: Sed in Christo, utpote vero homine, fuit natura generica animalis, ad quam resultat inclinatio, quæ est appetitus sensitivus: Ergo in Christo fuit appetitus sensitivus.

ibi. a. 5.

Sequitur 1554. In Christo non fuisse nisi unicam voluntatem humanam per modum potentie.

Probatur sequela: In vna natura non datur nisi vna inclinatio, & in vna natura intellectuali non datur nisi vnica voluntas, siue vnicus appetitus intellectualis per modum potentie: Sed in Christo non fuit, nisi vnica natura intellectualis, siue humana, ut patet ex dictis: Ergo in Christo non fuit nisi vnica voluntas humana per modum potentie.

D. Thoma Principium. 947

Sequitur 1555. In Christo fuisse duos *Ibid.*
actus voluntatis, alterum circa finem, &
alterum circa media.

Probatur sequela: Vbicumque est voluntas rationalis, est duplex actus; alter circa finem, & alter circa media, ex dictis in primo principio: Sed in Christo fuit voluntas humana five rationalis, ex iam dictis: Ergo in Christo fuerunt duo actus, alter circa finem, & alter circa media.

Sequitur 1556. In Christo fuisse liberum *Ibid.*
arbitrium.

Probatur sequela: Vbi est actus circa media, five electio, est liberum arbitrium, ex dictis in primo principio: Sed ex iam probatis, in Christo est actus circa media, & consequenter electio: Ergo in Christo est liberum arbitrium.

Sequitur 1557. In Christo fuisse aliquam *Ibid.*
indifferentiam saltem respectu quorundam obiectorum.

Probatur sequela: Vbi est liberum arbitrium, est indifferentia saltem respectu aliquorum obiectorum, ex primo principio: Sed in Christo fuit liberum arbitrium, ut probatum est: Ergo in Christo fuit indifferentia respectu quorundam obiectorum.

Sequitur 1558. Libertatem Christi non posse salvari per hoc, quod non habuerit præceptum sibi impositum de morte:

libera: Sed per hoc, quod circumstantiæ actus non fuerunt Christo præceptæ non salvatur, quod obedientia ipsius fuerit meritoria & libera; quandoquidē ut aliàs dicemus, obedientia respicit rem præceptam, ut præcepta est: Ergo non sufficienter salvatur libertas Christi per illam indifferentiam circumstantiarum, quatenus non fuit ei præceptum, ut eliceret actum cum tali intentione, ex tali vel tali motivo &c. Adde quod cum voluntas Christi non solūm esset impeccabilis, sed etiam esset incapax cuiuscumque vel minimi defectus moralis, & aliunde nosset, quanta cum intentione, ex quo motivo, in quo instanti, & in quibus circumstantiis Deus veller, illū elicere suos actus, non poterat illos non elicere eo prorsus modo, quo cognoscebat voluntatem divinam velle, ut illas eliceret.

Sequitur 1561. Non posse etiam salva- *ibidem*
ri libertatem Christi per hoc, quod per præceptū Deus efficaci & physico influxu non determinaret humanam illius voluntatem ad tales actus.

Prob. seq. Per hoc, quod per præceptum, sive positivum sive naturale Deus physico & efficaci influxu non determinaret voluntatem Christi ad actum aliquem, non sufficienter salvatur libertas Christi, si per alium modum Deus

D. Thome Principium. 958

scilicet non elicere hujusmodi actus per præcepta naturalia affirmativa imperatos, quatenus hujusmodi actus involvunt defectum moralem.

Sequitur 1562. Non posse etiam salvari libertatem Christi per hoc, quod poterat petere dispensationem præcepti. *Ibidem;*

Probatur sequela: Posse petere dispensationem præcepti non facit, quod omnes Christi actus meritorij sint liberi: Ergo per hoc non salvatur sufficienter eius libertas: consequentia patet ex dictis. Antecedens verò est evidens in præceptis positivis naturalibus, à quibus Christus neque potuit petere dispensationem sine defectu, neque debuit.

Sequitur 1563. Non saluari libertatem Christi per hoc, quod Christus potuit in sensu divisio, id est, secluso præcepto, non elicere actum sub præcepto impositum, quamvis id non potuerit in sensu composito, id est, supposito & composito præcepto cum impeccabilitate & voluntate humana Christi. *Ibidem;*

Probatur sequela: Tum quia non potuit hic sensus divisus sic explicatus habere locum in præceptis naturalibus positivis, quæ non possunt secludi, cum sint naturalia: Tum etiam, quia hoc est

verè fateri Christum non fuisse liberum obediendo ; quòd nullo modo dici potest.

3 p 9 8.
art 4.

Sequitur 1564. Veram rationem, per quam potest saluari libertas Christi cum ejus impeccabilitate , consistere in hoc, quòd Christus iudicans per intellectum creatum obiecta sibi esse secundum se indifferentia, etiam per voluntatem humanam eodem modo , id est , cum indifferentia ferebatur in eadem obiecta, & sic in sensu diviso poterat non agere, quæ illi præcepta erant , tametsi non posset non agere in sensu composito, si ritè, ac ut par est, ista distinctio explicetur.

Probatur sequela : Radix libertatis est indifferentia obiectiva iudicij, ex primo principio : Sed verus modus explicandi libertatem Christi est ex radice libertatis : Ergo ex iudicio indifferenti debet explicari libertas Christi : Atqui per hoc , quòd Christus habuit iudicium indifferens circa quædam obiecta secundum se spectata , habuit indifferentem obiectivam iudicij ; ex quo fiebat , ut ipsa voluntas humana Christi etiam cum indifferentia ferretur circa eadem obiecta : Ergo ex hoc iudicio indifferenti pensanda & desumenda est libertas Christi. Et ex hoc ortum est , quòd voluntas Christi sic ferebatur in

D. Thoma Principium. 953

hæc obiecta secundum se considerata, ut ex modo, quo ferebatur, retineret potentiam ad oppositum; & sic liberè ferebatur in hæc obiecta. Vide dicta in 1. principio de sensu composito & diviso. *Ibidem.*

Sequ. 1565. Eodem modo concilia libertatem Christi cum amore beatifico.

Probat sequela: Quicquid non tollit indifferentiam obiectivam iudicii, non tollit libertatem; quia, ut diximus in primo principio, stante indifferentia obiectiva iudicii, non potest tolli libertas voluntatis; aliàs voluntas ferretur in incognitum: Sed amor Dei beatificus non aufert à Christo indifferentiam obiectivam iudicii de medijs secundum se; cognoscebat enim illa secundum se esse sibi prorsus indifferentia; imò verò ipse Deus ut summum bonum propter se dilectum erat ipsi intellectui ratio, propter quam iudicabat cætera obiectivè indifferentia: Ergo amor beatificus in Christo non aufert eius libertatem. Ratio verò est, quia stante illa indifferentia obiectiva iudicii, stat in ipsa voluntate potentia ad oppositum eorum, quæ volebat; & hæc potentia sufficit, ut actus sit liber, ut in primo principio est explicatum. Vide etiam dicta de libertate Dei.

Sequitur 1566. Scientiam Christi, quæ *Ibidem.* cognoscebat omnes actus suos, cum om-

nibus eorum circumstantijs prædefini-
tos à Deo , non sustulisse illius liberta-
tem.

Probaturs sequela: Scientia illa Chri-
sti non auferebat indifferentiam obie-
ctivam iudicij: per illam enim iudica-
bat objecta actuum secundum se sumpta
esse sibi indifferentia: Sed stante hac
indifferentiâ obiectivâ iudicij stat li-
bertas , ex dictis: Ergo stante illâ scien-
tiâ , quâ iudicabat objecta sibi esse in-
differentia , stabit libertas.

Ibid. a. 5. Sequitur 1567. Voluntatem huma-
nam & rationalem Christi semper fuisse
perfectissimo modo conformem volun-
tati Divinæ.

Probaturs sequela: Voluntas , in qua
nullus esse potest vel minus defectus ,
semper est omnino & perfectissimo mo-
do conformis voluntati Divinæ, præser-
tim si cognita sit hæc Dei voluntas: Sed
Christus noverat omnia , quæ Deus
volebat , & in eius humana voluntate
nullus omnino poterat esse defectus,
ex dictis supra: Ergo voluntas humana
& rationalis Christi semper fuit perfe-
ctissimo modo conformis voluntati Di-
vinæ. Vnde , quamvis sensualitas sive
appetitus, & voluntas ut natura secun-
dum se non essent conformes in volito
materiali cum voluntate Dei; ex imperio
amen rationis idē volebant, quod Deus.
Sequitur

Sequitur 1568. In Christo propriè *Ibid. ar. 9*
non fuisse contrarietatem voluntatum.

Probatur sequela : Vt sit propriè
contrarietas voluntatum requiritur ,
quòd in vno & eodem appetitu , & se-
cundùm idem attendatur diversitas vo-
litionum : Atqui hoc non contigit in
Christo : Ergo in Christo non fuit con-
trarietas voluntatum. Maior patet : quia
quando appetitus sensitivus nõ trahens
secum voluntatem vult vnum , & vo-
luntas vult oppositum , non est pro-
priè contrarietas voluntatum seu vo-
litionum : similiter quando appetitus
vult vnum propter vnum motivum , &
voluntas vult oppositum propter aliud
motivum , non est etiam contrarietas
voluntatum propriè. Minor verò etiam
patet : Vbi vnus appetitus alteri per-
fectè subordinatur , ita vt vnus velit ,
quòd alter appetat , non est diversitas
volitionum in vno appetitu & secun-
dùm idem : Atqui in Christo voluntas
humana etiam vt natura , & appetitus
sensitivus subordinabantur voluntati de-
liberatae , & hæc voluntati Divinae : imò
omnes actus appetitus sensitivi & actus
voluntatis rationalis , vt natura est , ex
voluntate deliberata Christi Domini
procedebant ; & voluntas deliberata in
omnibus erat conformis voluntati Divi-
nae ; quæ nihilominus volebat vt in

956 *Secundum Doctrinam*

appetitu sensitivo, & in voluntate humana ut natura, essent actus non conformes eidem voluntati Divinæ in volito materiali, cum subordinatione ad Divinam: Ergo in Christo non fuit diversitas volitionum in vno & eodem appetitu & secundum idem. Itaque Christus secundum appetitum sensitivum, & secundum voluntatem rationalem, ut natura est, volebat non mori, ita nihilominus ut hi actus, quatenus subdebantur voluntati deliberatæ, subordinarentur perfectissimè voluntati Divinæ, sicut & ipsa voluntas deliberata.

3 p 9. 19.
2. 1. & 2.

Sequitur 1569. In Christo fuisse actus omnium virtutum non repugnantium beatitudini, & perfectioni personæ Divinæ subsistenti in natura humana.

Probaturs sequela: Virtutes non otiosæ aliquos actus eliciunt, ut constat: Sed in Christo fuerunt omnes virtutes, quæ non repugnabant perfectioni personæ vel statui beatitudinis; & illæ non fuerunt in ipso otiosæ; esset enim defectus moralis, si otiosæ fuissent: Ergo fuerunt in eo actus omnium virtutum.

Ibidem.

Sequitur 1570. In Christo fuisse actus naturales & supernaturales.

Probaturs sequela: Vbi sunt actus omnium virtutum, sunt actus naturales & supernaturales; quia inter virtutes aliæ sunt ordinis naturalis, aliæ supra-

naturalis : Sed in Christo fuerunt actus omnium virtutum , ex dictis : Ergo, &c.

Sequitur 1571. In Christo fuisse simplicem voluntatem , intentionem , consensum , electionem , usum , & fruitionem. *Ibidem*

Probatur sequela : Vbi est modus rationalis procedendi & tendendi in finem , sunt omnes isti actus ; vt patet ex dictis in primo principio : Sed in Christo fuit modus rationalis procedendi & tendendi in finem ; cum Christus fuerit verus homo : Ergo in Christo fuerunt omnes isti actus.

Sequitur 1572. In humana & rationali Christi voluntate fuisse amorem, odiū, desiderium, fugam ; fruitionem , tristitiam , iram , audaciam , timorem, spem, & aliquo modo desperationem. *Ibidem*

Explicatur : De amore, odio, desiderio, fuga , fruitione , ira , audacia, nulla prorsus est difficultas: Christus enim humana voluntate amavit Deum, odio habuit peccata , desideravit gloriam corporis , fugit mala , vt quando voluerunt ipsum lapidare , fruebatur Deo , iratus est contra ementes & vendentes in templo , audacter aggressus est pericula, potuit etiam sperare aliquid ipsi humanæ voluntati arduum , potuit desperare, v. g. de salute damnatorum : Timuit etiam Deum dono timoris. Tristitia

verò fuit in Christo nedum in appetitu sensitivo , sed etiam in ipsa voluntate saltem ut naturâ , imò & ut est ratio inferior ; non tamen fuit in eo tristitia secundum rationem sive portionem superiorem : ratio siquidem superior illa est , ut aliàs diximus , quæ æternis conspiciendis & consulendis intendit, id est, quæ speculatur æterna, & ex illis rationes sive regulas agendorum desumit. Humana ergo Christi voluntas quatenus præcisè dirigebatur à ratione speculante æterna, vel desumente ex illis regulas agendorum , nulli tristitiæ poterat subiacere , quia perfectissimo fruitionis beatificæ gaudio perfusa erat: quatenus verò eadem voluntas dirigebatur à ratione intendente rebus temporalibus vel etiam corpori , poterat in ea esse tristitia , putà de peccatis hominum , de damnatione illorum , de læsione corporis. Vnde poterat stare hæc tristitia licet summa cum summo gaudio : tum quia hæc duo non erant propriè contraria, cum non essent de vno & eodem, & secundum idem ; tum etiam, quia tristitia non attingebat portionem superiorem per se , sed tantum per accidens : non est autem inconueniens vnum & idem moveri duobus motibus contrarijs ; si vno moveatur per se , altero per accidens ; sicut patet in eo , qui intra navim

D. Thoma Principium. 959

movetur in contrarium eius ad quod navis movetur. Vide D. Th. q. 26. de verit. a. 10. Et ex his patet sequela.

Sequitur 1573. In voluntate Christi ^{3. p. q. 1. 2.} rationali, provt pertinet ad rationem ^{a. 5.} inferiorem, potuisse esse actus inefficaces & conditionatos; non autem provt pertinet ad rationem & portionem superiorem.

Probatur sequela: Voluntas vt directa per rationem considerantem & consulentem æterna, non potuit nisi velle absolutè, quæ Deus volebat, vt patet ex dictis; quatenus verò eadem voluntas dirigebatur per rationem vt considerantem rationes inferiores, potuit velle alia sub conditione, vt etiã constat ex his, quæ diximus: Sed hoc & nihil aliud est habere actus efficaces in voluntate vt est ratio superior, & habere actus inefficaces in eadem vt est ratio inferior: Ergo &c. Minor constat: quia voluntas vt ratio superior est appetitus rationalis vt directus per ipsam rationem, vt considerantem æterna; & vt est ratio inferior est idem appetitus vt directus per rationem vt considerantem rationes inferiores; velle autem aliquid absolutè est actus absolutus & efficax, & velle conditionatè est actus inefficax.

Sequitur 1574. Voluntatem effica- ^{3. p. q. 1. 2.}

S s 3

a. 5.

eem Christi semper fuisse impletam.

Probatur sequela: Voluntas conformis Divinae voluntati semper impletur, sicut & ipsa voluntas Divina, ex dictis supra: Sed voluntas efficax Christi fuit semper conformis Divinae, ut iam diximus. Ergo voluntas efficax Christi fuit semper impleta.

37. q. 18. • Sequitur 1575. Voluntatem inefficacem Christi non semper fuisse impletam.
a. 5.

Probatur sequela: Voluntas inefficax etiam Dei non semper impletur, ut ostendimus: Sed voluntas humana Christi non fuit efficacior voluntate Dei, ut constat: Ergo &c.

37. q. 19. • Sequitur 1576. In Christo non fuisse unam tantum operationem, quae simul esset Divinitatis & humanitatis.
a. 1.

Probatur sequela: Quando movens & motum habent diversas formas & virtutes operativas, ibi est alia operatio moventis, & alia operatio propria moti licet motum participet operationem moventis, & movens utatur operatione moti: Sed in Christo Divinitas movens & humanitas mota habent diversas formas & virtutes operativas, ut patet ex dictis: Divinitas enim habet omnipotentiam; humanitas habet etiam suas potentias operativas: Ergo in Christo est alia operatio Dei moventis, & alia.

operatio humanæ naturæ, ac subinde non vnica vtriusque.

Sequitur 1577. In Christo fuisse tantum vniam operationem humanam secundum principium activum, id est, fuisse vnicum principium creatum, à quo eius operationes dicerentur humanæ. *Ibid. ar. 2.*

Probatur sequela: Vbi est vnica ratio & vnica voluntas, est etiam vnica operatio humana secundum principium activum; quia operatio dicitur humana à ratione & voluntate humana vt principio: Sed in Christo fuit tantum vnica ratio & vnica humana voluntas, sicut & vnica natura humana: Ergo fuit in Christo vnica tantum operatio humana secundum principium activum. Adverte autem, quod ait D. Thomas, nimirum in Christo operationes partis sensitivæ & nutritivæ imò & corporales, fuisse aliquatenus humanas, quia aliquo modo ex voluntate ipsius pendebant.

Sequitur 1578. Actionem humanam Christi fuisse ipsi meritoriam. *Ibid. ar. 3.*

Probatur sequela: Nobiliori modo habetur id, quod habetur per meritum, quàm id, quod habetur sine merito, dummodo non sit huiusmodi, vt eius carentia etiam ad tempus magis præiudicer dignitati, quàm meritum afferat dignitatis: Sed Christo debet tribui nobilior modus habendi omne illud, quod

ad perfectionem & dignitatem pertinet, ut constat ex dictis: Ergo Christo debet tribui modus habendi per meritum respectu cuiuscumque perfectionis, cuius carentia etiam ad tempus non deroget dignitati ipsius Christi. Maior probatur: Habere per se nobilius est, quam habere per alium; quia causa per se nobilior est, quam causa per aliud: Sed habere per meritum est habere per se; nam quod meremur per nos habemus eo modo, quo potest haberi per se, videlicet, non quasi nos auctoritative id producamus (quod solius Dei est) sed quia à Deo per proprios actus illud consequimur: Ergo nobilius est habere per meritum, quam sine merito. Confirmatur: Omnis viator habens gratiam & charitatem, & ex illis operans liberè, meretur apud Deum, ut patet ex dictis supra: Sed Christus fuit viator, gratissimus Deo, habuitque gratiam & charitatem, ex quibus liberè operatus est, ut ostendimus: Ergo Christus meruit apud Deum.

Ibid. ad. r. Sequitur 1579. Amorem Dei, sive
In 3. dist. actum Charitatis in Christo, etiam ut
18 q. 1. a. terminabatur immediatè ad Divinam
2. Quest. bonitatem, quatenus illa est ratio dili-
29. u. e. v. gendi creaturas in actu exercito, fuisse
rit. art. 6. meritorium.
ad 6.

Probatur seqnela: Actus bonus su-

pernaturalis, à viatore elicitus liberè, est meritorius, ex dictis supra: Sed in Christo actus charitatis vt terminabatur immediatè ad Divinam bonitatem, quatenus illa est ratio diligendi creaturas in actu exercito, fuit actus bonus, supernaturalis, à viatore elicitus, vt omnes concedunt, & fuit liber: Ergo in Christo fuit meritorius, Minoris ultima pars, in qua sola est difficultas, probatur: Vt actus aliquis sit liber libertate actuali, sufficit, quòd ex indifferentia obiectiva iudicij ita attingat obiectum sub aliqua ratione, vt ex vi modi, quo illud sub illa ratione attingit, possit non attingere, hoc est, maneat in ipsa virtute eliciente hunc actum, vis non attingendi illud idem obiectum, vt patet ex his, quæ in primo principio diximus de libertate in communi, & ex his, quæ in hoc secundo principio docuimus de libertate Dei, & de libertate Christi: Sed in Christo actus charitatis vt terminabatur immediatè ad ipsam Divinam bonitatem, quatenus illa in actu exercito est ratio diligendi creaturas, erat huiusmodi: Ergo ille actus vt sic erat liber: Minor probatur: Ille actus charitatis erat ex indifferentia obiectiva iudicij: Christus enim per ipsam visionem beatificam iudicabat solum Deum secundum se esse bonum habens omni-

modam rationem boni , alia verò propter illud bonum diligenda , esse obiectivè indifferentia secundum seipsa: Sed supposito hoc iudicio sic obiectivè indifferenti actus ille charitatis regulatus illo iudicio, ita attingebat suum obiectum sub ea ratione , ut ex modo attingendi posset illud non attingere , & ex vi illius modi maneret in ipsa voluntate Christi vis non attingendi illud: Ergo actus ille charitatis in Christo habet omnia ad libertatem requisita.

Explicatur magis Actus charitatis , quo Christus diligebat Deum propter ipsum Deum præcisè ut sic , erat omnino necessarius ; idem vero actus charitatis , quo Christus diligendo Deum propter ipsum Deum , debebat omnia alia diligere etiam propter ipsum Deum , etiam præcisè ut sic , & sub communi hac ratione , erat necessarius quoad specificationem ; sed ille idem actus charitatis , quo Christus diligendo Deum propter ipsum Deum , diligebat etiam in actu exercito res creatas has & illas in particulari propter ipsum Deum , erat liber , imò liberrimus , eo planè modo , quo diximus supra , quod actus ipse Dei , quo vult seipsum , imò etiam quo attingit creaturas propter suam bonitatem est necessarius , & nihilominus ille idem actus , ut attingit has creaturas

D. Thoma Principium. 965

in particulari & in actu exercito, est liber, imo liberrimus libertate actuali.

Quare sicut perfectissima sapientia creata est illa, quæ perfectissimè, quantum fieri potest, assimilatur sapientiæ Divinæ, ita actus perfectissimè liber in Christo, & in beatis, est ille, quo perfectissimè, quantum fieri potest, assimilantur perfectissimæ libertati Dei.

Sequitur 1580. Actum charitatis, *ibidem* quo Christus meruit, non fuisse distinctum specie ab actu charitatis, quo fruebatur Deo.

Probat sequela: Tum quia non dantur duo specie distincti actus charitatis; aliàs etiam deberet dari duplex specie distinctus habitus charitatis, quod in tertio principio ostendimus esse impossibile; Tum etiam, quia actus ipse charitatis, quo Christus fruebatur Deo, erat sufficienter liber, ut posset per illum mereri, eo modo, quo explicatum est.

Sequitur 1581. Actum charitatis, *ibidem* quo Christus meruit, non fuisse etiam solo numero distinctum ab actu charitatis, quo fruebatur Deo.

Probat sequela: Tum quia ille idem numero actus est liber quantum requiritur ad meritum: Tum etiam, quia duo accidentia solo numero distincta non possunt esse in vno & eodem sub-

iecto, ut ostendimus in primo principio. Quare necessarium fuisset, ut Christus cessasset ab amore beatifico, & à fruitione Dei, ad hoc ut eliceret actum amoris meritorium: imò vero cum per totam vitam meruerit, numquam potuisset simul habere fruitionem Dei; vel dicendum foret numquam potuisse mereri. Vtrumque autem est falsum: Ergo &c.

3. p. q. 34.
a. 3.

Sequitur 1582. Christum Dominum meruisse in primo instanti conceptionis, & deinceps sine intermissione usque ad finem vitæ, id est, usque ad illud instans, quo anima ipsius fuit separata à corpore, & non postea.

Probaturs sequela: Quamdiu est actus meritorius, est meritum: Sed in Christo fuit actus meritorius in primo instanti conceptionis, & deinceps usque ad separationem animæ rationalis à corpore; tunc enim cessavit in ipso status viatoris requisitus ad meritum, ut ostendimus: Ergo &c.

3. p. q. 50.
a. 6. ad 1.

Sequitur 1583. Christum Dominum non meruisse per mortem suam, ut erat in facto esse, sed tantum quatenus erat in fieri.

Probaturs sequela: Quando non est status viatoris non est meritum actu; ex dictis supra: Sed in morte quatenus fuit in facto esse, non fuit status viatoris, ut

D. Thoma Principium. 967

constat : Ergo nec meritum actu. Hinc habes Christum non meruisse , quando vulnus lanceâ fuit inflictum, sive quando latus eius lanceâ fuit apertum : quia iam erat mortuus, ut est de fide , atque adeo erat extra statum viæ.

Sequitur 1584. Christum Dominum 3. p. q. 19. meruisse per omnes omnino actus à 4. 3. charitate imperatos.

Probatur sequela : Quia omnes isti actus elicit à Christo viatore habebant omnes conditiones necessarias ad meritum.

Hinc habes , Christum Dominum meruisse per actus etiam partis sensitivæ, & vegetativæ , quatenus subdebantur potestati ipsius, ut docet D. Th. 3. p. q. 13. a. 3. Meruit etiam Christus per actus , quibus miracula patrabat , propter eandem rationem. Denique meruit etiam per ipsam mortem ut in fieri ; unde dicitur , quod posuit animam suam , tradidit , & emisit spiritum &c.

*Ioan. 19.
Matth. 27.*

Habes etiam Christum meruisse & dormiendo & inter dormiendum : quia semper liberè amabat Deum modo explicato.

Sequitur 1585. Christum Dominum potuisse de potentia absoluta mereri sibi primam gratiam habitualem & primam gloriam , si fuisset assumpta humanitas ad unionem hypostaticam absque gratia :

habituali & absque gloria, & Deus per auxilium actuale elevarset humanam Christi voluntatem ad eliciendum actum aliquem supernaturalem.

Probatur sequela: Quia in illo casu actus ille elicitus per auxilium illud haberet omnia necessaria ad meritum; esset enim actus liber, bonus, supernaturalis, ordinatus ad gratiam & gloriam, neque gratia habitualis esset illius principium; aliunde verò suppositum ex vi unionis hypostaticæ supponitur infinitè gratum Deo: Ergo &c.

Ibidem.

Sequitur 1586. Christum Dominum non potuisse connaturaliter mereri sibi primam gratiam habitualementem.

Probatur sequela: Ut quis connaturaliter mereatur, debet habere connaturale principium meriti: Sed connaturale principium omnis meriti est gratia habitualis: Ergo ut Christus connaturaliter mereretur, debuit habere gratiam tamquam principium connaturale meriti. Hoc autem supposito, Christus non potuit mereri gratiam habitualementem; quia, ut aliàs diximus, principium meriti non cadit sub merito. Est præterea alia ratio, cur Christus connaturaliter non potuerit mereri primam gratiam, imò nec primam gloriam, quia suppositum, quod connaturaliter exigit non esse in aliqua natura nisi ha-

bente gratiam & gloriam, connaturaliter non potest mereri gratiam & gloriam; cum, ut ait D. Th. 3. p. q. 19. a. 3. meritum sit eius, quod nondum habetur: Atqui Christus est suppositum, quod exigit non esse in natura humana, nisi habente gratiam & gloriam: Ergo Christus connaturaliter non potest mereri gratiam & gloriam. Vnde habes, quod de facto non meruit illas sibi.

Sequitur 1587. Supposito, quod *Ibidem* Christus numquam caruerit gratia & gloria, illum non potuisse mereri eas per actus aliquos naturâ priores.

Probatur sequela: Primò quia implicat gratiam habitualement & charitatem esse in aliquo operante actus charitatis, & non esse principium effectivum illorum actuum: Sed supposito quod gratia & charitas sint principium effectivum alicuius actus, implicat illum actum esse meritorium eiusdem gratiæ & charitatis; implicat enim principium meriti esse terminum & præmium: Ergo supposito quod Christus numquam caruerit gratia, non potuit mereri illam per aliquos actus naturâ priores. Maior, in qua sola est difficultas, probatur: Vis activa in potentia existens agit quotiescumque potentia agit circa obiectum illius virtutis activæ, & implicat manifestè potentiam agere circa obiectum ali-

cuius habitus in ea existentis, & habitum illum non influere in eum actum, quem potentia elicit; quia eo ipso, quod potentia est instructa habitu, non potest agere nisi cum habitu, neque potest libertas suspendere influxum habitus, & influere per solam potentiam.

Secundò probatur eadem sequela: Supposito quod Christus in quolibet instanti reali habuerit gratiam & gloriam, nullus actus charitatis potuit elici ab illo prior naturâ in genere causæ meritoriae respectu eiusdem gratiæ & gloriæ: Ergo non potuit Christus per actus priores naturâ mereri gratiam & gloriam, quam habebat. Consequentia est evidens: quia prioritas naturæ utcumque non sufficit, ut actus sit meritorius, sed debet esse prioritas in genere causæ meritoriae, ita ut sit verus influxus causæ moralis in actu respectu præmij. Antecedens verò probatur: Quia quamvis genus causæ meritoriae ex vna parte ad genus causæ dispositivæ revocetur, ex D. Th. 1. p. q. 23. a. 5. nihilominus actus meritorius habet influxum moralem effectivum respectu præmij; atque adeo quodammodo spectat ad causam efficientem. Et verò actus meritorius duo habet: disponit enim subiectum moraliter ad recipiendum præmium; & provocat præmian-

D. Thoma Principium. 97

tem ad conferendum præmium ; ex primo capite se tenet ex parte causæ materialis ; ex secundo habet rationem causæ efficientis. Unde implicat actum meritorium esse tantum priorem præmio in genere causæ materialis. Denique scientia dirigens in Christo actum charitatis est scientia beata , supposito quòd illam habeat , vel scientia infusa , quæ dimanat ex scientia beata : Atqui hoc posito implicat Christum per actum charitatis mereri ipsam scientiam beatam ; cum hæc sit principium meriti : Ergo supposito , quòd Christus in eodem instanti habuerit scientiam beatam , non potuit mereri per actum charitatis naturam priorem , ipsam scientiam beatam sive gloriam.

Sequi. 1588. Meritum Christi fuisse simpliciter infinitum.

Probatur sequela : Meritum personæ habentis dignitatem infinitam est simpliciter infinitum : Sed meritum Christi est meritum personæ habentis dignitatem simpliciter infinitam : Ergo est simpliciter infinitum. Maior & minor constant ex his , quæ supra diximus de satisfactione Christi.

Sequitur 1589. Christum meruisse sibi omnia auxilia ad omnes actus liberos , quos elicit , exceptis primo actu meritorio , & ijs quæ sunt de essentia vel de

*In 2. dist.
9. a. 8. ad
2.*

*In 4. dist.
14. q. 2. a.
1. qu. 1. &
dist. 15. q.
1. a. 2. ad 1.
De veris;
q. 29. a. 3.
Opusc. 3.
cap. 138.*

Ibidem.

integritate beatitudinis animæ ; imò etiam meruisse auxilia ad opera miraculosa , quæ patravit.

Probatur sequela : Meritum simpliciter infinitum se extendit ad omnia , quæ possunt cadere sub meritum , dummodo is , qui meretur , ordinet illud ad ea : Sed meritum Christi fuit simpliciter infinitum , & Christus ordinavit suū meritum ad omnia , quæ ad finem redemptionis humanæ spectabant : Ergo , cum auxilia ad actus omnes eius liberos , & ad opera miraculosa , quæ patrabat , spectarent ad hunc finem , Christus meruit omnia illa. Primum verò auxilium mereri non potuit ; quia illud fuit primum principium totius meriti. Similiter mereri non potuit auxilia ad actus beatitudinis ; aliàs meruisset suam ipsam beatitudinem quod supra ostendimus impossibile.

3. p. 9. 10.
f. 3. . Sequitur 1590. Christum Dominum non meruisse sibi scientiam infusam , impeccabilitatem , & omnia alia , quæ in primo instanti conceptionis habuit.

Probatur sequela : Christus non potuit mereri , quæ præsupponebatur habere , quando actu merebatur merito infinito : Sed Christus præsupponebatur habere scientiam infusam , impeccabilitatem , & alia huiusmodi , quando meruit merito infinito ; ista enim om-

nia præsupponuntur ad omnem illius actum & meritum, vt constat: Ergo illa non meruit.

Sequitur 1591. Christum Dominum meruisse omnia, quæ temporis successu acquisivit; saltem secundum quod ista ad finem redemptionis humanæ ordinabantur. *Ibidem*

Probatur sequela: Quia meritum infinitum simpliciter potest se extendere ad illa omnia, dummodo ex intentione merentis ad illa ordinetur: Ordinarum autem fuisse meritum Christi ad illa, satis constat ex dictis.

Sequitur 1592. Christum Dominum meruisse gloriam corporis sui, omnimodam impassibilitatem animæ statim post mortem, resurrectionem, & omnes doctes corporis gloriosi, triumphum ascensionis suæ, exaltationem nominis, regnum & dominium, iudicariam potestatem, & cetera omnia, quæ subsecuta sunt post primum actum eius meritorium. *Ibidem*

Probatur sequela eadem ratione: Quia meritum Christi fuit infinitum, & ad ista omnia ordinatum, vt patet ex dictis.

Sequitur 1593. Christum Dominum meruisse nobis omnia omninò bona, quæ post peccatum originale collata sunt hominibus, quæcunque tandem illa sint, *Ibid. a. 73*

quæ quocumque modo ad salutem spectant.

Probatur sequela : Meritum infinitum simpliciter Redemptoris omnium ad omnia omninò dona redemptionis extendi potest & debet : Sed meritum Christi est meritum infinitum simpliciter Redemptoris omnium , ut constat ex dictis : Ergo meritum Christi extenditur ad omnia dona redemptionis, exceptâ tamen ipsâ Incarnatione.

Quare Christus meruit quoad sufficientiam remissionem omnium omninò peccatorum , primam gratiam sanantem , omnia auxilia gratiæ , omnes dispositiones ad gratiam , tam proximas , quàm remotas , omnia merita nostra, remissionem peccatorum venialium, remissionem poenæ temporalis debitæ ob peccata remissa , donum perseverantiæ, & gloriam. Specialiter tamen meruit quoad efficaciam, applicationem suorum meritorum ijs omnibus, quibus de facto applicantur , sive applicantur per sacramenta , sive alio modo : vnde parvulis , qui baptizantur , meruit applicationem baptismi ; adultis , qui per auxilium gratiæ convertuntur , meruit ut auxilium illud de facto applicaret eos ad conversionem ; & sic prædestinatis & electis meruit donum perseverantiæ , quo de facto perseverarent : Ani-

D. Thomæ Principium. 378

habus etiam in purgatorio existentibus meruit omnem pœnæ relaxationem, quæ fit per indulgentias, satisfactiones vivorum, suffragia Ecclesiæ, &c. Remissionem verò, quæ fit per satisfactionem, cum propriè non fit remissio, sed solutio, non meruit, nisi quatenus illis meruit gratiam, ratione cuius illa satisfactio habet ut non sit inutilis. Meruit etiam bona temporalia, quatenus ad salutem animæ conducunt.

Sequitur 1594. Christum non meruisse Angelis gratiam sanctificantem, vel gloriam essentialem.

*In 2. dist.
15. q. 2. a. 2.
2. q. 1.*

Probatur sequela: Omnis gratia ex meritis Christi est gratia Redemptoris: ut enim diximus, Christus prædestinatus & decretus est ad hoc solum ut esset Redemptor; unde Adamo non peccante non venisset: Atqui gratia sanctificans Angelorum non est gratia Redemptoris, ut fatentur etiam autores oppositæ sententiæ: Ergo gratia Angelorum non fuit ex meritis Christi; nec consequenter gloria essentialis, quæ gratiæ sanctificanti respondet.

*De verit.
q. 29. a. 4.
ad 5. &
a. 7. ad 5.*

Dices Christus sibi ipsi plura meruit auxilia, quæ non pertinent ad gratiam Redemptoris; neque enim seipsum redemit.

Sed contra: Quia gratia Christi fuit gratia Redemptoris activè; unde om-

Ibidem

nia auxilia , quæ habuit , ei data sunt in ordine ad redimendos homines , non ad redimendum seipsum. Cum ergo dicitur , quod omnis gratia ex meritis Christi fuit gratia redemptionis , intelligitur quòd fuit gratia ordinata ad finem Incarnationis , qui est gloria Dei per redemptionem humani generis procuranda. Oportet ergo , quòd omnis gratia , quæ est in Christo , sit ad redemptionem hominum ordinata tamquam principium activum ipsius redemptionis aliquo modo ; omnis autem gratia , quæ dimanat ab ipso Christo ut Redemptore , debet esse ordinata ad finem redemptionis , ita ut sit verè gratia redemptiva aliquo modo. Gratia verò Angelorum non est verè ac propriè redemptiva , ut constat : Ergo , &c.

Ibid. Sequitur 1595. Christum meruisse Angelis aliqua dona gratiæ , & gloriam accidentalem.

Probaturs sequela : Omnis gratia redemptionis , sicut & gloria illi correspondens , fuit ex meritis Christi , ex dictis : Sed aliqua dona gratiæ , & gloria accidentalis illis correspondens in Angelis sunt gratia redemptionis : Ergo aliqua dona gratiæ & gloria accidentalis illis correspondens in Angelis sunt ex meritis Christi. Minor patet : quia multa Angeli recipiunt cum luminibus

D. Thoma Principium. 977

rum affectus circa homines redemptos
à Christo, ut est evidentissimum.

Sequitur 1596. Christum ut hominem esse minorem Patre.

3 p. q. 20,
ar. 1.

Probatur sequela: In his quæ non mole sed virtute magna sunt, idem est esse maius ac esse melius vel perfectius: Sed Christus ut homo est minùs perfectus quàm Pater, ut patet: Ergo Christus secundùm quod homo est minor Patre.

Sequitur 1597. Christum ut hominem esse minorem seipso, ut Deus est. *Ibidem.*

Prob. seq. Quia omnis homo ut homo minorem habet perfectionem & bonitatem, quàm Deus, ut patet ex dictis.

Sequitur 1598. Christum ut hominem esse subiectum Patri. *Ibidem.*

Probatur sequela: Natura, quæ subiacet operationi Divinæ dispositionis, est subiecta Patri æterno: Sed per hoc, quòd Christus ut homo dicitur subiectus Patri, denotatur quòd natura illius humana subiaceat operationi Divinæ dispositionis, sicut & ceteræ omnes res creatæ: Ergo Christus ut homo verè est subiectus Patri.

Sequitur 1599. Christum ratione humanæ naturæ esse subiectum sibi ipsi ratione naturæ Divinæ. *Ibid. ar. 2.*

Probatur sequela: Quod convenit naturæ, convenit etiam supposito hæc

578 *Secundum Dētrina*

habeti naturam ratione illius naturæ: Sed subiectio convenit naturæ humanæ tamquam rei creatæ: Ergo subiectio convenit etiam Christo ut supposito habenti naturam humanam ratione naturæ humanæ, respectu sui ipsius ut habentis naturam Divinam: Est ergo hoc sensu subditus sibi ipsi.

3. p. 9. 7. a

3. ad 2.

in 3. dist.

36. 4. 2.

Sequitur 1600. Christum ut hominem sive ratione humanæ naturæ esse capacem obedientiæ respectu Patris æterni & respectu sui ipsius ut habentis naturam Divinam.

Probatur sequela: Omnis natura subiecta, si sit intellectualis, est capax obedientiæ respectu superioris: Sed natura humana in Christo est subiecta, tum Patri æterni, tum ipsimet Christo ut Deo, & est intellectualis, ut patet ex dictis: Ergo est capax obedientiæ respectu Patris æterni & ipsiusmet Christi ut est Deus.

Ibidem.

Sequitur 1601. Christum ut hominem sive ratione naturæ humanæ esse capacem præcepti.

Probatur sequela: Capax obedientiæ est capax præcepti; quia obedientia per se primò respicit præceptum: Sed Christus ut homo sive ratione humanæ naturæ est capax obedientiæ, ex dictis: Ergo est capax præcepti.

Ibid.

Sequitur 1602. Christum ut hominem

nem esse capacem præcepti , etiam ut importat vim obligandi.

Probatur sequela: Præceptum ut præceptum , & prout distinguitur à consilio & mandato latè sumpto , importat vim obligandi, ut aliàs ostendemus: Sed Christus ut homo, est capax præcepti, ut præceptum est , & quatenus distinguitur à consilio & mandato ; obedientia siquidem respicit præceptum ut præceptum est , quia respicit superiorem , ut habet potestatem obligandi: Ergo Christus ut homo, est capax præcepti ut importat vim obligandi.

Nec valet, quòd non sit capax comminationis pœnæ , ad quam ex consequenti præceptum obligat : quia hoc non requiritur per se , ut quis sit capax præcepti ; sufficit enim, quòd quis sit capax præmij , quod datur pro impletione præcepti.

Sequitur 1603. Christum ut hominem fuisse subiectum legi æternæ. 12. q. 93.
a. 4. ad 2.

Probatur sequela: Qui subditur Deo, subditur legi æternæ ; lex enim æterna est ipsemet Deus , sive ipse intellectus Divinus præscribens creaturæ , præsertim rationali , id ad quod tenetur : Sed Christus ut homo erat subditus Deo , ex dictis : Ergo etiam erat subditus legi æternæ.

Sequitur 1604. Christum ut homi- Ibidem.

nem subditum fuisse legi naturali.

Probatur sequela: Lex æterna ut præscribens nobis, quæ agere tenemur, per ipsum dictamen rationis, est ipsa lex naturalis: Sed Christus ut homo subdebatur legi æternæ ut præscribenti agenda, ut patet ex dictis: Ergo Christus ut homo subdebatur legi naturali.

Ad idem

Sequitur 1605. Christum ut hominem subditum fuisse legi Divinæ, ut præscribit actus supernaturales.

Probatur sequela: Qui subditur legi æternæ, subditur legi Divinæ, ut præscribenti actus supernaturales, suppositâ elevatione ad ordinem supernaturalem; hæc enim lex Divina est ipsa lex æterna suppositâ illâ elevatione. Atqui Christus ut homo erat subditus legi æternæ suppositâ elevatione ad ordinem supernaturalem: Ergo subdebatur etiam legi Divinæ ut præscribenti actus supernaturales.

*In 2. dist.
44. q. 2.
art. 2.*

Sequitur 1606. Christum Dominum etiam ut hominem nullis legibus humanis positivis fuisse subiectum.

Prob. seq. Supremus Dominus non subditur legibus positivis subditorum; hoc enim ipso, quod est supremus Dominus est independens à subditis: Sed Christus etiam ut homo fuit supremus rex & Dominus omnium hominum ob dignitatem naturæ subsistentis personæ

D. Thoma Principium. 98

itate Divinâ , vt etiam infra ostende-
mus , & patet ex dictis : Ergo Christus
etiam vt homo non subdebatur positivis
legibus hominum. Quod ita verum est,
vt teneretur quidem venerari matrem
ex lege naturali , sed propter dominium
supremum , quod habebat in illam , si-
cut & in reliquos homines , non tene-
batur ad illam specialem subiunctionem
erga illam , quæ legibus humanis in-
troducenda est.

Sequitur 1507. Christum Dominum
etiam vt hominem non fuisse subditum
præceptis positivis veteris legis , quate-
nus præcisè à lege positiva introducenda
erant.

3. p. 9. 373

2. 2. 4.

4. 9. 403

4. 4.

Explicatur. In veteri lege erant quæ-
dam præcepta moralia legis naturæ ; &
ad hæc tenebatur Christus vt homo , ex
dictis ; erant etiam præcepta quædam
positiva, putà cæremonialia & iudicialia.

Probat sequela: Supremus Domi-
nus non tenetur legibus , quæ pro solis
subditis latæ sunt , vt constat : Atqui
lex illa vetus data est pro solis homini-
bus subditis legi peccati , & qui via or-
dinaria erant à populo Iudæorum pro-
pagati: Ergo , cum hoc Christo Domi-
no etiam vt homini non competat , ipse
etiam vt homo non subdebatur præcep-
tis illis veteris legis.

Sequitur 1608. Licet etiam Christus *Ibidem,*

se sponte subdidit legi circumcisionis, ob hanc tamen non fuisse subditum veteri legi.

Probatur sequela : Habens supremam potestatem, quā potest etiam abrogare legem, non obligatur ulli legi ex ijs, quas potest abrogare, etiam supposito, quòd aliquam voluerit observare, ut constat : Sed Christus etiam ut homo habuit supremam potestatem, quā poterat totam legem veterem abrogare, ijs dumtaxat exceptis, quæ erant de lege naturæ, ut patet ex dictis, & infra, etiam fusiùs ostendemus : Ergo etiam suppositā circumcisione non tenebatur Christus observare legem veterem.

3 p. q. 48. Sequitur 1609. Christo ut homini im-
a. 4. & 6. positum fuisse præceptum redimendi
c. q. 2. a. genus humanum per passionem & mor-
1. In 3. tem suam.
dist. 19 a.

4. q. 1. Probatur sequela : Qui agit ex obedientia propriè dicta, habet impositum sibi præceptum; quia obedientia propriè dicta respicit præceptum, ut diximus : Sed Christus redemit humanum genus per passionem & mortem suam ex obedientia propriè dicta, iuxta Paulum ad Philip. 2. & ad Rom. 5. Ergo Christus ut homo habuit hoc præceptum sibi impositum.

3 p. q. 10. Sequitur 1610. Christum ut homi-

nem posse dici servum respectu Dei, generaliter servitute. a. 1. ad p.

Probatur sequela: Subditus Deo ut domino potest dici servus respectu Dei, quoad servitutem illam generalem, quæ competit omni rei creatæ: Sed Christus ut homo est subditus Deo, eo modo, quo res omnis creata ipsi subditur: Ergo Christus ut homo potest dici servus servitute illa generali.

Sequitur 1611. Christum etiam ut hominem non posse dici servum, quasi obsequeretur Deo timore ac conditione servili, aut servitute pœnali ex peccato contracta; sine non posse dici fuisse umquam ita servum, ut non fuerit semper Dominus, sed postmodum factus fuerit Dominus; vel etiam absolutè ac simpliciter non posse dici servum.

Probatur sequela: Christus neque absolutè ac simpliciter potest dici, id quod repugnat supposito Divino; neque etiam ut homo potest dici id, quod repugnat dignitati naturæ humanæ, ab ipso conceptionis instanti assumptæ ad unionem hypostaticam, ut constat ex dictis: Sed esse servum, sicut & esse subditum, repugnat supposito Divino, utpote quod est æquale Patri; ratio etiam conditionis servilis aut pœnalis ex peccato contractæ, aut servitutis, quæ sit huiusmodi, ut transierit à statu

984 *Secundum Doctrinam*

servili ad statum dominij post nativitatem, repugnat dignitati naturæ humanæ à primo conceptionis instanti assumptæ ad unionem hypostaticam, ut patet ex ijs, quæ diximus: Ergo nullo ex his modis potest dici servus. Et hoc sensu Adrianus Papa & concilium Francordienſe deſſinierunt adverſus Elipandum non poſſe Chriſtum dici ſervum.

3 p. 9 21. Sequitur 1612. Chriſto ut hominĩ competere orationem.

Probatur ſequela: Explicatio voluntatis ſubditæ & inferioris, & ex ſe inſufficientis ad illud, quod quis petit, apud eum, à quo petit eſt oratio: Sed Chriſto ut homini hæc omnia conveniunt ex dictis; habet enim voluntatem humanam Deo ſubditam & inferiorem, & ex ſe inſufficientem ad implenda illa, quæ petebat à Deo: Ergo Chriſto ut homini convenit orare.

Ibid ar. 2. Sequitur 1613. Chriſtum oraſſe ſecundum ſenſualitatem hoc ſenſu, quòd eius ratio & pars ſuperior explicavit Deo deſiderium, quod in parte ſenſitiva ſive in appetitu ſuo ſenſitivo erat, de aliqua re; non autem, quòd ipſe appetitus ſenſitivus oraverit.

Probatur ſequela: Quia in hoc nulla involuitur imperfectio repugnans dignitati Chriſti; & hoc fuit neceſſarium, ut oſtenderet, humanam ſibi verè inef-

se naturam ; & nobis exemplum præberet subijciendi Deo appetitum nostrum, & quòd liceat nobis ex naturali affectu orare.

Sequitur 1614. Christum convenienter pro seipso orasse. *Ibid. ar. 3.*

Probatur sequela: Qui recognoscendo Deum auctorem omnium bonorum, ab ipso petit, ut quædam bona percipiat, & de perceptis gratias agit, convenienter orat : Sed Christus hoc præstitit, nedum exprimendo sensualitatis, vel voluntatis etiam rationalis ut naturæ affectum, sed etiam ipsius voluntatis deliberatæ desiderium explicando, v. g. quando petijt gloriam resurrectionis : Ergo Christus convenienter oravit. Adde quod orando nobis exemplum orandi præbuit.

Adverte autem, quòd oratio mentalis Christo necessaria erat ex eo, quòd Deus prædefiniisset, non dare aliqua ipsius humanitati, nisi mediante eius oratione ; vocalis autem oratio non fuit ipsi necessaria nisi ut nobis præberet exemplum. Demum adverte, quòd quando Christus pro seipso oravit, oravit etiam pro nobis ; quia, quod pro se petebat, etiam in nostram salutem redundabat.

Sequitur 1615. Orationem Christi, *Ibid. ar. 4.*
quæ ex absoluta & deliberata voluntate

ipfius procedebat , femper fuiſſe exau-
ditam; non autem orationem , quæ ex-
primebat affectum ſenſualitatis , aut vo-
luntatis quatenus natura eſt.

Probatur ſequela : Voluntas Chriſti
efficax ſemper fuit impleta , non autem
voluntas inefficax , vt diximus ſupra :
Sed oratio Chriſti ex absoluta & deli-
berata voluntate procedens, involuebat
voluntatem efficacem rei , quam pete-
bat ; oratio autem exprimens affectum
ſenſualitatis vel voluntatis vt naturæ
involebat voluntatem dumtaxat ineffi-
cax, vt eſt evidens: Ergo oratio Chri-
ſti ex absoluta & deliberata voluntate
procedens ſemper fuit impleta & exau-
dita.

Th in
4. diſt. 5.
q. 1 a. 6.
q. 2 ad 1.
ad Rom
& art. 7.

Sequitur 1616. Chriſtum nunc in
cœlo exiſtente orare pro nobis , ne-
dum repræſentando ſe ac ſua merita , &
interpretativa oratione , ſed etiam ora-
tione expreſſa & formali.

Probatur ſequela : Quod convenie-
bat Chriſto viatori , convenit etiam illi
nunc in cœlo exiſtenti , niſi habeat re-
pugnantiam cum illo ſtatu , vt conſtat :
Sed orare oratione interpretativa , &
oratione expreſſa & formali , convenie-
bat Chriſto viatori , ex dictis ; Neque
utroque hoc modo orare repugnat ſta-
tui beatorum , vt eſt de fide , & alias
oſtendemus: Ergo orare convenit Chriſto

sto nunc etiam in cœlis existenti.

Sequitur 1617. Christo convenire, ^{3. p. q. 22³}
quòd sit sacerdos. ^{a. 1.}

Probatur sequela : Omnis mediator inter Deum & populum, Divina populo tradens, preces populi Deo offerens, & pro peccatis populi aliququaliter satisfaciens, est verus sacerdos, ut ex communi omnium sensu habetur : Sed Christo hæc omnia conveniunt ; nam & Divina nobis tradit, preces suas & populi Deo offert, & pro peccatis populi satisfecit, ut constat ex dictis : Ergo Christo competit, quòd sit sacerdos.

Sequitur 1618. Christo competere, ^{ibid. ar. 2³}
quòd sit sacerdos, non præcisè ut Deus est, sed ut est homo ; ita nihilominus, ut substantia Divina requiratur ad excellentiam sacerdotij.

Probatur sequela : De intrinseca ratione sacerdotis est, quòd sit inferior illo, cui offert sacrificium : Sed Christus ut Deus non est inferior Patri æterno, ut patet ex dictis : Ergo Christus ut Deus non potest esse sacerdos. Est igitur sacerdos ratione humanæ naturæ, ratione cuius est inferior : Verùm quia excellentia sacerdotij sumitur ex ipsa dignitate personæ, quæ se subiicit, hinc est, quòd excellentia sacerdotij Christi, utpote infinita, exigit substantiam Divinam, quæ ipsi personæ

offerenti & sese subijcienti det dignitatem illam & eminentiam.

Ibidem.

Sequitur 119. Christum fuisse simul sacerdotem & hostiam, tum pro peccato, tum etiam hostiam pacificam, & holocaustum.

Probatur sequela: Qui seipsum offert in remissionem peccatorum, ut homines in gratia & pace cum Deo conserventur, & ut illi ipsi perfecte Deo uniantur, est simul sacerdos, & hostia, tum pro peccato, tum hostia pacifica, & holocaustum: Sed Christus ut homo, sive secundum naturam humanam subsistentem in Verbo, seipsum obtulit Deo ad delenda hominum peccata, & ut homines in gratia & pace cum Deo conservarentur; ac demum ut perfecte Deo unirentur: Ergo Christus ut homo fuit sacerdos, hostia pro peccato, hostia pacifica & holocaustum: Maior constat: eo enim ipso, quod quis offert, est sacerdos; & dum seipsum offert, est hostia: si ergo seipsum offerat pro peccatis, est hostia pro peccato; si seipsum offerat ad conservandam gratiam & pacem, est hostia pacifica; si demum seipsum offerat, ut fiat perfecta unio cum Deo, est holocaustum.

Ibidem.

Sequitur 1620. Expiationem peccatorum esse effectum sacerdotij Christi.

Probatur sequela: Delectio reatus cu-

pæ, & ablatio pænæ, est expiatio peccatorum: Sed effectus sacerdotij Christi est deletio reatus culpæ, quia per sacrificium suum Christus confert nobis gratiam, per quam culpa deletur; ablatio etiam pænæ est effectus sacerdotij Christi, quia per sacrificium suum exhibet Deo satisfactionem pro nobis: Ergo effectus sacerdotij Christi est expiatio peccatorum.

Sequitur 1621. Effectum Sacerdotij Christi propriè & simpliciter non pertinuisse ad ipsum Christum. *Ibid. a. 4.*

Probatur sequela: Sacrificium expiatorium nullum habet effectum propriè ac simpliciter, ubi nullum est peccatum expiandum, ut constat: Sed in Christo nullum fuit peccatum expiandum, ut diximus: Ergo in Christo nullus fuit effectus sacrificij expiatorij; habuit tamen in eo effectum sacrificium laudis, sicut & quatenus erat meritorium &c.

Sequitur 1622. Sacerdotium Christi esse æternum. *Ibid. a. 5.*

Probatur sequela: Sacerdotium, cuius effectus est æternus, est etiam æternum; dicitur enim æternum non ratione æternæ oblationis sacrificij, sed ratione consummationis & effectus. Sed Sacerdotium Christi est huiusmodi, hoc est, habet effectum æternum, ipsam sci-
per gloriam; ut patet ex dictis: Ergo

T. 1.

Sacerdotium Christi est verè æternum.

3. p. 9. 63 . Sequitur 1623. Sacerdotium Christi
art. 3 esse infinitum sive infinitæ dignitatis.

12. 4. dist.

4. 9. 2. ar.

33 9. 5.

Probatur sequela : Sacerdotium, quod involuit ipsam personæ infinitæ dignitatem, est etiã infinitæ dignitatis; quia dignitas personæ seipsam subijcientis facit ad excellentiam sacerdotij : Sed sacerdotium Christi involuit personæ infinitæ dignitatem; cum per illud sacerdotium persona infinita sese subijciat; ut ex dictis est evidens : Ergo sacerdotium Christi est infinitum & infinitæ dignitatis.

Ibidem.

Sequitur 1624. Sacerdotium Christi esse summum omnium ; atque adeo Christum esse summum Sacerdotem, & summum Pontificem.

Probatur sequela : Sacerdotium infinitum est summum omnium , & qui illud habet, est summus Sacerdos, & summus Pontifex : Sed Sacerdotium Christi est infinitum : Ergo Sacerdotium Christi est summum ; atque adeo ipse Christus est summus Sacerdos & summus Pontifex.

Ibidem.

Sequitur 1625. Sacerdotium Christi esse multò eminentius omni Sacerdotio legis naturæ, legis Mosaicæ, imò & legis novæ.

Probatur sequela : Sacerdotium infinitum & summum omnium est eminens

rius omni alio Sacerdotio finito : Sed sacerdotium Christi est infinitum & summum omnium , ex dictis : Ergo cum sacerdotium legis naturæ , legis Mosai- cæ , imò & legis novæ sit finitum , propterea distinguitur à sacerdotio Christi , sacerdotium Christi erit eminentius omni alio sacerdotio.

Sequitur 1626. Sacerdotium Christi nihil aliud esse , quàm supremam illius potestatem sacrificandi , sive offerendi sacrificium , & alia munia sacerdotalia præstandi.

*In 4. dist.
4 q. 1. a 3.
95
& dist. 24
qn. 2 a. 3.*

Probatur sequela : Sacerdotium est potestas offerendi sacrificium , & alia munia sacerdotalia præstandi : Sed sacerdotium Christi est ceteris eminentius : Ergo sacerdotium Christi est suprema potestas sacrificandi , &c.

Sequitur 1627. Hanc supremam potestatem convenire Christo ratione unionis hypostaticæ.

*3 p. q. 22.
a. 3.*

Probatur sequela : Omnis potestas & dignitas ad finem Incarnationis necessaria , convenit Christo ratione unionis hypostaticæ , ex dictis : Sed suprema hæc sacerdotij potestas est ad finem Incarnationis necessaria , ut statim constabit : Ergo convenit Christo ratione unionis hypostaticæ.

Sequitur 1628. Hanc potestatem supremam nihil aliud esse , quàm ipsam

*1. p. q. 8. a. 1.
& q. 48.
art. 1.*

gratiam capitis, quatenus dat vim Christo ad merendum, satisfaciendum, & intercedendum pro alijs, & simul producendi gratiam.

Probatur sequela: Potestas offerendi sacrificium, & alia munia sacerdotalia præstandi, est vis merendi, satisfaciendi, intercedendi pro alijs, & producendi gratiam in illis aliquo modo, ut constat: Sed in Christo suprema Sacerdotij potestas est vis offerendi sacrificium, & præstandi alia munia sacerdotalia, ex dictis: Ergo cum hæc vis merendi, &c. sit ipsa gratia capitis, ut patet ex dictis supra, hæc suprema Sacerdotij potestas erit ipsa gratia capitis.

q. 49.

art. 1.

q. 59.

art. 2.

de virt.

929. a. 8.

Sequitur 1629. Hanc potestatem esse ipsam gratiam sanctificantem, ut connotat suppositum Divinum, in quo natura humana per illam gratiam sanctificata subsistit.

Probatur sequela: Gratia capitis in Christo est ipsa gratia sanctificans ut connotat suppositum Divinum, in quo natura humana per illam gratiam sanctificata subsistit, ut diximus supra: Sed hæc potestas sacerdotij est ipsa gratia capitis, ex iam dictis: Ergo hæc potestas sacerdotij est ipsa gratia sanctificans ut connotat suppositum, in quo natura humana per illam gratiam sanctificata subsistit.

Sequitur 1630. Hanc potestatem sacerdota-
lem in Christo non esse charac-
terem aliquem, aut qualitatem distin-
ctam in Christo ab ipsa gratia.

Probatur sequela: Gratia capitis in
Christo non est character vel qualitas
aliqua distincta ab ipsa gratia, ex dictis:
Sed hæc potestas est ipsa gratia capitis:
Ergo hæc potestas non est character vel
qualitas aliqua distincta ab ipsa gratia.

Dices: Si hoc ita sit, sequitur potesta-
tem Sacerdotalem in sacerdotibus no-
væ legis esse participationem ipsius gra-
tiæ Christi, atque adeo sacerdotes, qui
sunt in peccato mortali, non habere
potestatem sacerdotalem: Hoc autem
est hæreticum, & damnatum in Conci-
lio Constantiensi, & alijs, contra Ioan-
nem Hus & Wiclef.

Sed contra: Quia potestas sacerdota-
lis in sacerdotibus novæ legis est tan-
tùm vis instrumentalis, quâ nimirum
tamquam instrumenta ipsius Christi ex-
equuntur, quæ ad sacerdotium spe-
ctant: Non est autem necessarium; imò
nec possibile, quod vis instrumentalis
sit eiusdem rationis cum virtute causæ
principalis; atque adeo potestas sacer-
dotalis in sacerdotibus novæ legis non
debet esse ipsa gratia, sed character di-
stinctus à gratia.

Dices: Etiam in Christo vis physica

productiva gratiæ in alijs subiectis non est nisi vis instrumentalis ; non enim physicè producit gratiam in alijs per modum causæ principalis : Ergo nulla est hæc responsio. Sed contra : quia vis productiva gratiæ in actu secundo est quidem instrumentalis in Christo , sicut & in omnibus alijs ; & sic in omnibus est motio , quâ moventur à Deo ad producendam gratiam : Sed vis dispositiva , quâ nimirum Sacerdotes novæ legis disponuntur habitualiter & permanenter ad transubstantiandū panē & vinum in Corpus & sanguinem Christi , & ad producendam physicè gratiam in alijs est character , & hic est virtus & potestas diversæ omninò rationis à potestate sacerdotali Christi Domini , quæ nihil est aliud , quàm ipsa gratia capitis , ut demonstratum est.

3. p. 19. 22. Sequitur 1631. Christum non fuisse
 1. ad 2. Sacerdotem sacerdotio legali sive Aaronico.

Probaturs sequela : Sacerdos sacerdotio in infinitam digniori quocumque alio, non debuit esse sacerdos sacerdotio inferiori : Sed Christus fuit Sacerdos sacerdotio in infinitum digniori ex dictis : Ergo non debuit esse Sacerdos sacerdotio legali & Aaronico , utpote inferiori. Confirmatur : nullus ex quacumque alia tribu , quàm ex tribu Le-

vi potuit esse sacerdos legalis : Sed Christus non fuit ex tribu Levi : Ergo non potuit esse sacerdos legalis. Argumentum est D. Pauli ad Hæbr. 7. Maior constat ex cap. 29. Exod. & ex 8. Levit. Quare, quæ narrat Suidas, quòd Christus fuerit electus ad ordinem lectorum, fabula est, cui mirum est auctores aliquos Catholicos adhibuisse fidem.

Sequitur 1632. Christum non fuisse *Ibidem* Sacerdotem sacerdotio, quod erat in lege naturæ præcisè.

Explicatur : In lege naturæ debuisse esse sacerdotes, sicut & sacrificia, dicemus infra ; & illos fuisse primogenitos familiarum, constat apud auctores : Vnde Christum eo titulo potuisse esse sacerdotem, nulli dubium est ; cum esset primogenitus, imò vnigenitus. Quòd tamen hoc titulo non fuerit Sacerdos, inde constat, quia per legem Moyſis determinata fuit vna tribus in populo Iudaico, & deputata vt sacerdotio fungeretur, nimirum tribus Levitica : & sic quod erat indeterminatum ex lege naturæ, & solo usu & electione hominum coarctatum ad primogenitos, fuit auctoritate Dei determinatum ad illam tribum Levi. Vnde in populo Iudaico primogeniti non erant ampliùs Sacerdotes.

Hinc ergo patet sequela : In populo Iudaico primogeniti non erant Sacer-

dotes, ex quo Deus determinaverat ad hoc officium ipsam tribum Levi: Sed Christus erat ex populo Iudaico, ut constat: Ergo, licet esset primogenitus, ex hoc non poterat esse Sacerdos.

*p. p. q. 22.
ar. 6.
Psalm. 109.*

Sequitur 1633. Christum non dici Sacerdotem secundum ordinem Melchisedech, ex eo quod fuerit Sacerdos sacerdotio legis naturæ.

Probatur sequela: Qui non est Sacerdos sacerdotio legis naturæ, non dicitur Sacerdos secundum ordinem Melchisedech ex eo, aliàs falsò sic denominaretur: Sed Christus non fuit Sacerdos sacerdotio legis naturæ, ex dictis: Ergo non dicitur Sacerdos secundum ordinem Melchisedech, ex eo, quod fuerit Sacerdos sacerdotio legis naturæ.

Ebdem.

Sequitur 1634. Christum dici Sacerdotem secundum ordinem Melchisedech propter excellentiam sacerdotij Melchisedech supra sacerdotium Leviticum; per quam præfiguravit etiam excellentiam sacerdotij Christi supra sacerdotium Leviticum.

Probatur sequela: Excellentia sacerdotij Melchisedech præcipuè consistit in duobus; primò in eo, quod Abraham benedixit, & ab eo, in cuius lumbis continebatur tribus Levi, non autem Christus, decimas sumpsit: Atqui hæc excellentia maximè præfigurabat excellen-

sentiam sacerdotij Christi, qui tamquam summus Sacerdos omnibus etiam sacerdotibus benedixit, & ab omnibus tamquam superior decimas sumendi potestatem habet: Ergo, &c.

Sequitur 1635. Christum ita esse summum Sacerdotem, ut habuerit potestatem excellentiæ.

3.p. q. 59.
per totam
& q. 64.
a. 2 & 4r

Probatur sequela: Qui potest rempublicam spiritualem condere, modum regiminis statuere, iurisdictionem superioribus distribuere, leges novas condere, veteres abrogare, habet potestatem excellentiæ: Sed Christus ut summus Sacerdos sacerdotio infinito hæc omnia potuit, aliàs non habuisset sacerdotium infinitum: Ergo Christus habuit potestatem excellentiæ.

Sequitur 1636. Huic Christi sacerdotio annexam fuisse regiam dignitatem spirituales.

3.p. q. 224
a. 1. ad 8r

Probatur sequela: Qui potest rempublicam condere, & cetera omnia iam enumerata præstare, habet potestatem regiam & monarchicam, iuxta modum potestatis: Sed Christus potuit rempublicam condere, & cetera præstare ex vi sacerdotij summi & infiniti, ut diximus: Ergo Christus ex vi huiusmodi sacerdotij habet monarchicam arque adeo regalem potestatem.

Sequitur 1637. Hanc potestatem soli *Ibidem*

Christo competere & nulli alteri.

Probat^{ur} sequela : Potestas summæ sacerdotij & infiniti soli Christo competit, ex dictis : Sed potestas monarchica & regalis est potestas summi & infiniti sacerdotij, ex dictis : Ergo potestas monarchica & regalis soli Christo competit.

Idem.

Sequitur 1638. Hanc potestatem excellentiæ connaturaliter non potuisse competere nisi personæ infinitæ & Divinæ.

Probat^{ur} sequela : Potestas, quæ connaturaliter connotat personam infinitam, non potest competere nisi personæ infinitæ & Divinæ, ut patet ex terminis : Sed, ex dictis supra, hæc potestas connaturaliter connotat personam infinitam : Ergo non potest competere nisi personæ infinitæ & Divinæ.

Sequitur 1639. Hanc potestatem excellentiæ, quoad omnia, quæ includit, non potuisse communicari puræ creaturæ, etiam de potentia Dei absoluta.

Probat^{ur} sequela : Satisfacere de rigore iustitiæ pro peccatis, offerre sacrificium infinitum, & alia huiusmodi, non possunt communicari puræ creaturæ, etiam de potentia Dei absoluta, ut supra ostendimus : Atqui hæc potestas excellentiæ includit hoc, quod est satisfacere pro peccatis de rigore iustitiæ, of-

D. Thoma Principium. . 999

ferre sacrificium infinitum, & alia huiusmodi, ut patet ex dictis: Ergo hæc potestas quoad omnia, quæ includit, non potuit communicari puræ creaturæ etiā de potentia Dei absoluta.

Sequitur 1640. Hanc potestatem excellentiæ esse communicatam Christo à primo instanti conceptionis.

Probatur sequela: Quod competit Christo ratione vnionis hypostaticæ, convenit illi à primo instanti cōceptionis, sicut & ipsa vnio hypostatica: Sed hæc potestas excellentiæ convenit Christo & fuit ei debita ratione vnionis hypostaticæ: Ergo convenit ipsi à primo instanti conceptionis.

Sequitur 1641. Hanc potestatem includere etiam potestatem siue auctoritatem legislativam siue ad condendas leges.

Probatur sequela: Omnis potestas monarchica ad fundandam rempublicam includit auctoritatem legislativam; est enim hæc præcipua pars potestatis regalis ad fundandam rempublicam: Sed hæc potestas in Christo fuit Monarchica & regalis ad fundandam rempublicam Christianam, ex dictis: Ergo hæc potestas includit legislativam.

Sequitur 1642. Hanc potestatem legislativam fuisse excellentissimam & Divinam.

D. Thomæ Principium. 1007

Christi fuit potestas in æternum constituta ad regimen Ecclesiæ, ut constat ex dictis: Ergo fuit summa & ordinaria.

Sequitur 1646. Hanc potestate Christum potuisse delegare auctoritatem ad nutum.

Probatur sequela: Potestas summa & ordinaria potest delegare auctoritatem ad nutum pro regimine, ad quod est constituta, ut constat apud omnes: Sed potestas Christi fuit summa & ordinaria, ex dictis: Ergo hanc potestate potuit Christus delegare auctoritatem ad nutum pro regimine Ecclesiæ, quæ est respublica ab ipso instituta.

Sequitur 1647. Christum, supposito, quod absens esset visibiliter ab Ecclesia militante, debuisse delegare potestatem & auctoritatem necessariam ad regimen Ecclesiæ.

Probatur sequela: Habens potestatem ordinariam, supposito quod sit absens eo modo, qui noceat debito regimini, debet delegare potestatem, ut respublica ab ipso instituta congruo modo gubernetur; alias non provideret sufficienter reipublicæ à se institutæ: Atqui Christus habet potestatem ordinariam & summam, ex dictis: Ergo supposito, quod sit absens ab Ecclesia eo modo, qui noceat debito, hoc est, visibili & sensibili ipsius regimini, debet

committere vices suas & delegare auctoritatem , vt Ecclesia visibili ac sensibili modo gubernetur.

3.p.q. 8 a
6.

2 29 de
ver. ar 4.

1.ad Cor.

11.lect. 3.

Sequitur 1648. Ecclesiam militantem non posse modo tantum invisibili & insensibili gubernari.

Probatur sequela : Congregatio hominum in hac mortali vita degentium non potest modo invisibili & insensibili gubernari ; quia homines solis sensibus percipiunt ; nihil enim est in intellectu, quod prius non fuerit in sensu : Sed Ecclesia sive respublica à Christo Deo & homine instituta , est congregatio hominum in hac mortali vita degentium , vt constat ex dictis : Ergo Ecclesia non potest modo invisibili & insensibili gubernari.

Ibid.

Sequitur 1649. Ecclesiam à Christo Domino Deo & homine institutam, debere partim modo visibili & sensibili , partim modo invisibili & insensibili gubernari.

Probatur sequela : Respublica , quæ non potest modo purè invisibili & insensibili gubernari , debet partim modo visibili , partim modo invisibili & insensibili gubernari : Sed Ecclesia est respublica , quæ non potest modo purè invisibili & insensibili gubernari , vt patet ex dictis ; cum sit Ecclesia hominum mortalium à Christo Deo & homine mortali

D. Thoma Principium. 1003

mortali , congregata & pro actibus , qui debent modo sensibili exerceri , cuiusmodi sunt susceptio sacramentorum , & actus etiam virtutum interni & externi , qui sunt actus partim sensibiles & visibiles , partim intellectuales : Ergo Ecclesia à Christo Deo & homine instituta debet partim modo visibili , partim modo invisibili gubernari.

Sequitur 1650. Ecclesiam non posse *ibidem* esse omnino invisibilem.

Probatur sequela : Respublica à capite visibili instituta pro hominibus mortalibus , atque adeo constantibus ex animo & corpore , & ad actus partim sensibiles , partim intellectuales , non potest esse omnino invisibilis & insensibilis ; aliàs non esset conformis auctori , subditis , & actibus , ad quos est instituta : Sed Ecclesia est respublica à capite visibili Deo & homine instituta pro hominibus mortalibus , atque adeo constantibus ex anima & corpore , & ad actus partim sensibiles , quales sunt susceptio sacramentorum & alij , partim intellectuales , quales sunt actus interni , ut patet ex dictis : Ergo Ecclesia non potest esse omnino invisibilis.

Explicatur : Respublica ex triplici capite debet habere statum , & conditiones necessarias ; primò ex suo capite ac institutore ; Secundò ex subditis , qui

legibus huius reipublicæ subijciuntur; Tertiò ex actibus, quos subditi debent exercere, ut ad finem à republica siue ab auctore ac fundatore illius reipublicæ intentum perveniatur: ex nullo enim alio potest habere respublica statum suum. Respublica verò Christiana à Christo Deo & homine instituta est, ut patet ex dictis: Christus autem Deus & homo, quā parte Deus erat, erat occultus; qua verò parte erat homo inter homines modo humano agens, erat mortalis, sensibilis & visibilis: Ergo ex suo capite Ecclesia debet habere utrumque, hoc est, ut modo invisibili & occulto gubernetur, & nihilominus etiam modo humano visibili & sensibili regatur. Præterea Ecclesia instituta est ad hoc, ut homines modo humano ad finem æternæ vitæ dirigantur: Sed homines mortales non possunt dirigi ad hunc finem modo humano, siue tamquam homines, nisi sensibili ac visibili modo dirigantur; cum, ut diximus, nihil sit in intellectu, quod prius non fuerit in sensu: Ergo Ecclesia debet dirigi modo sensibili ac visibili. Denique actus, per quos ipsi homines reguntur, debent esse sensibiles ac visibiles; reguntur enim per susceptionem sacramentorum, & per actus etiā externos: Sed hoc fieri nequit per Ecclesiam omnino invisibilem, ut

D. Thoma Principium. 1005

constat : Ergo Ecclesia debet esse visibilis. Ridicula ergo est , & omnino irrationalis illa opinatio siue potius hæresis , quæ fingit Ecclesiam omnino invisibilem.

Sequitur 1651. Regimen Ecclesiæ *Ibidem.*
non posse esse omnino invisibile.

Probatur sequela : Regimen reipublicæ non omnino invisibilis , non potest esse omnino invisibile : Sed Ecclesia est respublica non omnino invisibilis ex dictis : Ergo regimen Ecclesiæ non potest esse omnino invisibile.

Sequitur 1652. Regimen Ecclesiæ *Ibidem.*
debere esse aliquo modo visibile ac sensibile.

Probatur sequela : Regimen non omnino invisibile debet esse aliquo modo visibile ac sensibile , ut vel ex rerminis constat : Sed regimen Ecclesiæ non est omnino invisibile , ex dictis : Ergo debet esse aliquo modo visibile ac sensibile.

Sequitur 1653. Regimen Ecclesiæ *Ibidem.*
non posse esse penes solum Christum iam absentem visibiliter ac sensibiliter à nobis.

Probatur sequela : Regimen penes caput visibiliter & sensibiliter absens non potest esse visibile ac sensibile : Sed Christus est caput Ecclesiæ absens visibiliter ac sensibiliter à nobis : Ergo re-

V v 2

gimen Ecclesiæ non potest esse solùm penes Christum iam absentem.

Opusc. 1.

cap 65.

Opusc. 20

lib 3 cap.

20.

Sequitur 1654. Debuisse Christum committere vices suas & delegare auctoritatem suam alicui vel aliquibus superioribus, qui modo visibili ac sensibili gubernarent ipsam Ecclesiam, absque præiudicio regiminis spiritualis & invisibilis, quod penes ipsum manet.

Probatur sequela: Regimen, quod non potest esse solùm invisibile, non potest esse penes caput solùm invisibile, ut est evidens; atque adeo oportet, quòd caput invisibile committat vices suas & deleget auctoritatem superioribus, qui modo visibili ac sensibili gubernent & regant: Sed regimen Ecclesiæ non potest esse omnino invisibile: Ergo non potest esse penes caput omnino invisibile, sed oportet, quòd caput invisibile committat vices suas & deleget auctoritatem superioribus, qui modo visibili ac sensibili gubernent & regant..

Ibidem.

Sequitur 1655. Hoc regimen Ecclesiæ debere esse monarchicum.

Probatur sequela: Omne regimen perfectum debet esse monarchicum: Sed regimen Ecclesiæ, utpote à Christo derivatum, debet esse perfectum: Ergo debet esse monarchicum.

D. Thoma Principium. 1007

Maiores est certa: quia regimen eò est perfectius, quò magis assimilatur perfectissimo regimini; perfectissimum autem regimen est Divinum, quod est regimen vnius Dei: Ergo regimen perfectius debet esse regimen vnius. Quod autem regimen Ecclesiæ, sive quo Christus regit Ecclesiam, sit regimen perfectius & magis assimilatum regimini, quo Deus vniuersum regit, est evidens; quia regimen Ecclesiæ est regimen Dei hominis, qui invisibiliter quidem per seipsum, sed visibiliter per suum Vicarium regit Ecclesiam.

Sequitur 1656. Debere dari aliquem, *Ibidem.* cui Christus vices suas in terris commiserit.

Prob. seq. In omni republica hominũ bene ordinata & monarchica debet dari aliquis, qui modo sensibili & humano regat & gubernet: Et si is, qui principaliter præsidet, sensibiliter absit, debet vices suas committere alicui, qui sensibili & humano modo regat & gubernet: Sed Christus instituit Ecclesiam tamquam rempublicam optimè ordinatam & monarchicam: Ergo cum Christus sensibiliter non sit præsens, vt modo sensibili & humano gubernet, debet vices suas alicui committere.

Sequitur 1657. Illum, cui Christus vices suas in terris commisit, de-

4. cons.
gent. cap
77.

bere esse vnum & singularem hominem.

Probatur sequela : In regimine monarchico absente vero ac legitimo monarcha , nec gubernante modo sensibili , debet , quantum fieri potest , conservari modus regiminis monarchici , aliàs non conservaretur optima forma regiminis : Sed , ex dictis , regimen Ecclesiæ est monarchicum : Ergo absente Christo quoad præsentiam sensibilem ac visibilem , debet conservari forma & modus regiminis monarchici. Cum ergo id fieri non possit , nisi is , qui gubernat , sit vnus & singularis homo , debet is , cui Christus vices suas commisit , esse vnus aliquis & singularis homo. Quare ipse Christus cum in terris degeret , per seipsum Ecclesiã gubernabat : cum verò desijt esse modo sensibili ac visibili non immutavit formam regiminis , quin potiùs illam se conservaturum dixit , comparando Ecclesiam ovili , & familiæ , super quam vnum servum constituit ; Et qua ratione oportet parochos præesse cuilibet plebi , & Episcopos parochis , Archiepiscopum Episcopis , Patriarcham Archiepiscopis , eâdem omnino necessarium est , esse vnum aliquem , qui præsit ipsis Patriarchis , atque adeo toti Ecclesiæ , vnde Hierarchicus servetur ; in quo ordi-

Ioan 10.
Luce 12.

D. Thoma Prîncipium. 1009

ne , si vel vnum tollas , & maximè primum , totum ordinem perturbas & tollis. Adde quòd ad vnitatem corporis requiritur vnitas non solum animæ invisibiliter regentis corpus , sed etiam capitis visibiliter dirigentis ; idque tantò verius est in Ecclesia , quantò magis necessarium est , vt vnitas fidei in Ecclesia conseruetur.

Sequitur 1658 Vniuersale ac ordinarium , totius Ecclesiæ regimen non esse penes Episcopos tantùm secluso summo Pontifice.

Probat sequela : Regimen Monarchicum non est penes plures , vt constat : Sed vniuersale & ordinarium Ecclesiæ regimen est monarchicum , ex dictis : Ergo vniuersale & ordinarium Ecclesiæ regimen non est penes Episcopos , qui sunt plures , vt constat. Confirmatur , quia ipsa determinatio & definitio diœceseon & institutio novorum Episcopatum non est penes Episcopos , vt certissimum est. Adde quod oportet Episcopos semper manere in concilijs congregatos , vt Ecclesiam vniuersalem ordinariè regerent : constat autem totis trecentis annis à prædicatione Apostolorum non fuisse congregatos Episcopos in aliquo concilio : nam primum post Apostolorum tempora fuit Concilium Nicænū , quod ante annum

22. q. 89.

a. 9. ad 3.

p. 2. 72.

a. 1. ad 1.

In 4. dist.

20. ar. 4.

q. 3. 4. cons.

gent. cap.

76.

V v 4.

IOIO *Secundum Doctrinam*

Christi 325. non fuit celebratum; nec postmodum continuò habita sunt generalia concilia, sed rarò. Vnde Ecclesia universalis diu remanisset absque regimine ordinario, si illud esset penes Episcopos in concilijs congregatos.

Abidem.

Sequitur 1659. Multò minùs posse universale ac ordinarium totius Ecclesiæ regimen esse penes principes sæculares, quamuis baptizatos & Catholicos.

Probatur sequela: Universale ac ordinarium Ecclesiæ regimen est institutum à Christo ut summo sacerdote, in ordine ad salutem æternam hominum, per leges Divinas & sacramenta, ex dictis: Atqui principum sæcularium regimen non est institutum à Christo; est enim introductum iure gentium; neque respicit ut finem salutem æternam, sed quietem & pacem populi temporalem per leges humanas, ut constat: Ergo principum sæcularium regimen non est regimen universale ac ordinarium Ecclesiæ.

Abidem.

Sequitur 1660. Universale ac ordinarium totius Ecclesiæ regimen non esse penes populum.

Probatur sequela: Regimen monarchicum non est penes populum; aliàs idem esset regimen monarchicum & democraticum; quod esse falsum omnes

omnino concedunt. Sed regimen Ecclesiæ est monarchicum, ex dictis: Ergo non est penes populum.

Sequitur 1661. Debuisse Christum *Ibidem* talem tantamque auctoritatem tribuere illi, cui vices suas commisit, ut optimum esset regimen Ecclesiæ, quantum humana fragilitas patitur.

Prob. seq. Instituens rempublicam monarchicam perfectam, debet totam illam auctoritatem principi vel præsidenti tribuere, quæ necessaria est ad optimum illius regimen, quantum potest esse inter homines, ut vel ex terminis patet: Sed Christus instituit Ecclesiam ut rempublicam monarchicam perfectam: Ergo debuit, cum id posset, omnem auctoritatem necessariam ad optimum regimen, tribuere præsidi sive principi, cui suas vices commisit.

Sequitur 1662. Christum Dominum 2. 2. q. 1. 2.
4. 10. debuisse concedere Vicario illi suo in terris potestatem interpretandi Scripturas, decidendi ac iudicandi controversias fidei, & alia agendi ad regimen totius Ecclesiæ spectantia.

Probatur sequela: Christus Dominus debuit concedere Vicario suo auctoritatem omnem ad regimen totius Ecclesiæ necessariam: Sed potestas interpretandi Scripturas, decidendi ac iudicandi controversias fidei, & alia agendi

spectantia ad totā Ecclesiam, est omnino necessaria ad bonum Ecclesiæ regimen : Ergo, &c. Minor probatur : quia, cum, ut diximus supra, fides necessaria sit ad salutem in hominibus viatoribus, ex quibus constat Ecclesia, & vnitas fidei sit necessaria toti Ecclesiæ (aliàs enim periret Ecclesia) oportet necessario esse aliquam potestatem & auctoritatem, quæ interpretetur Scripturas, & de controversijs fidei iudicet, ut & quilibet privatus modo sensibili & humano sciat, quid ipsum credere oporteat, & tota Ecclesia in vnica fide conveniat. Quare sicut in qualibet alia republica debent esse leges, maximè verò quædam præcipuæ ac fundamentales, & præterea debet esse aliquis supremus iudex, ad quem spectet leges interpretari, & secundum illas iudicare de controversijs ortis inter subditos ; ita necessarium est ut in republica Christiana sint leges, quæ in Scriptura & traditionibus continentur ; & præterea debet esse iudex supremus, ad quem spectet has leges interpretari, & controversias ortas dirimere ; aliàs omnia hæresum genera introducerentur, & quilibet suo iudicio saperet. Adde quòd cum sacra Scriptura sit difficillima, saltem multis in locis, & aliunde oporteat, ut modo sensibili & humano nobis innotescat.

D. Thomæ Principium. 1013

quænam sit vera Scriptura à Spiritu sancto dictata, necessarium etiam est, ut interpretatio Scripturæ, & iudicium de omnibus ad fidem spectantibus alicui uni conveniat.

Dices id spectare ad Concilia generalia.

Sed contra primò: quia non semper *Ibidem* possunt celebrari Concilia generalia, unde trecentis primis post Apostolos annis non potuerunt celebrari, quo tamen toto tempore ortæ sunt gravissimæ controversiæ de rebus fidei, ita ut enumerentur plusquam quinquaginta diversæ hæreses: Ergo oportet esse in Ecclesia aliquam aliam auctoritatem ordinariam, quæ de rebus fidei iudicet; aliàs non sufficienter provisum esset Ecclesiæ, imò nec singulis hominibus. Præterea in casu vrgentis necessitatis, quo de rebus fidei iudicandum sit, nec tempus suppetat ad convocandum Concilium generale, vel erit aliqua auctoritas, quæ saltem interim iudicet, vel non: si nulla sit, manifestum est, Christum non sufficienter providisse Ecclesiæ; si aliqua sit, sine dubio illa debet in principe vel præside totius Ecclesiæ residere: Ergo verum est, quòd ille habeat potestatem iudicandi. Denique ad quem spectabit convocare Concilium? Oportet enim quod is, qui Concilij cogendi ha-

V. v. 6.

bet potestatem , habeat etiam curam & auctoritatem iudicandi , quando per se illi potestas huiusmodi convenit.

Ibid. Sequitur 1663. Christum Dominum debuisse concedere Vicario suo non solum auctoritatem iudicandi de controversiis fidei , sed etiam infallibilitatem in iudicando , ita ut errare non possit , dum tanquam index illas diiudicat.

Probatur sequela : Christus debuit omnia , quæ sunt absolutè necessaria illi suo Vicario conferre , aliàs non sufficienter providisset Ecclesiæ : Sed hæc infallibilitas est absolutè necessaria ; eadem enim rationes , quæ probant Christum debuisse conferre auctoritatem iudicandi , probant etiam debuisse conferre infallibilitatem : Ergo Christus debuit hanc infallibilitatem conferre & de facto contulit , ut constat Lucæ 22. Matth. 16. & Ioan. ult.

Ibidem. Sequitur 1664. Christum Dominum debuisse concedere illi suo Vicario infallibilitatem in decretis morum pro tota Ecclesia necessarijs ad salutem.

Probatur sequela : Christus debuit sufficienter providere Ecclesiæ : Atqui ut hoc præstaret , debuit suo Vicario tribuere infallibilitatem etiam in decretis morum : Ergo , &c. Minor declaratur : Quia si Christi Vicarius in decretis morum pro tota Ecclesia erraret , iam tota

Ecclesia exponeretur periculo errandi; quia teneretur obedire Vicario Christi, & aliunde obediendo erraret; ageret enim quæ secundum se fieri non debent; unde nec posset dici sancta.

Sequitur 1665, Vicarium Christi habere auctoritatem condendi leges, quæ obligent in tota Ecclesia. *Ibidem.*

Probatur sequela: Christus contulit Vicario suo omnem auctoritatem ad bonum reipublicæ Christianæ regimen: Sed potestas legislativa est necessaria ad bonum reipublicæ Christianæ regimen; hoc enim est commune cuilibet reipublicæ, ut habeat potestatem condendi leges: Ergo, &c.

Sequitur 1666. Christum contulisse Vicario suo potestatem etiam coactivam.

Probatur sequela: Omnis vera lex est coactiva, atque adeo omnis potestas legislativa est coactiva: Sed Christus contulit Vicario suo potestatem legislativam: Ergo & coactivam.

Sequitur 1667. Regimen Ecclesiæ, quamvis sit revera monarchicum, esse tamen temperatum Aristocratia.

Probatur sequela: Omne regimen humanum, ut sit optimum, debet quidem esse monarchicum, sed quia est hominum, & humano ac rationabili modo, debet exerceri, debet esse temperatum.

1.2. q 96.

ar 5.

22 qu. 67.

ar 1.

lect. 3. in

cap. 2. ad

Rom.

Opusc. 1.

cap. 65.

Opusc. 2.

lib. 3 c. 29.

Aristocratiâ, id est, regimine optimatum, ut concedunt etiam philosophi: Atqui regimen Ecclesiæ est optimum, utpote à Christo Deo & homine institutum, ut diximus: Ergo debet esse temperatum Aristocratiâ.

2.2 q. 184
art. 4. 1. Sequitur 1668. In Ecclesia debere esse optimates & principes.

Probatur sequela: Vbi est regimen monarchicum temperatum aristocratiâ ibi debent esse optimates & principes: Aristocratiâ enim est regimen optimatum & principum, ut constat: Sed in Ecclesia est regimen monarchicum temperatum aristocratiâ, ex dictis: Ergo in Ecclesia debent esse optimates & principes.

Ibid.

Sequitur 1669. Hos optimates ac principes esse, ac vocari Episcopos.

Probatur sequela: Præfectus ac præpositus pluribus maximè civitatibus est ac ritè vocatur Episcopus, ut etiam ipsi æthnici agnovere, & ex usu Ecclesiæ constat: Sed illi præfules, quos vocamus Episcopos, sunt præfecti ac præpositi pluribus etiam civitatibus, ut patet: Ergo, &c.

2.2 q. 185
art. 5. Sequitur 1670. Episcopatum iure Divino esse institutum.

Probatur sequela: In eo statu, in quo regimen monarchicum temperatum aristocratiâ institutum est iure Divino,

D. Thoma Principium. 1017

eodem iure instituta est auctoritas optimatum ac principum: Sed in Ecclesia institutum est iure Divino regimen monarchicum temperatum aristocratia: Ergo in Ecclesia instituta est auctoritas optimatum ac principum, atque adeo Episcopatus.

Sequitur 1671. Auctoritatem regendi & gubernandi sub summo Ecclesiae monarcha competere iure Divino Episcopis. *Quodlibet ar. 31.*

Probatur sequela: In eo statu, in quo iure Divino optimates instituti sunt, ut sit monarchia temperata per aristocratiam, debet eodem iure illis auctoritas regendi & gubernandi sub summo Ecclesiae monarcha competere; non enim esset regimen monarchicum ipso iure Divino temperatum aristocratia, nisi eodem iure optimatibus aliqua competeret auctoritas, ut est evidens: Atqui in Ecclesia Episcopatus institutus est iure Divino, ut esset monarchia temperata aristocratia; ut dictum est: Ergo debet eodem iure Divino illis optimatibus sive Episcopis competere aliqua auctoritas regendi & gubernandi sub summo Ecclesiae monarcha.

Sequitur 1672. Hanc auctoritatem non consistere dumtaxat in characterе Episcopali. *In 4. dist. 24 q. 3. 2. q. 2.*

Probatur sequela: Auctoritas guber-

nandi sub summo Ecclesiæ monarcha, quæ temperet ipsam monarchiam, non est tantum potestas ordinis sive character Episcopalis: Sed Episcopis competit auctoritas gubernandi sub summo Ecclesiæ monarcha: Ergo non competit tantum illis potestas ordinis sive character Episcopalis.

Ibidem.

Sequitur 1673. Hanc auctoritatem, quæ competit Episcopis iure Divino, esse potestatem iurisdictionis.

Probat sequela: Auctoritas gubernandi sub summo Ecclesiæ monarcha, ut temperetur monarchia per aristocratiam, debet esse aliqua potestas iurisdictionis: Atqui Episcopis competit auctoritas gubernandi sub summo Ecclesiæ monarcha, ut temperetur monarchia per aristocratiam ex dictis: Ergo Episcopis competit iure Divino aliqua potestas iurisdictionis, qualis est potestas dicendi sententiam in concilijs, potestas etiam aliqua in diocesanos, &c.

Dices: Si ita est summus Pontifex non poterit hanc potestatem minuire, limitare, nec consequenter deffinire terminos diocæseon, nec auferre potestatem Episcopo alicui propter crimina &c. Hoc autem constat manifestè falsum, tum ex usu Ecclesiæ, tum ex ipso iure Divino, quia iam summus Pontifex non haberet potestatem monarchicam.

Verum neganda est sequela : Certum enim est, summum Pontificem posse ista omnia , sed non potestate absolutâ & illimitatâ , hoc sensu , quòd possit ad nutum auferre ab Episcopis omnem iurisdictionem ; hoc enim esset immutare modum regiminis à Christo in Ecclesia instituti ; sed potest summus Pontifex limitare , deffinire , & ob crimina auferre ab illo vel illo Episcopo iurisdictionem , deponendo illum , &c. vt constabit ex dicendis.

Sequitur 1674. Hanc auctoritatem Episcoporum ipso etiam iure Divino esse subordinatam auctoritati summi Pontificis. *O. usc. 1. cap. 63.*

Probatur sequela : In statu monarchico etiam temperato per aristocratiam , omnis auctoritas debet esse subordinata monarchæ: Sed status Ecclesiæ est monarchicus: Ergo in statu Ecclesiæ omnis auctoritas , atque adeo Episcopalis , debet esse subordinata auctoritati summi Pontificis ; alias enim per temperamentum aristocratix destrueretur Monarchia : quod est falsum ; quia sicut per Monarchiam non destruitur temperamentum aristocratix ; ita per aristocratix temperamentum non destruitur ratio monarchiæ.

Sequitur 1675. Possit summum Pontificem Christi Vicarium limitare dioc-

2. 2. q. 89. a. 2. ad 3.

1020 *Secundum Doctrinā*

ceses , limitare auctoritatem Episcoporum , putā reservando sibi certos casus , concedendo privilegia exemptionis à iurisdictione Episcoporum , recipiendo appellationes provocantium ad ipsum , conferendo beneficia , &c.

Probatur sequela : Omnis potestas monarchica , licet sit temperata per aristocratiam , potest limitare ac determinare potestates omnes sibi inferiores & subordinatas : Sed potestas Vicarij Christi in terris est monarchica , ex dictis : Ergo licet sit temperata per aristocratiam , poterit limitare ac determinare potestates omnes sibi inferiores & subordinatas , atque adeo Episcopalem , cum hæc , ut diximus , sit subordinata auctoritati summi Pontificis etiam ipso iure Divino.

Ibidem.

Sequitur 1676. Potuisse summum Pontificem sibi retinere auctoritatem circa canonisationem Sanctorum , approbationem religionum , largitionem indulgentiarum , & alia similia , quæ spectant ad regimen totius Ecclesiæ & omnium fidelium.

Probatur sequela : Qui habet supremam in Ecclesia auctoritatem , potest sibi retinere auctoritatem maximè circa illa , quæ spectant ad regimen & bonum totius Ecclesiæ : Atqui summus Pontifex habet supremam in Ecclesia aucto-

D. Thoma Principium. 1027

ritatem : Ergo potest sibi retinere auctoritatem circa illa , quæ spectant ad regimen & bonum totius Ecclesiæ , cuiusmodi sunt canonizatio Sanctorum , approbatio religionum , &c. Hæc enim ad commune bonum Ecclesiæ spectant : unde etiam in istis non potest errare, ut patet ex his , quæ diximus de decretis morum. .

Sequitur 1677. Posse summum Pontificem ea omnia præstare per seipsum ^{*Opusc. 1.*} in tota Ecclesia, quæ possunt inferio- ^{*c. 54. &*} res potestates. ^{*seq.*}

Probatur sequela : Potestas continens omnes alias , potest quicquid possunt aliæ , & aliquid amplius : Sed potestas summi Pontificis continet omnes alias potestates , quæ sunt in Ecclesia , sicut potestas monarchica continet omnes alias potestates , quæ sunt in illo statu : Ergo potestas summi Pontificis huiusmodi est, ut possit summus Pontifex per seipsum præstare in tota Ecclesia, quæ possunt omnes aliæ potestates ipsi inferiores.

Sequitur 1678. Posse etiam summum Pontificem per sibi delegatos ea omnia ^{*Ibidem*} præstare in tota Ecclesia, quæ ipse posset ^{*& 2 ad*} per seipsum , salvâ tamen semper ipsius ^{*Corinth 12*} principali & infallibili auctoritate. ^{*lect. 1.*}

Probatur sequela : Qui habet potestatem plenam summam & ordinariam, po-

test illam in toto districtu suæ iurisdictioni subiecto illam delegare, salvâ tamen semper principalitate, & eâ auctoritate, quam non potest alijs committere: Atqui summus Pontifex habet in tota Ecclesia plenam, summam, & ordinariam potestatem, ex dictis: Ergo potest illam alijs delegare, salvâ tamen principalitate, quâ potest delegatum revocare, illius acta annullare, &c. & salvâ infallibilitate, quam non potest alijs committere, quia est privilegium ipsi dignitati annexum.

In 4. dist. Sequitur 1679. Posse summum Pontificem dispensare in omnibus, quæ sunt iuris merè positivi.
¶ 7. q. 3. a.
3. ad 2.

Probaturs sequela: Qui habet plenitudinem potestatis, potest dispensare in omnibus, quæ iure positivo statuta sunt: Sed summus Pontifex habet plenitudinem potestatis in Ecclesia: Ergo, &c.

Idem. Sequitur 1680. Non posse Pontificem dispensare in ijs, quæ sunt propriè iuris naturalis & Divini.

Probaturs sequela: Quia ista sunt omninò extra totam potestatem. Verum ut hoc intelligantur: Advertendum est, quòd sicut in ordine naturali & physico tres veluti gradus inveniuntur; nimirum rei essentia, proprietas, & accidens commune, v. g. in homine repe-

ritur *essentia* scilicet, quòd sit animal rationale; *proprietas*, quòd nimirum sit risibilis; & *accidens commune*, puta quòd sit albus vel niger &c. ita in ordine morali & in iure etiam naturali tria quædam reperiuntur; primò principia prima & immediata, v. g. Bonum est amandum, malum est fugiendum; Quod tibi fieri non vis, alteri ne feceris: Secundò reperiuntur proprietates, id est, conclusiones immediatè ex his principijs illatæ, v. g. Iustitia est seruanda, furtum est fugiendum, Res aliena non est invito ipso domino attrectanda, &c. Tertiò reperiuntur quædam, quæ sunt veluti accidentia communia iuris etiam naturalis, v. g. Standum est promissis, &c. Sed in ordine physico ea, quæ sunt prioris generis, sunt ita immobilia, vt nec Deus ipse valeat oppositum facere: non enim potest Deus efficere, vt homo non sit animal rationale: quæ verò sunt secundi generis, sunt quidem immobilia respectu omnium agentium inferiorum, non tamen respectu Dei, qui potest proprietatem saltem non vitalem tollere à subiecto, cuius est *proprietas*, vt etiam in primo principio diximus. Denique, illa, quæ sunt in tertio genere sunt mutabilia, & agentium inferiorum subdita virtuti, ita nihilominus vt quodlibet agens iuxta

1024 *Secundum Doctrinā*

maiores & vniversaliorem virtutem possit plura vel præstantiora præstare : Ergo similiter in ordine morali etiam iuris quodammodo naturalis, prima principia ita sunt fixa & immobilia, vt nec Deus ipse possit illa immutare : quare non potest Deus efficere, vt bonum non sit amandum, malum fugiendum, &c. Proprietates verò, id est conclusiones ex huiusmodi principijs immediatè illatas, potest aliquatenus Deus solus immutare : vnde potest facere, vt iustitia non sit semper seruanda, quatenus saltem potest ob supremum dominium, quod habet, efficere, vt quod iustum erat, ipso aliter disponente non maneat iustum; & quod erat priùs furtum, non sit furtum, &c. Alia verò remotiora à primis principijs non sunt ita fixa, quin agentia secundaria, sub Deo & à Deo potestatem & iurisdictionem habentia, non possint iuxta maiorem & vniversaliorem virtutem & auctoritatem illa immutare : & sic potest aliquod agens inferius dispensare, ne quis stet promissis, &c. Quod ergo dicimus, est non posse summum Pontificem dispensare in his, quæ propriè sunt iuris naturalis vel Divini : illa verò dicuntur propriè iuris naturalis vel Divini in proposito, quæ pertinent ad primū vel secundū genus. Vnde

D. Thoma Principium. 1028

Probatur sequela: Quæ sunt prima principia practica, vel conclusiones ex his primis principijs immediatè consequentes, sunt propriè iuris naturalis: Sed summus pontifex non potest dispensare in primis illis principijs practicis, vel in ijs, quæ immediatè ex illis consequuntur, vt satis patet ex dictis: Ergo summus Pontifex non potest dispensare in his, quæ sunt propriè iuris naturalis. In alijs verò, quæ quidem habent fundamentum saltem remotum in iure naturali, magis tamen distant à primis principijs, vel determinantur per ius positivum, vel involuunt aliquid, quod auctoritatem superioris aliquo modo limitare videtur, potest summus Pontifex dispensare. Hinc est, quòd potest quidem Summus Pontifex dispensare in votis simplicibus, non tamen in votis solemnibus religionis approbatæ, de quo nos aliàs.

Sequitur 1681. Ad summum Pontificem spectare conuocationem Conciliorum generalium, si illa sint vtilia vel necessaria.

1.p.q. 34.

a.2 ad.2.

33.q.1.a.

10.pot. q.

10. a. 4.

Probatur sequela: Ad illum, qui habet summam in republica potestatem, spectant omnia, quæ sunt vtilia vel necessaria reipublicæ, vt patet: Sed summus Pontifex habet summam sub Christo in Ecclesia potestatem: Ergo ad il-

lum spectat convocatio Conciliorum generalium, si illa sit utilis vel necessaria.

Ibidem.

Sequitur 1682, Summum Pontificem debere præsidere in his Concilijs.

Probatur sequela: Qui habet summam in republica potestatem, debet præsidere in illis congregationibus, in quibus agitur de negotiis ad totam rempublicam spectantibus: Sed summus Pontifex habet summam in Ecclesia potestatem, ex dictis: Ergo, &c.

Ibidem.

Sequitur 1683. Summum Pontificem posse præsidere vel per se vel per suos legatos.

Probatur sequela: Qui debet præsidere, eò quòd habeat summam potestatem ordinariam, potest etiam auctoritatem præsidendi delegare, ut patet ex dictis supra: Sed summus Pontifex debet in Concilijs præsidere, eò quòd habeat summam in Ecclesia potestatem eamque ordinariam, ex dictis: Ergo, &c.

e. 2 q 184

art. 6.

Sequitur 1668. Summum Pontificem posse ac debere confirmare suam auctoritatem, quæ in concilijs statuta sunt.

Probatur sequela: Qui debet præsidere congregationibus tamquam caput & monarcha, debet etiam confirmare, quæ in illis statuuntur: Sed summus Pontifex debet præsidere concilijs tamquam

quam caput & monarcha : Ergo debet confirmare , quæ in illis statuuntur. Adde quòd , vt statim dicemus, hæc Concilia non habent infallibilitatem , nisi quatenus sunt vnum cum summo Pontifice.

Sequitur 1685. Concilia esse necessaria in Ecclesia. *De pot. q. 10. a. 4. ad 15.*

Probatur sequela : In statu monarchico temperato aristocratia sunt necessarij aliqui cœtus , ad quos optimates conveniant cum monarcha ad negotia totius reipublicæ ; Sed Ecclesia est status monarchicus temperatus aristocratia : Ergo necessarij sunt aliqui cœtus ad quos optimates , id est , Episcopi conveniant cum summo Pontifice ad negotia Ecclesiæ.

Sequitur 1686. Hæc concilia posse esse vel omninò generalia, vel nationalia , vel provincialia. *In e. diff. 44 q. 7. In 4 diff. 24. qu. 3. ar. 1.*

Probatur sequela : Cœtus illi , ad quos optimates conveniunt , vel sunt omnium omninò optimatum reipublicæ , vel aliquorum , qui sunt in aliqua natione vel provincia. Atqui Concilia sunt cœtus , ad quos optimates , id est , Episcopi conveniunt : Ergo vel sunt omnium Episcoporum , & hos cœtus vocamus concilia generalia ; vel sunt non omnium simpliciter , sed omnium ex aliqua natione , & hos cœtus vocamus

concilia nationalia ; vel sunt omnium ex aliqua provincia , & hos cætus vocamus concilia provincialia.

*De pot. q.
10. a. 4.*

Sequitur 1687. Hæc concilia , ut sint legitima , debere fieri ex auctoritate summi Pontificis.

Probatur sequela : Nulli cætus in statu monarchico possunt fieri pro ipso statu nisi auctoritate illius , qui est verus monarcha : Sed concilia sunt cætus optimatum in Ecclesia , quæ verè est status monarchicus , & hi sunt pro statu ipso : Ergo concilia debent fieri auctoritate summi Pontificis , qui ut Vicarius Christi est monarcha. Adverte tamen , quòd quandoque requiritur consensus expressus , quandoque sufficit tacitus & virtualis.

Ibidem.

Sequitur 1688. Ad hæc concilia per se loquendo vocandos esse solos Episcopos.

Probatur sequela : Ad cætus pro bono totius reipublicæ , per se loquendo , soli vocandi sunt optimates , & principes reipublicæ : Sed Concilia sunt cætus pro bono Ecclesiæ , quæ ut diximus est respublica monarchica temperata aristocratia : Ergo ad concilia vocandi sunt optimates & principes Ecclesiæ , qui , ut diximus , sunt Episcopi. Dixi autem per se loquendo , quia per accidens possunt etiam vocari alij , ut viri docti , & sancti ,

sicut etiam potest Pontifex tamquam supremus monarcha tribuere aliquibus auctoritatem non solum assistendi, sed etiam deffiniendi in concilijs: & sic de facto videmus illam collatam esse Cardinalibus etiam non Episcopis, Abbatibus, generalibus ordinum Religiosorum, qui omnes in concilijs deffinierunt nullo prorsus reclamante.

Sequitur 1689. Concilia generalia aliquando esse necessaria in Ecclesia. *ibid.*

Vt probetur hæc sequela: Advertendum est tres esse causas, ex parte corporis Ecclesiæ, ob quas debent convocari Concilia, videlicet, quando exoritur nova hæresis, quæ damnanda est; quando oportet reformare abusus quosdam generales; & quando necessarium est occurrere communi hosti reipublicæ Christianæ: Tres etiam sunt causæ ex parte ipsius summi Pontificis, propter quas convocanda sunt concilia; nempe schisma, hoc est, quando sunt plures in Ecclesia, quorum quilibet se gerit ut summus Pontifex; Hæresis vel suspicio non temeraria de hæresi in summo Pontifice; & dubium fundatum de electione ipsius summi Pontificis. Hinc ergo.

Probatur sequela: Quando causa convocandi concilium est omnino & absolute necessaria, ipsum etiam concilium

lium generale est simpliciter & absolutè necessarium : Sed causa convocandi concilium generale potest esse aliquando simpliciter & absolutè necessaria , ut patet in schismate, & in hæresi, aut suspicionem non temeraria de hæresi summi Pontificis , vel etiam in dubio de electione : Ergo tunc absolutè & simpliciter necessarium est Concilium generale.

Ibidem.

Sequitur 1690. Concilia etiam provincialia vel notionalia, quandoque posse esse absolutè necessaria.

Probatur sequela: Nam quando v.g. ad extinguendam hæresim convocari non potest Concilium generale , ob varias causas , puta pestem , bella , &c. necessaria tunc sunt concilia provincialia vel notionalia: quamvis enim possit Pontifex solus deffinire , ut iam superius ostendimus , nihilominus tenetur Pontifex summus adhibere consilium , ut mox dicemus , & potest contingere casus , in quo nisi adhibeat concilium provinciale aut notionale , non poterit extinguere hæresis.

2.2.q.1.a.
19.

Sequitur 1691. Concilia generalia legitima & legitimè procedentia in doctrina fidei vel morum errare non posse.

Probatur sequela: Concilia generalia unita cum summo Pontifice in doctrina fidei vel morum non possunt errare:

Sed concilia generalia legitima & legitime procedentia sunt illa, quæ sunt unita cum summo Pontifice: Ergo Concilia generalia legitima & legitime procedentia errare non possunt circa doctrinam fidei & morum. Maior patet ex dictis: quia summus Pontifex non potest errare in doctrina fidei & morum. Minor etiam constat, quia, ut diximus, concilia generalia debent convocari à summo Pontifice, qui debet illis præsidere, eaque confirmare.

Explicatur: Præsidere concilijs dupliciter potest intelligi, primò materialiter, quatenus summus Pontifex primus sedet, id est, primum occupat locum; & hoc debetur quidem illi, sed non sufficit. Secundò igitur præsidere est gubernare ac dirigere, ita ut concilium procedat secundum instructionem à summo Pontifice acceptam; & hoc modo Concilia generalia procedunt legitime, quando summus Pontifex præsidet, & tunc concilia illa errare non possunt; aliàs Pontifex erraret. Diximus autem illa errare non posse circa doctrinam fidei & morum; quia in ceteris non habent infallibilitatem, maxime verò in rebus facti non revelati, in quibus licet errarent, non sequeretur totam Ecclesiam errare circa fidem.

Sequitur 1692. Concilia etiam pro- *Ibidem*

1032 *Secundum Doctrinam*

vincialia confirmata à summo Pontifice esse omninò certa & indubia , ita vt nullum errorem contineant.

Probaturs sequela : Quia aliàs & ipse summus Pontifex erraret deffiniendo & confirmando.

*Opusc. 1.
cap. 65.*

Sequitur 1693. Summum Pontificem habere immediatè potestatem à Christo.

Probaturs sequela ex dictis supra : Vicarius habet immediatè potestatem ab eo, cuius est vicarius, maximè cum iste ; qui vices suas committit, nullum habet superiorem : Sed summus Pontifex est Vicarius Christi, qui in ratione summi sacerdotis nullum omnino habet superiorem ; vt ostendimus : Ergo Summus Pontifex habet immediatè potestatem & auctoritatem à Christo. Maior est evidens : quia ad solum principalem monarcham pertinet committere vices suas, & vt supra dictum est, oportet, vt is, cui Christus commisit vices suas sit vnus & singularis, vt regimen monarchicum, & vnitas fidei conservetur : vnde fieri non potest, vt Christus primò commiserit vices suas Ecclesiæ, quæ deinde illas transtulerit in aliquem singularem hominem.

*Idem 11.
189 ar. 2.* Sequitur 1694. Potestatem, quæ est in Ecclesiâ seorsim considerata à summo Pontifice & Vicario Christi, non esse.

potestatem, quæ sit formaliter vel suppletivè illa plena, quæ competit Vicario Christi.

Probatur sequela : Potestas monarchica non ab optimatibus vel populo originaliter derivata numquam potest plena cõpetere nisi monarchæ, non autè optimatibus, vel populo formaliter vel suppletivè : Sed potestas, quæ competit Vicario Christi est potestas monarchica, nec est derivata nisi ab ipso Christo immediatè : Ergo potestas, quæ competit Vicario Christi non potest plena competere optimatibus vel populo formaliter, vel suppletivè : arque adeo potestas, quæ competit optimatibus, vel populo & Ecclesiæ, vt consideratur seorsim à summo Pontifice & Vicario Christi, non est formaliter vel suppletivè illa potestas plena, quæ competit Vicario Christi.

Sequitur 1695. In tantum posse dici, quod in Ecclesia est potestas Vicarij Christi suppletivè, inquantum est in Ecclesia potestas eligendi illum Christi Vicarium. *Ibid & ad Habr 7. lect. 5.*

Explicatur. Christus Dominus, vt Ecclesia visibilis visibili modo regeretur, non potuit constituere vicarium suum nisi hominem mortalem, vt ex dictis colligitur : Igitur, ne ipsa Ecclesia usque ad finem sæculi duratura, recto

ac visibili regimine destitueretur, oportuit necessario, ut moriente Petro, cuius vices suas commiserat per seipsum immediate, esset in Ecclesia potestas aliqua, per quam aliquis alius morienti succederet, & sic regimen Ecclesiae per successores Petri, usque ad finem mundi propagaretur; Christus verò non determinavit modum illum electionis, sed ipsi Ecclesiae ac eius capiti iuxta varias rerum circumstantias determinandum reliquit. Hæc autem potestas subrogandi alium Christi Vicarium loco defuncti est aliquo modo potestas Vicarij Christi suppletivè, quia supplet & subrogat Vicarium Christi loco præmortui.

Probatur ergo sequela ex ista explanatione: Qui potest supplere & subrogare in officio & auctoritate alium loco mortui, potest dici habere potestatem illius officij suppletivè: Atqui in Ecclesia est potestas supplendi & subrogandi in officio Vicarij Christi alium loco mortui: Ergo in Ecclesia est potestas suppletivè ipsius Vicarij Christi. Maior patet. Minor probatur: quia, ut diximus, ad hoc, ut regimen Ecclesiae duraret, necesse erat, ut in locum defuncti alius substitueretur.

Ibidem.

Sequitur 1696. Ecclesiam non propterea conferre potestatem Christi Vicario, quia ipsum eligit.

Probat^{ur} sequela : Qui habet potestatem immediatè à Christo , non recipit illam mediantè aliquo alio tamquam conferente potestatem , sed solùm tamquam mediantè conditione sine qua non : Atqui Summus Pontifex habet immediatè potestatem à Christo , vt probatum est : Ergo non habet illam mediantè electione Ecclesiæ tamquam conferente potestatem, sed tantùm tamquam mediantè conditione sine qua non: atque adeo Ecclesia eligendo summum Pontificem non confert illi potestatem , sed solùm ponit conditionem sine qua non. Confirmatur ex differentia inter monarchiam Christi & alias monarchias , quia aliæ monarchiæ sunt institutæ iure gentium , & originem habent à populo consentiente ; vnde plures sunt diversi modi monarchiarum : Monarchia verò Ecclesiæ à solo Deo sumit originem, & debebatur Christo ex vi vnionis hypostaticæ ; vnde ipse fundans rempublicam Christianam , immediatè per seipsum & non ex solo consensu populorum confert potestatem Vicario suo.

Sequitur 1697. Potestatem Vicarij Christi esse summam omnium potestatum , quæ sunt in Ecclesia. *Opusc. I. cap. 65.*

Probat^{ur} sequela : Qui immediatè habet plenam & monarchicam potesta-

X x 5

tem à Christo, habet summam omnium potestatum, quæ sunt in Ecclesia; habet enim potestatem, ut vice Christi visibiliter regat; unde est fere eadem potestas ipsius, ac potestas Christi: Atque Vicarius Christi habet immediatè à Christo plenam & monarchicam potestatem, ut probatum est: Ergo habet summam omnium potestatum, quæ sunt in Ecclesia militante.

Ibidem. Sequitur 1698. Potestatem Vicarij Christi in hoc esse temperatam aristocratiam, quia tenetur Vicarius Christi maximè in certis casibus adiungere sibi optimatum consilium tamquam directivum.

Probatur sequela: Potestas plena & monarchica non potest alio modo esse temperata per aristocratiam, nisi ratione consilij & directionis optimatum, quam monarcha tenetur in casibus urgentioribus adhibere; aliàs, ut diximus, per aristocratiam tolleretur & non solum temperaretur monarchica. Sed potestas Vicarij Christi est summa & monarchica licet temperetur aristocratiam, ex dictis: Ergo &c.

Ibidem. Sequitur 1699. Hanc potestatem Vicarij Christi esse huiusmodi, ut non possit seipsum subijcere potestati coactivæ extrinsecæ alicuius alterius.

Probatur sequela: Summa & Mo-

narchica potestas, non potest se subijcere potestati coactivæ alterius; aliàs defineret esse summa: Sed potestas Vicarij Christi, quantum ad regimen visibile est summa & monarchica, ex dictis: Ergo non potest se subijcere potestati coactivæ alterius quoad spiritualia: quo non obstante ipse Christo subiectus est, qui potest illum subijcere, sicut Vicarius supremi Monarchæ ipsi Principi subiectus est.

Sequitur 1700. In casu hæresis ipsius Vicarij Christi convocandum esse concilium ad declarandum, vtrum sit hæreticus necne. *Ibidem*

Probaturs sequela: In casu evidentis periculi reipublicæ, debent convocari optimates, vt ipsi consulant: Sed casus, quo Vicarius Christi esset hæreticus, est sine dubio casus evidentis periculi Reipublicæ Christianæ: Ergo in tali casu debet convocari Concilium.

Sequitur 1701. In casu schismatis posse, ac debere convocari concilium.

Ex omnibus locis supra citatis.

Probaturs sequela: In casu necessario debet provideri reipublicæ ab ipso, qui potest, & qui est supremus omnium: Sed casus schismatis est casus omnino necessarius, id est casus, in quo necessario providendum est saluti & unitati reipublicæ Christianæ, vt est evidens ex dictis: nec potest illi sufficere.

ter provideri nisi convocando Concilium, ut constat ipsâ experientiâ: Ergo &c,

Ex iisdem

Sequitur 1702. In casu schismatis potestatem convocandi concilium esse penes Episcopos, & ijs nolentibus, vel non facientibus posse principes Christianos illud cogere.

Probatur sequela: In casu periculis reipublicæ ob defectum monarchæ tenentur optimates congregari, & illis recusantibus possunt alij, qui habent aliquam auctoritatem, ut constat: Atqui Episcopi sunt optimates Ecclesiæ, ut diximus, & illis non providentibus principes Christiani tenentur tueri & conservare Ecclesiam: Ergo &c.

Ex iisdem

Sequitur 1073. In eodem casu schismatis, nisi unus illorum, qui se gerunt ut summi Pontifices habeat ius clarum & evidens, omnes in schimate sibi arrogantes potestatem pontificiam tenentur sese deponere ac renunciare iuri suo.

Probatur sequela: Quia quilibet tenetur renunciare iuri suo ad conservandam rempublicam: eò quòd bonum reipublicæ est uniuersalius & Divinius; unde etiam videmus, quòd in corpore naturali manus sese exponit pro bono corporis.

Sequitur 1074. In casu schismatis eos

D. Thomæ Principium. 1309

qui sibi arrogant potestatem, si nolint renunciare iuri suo, deponendos esse, five potius declarandum esse à toto concilio, illos non habere summam potestatem.

Probatur sequela: Quia hoc necessarium est ad bonum totius Ecclesiæ, ut constat. Vnde Christus hanc in eo casu dedit potestatem Ecclesiæ; sicut & in casu, quo ipse Pontifex esset hæreticus aut de hæresi valde suspectus: In casu etiam dubij de electione, vel perpetuæ amenitiæ deberet ab Ecclesia provideri.

Sequitur 1705. Romanum Pontificem esse Christi Vicarium. *Opusc. 1. cap. 65.*

Probatur sequela: Successor D. Petri est Christi Vicarius: Sed Romanus Pontifex est successor D. Petri: Ergo Romanus Pontifex est Christi Vicarius. Major patet: Quia D. Petrus fuit institutus à Christo, ut ipsius Vicarius, sicut constat Matth. 16. & Ioannis 21. iuxta explicationem Patrum etiam Græcorum. Oportuit autem, quod Petrus moriens haberet successorem, ut ex dictis superius est evidens, quia in Ecclesia usque ad finem sæculi duraturâ, fuit necessaria illa potestas monarchica Vicarij Christi, ut demonstratum est: Ergo debuit Petrus habere successorem in hoc officio Vicarij Christi: Successor ergo Petri est Vicarius Christi. Minor

Iren. lib.
3. cap. 2.
Tert. cap.
22. de pra-
script.
Cyp. lib. 1.
Epist. 1. &
lib. 4.
Epist. 2.
Euseb. in
Chron. an-
no 44.

Iren. loc.
cit.
Epiph. ha-
res 68.
Ambr. in
2. Apo-
logo.
Basil. Ep.
52.
Nazian.
in carm.
de vita sua
Chrysost.
Epist. 1. &
2. ad Innoc
Theodo-
ret. Epist.
ad Leon.

verò probatur : quia Petrus fuit Episco-
 pus Romanus , & Romæ mortuus est ,
 ut testantur Irænæus , Tertulianus, Cy-
 prianus, Eusebius & alij. Concilia quo-
 que generalia Nicænum can. 6. ut ex-
 plicat Nicolaus 1. Epist. ad Michaellem
 Constantinopolitanum 1. apud Theo-
 doretum lib. 5. cap. 9. Ephesinum apud
 Evagrium lib. 1. cap. 4, Et ipsum Con-
 cilium Epist. ad Celestinum. Calcedo-
 nense act. 1. 2. & 3. & in Epist. ad Leo-
 nem. Septima Synodus act. 2. Concil.
 Lateran. sub Innocentio 3. cap. 5. &
 Lugdunense sub Greg. 10. cap. *Vbi pe-*
riculum de elect. Hæc inquam Concilia
 Romanum episcopum declarant esse
 Vicarium Christi. Idem docent Patres
 etiam Græci, ut Iræn. epiphanius. At-
 thā. Basil. Nazianzenus, Chrysost. Theo-
 doretus & alij. Præterea Romanus
 Pontifex exercuit hanc auctoritatem
 Vicarij Christi , ut patet ex Concilio
 Calcedonensi act. 7. Ex S. Leone Ep.
 54. 84. & 87. Greg. Lib. 4. Epist. 34.
 Cyprian. lib. 3. Epist. 13. Nicolao 1.
 Epist. ad Michaëlem. Liberato in Bre-
 viario cap. 21. Zonara in vita Iustiniani.
 Gelasio 1. Epist. ad episc. Dardaniæ
 Theodor. lib. 5. cap. 23. & alijs. Con-
 firmatur ex legibus, dispensationibus,
 censuris latis ab ipso, ut patet ex Leon.
 Epist. 1. Hilario in Conc. Rom. Anastasio

D. Thoma Principium. 1041
 epist. ad Anast. Aug. & alijs. Romanus
 etiam Episcopus constituit Vicarios per
 vniuersum orbem. Leo epist. 84. Episco-
 pum Thessalonicensem in oriente, Ce-
 lestinus Cyrillum Alexandrinum in
 causa Nestoris, Hormisdas Episcopum
 Hispalensem in Boetica, Gregor. Arcla-
 rensem in Gallia. Ad Romanum Epis-
 copum appellatum est, vt constat ex Con-
 cilio Sardicensi can. 4. & 7. & ex Epipha-
 nio hæres. 42. Cypriano ep. 3. & 4. lib. 1.
 Zozomeno l. 3. c. 7. Chrysostom. epist. ad
 Innocen. Liberato in Breviario cap. 12.
 Theodor. epist. ad Leonem. Gregor. l. 2.
 epist. 6. Denique Romanus Pontifex à
 nemine iudicatur: Ergo habet summam
 in Ecclesia auctoritatem. Consequentia
 est evidens. Antecedens patet ex Con-
 cilio Sinüeffano dicente. *Prima sedes à
 nemine iudicatur.* Idem dicit Conci-
 lium Rom. sub Sylvestro can. vlt. & aliud
 Roman. sub Sixto 3. cap. 5. Calcedon.
 act. 3. Roman. sub Adriano 2. Concil. 4.
 Constantinopolitanum act. 10. can. 21.
 Romanus Pontifex dicitur Pater Pa-
 trum; Pontifex Præfulum; Princeps
 Sacerdotum; Vicarius Christi, caput
 Ecclesiæ; Episcopus vniuersalis in Con-
 cilio Calcedonensi act. 3.

Sequitur 1706. Romanum Pontifi-
 cem posse omnia, quæ supra diximus, *Opusc. 1. 4*
 posse Vicarium Christi. *cap. 6 51.*

Probatur sequela : Quia ipse est Christi Vicarius , vt iam dictum est.

Ibid.

Sequitur 1707. Romanum Pontificem iure Divino nullum habere dominium temporale.

Prob. seq. Quia licet Christus fuerit Rex & monarcha , ob summam dignitatem humanitati ex vnione hypostatica convenientem ; numquam tamen hanc suam dignitatem in Petrum transtulisse legitur ; imò nec transferre propriè potuit iuxta suavem providentiam ; quia illa ipsi conveniebat ob vnionem hypostaticam : vnde Christus ipse dicit,

Matth. 23.

Marc. 12.

Luc. 20.

Reddite , quæ sunt Caesaris Caesari ; & quæ sunt Dei, Deo. Adde, quòd ipse Christus , quamvis vt homo esset verus Rex de iure , numquam tamen de facto huius dominijs vsum & exercitium habuit , imò cum vellent populi eum constituere Regem , fugit , vt constat ex Evangelio.

Ioan 6.

Ibidem.

Sequitur 1708. Romanum Pontificem potuisse ex dono principum habere dominium temporale.

Probatur sequela : Quia nullo iure repugnat , Romanum Episcopum donare sibi & Ecclesie nomine possidere : cur enim deterioris conditionis esset , quàm ceteri hominum , qui iure naturali possunt possidere & acquirere?

Sequitur 1709. Falsò & impiè hare-

D. Thoma Principium. 1043

ricos dicere, quòd Romanus Pontifex est Antichristus.

Probatur sequela: Impium omninò *Ex eod. loco* est asserere, quòd Vicarius Christi sit Antichristus: Atqui, ex dictis Romanus Pontifex est Vicarius Christi: Ergo impium est asserere, quòd sit Antichristus. Confirmatur: quia in doctrina fidei & morum Romanus Pontifex est omninò oppositus Antichristo: vt enim constat ex Scriptura Dan. 11. Ioan. 5. 2. ad Thessal. 2. & 1. Ioan. 2. Antichristus se solum Deum esse affirmabit, solum & verum Messiam, & Christum, adeoque recipietur à Iudæis tamquam Messias; vnde Christi nomen conabitur prorsus abolere: nihil autem horum docet Romanus Pontifex, imò plane oppositum: cum enim dicat se Vicarium Christi, quem colit, & præcipit colere tamquam verum Deum, sine dubio doctrina ipsius est prorsus opposita doctrinæ Antichristi. Confirmatur secundo: Ante aduentum Antichristi Evangelium prædicabitur in vniuerso mundo; desolabitur omninò Romanum imperium; venient tempore Antichristi Helias & Henoch; tanta erit persecutio, vt cessent omnes publicæ religionis Christianæ ceremoniæ & sacrificia: Antichristus non regnabit nisi per tres annos & dimidium, & paulò post Anti-

*Math. 24.
& 27.
Dan. 2. 7.
& 12.
Apocal.
13. 15. &
20.
2. ad
Thess. 2.
Malac 4.
Eccli 44.
& 48.*

1044 *Secundum Doctrinā*

christum erit mundi consummatio : hæc
autem non possunt convenire Pontifici
Romano, ut manifestè constat: Ergo &c.
Verum hæc omnia in sequenti tomo
fusiùs exponentur : sed priùs vñsum est
de alijs agere , ut congruus ordo ser-
vetur.



